



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
731/A/1





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
731/A/1



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
731/A/1



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
731/A/1

L. xvi. Bez

731/A/1

2000


731 (1)
A/1


2676


(2)


1.) Barchinies


2.) Gans




















69410(1)

CASPARI
BAVHINI
BASIL. D.

HEIVSDEMQ. ACADEM.
ANATOM. ET BOTANIC.
Professor, Ordin.

De

LAPIDIS BEZAAR
ORIENT. ET OCCIDENT.
CERVINI ITEM ET
GERMANICI

ORTV, NATVRA, DIF-
ferentijs, veroque ysu

EX

Veterum & Recentiorum placitis

LIBER

hactenus non editus.

SSO

BASILEÆ

Apud CONR. WALDKIRCH,

Anno M DC XIII,





ILLVSTRIBVS ET GE=
NEROSIS

DN. PRZETCHIO.

DN. SMILO.

DN. BOHVSLAWO.

DN. ADAMO.

LIBERIS BARONIBVS
AB HODDIEGOVA.

HVNC

de

LAPIDE BEZAAR

LIBRVM

in noui incuntis

ANNI M DC XIII.

foelicifs. auspici.

CASPAR BAVHINVS

Anatomic. & Botanic.

ILLVST. DVCIS WIRTENBERG.

MEDICVS

OBSER. ET AMOR.

monum.

ΤΤΧΗ ΚΑΙ ΠΟΝΩ

offert.

XC



EPISTOLA DEDICATORIA



*TSI C. Plinij, naturalis histo-
ria scriptoris sagacissimi sen-
tentia, ILLUSTR. & GENE-
ROS. DOMINI BARONES,
vera sit: ex quolibet horto, aut herbam,
aut fruticem in Medicum usum peti posse:
ita ut medicamenta ex longinquis regio-
nibus petere, minimè necessum videatur.
Attamen, cum plurimi eo sint genio & in-
genio, ut domi natis acquiescere nolint, si-
ue alimenta sint, siue medicamenta (quos
varietas delectat, & quibus cara grata
sunt) sed exotica, quæ ex India, Arabia,
alijsq; peregrinis regionibus asportantur,
expetant. Hinc factum, quod LAPIS BE-
ZAZAR, qui ab Arabibus primum, & qui-
dem ante annos circiter Septingentos, in-
uentus, nunc verò ab annis circiter sexa-
ginta ab Europæis usitatus, tanquam Uni-
uersale aduersus quavis Venena, Febresq;
mali-*

DEDICATORIA.

malignas, remedium expetatur. Ast cum lapis hic non modo quibusvis Gemmis, sed etiam Auro praferatur, & plures, quid de eo nobis videretur, sententiam efflagitarent: quo de hoc certi essemus, partim ut agris hoc ipso, quando opus esset, inseruire, partim verò petentibus respondere possemus, in Lapidis huius naturam, verumq; usum, summo studio inquirere voluimus, & licet scriptum hoc in tertium annum presserimus, attamen, ut plurimorum gravissimorum Virorum frequentioribus petitionibus satisfaceremus, nunc Libellum hunc publici iuris facimus: non solum ut quid de eo statuendum sit, & quomodo in agrorum utilitatem rectè adhiberi possit, constet: verum etiam ut eadem opera, Principum & Magnatum Archiatris ansam subministremus, Dominos suos rogandi & monendi, ut Venatoribus suis sedulò mandent, ut in inquirendo Bezare Germanico, omnem diligentiam impendant, idq; tam in proprium, quam suorum subditorum usum. Nobis enim, ex divina clementia, duplex est Bezar: alterum

EPISTOLA

quod à Cernuo, alterum quod ex Rupicapra
habetur. Ex Cernuo quidem, siue considere-
mus viscosam illam materiam quæ in o-
culorum Cerui angulo interiore reperi-
tur, quam in Orientalibus ceruis Auen-
zoar, in Sicilia, Scribonius Largus reperi-
ri asserit, Sordes appellans, quas eius loci
venatores ad Scorpionum ictus & morsus
asseruabant: quas Sordes etiam in Ger-
mania, Langius, alijsq; notarunt. Siue lo-
quamur de Cerui lacrymis effusis & in la-
pideam duritiem, eodem in angulo concre-
vit, quemadmodum Theomnestus, veteri-
narie Medicinæ grauis auctor scriptum
reliquit, & inter recentiores Christopho-
rus Encelius Germanus, l. Caesar Scaliger
Italus & Ioannes Bodinus Gallus, nota-
runt, & ad omnis generis Venena, ad imi-
tationem veterum commendarunt. Siue
deniq; sermo sit de Lapide in Cerui ven-
triculo, ceruæ utero reperto, qui Phy-
lacterium est pregnantium, Sexto Philo-
sopho Platónico docente, qui etiam Con-
stancino Africano auctore, mulieres con-
ceptui aptas reddit. His enim vim Alexi-
teriam

D E D I C A T O R I A.

teriam inesse, quis quæso dubitabit, cum
 ossiculo quod in Cerui corde reperitur, v-
 no ore, magnog^q consensu omnes talem fa-
 cultatem tribuant? Sic, cum in Rupica-
 pris siue Damis pila reperiantur, gratissi-
 mum odorem, ex suauissimis & optimis
 herbis depastis, spirantes, quarum vsum
 & in morbis malignis, & in agrè partu-
 rientibus, tanquam singulare remedium
 commendant: utinam in ijs non tam in-
 quirendis, quam viribus illarum inda-
 gandis diligentiores essemus, inprimis ijs,
 quibus ob Alpes vicinas illarum copia sup-
 petit. Hac enim ratione & nobis non de-
 esset Bezaar domesticum, sicq^q non solum
 magnatibus & diuitibus, sed etiam paupe-
 ribus (quorum Medico Christiano non mi-
 nor cura esse debet) rectè mederemur: nec
 de adulterio quod in Lapide Bezaare In-
 dico committitur, metuendum foret. Sed
 quia de his pluribus in ipso tractatu egi-
 mus, & solum causam suscepti laboris hic
 attingere volumus, subsistamus. Quod
 verò ILLVST. D. BARONES, libellum
 hunc meum, mole quidem paruum, re ve-

EPISTOLA

ro & materia qua tractatur magnū, vobis inscribere volui, plura me mouere. Primo quidem Familia vestra splendor (Magnos enim magna decent) de cuius splendore & Auorum in patrie Regnum meritis, dicerem, nisi id ipsum ab alijs Viris Clarissimis, qui suos labores & Sigena & Heidelbergæ & alibi vobis nuncuparunt, abunde factitatū esset: quare tacere malo, quam vel pauca, ne nil dixisse videar: vel multa, ne adulationis notam incurram, dicere. Metuens ne mihi idem contingat quod Sophistæ cuidam, Plutarcho in Moralibus referente, Herculis encomium recitaturus, cui Antalcidas Spartanus obiecit, dicendo, Quis verò Herculem vituperat? Superuacaneum ratus, eius laudationem ab ipso proponi, cum iam antea omnium calculo esset laudatissimus. Dein, ob singularem vestram & pietatem, & modestiam, & in studijs diligētiam, tam Sigena, quàm Heidelbergæ & etiamnum Basileæ satis probatam. Tum, ob singularem in omnes, præsertim literatos, humanitatem & affabilitatem, qua etiam me hætenus

com-

DEDICATORIA.

*complexi estis : praeunte vobis exemplo
suo Nobiliss. & Præstantiss. Viro D. IO-
HANNE FILICZKI de FILEFALVA
Ephoro & moderatore vestro vigilantis-
simo, vos ut Auorum vestrorum præ-
clarissimis vestigijs insistatis, sedulo hor-
tante. Quare Patrem Patrumq; viros in
Regni Bohemiae consilio olim amplissimos,
hæc Maronis vobis ingeminare perpetuò
seriò putate:*

*Disce puer virtutem ex me verumq; laborem
Tu facito mox, cum matura adoleuerit ætas,
Sis memor, & te animo repetentem exempla
tuorum,*

Et pater Aeneas & auunculus excitet Hector.

*& abunde vobis ad virtutem calcar erit. Ad
quæ à Trinuno DE o felicissimū successum
opto, & ut hunc meum qualemcūq; labo-
rem, tanquam animi officiosissimi erga vos
monumentum, serena hilariq; fronte, in
modo ingressi anni auspicia, quem fortu-
natissimum faxit Dominus, accipiatis, su-
scipiatis & tueamini, quantum possum ro-
go, & obtestor, meaq; simul officia prom-
ptissima defero. BASILEAE XVII. Ian.
(qui mihi natalis est.) c l o l o c X l l l.*

) (s



Π Ι Ν Α Ξ.

EORVM QVORVM O-
PERA VSI SVMVS.

A

A B D A L A Anarach Medicus
Arabs.

Adamus	Lonicerus.
Albertus	Magnus.
Alexander	Massaria.
Amatus	Lusitanus.
Ambrosius	Paræus.
Andreas	Alpagius Bellunēsis.
Andreas	Baccius.
Andreas	Cæsalpinus.
Andreas	Dörerus.
Andreas	Lacuna.
Andreas	Libavius.
Andreas	Theuetus.
Andromachus	
Anshelmus	Boetius.
Antonius	Fornesius.
Antonius	Fumanellus.

Antoni-

Antonius	Guaynerius.
Antonius	Mizaldus.
Antonius	Musa Brassauolas.
Antonius	Portus.
Antonius	Schnebergerus.
Aristoteles.	
Arnoldus	Manlius.
Arnoldus	Villanouanus.
Auenzoar	Arabs.
Auerroes.	
D. Augustinus.	
Auicenna.	

B

Baldus	Angelus.
Bernhardus	Paludanus.
Bernhardus	Penottus.

C

Carolus	Clusius.
Christophorus	Acosta.
Christophorus	Encelius.
Christophorus	Hueblin.
Claudius	Galenus.
Claudius	Ptolomæus.
Claudius	Richardus
Conradus	Gesnerus.

Conradus Heresbachius.
Constantinus Africanus.

D

Daniel Sennertus.
Daniel Propheta.
Diomedes Amicus.
Diomedes Cornarus.

E

Emanuel Tremellius.
Euax Arabs.
Empedocles.

F

Felix Platerus.
Ferdinandus Lopez.
Ferdinandus Ponzettus Cardi-
nalis.
Ferrandes Imperatus.
Franciscus Iunius.
Franciscus Valefius.

G

Gabriel Fallopius.
Gabriel Hummelbergius.
Garzias ab Horto.
Gotthardus Arthus.
Gregorius Bertinus.

Grego-

Gregorius	Horstius.
Gualtherus	Ryff.
Guido	Pancirollus
Guilhelmus	Fabricius.
Guilhelmus	Gratarolus.

H

Hali	Abbas Arabs.
Hali	Rhodan Aegyptius.
Hamed	Ebêreriphus Arabs.
Henricus	à Bra.
Henricus	Dobbinus.
Henricus	Ranzouius.
Henricus	Salmuth.
Hercules	Saxonia.
Hesiodus.	
Hieronimus	Briscianus.
Hieron.	Capeuaccius.
Hieron.	Cardanus.
Hieron.	Mercurialis.
Hieron.	Montuus.
Hieron.	Reusnerus.
Horatius	Augenius.
Hortus	Sanitatis.

I

Ioachimus	Camerarius.
	Ioachi-

Ioachimius	Schillerus.
Ioannes	Agricola.
Ioan. Antonius	Sarracenus.
Ioan.	Arculanus.
Io. Baptista	Montanus.
Ioan. Baptist.	Syluaticus.
Ioan.	Bauhinus.
Ioan.	Bodinus.
Ioan.	Caluinus.
Ioan.	Collerus.
Ioan.	Costæus.
Ioan.	Crato.
Ioan.	Fernelius.
Ioan.	Fragosus.
Ioan. Georgius	Agricola.
Ioan. Georgius	Schenckius.
Ioan.	Gorræus.
Ioan.	Günterus Ander-
nacus.	
Ioan.	Heurnius.
Ioan.	Hugo à Linscotten.
Ioan.	Kentmannus.
Ioan.	Langius.
Ioan.	Manardus.
Ioan.	Matthæus.
	Ioan.

Ioan.	Mesues.
Ioan.	Porta.
Ioan.	Renodæus.
Ioan.	Schenckius.
Ioan.	Weckerus.
Ioan.	Wittichius.
Iosephus	Acosta.
Iosephus	Quercetanus.
Israel	Spachius.
Iulius	Cæsar Scaliger.
Iuuenalis.	

L

Leonhardus	Rauvvolff.
Leuinus	Lemnius.
Ludouicus	Gyon.
Ludouicus	Mercatus.

M

Marfilius	Ficinus.
Martinus	Rulandus.
Matthias	Syluaticus Pande-
etarius.	
Michael	Döringius.
Moyles	Kimhi.

N

Nicolaus	Agerius.
----------	----------

Nicolaus
Nicolaus

Florentinus.
Monardes.

O

Oppianus.
Ofualdus

Crollius.

P

Paulus
Paulus
Petrus
lus.

Aegineta.
Cigalinus.
Andreas Matthio=

Petrus
liator.

Apponenfis Conci=

Petrus
Petrus
Philibertus
Plinius.
Plutarchus.

Forestus.
Hispanus.
Sarracenus.

Q

Q. Serenus

Samonicus.

R

Raby
Reinerus
Rhafis
Robertus
Rodericus
Sanctes

Moyfes.
Solinander.
Arabs.
Guagninus.
à Caftro.
Ardoynus.

Scribo-

Scriboni

Serapio

Sexu

Sim

Sim

Sim

Socrates

Silinus.

Thebir.

Theom

Thomas

Tiphali

Valefcus

Vitalis

Vlyfes

Wolfig

Xenoph

Zach

1702	Scribonius	Largus.
1732	Serapio	Arabs.
1892	Sextus	Philosophus Plato-
	nicus.	
mi2	Simon	Ianuenfis.
mi2	Simon	Mayolus.
oo2	Socrates.	
lo2	Solinus.	

T

thio	Thebir.	
Cont	Theomnestus.	
mi	Thomas	Iordanus.
giT	Tipthasi	Arabs.

V

leV	Valescus	de Taranta.
viV	Vitalis	à Furno Cardinalis.
iv	Vlyffes	Aldroandus.
W	Wolffgangus	Gabelchouer.

X

oX	Xenophon.	
----	-----------	--

Z

es	Zacharias	Belinus à Belfort.
----	-----------	--------------------

(3)

ARGVMENTA
CAPITV M.

- D**E nomine Bezaar cap.1.pag.5.
 De Lapidis Bezaar differentiis c.2. p.15.
 De Lapide Paxar ex capite animalis exempti: si-
 mul & de lapide Aspidis & Buffonis. cap.3. p.17.
 De Lapide Malacensi, ex vesica fellea hystricis ex-
 empto. cap.4. pag.21.
 De Lapide Bez aar metallico siue minerali Sera-
 pionis, Rabi Moysis & Casalpini. cap.5. pag.25.
 De Bezoare minerali Saxonia. cap.6. p.28.
 De Lapide ex Cerui lacrymis condensato. c.7. p.32.
 Descriptio Lapidis Bezaar ex cerui lacrymis con-
 densatis geniti. cap.8. pag.50.
 De lapidis Bezoaris ceruini vsu & exhibendi mo-
 do. cap.9. pag.51.
 Qui lapidem ex lacrymis cerui condensatū agno-
 scant, & qui eū ab altero distinguant. c.10 p.57.
 De lapide in Ceruo, ceruaue genito. cap.11 pag.61.
 De pila in ventriculo Vituli. cap.12. pag.64.
 De pila Rupicapra, siue Bezoare Germanico.
 cap.13 pag.67.
 De lapide in equo. cap.14. pag.71.
 De lapide Bezaar ex Arabum sententia. c.15. p.72.
 De lapide Bezaar recentiorum. cap.16. pag.92.
 Animalis nomen & forma. cap.17. pag.95.
 Locus vbi animal hoc reperitur. cap.18. pag.100.
 Locus in animali vbi lapis hic reperiatur. cap.19.
 pag.105.

Mate-

Materia huius lapidis. cap. 20. pag. 107.

Generationis modus. cap. 21. pag. 112.

*Quo tempore generetur & de huius lapidis lami-
nis. cap. 22 pag. 118.*

*De forma, colore, odore & sapore lapidis. capit. 23.
pag. 122.*

De magnitudine, pondere & pretio, cap. 24. p. 127.

*An & quomodo lapides hi adulterentur. cap. 25.
pag. 133.*

*Quibus notis siue signis legitimos cognoscere, au-
ctores doceant. cap. 26. pag. 140.*

*Quid propositis signis tribuendum sit, Syluatici
opinio, & quibus signis in vero dignoscendo
Medicus uti debeat. cap. 27. pag. 154.*

De lapidis huius temperamento. cap. 28. pag. 170.

*De lapidis Bezaaris veri dosi, siue quantitate. ca-
pite. 29. pag. 176.*

*De parte qua exhiberi debet, tempore, persona &
utendi modo. cap. 30 pag. 183.*

*Quomodo sanitatem conseruet, & sudorem pro-
moueat, & num utiliter id fiat. cap. 31. pag. 191.*

Quibus in morbis vsurpari debeat. cap. 32. pa. 194.

An in febribus ipsius vsus sit. cap. 33. pag. 202.

*An in peste huius vsus esse possit, & in affectibus
externis. cap. 34. pag. 206.*

*Contra venena quid possit lapis Bezaar. cap. 35.
pag. 214.*

*Historia plures eorum qui hoc lapide feliciter vsi
sunt. cap. 36. pag. 221.*

*Qui hunc lapidem non magni faciant, vnà cum
Historiis, eorum qui sine fructu vsi sunt. capit. 37.
pag. 243.*

*De lapide Bezaar Occidentali siue Peruuiano. ca-
pit. 38. pag. 253.*

*De Vicunnas & Taraguas in Peru, animalibus in
quibus Bezaar reperitur. cap. 39. pag. 255.*

*De Pacos, Guanacos & ouibus Peruanis. ca. 40.
pag. 258.*

*De loco in animali in quo lapis hic reperitur. cap.
41. pag. 261.*

*De lapidis huius materia & generationis modo.
cap. 42. pag. 263.*

De huius lapidis differentiis. cap. 43. pag. 266.

*De lapidis Bezaar occidentalis facultatibus, quã-
titate & vtendi modo. cap. 44. pag. 271.*

Quibus in morbis huius vsus esse possit. c. 45. p. 273.

De lapide Bezaar ex Hispania noua. ca. 46. p. 278.

*Appendix in qua de Bezaardico animalis & Be-
zaardico minerali recentiorum breuibus agitur,
pag. 283.*

DE

DE LAPIDE BEZAHAR.

AD NOBILEM CLARISSIMVM
VIRVM DOM. CASPARVM
BAVHINVM Anatomicum Botani.
cum Med. Professore Acad. Basiliensis
celeberrimum.

A *Ut nihil, aut aliquid Bezahar; BAVHINE quid
inquis?*

Est nihil, id dices, & tamen est aliquid.

*Quod tanti pretii res sit, quæ cuncta venena
Abstrusis superet viribus, id nihil est?*

*Sil nihil: est aliquid sic ludi & ludere posse
Humanum in rebus tam nihili ingenium.*

Ut nihil esse putem, suadent monumenta vetusta.

Et variis variè dissona scripta viris.

*Hic hircum lapidis, capram facit ille parentem,
Accepta hic ceruo præmia tanta refert.*

*Deripit hic lapidem ex oculis, exenterat ille
Ventriculum; guttur diffecat ille canum.*

Quod si ergo est aliquid, quid Iupiter inuide nobis.

Non etiam tales dasq; creasq; capras.

Sunt nobis virides montes & amœna vireta:

Sunt Hederae & Cytisi, sunt Salicumque comæ.

Nec Machaoniades desunt ex asse periti,

Inuestigantes quicquid hic Orbis habet.

Corpora quicq; secant hominum, pecudumq; ferarum,

Et monstrant vulsis carnibus ossa suis.

Ergo age me, BAVHINE, doce, dubiumque resolve:

Anne lapis Bezahar sit nihil, anne aliquid.

IOAN. FAVTSCHIVS Med.
Doct. & Profefs. Acad. Fribur-
gensis Brisg.


~~~~~

DE PRETIOSISSIMO  
INDORVM LAPIDE BEZAAR ET IN-  
defessa in eo peruestigando industria  
excellētissimi Viri D.D. Ca-  
spari Bauhini, &c.

**B**EZOAR indomitos vitæ, cordisq; tyrannos,  
Toxica vi nunquam deficiente domat.  
*Vipera nil dentis, nil cauda Scorpius ictu*  
Officit: effæta & nunc Aconita iacent:  
Nunc Rex, nunc Hostis sua sumit fercula tutus:  
*Illiaq; in cassum Thrax sua tela ferit.*  
Hæc dat Indus opes: sed opem parat inde salubrem  
BAUHINI solers, fida, perita manus.  
Indica visceribus gemmam ferruminat imis  
Dama: ubi detractas ruminat ora dapes:  
At iterum ingenio, Methodoq; resoluit eandem  
BAUHINVS; vires intimiusq; probat.  
Quas ferat Eous: quas præcreet Hesperus: utque  
Vi variant: superent deficient ve, docet:  
Vi subito Vitæ scatebras munimine firment:  
Ne furtim accelerent subdola Philtra necem.  
En horas etiam, & pondus, moriture, modumque  
Antidoti, citò te, quo inearis, habe:  
Et mecum ex animo, tanto pro munere rerum,  
Opta, BAVHINVS secla superstes agat:  
BAUHINO, cuius resonat sat fama per Orbem,  
Summe DEVS larga quæque repende manu.

Observantiæ ergò p. NICOLAUS  
AGERIVS, Philos. & Med. Doctor  
apud Argentinenses.



ALIVD.

**S**unt plantæ, credas, vitæq; lethum;  
 Venena sunt, sunt pharmaca;  
 En morsus cordis dedit Phæbo,  
 Vitare si solers velis,  
 Cognoscas solers æna morbi,  
 Cognosce solers pharmaca,  
 Ut lædant pectus toxica tela,  
 Ut lædat anguis viscera,  
 Quæ gignat ceruus, ceruæq; saxa,  
 Quæ dama gignat marmora,  
 Incertus Phæbus fluctuat hicce,  
 Incertus est Asclepius,  
 Hic mens dormiscit, nescia rerum,  
 Hic clara turris Dædalo;  
 Hic prolem damæ, Bezoar esse  
 Putat, capræ hic, cerui putat;  
 Hic scriptis laudat, culpat & alter,  
 Hic, Bezoar, dicit, domat  
 Quæ lædunt pectus dira aconita,  
 Hic Bezoar virus vocat;  
 Ceruini hic quærit pondera saxi,  
 Incerta scribit pondera;  
 Ceruini saxi colligit alter  
 Notas labore plurimas,  
 Hic usum monstrat, sed negat alter,  
 Effecta dum verbis negat.  
 Dum incertus Ponti cæcula sulcas,  
 Hanc Castor, hanc Pollux tibi,  
 Hanc Phæbus Phæbe & lumina spargunt,  
 Et umbra Pontum contegit,  
 Si magnus nullus, cymba per undas  
 Si fluctuet, rauco Notho,  
 BAVHINVM Phæbum consule magnum,  
 Lucet Sophis hic vnicus,  
 Quod Phæbus cælis & soror alma,  
 BAVHINVS hoc medentibus;



1582.1594.  
& 1610.

Quod Pollux Nautis, Castor & Vrsa,  
BAVHINVS hoc medentibus,  
Quod magnes Nautis, hoc tibi solus  
BAVHINVS est perinclutus,  
Quid magnus Mundus, parua figura  
Mundana, quid sit, edocet.  
BAVHINVM Phæbum consule magnum,  
Quid Bezoar sit, edocet;  
His scriptis spargit munera Floræ,  
Et mortis atræ spicula  
Ostendit tibi, quam altus Apollo  
In rura mittit phæbica,  
Morborum ut cedant agmina, Nil  
In prole, scribit doctius.  
Triplam, sic pestem, cælitus ortam,  
BAVHINVS arte depulit.  
Hunc Phæbum magnum, suspice, castra  
Sequutus es qui Phæbica;  
Huic Phæbo magno, secula Phæbus  
Ex arcibus mittat Poli,  
Huic Phæbo magno, Phæbica proles  
Et frutices sacros dicet,  
Et ponat Phæbo saxa, colossos,  
Sit sancta laurus Delphica;  
Hoc scripsit metron curia Thalia,  
BAVHINE te summè colens;  
Quod latæ, DOCTOR, suscipe fronte,  
Per scripta Musas & doce.

Observantiæ & æuiterni  
cultus arrham. p.

Ioan. Henrichus Frölich. p. Cæs.  
& M. D.





CASPARI BAVHINI  
BASIL. IN SVVM  
de Lapide Bezaar  
LIBRVM

P R Æ F A T I O.



VANTA, quamq; immensa  
sit DEI OPT. MAX. erga  
humanum genus misericor-  
dia, & benignitas, in reme-  
dijs humano generi saluta-  
ribus producendis, siue Her-  
bæ sint, siue Lapides, siue Metalla, siue Gum-  
mata, Resinæve, siue Ligna, quæ quotidie in  
nostram notitiam perueniunt, notius est,  
quàm vt pluribus ostendere, necessum sit: vt  
non immeritò Ioannes Mesues suum Graba-  
din, Medicinarum particularium tali senten-  
tia exorsus sit: Sanat solus languores Deus,  
& de frugalitatis folio produxit in largitate  
sua Medicinam, benedictus, gloriosus, & ex-  
celsus Creator. Tantum est etiam hominum  
in ijsdem inquirendis & inueniendis studium,  
tantaque industria, ut præter plurima Alexi-  
pharmaca, & Alexiteria, siue, vt vulgò vocât,  
Bezoardica, hætenus contra venena excogi-

A



2 CASPARI BAVHINI DE  
 tata, hoc seculo plures lapides ostendantur,  
 quibus aduersus venena vim singularem in-  
 sitam asserunt: Cuiusmodi sunt lapis Tibu-  
 ronum piscium, in mari Indico, Chelonites,  
 Brachites, Alektorius, Caymanus, Rubeta-  
 rum, &c. inprimis tamen lapidis cuiusdam  
 Bezaar vsus, non solum contra quæuis vene-  
 na, sed ad alios plurimos morbos tanquam  
 Panacea inualuit; qui licet à Græcis, vt diser-  
 tē Montuus, Monardes, Syluaticus, & Panci-  
 rolla pronunciarunt, & antiquioribus Lati-  
 nis incognitus, ab Arabibus verò Medicis an-  
 te annos circiter septingentos (vixit enim  
 Rhafes anno 960.) miris laudum præconijs,  
 tanquam inter Alexiteria, quæ ex animalibus  
 petuntur, nobilissimus & præstantissimus ce-  
 lebratus est, qui postmodum hominum incu-  
 ria neglectus, annis plus minus quingentis,  
 penè intercidit. Posteaquam verò, Febres ille  
 malignæ, quas ob macularum culicum mor-  
 fus referentium & in toto corpore erumpen-  
 tium, efflorescentiam, Pettechiales ab Italis,  
 & ab alijs pestilentes appellatæ, & à quibus-  
 dam nouæ iudicatæ, grassari cœpère, Lapidis  
 Bezaar memoria, Medicis eum summopere  
 commendantibus, reuixit, ita vt de eo coma-  
 parando, homines solliciti esse cœperint: Et,  
 vt rectē Syluaticus, Reges sanè ipsi, Principes  
 & potēiores facile sibi persuaderi passi sunt,  
 vt nullis sumptibus parcentes, hunc conqui-  
 rerent, cūm ipsis non solum insueta, peregri-  
 na, sed



# LAPIDE BEZAAR PRÆF.

na, sed promissis egregijs plena, multoq; auro redimenda proponerentur. Imò, & populus, Medicorum pollicitationibus persuasus, neminem ab eius generis Febre pettechiali sine tali medicamento liberari posse, & ipse cœpit hunc avidè expetere, & quovis precio redimere. Hinc factum, vt etiam num hodie lapis hic apud Principes, & Magnates tanti nominis sit, vt eum non solum inter sua ciemelia reponant, verum etiam in Gemmarum numero, & quidem earum quæ auro æquiparantur, & etiam illo pretiosiores existimantur, habeant: ita vt hunc Medici, nonnulli quidem inuiti, in illorum gratiam, in usum reuocare cogantur. Quod cum homines inpij & auari animaduernerent, hominum inquam, in his rebus credendis facilitatem nimiam, accedente quia etiam lapidis huius, ob itineris longitudinem, raritate, modos varios, non solum hos adulterandi, sed falsos veris similes conficiundi excogitarunt, ne utique dubitantes, ob tantam credulitatem, tantumq; desiderium lapidem hunc conquerendi, homines decipi posse: hæc causa cur quamplurimi falsi & adulterati adferantur, sicque fortè euentus speratus non succedat. Quare cum de huius & inuentione, & forma, & usu opiniones variæ sint, ita vt non parùm difficultatis habeat, & obscuritatis plurimam; placuit, (quò plurimis, qui sæpissimè suis literis nos sollicitarunt, gratificaremur)

A 2



4 CASPARI BAVHINI

auctorum quotquot inuenire potuimus, o-  
pinionibus diligenter consideratis, tracta-  
tum hunc, veritatis, non carpendi, studio du-  
ctus, conscribere. Socratis ergo apud Plato-  
nem *a* exemplum imitatus, qui in difficilium  
contemplatione, Deum inuocauit, ad opus  
sculi huius constitutionem cum diuino Pla-  
tone *b*, Deum inuoco, qui vtinam audiat, ex-  
audiensq; propitijs, & benignus nobis adsit,  
vnâ nobiscum orationē nostrâ exornaturus.

*a in Phi-  
lebo.*

*b 4. de legib.*

Dicam autem primò, de nomine Bezaar,  
quibus hoc nomen tribuatur, & quæ nomi-  
nis sit ratio; dein, de Lapidis Bezaar differen-  
tijs; tùm, de Lapide minerali: quartò, de Lapi-  
de Paxar, Aspidis & Buffonis: quintò, de La-  
pide Malacensi: sextò, de Lapide Bezaar me-  
tallico siue minerali: septimò, de Lapide ex  
lachrymis cerui condensato, ceruiq; lachry-  
mis & Lapide in ceruo ceruâve genito: octa-  
uò, de Lapide seu pila in vitulo, rupicapra &  
equo: nonò, de Lapide Bezaar Arabum, ipso-  
rum verbis adductis, an fortè inde constare  
possit, de quò iam Lapide verba fecerint: de-  
cimò, de Lapide Bezaar recētiorum, Oriē tali,  
eius generatione, generationis loco, legitimis  
notis, adulterati signis: de genuini lapidis v-  
su, hoc est, quibus in morbis vsurpatus fuerit,  
vel vsurpandus sit: exhibēdī modo & quanti-  
tate: quibus utilis fuerit, vel nullū vsum præ-  
stiterit, exemplis & historijs aliquot edocebi-  
mus: vndecimò & vltimò, de Lapide Bezaar  
Occi-



DE LAPIDE BEZAAR 5

Occidentali seu Peruuiano & eo qui ex Hispaniola adfertur, & hæc omnia ad Alexicaci Opt. Max. laudem, & proximi vtilitatem.

DE NOMINE BEZAAR.

CAPVT 1.



**V**OCABVLVM Bezaar, alij *a* Hebraicum, alij *b* Persicum esse censent: illi Belzaar, vel Belzahard elegunt: vel vt Boetius, à Beluzar Hebraico & Chaldaico vocabulo: et nomine composito *d* ex Bel, & Zaar, quorum illud dominum, hoc verò venenum significat; vel *e* Bahalzehar, id est, dominator veneni. Hebræi namq; sagacissimi naturæ interpretes, & qui nomina rebus, pro cuiusq; natura indiderunt, ita appellarunt. Vnde lapidem istum, Gesnerus *a* quasi dominum veneni, dictum conijcit. Cuius etymologiæ ratione, meritò pro cuiusvis veneni antidoto peculiari, vsurpatur; quem aliqui *f* Begaar vocant. Qui Persicum asserunt, & ab Arabibus vsurpatum, Bedezahar legunt, vel *g* Badzahar: Serapioni *b*, Albezahar nomen Persicum est, & est expellens nocumentum; quo nomine & Auicenna *i* vsus est, licet in veteri eius indice *k* Bezarahat occurrat: apud alios *k* Bezarah, vel potiùs *k* Bedezarahath: apud Rhafin *l* Bezahar, & apud Ianuensem, *m* cui & Bezard: apud Auerröem *n* Bedazar: apud Pandectarium *o* Bezachar; & Bezaar. Beza-



6 CASPARI BAVHINI

hart legit Scaliger p, & vitam cōservatā reddi-  
dit; Et Arabes antidota ad venena, patria lin-  
gua sic vocare solent. Lapis theriacalis, Arabi-  
bus Bezoar, Villanovo q; Bedzahar, Valesco;  
tandem Gorræo r Bezaar, qui lapidem solis  
Arabibus notum, & nomen apud Græcos  
nō habere scribit: & Pancirolla s superiori æ-  
tate incognitum, Latinis & Græcis nunquam  
notum asserit. Notatu tamen dignum, Bez-  
zard, vt habet Ianuensis, vel vt Pandeſtarius  
u Bezaard, vel Bezadaret, vel Bezarat, Berz  
& Berzad, etiam ab Arabibus de ipso Galba-  
no x dici, propter virtutem eius excellentem  
contra venena: quod ex Auicenna γ & Sera-  
pione colligere est, prout eius translator ex-  
posuit, qui in Theriacę descriptione eius me-  
minere; & vbi Andromachus, & Galenus,  
Galbanum requirunt, ibi Auicenna Bezaar,  
vel Bezaard posuit, licet Bellunenſis z Ba-  
zard, vel Bezard legat. Sic & ipsam Theria-  
cam, Bezardem Pandeſtarius u nominat. Sed  
ad rem

Nomen hoc dupliciter considerari potest,  
vel in genere, vel in specie: In genere aa, qua-  
tenus omnib. medicamentis veneno resisten-  
tibus, competit, & noxam corpori à veneno  
illatam, expellit. Probaturs definitione ab A-  
uicēna bb proposita: Albezahar, & Theriaca,  
inquit, sunt medicinę, quarum proprietas est,  
vt conseruent sanitatem, & virtutem in spiri-  
tu, vt ex eis expellat nocumētum veneni à se.

Quare



Quare Cardanus *cc* exponens, quæ sint Alexi-  
 pharmaca, & quomodo cognoscenda, quatuor  
 genera constituendo, quartum genus inue-  
 niri asserit, quod generaliter venenis etiam  
 resistat, & vocetur Bezahar apud Arabes,  
 cum sine adiectione profertur; & cum refer-  
 tur ad venenū certum, dicitur Bezahar eius;  
 vt Napelli, Mosch<sup>9</sup>. Nam cum lapis *da* Bezoar  
 inter antidota principatum sibi vendicavit,  
 factum, vt per *αὐτονομοσίαν* omne id, quod to-  
 xica elidere creditur, ea denominatione in-  
 signiatur. Hinc electuaria, & pulueres Bezoar-  
 dici, ex Arabum gazis accersiti; & quot sunt  
 venenorum species, totidem Bezoar statuūt,  
 vt cuilibet veneno peculiare sit Bezoar. Et sic  
 Albezoar, seu Bezaardicum medicamentum,  
 erit idem cum Alexiterio & Alexipharmaco;  
 nihil enim refert, siue Alexiteria, siue Alexi-  
 pharmaca, in hoc Galenū *cc* imitati, dicamus,  
 (quamvis Cardanus *cc* neget, Bezahar Arabū  
 idem esse, quod Alexipharmacū Græcorum.  
 Quod si de his duobus lachryma cerui, & de  
 smaragdo, cuius omnibus venenis resisten-  
 di tribuitur, loquatur, concedimus: sin de alijs,  
 vt de Terra sigillata, Bolo armeno, & si-  
 milibus, tunc dicimus, hæc à Græcis inter A-  
 lexipharmaca, ab Arabibus inter Bezahardi-  
 ca fuisse relata, vt infrā ostendemus. Sic Mar-  
 silius Ficinus *ff* smaragdum, Hyacinthū, To-  
 pazium, hos lapides ab antiquis appellari Be-  
 zoar, id est liberatores mortis, asserit; & quod



Theriacam in hoc excellant, quòd hæc vene-  
na à se pellat, non verò ad se trahat, huiusmo-  
di autem lapides vtrumq; facere; quare & per  
os exhiberi, & plagæ, morsuræ, & bullæ vene-  
nosæ superponi posse.)

Ἀλεξήθειος ἢ ἁλεξήθειος, τῶν ἰοδόλων ζώων,  
ἢ θηρίων. Ἀλεξίφάρμακον verò τῶν θανασίμων φάρμα-  
κον, quorumcunq; siue natura, siue arte con-  
stent. Nisi quis τὴν ἁλεξήθειαν ad præcauendum,  
idem quod ὠκυπυλακτικὸν φάρμακον, ἁλεξίφάρμακον  
verò ad curandum, ex vi nominis pertinere  
dicat. Idem quoq; θηριακόν, quod ferarū mor-  
sibus medeatur, dici potest; hinc Latinobar-  
baris Tyriaca; hinc Ianuēsis, *bb* Bezard est A-  
rabibus omnis medicina liberatiua à veneno,  
nos autem proprio vocabulo hoc significan-  
te carentes, Tyriacam vocamus. Alijs Tyria-  
calis, & Bezoardica vel Bezaardica medicina  
nominatur, quam cum Plinio antidotum ap-  
pellare possumus, quæ Auerroi ἢ medicinx  
Bedazaricæ, vel Bezahar dicuntur, siue sim-  
plicia, siue composita sint. Quamuis Auicen-  
næ *kk* videatur, nomen Theriacæ, artificiali-  
bus, siue compositis; & nomen Albezaar,  
singularibus conuenire.

Eiusmodi sunt, quæ venenis omnibus com-  
petunt, quæ veneni impressionem prohibēt,  
aut eius malitiam frangūt; vt inter simplicia,  
Terra sigillata, quæ propter virtutes mirabi-  
les contra venena, Lutum diuinum appella-  
tur; hanc enim Galenus in lepore marino, &

canis



DE LAPIDE BEZAAR.

cantharidibus fuit expertus. Auicenna *ll* in morsis à cane rabido, cunctis venenis obuiare, scriptum reliquit. Sic bolus armena, à Galeno *mm* inter Bezoardica relatus. Sic venenorum Bezaar *nn* appellari debent etiam ea, quæ omnibus venenis à tota substantia resistunt, vt semen citri, radix Zedoariæ *nn* & similia: sic inter cõposita, Theriaca à Galeno *mm* inter Bezoardica enumeratur. Quare Rabi Moyse *oo* asserit, Theriacam magnam electam, dein Mithridatium, tùm diatesseron omnibus medicinis compositis à venenis liberatibus, præferri debere: Sic Guaynerius, *pp* ignorato veneno Theriaca magna statim in potu exhibeatur; hoc enim omniũ animalium commune Bezear esse potest: addens, ad idem valere lapidem Bezear, coagulum leporis, vnicornu, tormentillam, radicem diptamni. Hæc de consideratione nominis in genere, nunc de eo in specie.

Nomen Bezaar in specie, dupliciter quoque considerari potest. Nam primo modo, & particulariter *qq* sumitur pro medicina appropriata ad remouendũ nocumentum alicuius particularis seu determinati veneni: hoc modo cuilibet particulari *qq* veneno suum peculiare & specificum est antidotum, seu proprium habet Albezaar seu Bezaar. Vel ut Serapio *rr* hoc nomen cadit super duo: vnum est, quod cadit super omnem medicinam conuenientem alicui veneno, eò quòd



resistit virtuti eius, & expellit nocumentum ab eo, per proprietatem, quæ est in eo. Quamvis Conciliatoris *ss* sententia sit, hoc nomen non solum medicamento contra venena, sed etiam alijs competere: sic enim scribit: De omni medicina, quæ hominem à morte liberare potest, ab aliqua ægritudine, vel veneno, illud dici potest, quod sit Bezoar illius morbi, siue sit illa medicina lapis vel granum, vel succus, vel aliqua composita medicina: hæc ille. Nam ut eleganter Vallesius *tt* in rebus quoq; inanimis antipathia naturalis evenit: cum enim sint quædam antidota, & simplicia & composita, quæ censentur pluribus venenis aduersari, vt lapis Bezahar, & Theriaca, tamen sunt singulis venenis singula antidota propria, quia est quod cuique particulariter, ac propriè aduersatur, veluti aconito, ruta; opio, generosum vinum; lepori marino, lac. Itaq; sunt quædam simpliciter antidota, quædam quorundam: atq; deleteriorum generi aduersatur genus alexipharmacorum, vinum uni cuicumq; venenorum antidotum.

Eiusmodi exempla plura apud Arabes, aliosq; reperiuntur: vt apud Auicennam *uu* in cura Napelli, vbi refert esse, qui Capparum radices Napelli Bezehar existiment. Idem *xx* grana pini, & nucem, Anacardiorum Bezahar constituit. Sic eidem *yy* coagula omnia sunt Bezaard, & coagulū hœdi, est Euphorbij Bezaard. Sic Conciliatori, *zz* scorix ferri bezoar



DE LAPIDE BEZ A A R. II

Bezoar, est Magnes: magnetis bezoar, Smaragdus: Arsenici bezoar, cryftallus, &c. Vocatur autem Conciliator cuiuslibet veneni bezoar, eam medicinam, quæ absque virtute elementari tale venenum curat: habet enim (ait) quodlibet venenū, tam minerale, quam vegetabile, & animale, propriam medicinam oppositā ei, à qua oppositione virtute specifica fit liberatio mortis ab illo veneno. Quare idem  $\approx$  inter medicamēta, quæ venenorum curam absoluunt, & inter Bezoar, differentiationem fecit: ita ut in aliquibus curam specificam proponat, cui curæ postea peculiare Bezoar subiungit: in quibusdam & curam, & Bezoar eadem esse scribit. Idem videas apud Guayneriū *aaa*, cui Nucis vomicæ bezoar, est cortex citri; Coloquinthidis bezoar, Smaragdus; Cantharidum bezoar, semen alkekengi, & cætera.

Altero modo in specie considerari potest Bezaar nō quatenus specificū est contra hoc vel illud venenum Bezaar, sed quatenus hoc nomen vni medicamento competit, quod contra omnia venena ex æquo valet. Vel vt Serapio *bbb*, & ex eo Nicolaus Florentinus, *ccc* & secundum est, quod cadit super lapidem notum, qui conuenit omnibus venenis calidis & frigidis, cum tota sui substantia, & resistit eis bibitus, aut suspensus super patientem *ddd*: vel vt Marsilius Ficinus *eee*, siue sumatur per os, siue ore teneatur, vel à collo sus-



spensus, tùm denique quouis modo applicatus *fff*. Eiusmodi dicitur esse lapis Bezaar, qui aliquibus Albezard, *ggg* vel Bezard, à quo ea, quæ veneno resistunt, Albezahar dicuntur: quæ Serapio *bbb* Hager Albezahar, id est lapidem liberatorem à venenis, ut Theriaca, vocat: quidā *iii* tamen, legit Hegiar Bedezarahath, lapis Alexipharmaeus: Siue ergò in genere, siue in specie vocabulum Bezaar consideres, semper de antidoto contra venena intelligi debet: quare Scaliger *kkk* vocem Bezaart vitam conseruans interpretatur: Sic enim Arabes antidota ad venena, patria lingua vocare asserit. Vel ut Ianuensis, *lll* Bezard est omnis medicina liberans à venenis: & Marsilius Ficinus *mmm*, Persico idiomate id omne Bezoar ab antiquis appellari solet, cuius est proprietas virtusq; pellendi venena. Quare mirari subit, cur Cardanus *nnn* radici venenatæ, Bezaris nomen tribuat, dùm scribit: In Pely Orientalis Indiæ regione, referunt radicem esse venenatissimam, nomine Bezar, quæ statim occidat, cuius fructus non solum adversus radicem, sed etiam quæcunq; alia venena præstantissimum sit auxilium: vocatur autem fructus Nirabri: Verùm videtur Cardanus ex Scaligero *ooo* corrigendus, cuius hæc sunt verba: In regno Deli, quod Tartaris Catinis affine est, arbor nascitur, quæ Baxera nominatur: eius radix vorata, illico interficit: cuius mali remedium fructus est, qui dicitur



tur Nirabri: eo namque venenum tollitur cuiuscunque generis.

At possitne dari Alexiterium aliquod, quod contra deleteria omnia pariter & æqualiter valeat, non sine causa dubitari ppp posset, cum venenorum omnium effectus similes non sint, neque ab eadem causa manantes; quædam enim occulta, & specifica totius naturæ proprietate agunt: alia ab elementari aliqua qualitate præcellente. Itaque suo cuique suum, & proprium contrarium opponendum est, calido frigidum, eique quod formæ proprietate occulta oppugnet; aliud, quod eadem vi propugnet. Contrarium videtur Foresto, qqq qui ex Guaynerio rrr iubet, ignorato veneno. Theriacam magnam statim potu exhibere; esse enim Bezaar omnibus animalibus venenosis commune.

a Gesner. hist. quadruped. de cerno, litera G. citat hæc ex Gesnero Monardes lib. de lap. Bezoar, ex capite de capra montana. & Fragosus ex capit. de capra sylvestri: Iordanus de Pestis phenomenis tr. 3. cap. 9. Hebræis, ait, Beluzaar appellatus, ac si dicas dominus veneni, cum Baal, & Bel, dominum illis significet, unde Beluzaar denominatio apud Chaldeos. b Serapio lib. de temp. simp. c. 386. & ex eo Pandeet. cap. 396. Ianuensis in ch. ue sanit. Raby Moyses de ven. tract. 1. ca. 3. & ex hoc Arduynus 1. de ven. 9. & 10. Schnebergerus. c Io. Agricola de recens inuent. medic. litera B. Rheginus, & ex hoc Hen. à Bræ. d Sic & Wittichius: Salmuth in Pancirol. & Syluaticus. e Bodinus li. 2. sui Theatri. f Per. de Apano de venen. cap. 82. edit. in 8. g Auctori notar. in Garz. arom. histor. & Rabi Moysi de ven. tr. 1. cap. 3. & Ardoyno 1. de ven. 9. Bezaart. h de temp. simp. ca. 386.



& ex eo Nic. Florentinus. i lib. 4. fen. 6. tract. 2. cap. 12.  
 k Auctor notar. in Garzian. l lib. 1. diuis. cap. 141. &  
 lib. 8. ad Almanforem. cap. 11. 14. 15. m in clauē sanitatis:  
 & Costæus in antiquor. Arabic. nominum exposit.  
 apud Auic. & Ch. Acoſta. n 5. collat. 23. o Matth.  
 Syluaticum ca. 96. Bezahar, id est omnis medicina ſim-  
 plex, contra venenum. Bezaar id est lapis viridis, qui va-  
 let contra venenum. & c. 440. p exercit. 184. & Ior-  
 danus de Peſte tract. 3. c. 9. Gabelchofer; Lonicer. Bezuar;  
 Bezaar, & Bezahardi nomē est Arabicum & Perſicum.  
 q de doſibus theriac. & ex eo Schillerus de Peſte Britan.  
 ſect. 2. cap. 7. & Penotus in Præſatione denarij. r in  
 indice definitionum medic. ſ lib. 2. nouiter rept. tit. 3.  
 t in clauē ſanitatis. u Matth. Syluat. c. 96. x Ar-  
 duynus l. de ven. 10. y 5. canon. in prima deſcript. Ther.  
 prout eius interpres expoſuit. z In Arabicorum no-  
 minum interpret. apud Auicem. aa Bellunenſis li. de  
 lapid. ex eo Geſn. de quadruped. Monardes, & Henricus à  
 Bra: omnis medicina ſimplex contra venenū Pandect. ca.  
 96. Theriacales, & Bezoarice, Rabi Moyſes de ven. tr. 1.  
 ca. 3. & ex eo Arduynus l. de ven. 9. in cura ven. in gene-  
 re: Scaliger. exer. 184. bb Li. 2. tract. 1. c. 4. & l. 4. fen.  
 6. tract. 1. ſum. 2. c. 1. & ex eo Capenaccius lib. 1. de venen.  
 c. 4. cc 2. de venen. 14. dd Iordanus tract. 3. c. 9. Gá-  
 belchoſer. ee 5. facult. ſimplic. 18. Pareus li. 20. c. 36.  
 Capenac. de venen. 4. Mercurial. 2. comp. med. 23. ff in  
 epigem. antid. ca. 6. gg alia tamen nominis fuit expli-  
 cat. q. Gale. 5. ſimpl. 18. monente: ea enim quæ venenata-  
 rum beſtiarum ietus aut venena ſanant, Alexiteria no-  
 minantur: quæ verò deleterijs medentur, Alexipharma-  
 ca. hh in clauē ſanitatis. ii 5. collect. 23. kk ſecundo  
 can. tr. 1. ca. 4. & Arduynus lib. 1. de ven. c. 10. ll lib. 1.  
 de virib. cordis. mm 9. ſimpl. & ex eo Augenius epiſt.  
 tomo 3. lib. 4. epiſt. 10. nn Guagnerius tract. de ven.  
 ca. 3. oo de ven. tr. 1. c. 3. ex eo Arduynus l. de ven. ca. 9.  
 pp tract. de ven. cap. 9. & Foreſtus l. 30. in Schol. obſ. 11.  
 qq Arduynus l. de ven. 10. Schneberg. in cat. medic.  
 ii de temper. ſimplic. cap. 386. ex eo Nicol. Florentinus.

Encelius



## DE LAPIDE BEZAAR. 15

*Encelius lib. 3. de lapid. cap. 49. & ex eo Schnebergerus.*  
*A Petrus de Abano lib. de ven. capite 82. edit. in fol.*  
*tt Francisc. Vallesius de sacra Philosophia. c. 75. uu li. 4.*  
*fen. 6. tr. 1. sum. 2. c. 11. vide etiam tract. 2. c. 12. xx c. 9.*  
*yy 2. sui can. tr. 2. de coagulo. zz de Abano. l. de ven.*  
*c. 50. 51. 53. 54. 55. & 56. aaa tract. de ven. c. 9. bbb de*  
*temper. simpl. cap. 386. idem sed paucis verbis mutatis ex*  
*Serapione & Rhase, recitat Marsilius Ficinus in antid.*  
*Epidem. c. 24. ccc in specie significat lapidem, qui ge-*  
*neratur in oculis ceruorum. ddd Sic etiam Arduynus*  
*lib. 1. cap. 10. qui addit, prout aliqui asseruerunt aucto-*  
*res, in 8. & 9. c. allegatis. ccc in antid. Epidem. c. 24. &*  
*Schneberg. fff Ficinus addit ad extra: Schneberge-*  
*rus ad dextram. ggg in expositione antiquarum Arab.*  
*vocum apud Auicem. edit. Costei. hhh temper. simp. c.*  
*386. iii Auctor notarum in Garzia aromat. hist. kkk*  
*exercit. 184. lll in clauis sanitatis. mmm in antid.*  
*Epid. c. 24. nnn l. 7. de subtilit. & ex eo Thom. Iordan.*  
*de Pestis phenom. tr. 3. caa. 9. & Gabelchouer in Baccin.*  
*ooo exercit. 158. dist. 6. ppp negat Paræus li. 20. c.*  
*36. qqq li. 30. Schol. obser. 11. rrr tract. de ven. c. 9.*

## DE DIFFERENTIIS.

### CAPVT II.

**M**edicamentorum Bezaardicorum  
 classem triplicem esse, præcedenti  
 capite ostensum fuit; verum de ijs  
 tantum, quæ tertiæ classis sunt,  
 sermo erit, maximè verò de eo medicamen-  
 to, quod hoc seculo per excellentiam, tan-  
 quam remedium contra omnia venena cer-  
 tissimum, id nominis obtinuit, & Lapidis  
 Bezaar nomine in Magnatum scriniis asser-  
 vatur. Quare vni ne, an pluribus hoc nomen  
 tribuatur; & vtrum differentiæ aliquot den-  
 tur, inquirendum erit.



Diligenter ergo auctores perlegenti, & quæ ab ipsis de lapide hoc proposita, perpendēti, perspicuum fiet, non vni lapidi, sed pluribus nomen hoc impositum esse. Alij *a* namq;, lapidem in capite animalis genitum, exhibent: alij *b* eum qui ex vesicula fellea hystricis eximitur: alij *c* metallicum seu minerale faciunt: alii ex lacrymis *d* cerui condensatis, sed in Oriente, natum asserunt: alij, in angulis oculorum quorundam *e* arietum in Oriente reperiri volunt: alij denique in animalis corpore genitum, indeque extractum proponunt, sed de loco, in quo generetur, non conueniunt, vt plenius suo loco ostensuri sumus. Sic Bezoardico lapidi similem in corde *f* cerui, in ceruæ *g* ventriculo, & intestinis reperiri nonnulli volunt: imò in equi *h* & ventriculo, & intestinis: plerique tamen vñtatum nunc lapidem Bezoar, ex ventriculo animalis capræ hircœue simili extrahi, constanter affirmant.

Sed rursus & hic, qui ex cauitate animalis hirco capræ ve simili habetur, non solum ratione figuræ, coloris, magnitudinis, & substantiæ differentias suas obtinet, verum etiam ratione loci natalitij, cum alius ex India Orientali, alius ex India Occidentali, siue Peru, alius deniq; *i* ex Hispaniola adferatur: de quibus omnibus singillatim acturi sumus.

*a* Scaliger exer. 153. num. 7. ex hoc Schenckius lib. 7. obser. cap. de Alexiphar. Ferdinand. Lopez lib. 1. hist. Indicæ,



## DE LAPIDE BEZAAR. 17

*Indica. & ex hoc C. Clusius ad Garziam lib. 1. cap. 46. & VVittichius tr. de Bezgard. c. 4. b Garzias lib. 1. arom. cap. 46, ex eo Schenckius, VVittichius, Sarracenus de Peste, C. Clusius in Garziam. Saxonia lib. de plica, solum nominat. c Bellunensis lib. de lapidib & ex eo Gesner. li. 1. de quadrup. Monardes lib. proprio, à Bra, lib. 1. cap. 2. Saxonia de febribus, cap. 37. d quinam sint, vide capite proprio. e Rabi Moyses de venen. tract. 1. cap. 3. & ex eo Arduynus 1. de ven. 9. f Iordanus de Peste, tr. 3. c. 9. Crato Epist. 160. g Encelius lib. 3. de lapidib. cap. 49. h Iordanus de peste. tr. 3. c. 9. i Christophorus à Costa: Saxonia de febribus cap. 37. VVittichius tract. de Bezgardicis. Nicol. Monardes de Orientali egit libro proprio, de Occidentali lib. aromatum.*

## DE LAPIDE PAXAR, EX CAPITĒ ANIMALIS exempti, simul & de lapide Aspidis & Buffonis.

### CAPVT III.

**Q**uemadmodum in corpore humano, siue paruo mundo, nulla penè pars est, à in qua non lapides vel geniti sint, vel generari possint, non secùs, quàm in magno mundo fieri consuevit; sic vix vllum est animal, siue quadripes sit, siue bipes, pedibùsue careat, in quo non & lapides reperiantur, quibus omnibus vsus aliquis ab auctoribus adscribitur, & in hoc vel illo morbo salutare prædicantur: nobis tantùm de ijs, qui contra venena commendantur, sermo erit.

B



Lapis ergò Paxar dictus primò occurrit, à Iul. Cæsare Scaligero *c* descriptus : in regno Deli lapis, qui Paxar dicitur, in capite cuiusdam animalis inuenitur (quod animal ab Indis Bugoldalf appellari Ferdinandus Lopez *d* testatur) hinc lapis Bulgolda, Boetio dicitur qui mollis est, fusci coloris, amygdali magnitudine (auellanæ, rarus admodum addit Lopez,) qui certa utilitate ad omnia venena apud incolas in prima commendatione habetur : hæc Scaliger, quem non *d* minore facultate ipso lapide Bezar, aut Malacensi præditum esse, Lopez asserit. Quæ à Scaligero proponuntur, Schenckius *e* etiam refert : quæ verò Lopez recensuit, ea C. Clusius *f* inter suas notas retulit, & Wittichius *g* Germanicè exhibuit.

Hic non abs re fuerit meminisse etiam lapidis, in Aspidis *h* capite inuenti. Aspidis enim cauda deligata suspensus, & vase aqua pleno subiecto, lapidè euomit, qui (siue suspensus i eum euomat, siue *d* flecto capite is eruatur) inter Alexiteria i pestis refertur ; & ingestus, & gestatus pestilentiali febris, & venenis ebitis, aduersatur : qui etiam hydropicorum *h* ventri alligatus, aquam ad se trahit, liberatque. Sic Aspidis linguam in mensa positam, venenum prodere, Vitalis auctor est.

Pari pacto etiam in buffonis capite *k* lapis (uti voluit) reperitur, quem cum chelonite nonnulli perperam confundunt, qui in  
nuper



nuper natis, aut etiam annotinis, seu ranis  
 rubetis, siue buffonibus vix inueniri pōtest,  
 sed annosioribus, qui dudum in arundini-  
 bus rubetis ve inter sentes ac vepres delituē-  
 re: cuius materia haud dubiè alia non est,  
 quàm ea, quam indies è terra, dum illam hinc  
 indè circumlambunt, contrahunt. Vel vt Li-  
 baius l, quibus plus negotii est cum viperis,  
 ac serpentibus, aut quibus cibus aptior sup-  
 petit, & locus calidior euocat, colligit, coas-  
 gulatque, & solidat istam materiam, perinde  
 ut fit in articulis Arthriticorum. Huic & sua  
 est gloria, cum omnes ferè præstantissimum,  
 & efficacissimum ad pestem auxilium esse,  
 asserant: quare etiam contra *m* venena com-  
 mendatur: imò sunt, qui lapidem hunc ge-  
 statum *n* à venenis tutos præstare asserant.  
 Sic & suo *o* contactu, & blando attritu, in-  
 flationes à venenatis bestiis discutere ac vi-  
 rus omne elicere. Vnde si forex, aranea, sca-  
 rabei, vespæ, glires, aut aliud animal venena-  
 tum parti alicui damnum intulerit, lapide  
 eo admoto, dolorem mitescere, tumorem  
 omnem subsidere, multoties se expertum,  
 Lemnius testatur. Quare sunt *p* qui lapidem  
 hunc in veneni præsentia, varium effici as-  
 ferant; hinc Albertus in suo de mineralibus  
 tractatu de lapidibus pretiosis inquit, legis-  
 se se in quodam libello de isto lapide, quem  
 Crepandinam vocitent, & virtutes descri-  
 bendo omne venenum manifestare, si annus



lo aureo (vel q argenteo) versus carnem perforato, includatur, & digito ita gestetur, vt carnem r attingere possit, tunc veneno præsentet tantam caliditatem r indigito sentiri, vt necesse sit, annulum abiicere. Refert Heurnius q, cum iter per Ardennam syluam faceret, vix fœminam se vidisse, quæ non talem annulum argenteum gestaret: quod & nostris satis familiare est. Huc & Draconites referri potest, quem in Draconum capitibus reperiri volunt, qui venena, & maxime serpentum fugare fertur.

a Vide Ioan. Kentmanni libellum de calculis. Item Schenckij lithogenesiam. b in capite Gamari, Cinædi piscis, in Tuburonibus piscibus Indici maris: In rubetorum seniorum capite: in prægrandium Lacertarum ventriculis, Caymanus dictis: Draconites, in capite Draconis; Chelonites in capite testudinis: Chelidonium, in ventre hirundinum: Alethorius in ventriculo galli: in Cyprino, in perca piscibus, &c. c Contra Cardanum exer. 153. num. 7. d lib. 1. hist. Indic. ex quo Boëtius lib. 2. de gem. cap. 183. e lib. 7. obser. cap. de Alexipharm. f ad Garziam lib. 1. ca. 46. g sui tract. de Bezoardicis ca. 4. h Fumanellus in serm. de Pestis curat. cap. 6. i Fumanellus: Sarracenus com. de peste. Sic Libanius part. 2. lib. 2. batrach. in Schol. cap. 22. narrat, & Hydram, dum excoriatur, euomere in capite gestatam gemmā. k Sarracenus de peste: in capite seniorum Rubetorum, Bodinus li. 2. Theatri: Boëtius lib. de lapid. & gem. 2. c. 149. pro nugis habet quod de busonio lapide, eiusque origine traditur: eumque ad lapides stellares obscuriores reduci posse, & qui in agris reperiatur, statuit. l parte 4. in Schol. cap. 22. m Bodinus lib. 2. sui theatri. Adam Lonicerus. n Henr. Ranzonius: Hortus sanitatis: Henr. à Bra. o L. Lemnius. Henr. à Bra. p Guil. Grataro-



DE LAPIDE BEZAAR. 21

*Gratarolus. Forestus lib. 30. obs. 3. q. Heurnius de peste.*  
*Gratarolus, Forestus, Heurnius, Baldus, Angelus lib.*  
*de Vipera cap. 31. f. Forestus de venenis lib. 30. obs. 3.*  
*Boetius 2. lib. de gem. 172.*

DE LAPIDE MALA-  
 CENSI, EX VESICA FELLEA  
 hystricis exempto.

CAPVT IIII.

**I**N Pan regni Malacensis Indiæ O-  
 rientalis prouincia, eaque sola, in  
 Hystricis a felle, vel vesicula fellea  
 b porci, lapis reperitur, cuius co-  
 lor dilutionis purpuræ, qui tangenti leuis, &  
 lubricus, Gallici c saponis instar, gustu ama-  
 rus, quem venenis vnice resistere affirmant,  
 referente Garzia d ab horto, & Linscotto:  
 cuius facultates, Garzia testate, Dimas Bos.  
 que, Valentinus Medicus insignis, experi-  
 mento in duobus viris, qui venenum hause-  
 rant, comprobauit; aqua, in qua lapis ali-  
 quandiu maceratus erat, exhibita, & qui-  
 dem in aqua c vulgari, cum aqua cordialis  
 deesset & periculum in mora foret, mace-  
 rato: qua propinata, etsi gustu quidem a-  
 mara fuerit, ventriculum eorum corroborauit,  
 & venenum nihil obfuit. Et Linscottus  
 asserit, hanc efficaciam, crebris & domesti-  
 cis experimentis iam vulgò notissimam, &  
 confirmatissimam esse. Addit Garzias apud



indigenas tanta in æstimatione ob raritatem esse, vt è duobus, qui simul suo tempore fuerint reperti, alter pro ingenti munere ad eum qui pro Rege Lusitanix Indiam gubernabat missus fuerit; & licet istic Bezar frequens inueniatur, hic tamen ab incolis, cum rarius inueniatur, longe præfertur g. Et Linscottus asserit in crebris commerciis istic esse, eumq; contra venena, & morbos venenatos Bezoartico longè præstantiorem existimari.

Sed cum lapidem hunc C. Clusius h. clarius proposuerit, eius verba subiungere lubet. Anno 1603. ostendebatur mihi lapis planus, vnguis humani digiti magnitudinem non superans, lævis, coloris ex cinereo candicantis, paruis quibusdam rubiginosis maculis aspersis, qui glaber & lubricus erat, Gallici saponis instar, quem aduersus venena valdè commendabant, imò etiam lapidi Bezahari præferebant. Illum ex Orientali India recenter allatum ferebant, & Mastica de Soho, (lapidem porcinum interpretabantur) appellari dicebant. Lusitanis i Pedra de porco dictus, & vt Boetius, aliqui lapidem hunc porcinum esse putant. (quare Linscottus k in felle porci inueniri tradit.) Sarracenus l qui triplicem lapidem Bezoar proposuit, eum qui ex Perside eum, qui ex lacryma cerui, & hunc què secundum fecit, & ex Garzia descripsit, asserit, è felle hystricis, non promiscuè cuiusuis, nec semper



per sed interdum eximi, qui egregiè, ac propè miraculi instar venenis omnibus resistat.

Saxonia, *m* postquam de lapide Bezoar egisset, causamque addidisset, cur parui faceret, subiungit: quod dixi de Bezoar, idem dictum volo de Malacensi lapide: nam si quod celebrius est, non iuuat, neq; iuuabit minus celebre: tutius atq; efficacius puto esse medicamentum ex cornibus paratum.

Sic & in aliorum animalium cysti fellis (non secus quàm hominis) lapides quandoque reperiuntur, ochræ colore, seu obscure flauo, qui ex crassiore & terrestri bilis portione, prorsus eodem malo quo lapis Bezoar, crustis se inuicem complectentibus coalescit: qui vt refert Boetius *n*, valet ad Venena, præsertim ille qui ex boum cysti exemptus est: verùm ad venena, præfert eū quæ ex ceruis, capris, aut aliis animalibus quæ in montibus salutiferis herbis pascuntur, eruitur. Præterea lapidem in cysti fellis Boum reperi-tū Alcheron à nonnullis vocari asserit: Matthæus Syluaticus *o* verò, Arabica dialecto aliis quibus Guers & Massatum dici scribit: at Bodino *p* auctore à Iudæis in Asia, Haraczin, & Arabicè, Scaligero *q* teste, Harathzi, dicitur.

Lapis autem hic, ad morbum regium, siue Icteriā valet, vt Moyse Kimhi in suis commentariis scriptum reliquit: vt propterea Iudæi, qui hoc morbi genere grauius quàm ceteri vexantur, lapidem hunc à laniis diligen-



tissimè requirant. Verùm Boetio *n* contusus, ac naribus inditus, visum acuit, ac fluxus ne in oculos fluât, prohibet. Subiungit ex aliorum sententia, lentis magnitudine cum succo Betæ naribus inditū, Epilepticos paroxysmos in posterū prohibere. Existimarem, addit, ad alium deturbandam aptiorem, quod bilis ex qua coaluit, huic scopo à natura destinata sit.

Contraria est Cæsalpini *q* sententia, qui tradit, lapides in animalium viuentium renibus, & vesica, & aliis partibus præter naturam gigni, cum non nisi morboſis contingat ex urinæ sedimento, in renibus aut vesica condensato; aliquādo ex fellis crassitie in eius vesica, qui crocei sunt, aut subuirides: at nullos, addit, ex his ad medicinæ usum assumptos esse.

a Garzias, Sarracenus, Boetius 2. li. de lapid. & gem. c. 182. Lapis Malacensis ex felle hystricis, plura non habet Libanius parte 3. in Schol. ca. 16. b Linscottus, & ex eo Arthus. c Saponem Venetū vertit VVittich. lubricus ut sapo, Cæsalp. d l. 1. arom. Ind. c. 46. idem & Fragosus: Linscottus, & ex eo Salmuth: huius meminit etiam Cæsalp. 2. metall. c. 46. Linscott. & ex eo Arthus, coloris limpidi rubei, saporis amariuscule, contactu saponem Gallicanū exhibens. e Lapidem cyatho aquæ injiciunt, quo post aliquod tempus exempto aqua amaritudinem contrahit, omnemq; veneni vim tollit, ut experimentis cognitum est Linscottus. f & ex eo Salmuth, & Fragos. g hæc ex Garzia, Schenckius l. 7. obs. cap. de alexiphar. & VVittichius in suo lib. Germ. de Bezoardicis: item Fragos. h in notis ad Garziam l. 1. c. 46. i in margine ad Fragosum: Linscott. & ex eo Arthus. k ca. 87. suæ nauigat. l com. de Peste. m lib. de plica c. 59. n li. 2. de gem. cap. 195. o c. 521. meminit quoq; Gesn. l. 1. de quadrup. ca. de Boue lit. G.



*lit. G. p. l. 2. sui theatr. q. de subtil. exerc. 125. r. lib. 2.  
de metall. cap. 6.*

DE LAPIDE BEZAAR  
METALLICO, SIVE MINERALI  
Serapionis, Rabi Moyfis, &  
Cæfalpini.

C A P U T V.

**L**APIDEM Bezaarem metallicum  
esse, eademq; ratione, qua reliqui  
lapides Adamantes, Rubini, Sma-  
ragdi, Achates, ex suis venis erui,  
Andreas *a* Bellunensis ex Tiphthasi Arabis  
de gemmis libello refert. Cuius sententiæ Se-  
rapionē *b* quoq; fuisse, sunt qui ex his ipsius  
verbis eliciant: Et minera eius est in terris Sy-  
ri *c* & Indiæ, & in terris Orientis. Quæ cum *a*  
pud Serapionem Paulus Cigalinus *d* legisset,  
censuit, Serapionē nomine lapidis deceptum  
esse, quem ex mineris erui, sibi persuaserit.

Verum cum inter metallicas mineras, &  
ventrem animalis, ex quo lapis hic erui com-  
muniter creditur, nulla sit similitudo; & Se-  
rapio in lapidibus describendis satis diligens  
fuerit, aliter difficultatem hanc tolli posse, Io.  
Baptista Syluaticus *e* censuit: utpote Sera-  
pionem ea in parte non solum de Medicinis  
quæ ex metallicis mineris desumuntur, sed  
etiam de ijs, quæ ex lutis, & lapidibus sumun-  
tur, egisse; quod ipsius titulus manifestè de-  
monstret, qui sic habeat: incipit Tractatus de



Medicinis, quæ sumuntur ex mineris, & ex lapidibus, & ex lutis, & sunt quadraginta tres medicinæ. In eadem deinde tractatus parte, Hager albato, id est margaritas; Hager achta mach, id est, lapidem aquilæ, & Teri armeni, id est lutum armenum contineri, eorum essentias & facultates describi, quæ certè ex metallicis mineris colligi, nullus ne quidem existimauerit.

Sed cum Mineralium communis distinctio sit, ut alia sint Metalla, vel à Metallis sumpta; alia lapides, vel à lapidibus, ut lapis Armenus, Iudaicus, Lazuli, Lyncis: alia à venis terre, ut terra sigillata, lutum armenum, alumen: alia sal, vel à sale, ut sal commune, sal gemmæ, dubitari potest, sufficienter Serapio sit defensus. Quare aliam solutionem cum eodem subiungemus, quod videlicet vocabulo mineræ metaphoricè sit usus, eo modo, quo Medici frequenter utuntur, dum huius aut illius morbi mineram, in hac vel illa parte residere, asserunt: ut exempli gratia, dum putredinis febrem facientis mineram, in venis esse dicunt. Hoc ex sequenti capite probari potest, ubi de lapide Aquilæ hunc in modum scribit: & minera eius est in montibus Indiæ inter Chimonas, & Sarandin: nemo tamen dixerit, lapidem hunc ex metallicis mineris erui. Quod si hæc difficultatem non tollunt, illud certè satisfaciet. Arabicam linguam nobis non esse notam, Serapionisque interpretationem



tem potuisse errare. Quare concludentes, censemus sententiam erroneam esse, dicere, lapidein Bezaar metallicum esse: insuper statuimus, Serapionem nil aliud voluisse, quàm regionem & locum natium huius lapidis significare.

At Rabi Moyſes g alterius Albezaar mineralis Ægyptiaci meminit, cuius nullus sit in morſibus Scorpionum vsus; verba eius lubet subijcere: Verum Bezaar minerale h est lapis in regione Ægyti in rupibus eius repertus, plurium & diuerſorū colorum, de quo priores in libris suis asserunt multa mira, nihil tamen ex eis est per experiētiam approbatum. Ego i autem pluries expertus sum, omnes species lapidum, in mineris, & saxis apud nos repertorum, in morſibus Scorpionum, & nihil penitus profecerunt.

Legitur etiam apud Cæsarpinum k, de quodam Bezaar instar aluminis scissilis filamentosi: ita namq; scribit: Bezaar principale remedium contra Napellum, & medicina de Moscho, & Algeduar, id est Zedoaria. Ex Bezaar, illud præcipuè genus, quod filamenta habet, ut Alumen scissile, hæc ille. Quæ ex Auicenna l haud dubiè desumpsit, qui in cura Napelli, inter alia hæc habet: & existimant quidam, quòd radices Capparum sunt Bezahar Napelli: & omnia Albezahard sunt bona ei: & propriè illud, quod similatur alumini, & habet fila, sicut fila lythargyrij. Et Liba-



uius *m* inter mineralia Bezoare recenset; & *a*.  
libi *n* inquit, Bezar lapis dicitur, at est bulla  
potius, quam lapis: alibi *o* gemmam ex ani-  
mali vocat Bezar.

*a* lib. quem de lapidibus inscripsit: ex eo Gesnerus li. 1.  
de quadrup. in historia cerui. c. 3. qui Tiphasi legit: Nicol.  
Monardes lib. de Bezoar. Hen. à Bra. de simplic. contra ve-  
nena lib. 1. c. 2. *b* lib. de temp. simpl. c. 386. Sic Fragosus,  
alii sentiunt esse minerale quiddam, ut Serapio. *c* Syria,  
legit Pandectarius. *d* in tract. de febribus, & ex eo  
Sylvaticus lib. de Bezoar. *e* tract. de lapide Bezaardico.  
p. 79. *f* cap. 392. *g* lib. de venen. tract. 1. cap. 3. & ex  
eo Arduynus 1. de venen. 9. & 10. & Monardes de lapide  
Bezoar. *h* metallicus, legit Monardes. *i* Nam pericu-  
lum feci, & nullam utilitatem adferre, deprehendi, sic  
legit Monardes. *k* in sua praxi cap. 20. *l* lib. 4. fen. 6.  
tract. 1. sum. 2. cap. 1. *m* lib. 5. de succino in Schol. cap. 7.  
*n* in Schol. c. 11. *o* in Schol. c. 16.

## DE BEZOARE MINE- RALI SAXONIAE.

### CAPUT VI.



VM excellentissimus Hercules Sa-  
xonia, in suo de Plica libro, Bezoa-  
ris mineralis etiam mentionem fa-  
ciat: huius historia, præmissis ta-  
men prius ipsius verbis, subiungenda. In clas-  
se, scribit, præservantium à veneno sunt Ter-  
ræ variæ, ut bolus Armena, Terra Lemnia,  
Samia, Selinusia, & quæ nunc Silesiaca vo-  
catur, atque alia Pedemontana, quam Be-  
zoar minerale vocant: puto autem mixtam  
esse ex Samia & bolo Armena.

Hæc



Hæc cum legissem, & dubius essem, quid  
 tibi Saxonia vellet, Veronam ad D. Io. Ponam  
 Pharmacopæum præstantissimum, rerumq;  
 naturalium indagatorem solertissimum per-  
 scripsi, & quid esset, inquisivi: is pro singulari  
 sua humanitate, Bezoar hoc, quod terræ po-  
 tius vel boli, quam lapidis nomen meretur, ad  
 me misit, Terram, inquam, præparatam, &  
 non præparatam, & quidem triplici differen-  
 tia: primam colore rhabarbari: alteram colo-  
 re vini rubri, & tertiam coloris albi. Addidit  
 insuper Schedam Italico Idiomate cusam, de  
 huius terræ viribus, quam Latinam reddere,  
 & hoc loco subijcere volumus, quo & Ger-  
 manis huius terræ vis (licet similes quoq; ter-  
 ras, & quidem diversas habeant) innotescat.  
 Titulus ita habet: Enarratio virium terræ  
 cuiusdam Medicæ ad urbem Italis Mondoui,  
 id est, montem Regalem dictam, inuentæ:  
 additis notis, quibus bona, aut genuina co-  
 gnosci possit.

Inter plurima beneficia, à diuina bonitate  
 vrbi Montiregali concessa, neutiquam po-  
 stremo loco haberi debet Terra tam pretio-  
 sa, & utilis, qua iam à multis annis vtuntur,  
 quæ ex collibus, Templo sanctissimæ virgini  
 à vico sacro, vicinis effoditur: cuius virtutes  
 excellentes, nō modò eiusdem vrbis Medici,  
 verum etiam præcipuarum vrbiū Italiæ  
 longa experientia comprobarunt. Quare v-  
 tile censuerunt, si boni publici causa huius



vires, & notæ, quibus optima cognosci potest, scripto proponerentur, quo huius, præsertim tempore hoc contagioso, usus esse possit.

Sunt verò huius terræ multæ species, & optima ea habetur, quæ colorem Rhabarbaro optimo similem obtinet; at cum hæc inuentu difficilis sit, proxima est alba, hancque sequitur, quæ vini colorem refert. Bona si dici mereatur, levis sit & mollis, linguæ glutinis instar adhærescat, succi plena, friabilis, vinctuosa, ore detenta lique scat, masticata nil arenosi præ se ferat, aquæ imposita, bullas ad modum calcis bullientis excitet: vilissima est, quæ crustis optecta est, ex qua hodie Antispodium, in ventris fluxu præstantissimum, confici solet.

Prior terra, si drachmæ vnius pondere cum aqua acetosæ exhibeatur, in febribus malignis, & pestiferis, remedium optimum est: si in febribus cum aqua Melissæ die Critico propinetur, sudorem prouocat: contra venena omnia tam assumpta, quam adinota, vtilissima est. Scorpionum ictibus cum oleo & aceto medetur. A peste præseruat, & peste correptos sanat, si quotidie mane drachma vna assumatur.

Inflammationes omnes, speciatim verò, mammarum, & testiculorum, cum aqua & aceto adhibita, sedat: cum aqua portulacæ aut graminis epota, lumbricos infantum pellit:  
omnem



DE LAPIDE BEZAR. 31

omnem fluxum sanguineum cum aqua & aceto supprimit: sputo sanguineo cum saccharo rosato medetur: Contra mensium fluxum minimum, optimum medicamentum: quemadmodum in alui fluore, ut est Diarrhœa, Dysenteria & Lienteria.

Catharrhos omnes potissimum à causa calida productis, inhibet; vulneribus antiquis, præsertim tiliarum, cum oleo dissoluta, auxilio est. Vomitus sedat, tam per os sumpta, quam foris adnota.

Et quia viperarum & aspidum moribus cum aceto imposita medetur: idcirco alijs etiam moribus applicata utilis esse censetur. Ab igne ambusta, cum oleo commista, sanat: & oris viceribus putridis medetur: ventriculum corroborat; phthisicorum vires restituit. Sunt qui in affectibus pectoris, & pleuritide commendat: cum aqua lactis, Gonorrhœæ medetur: & in succo semperuiui dissoluta, pustulas & maculas à Sole contractas, tollit. Insuper huic terræ varias adhuc vires adscribunt, quæ ubi experimento comprobata fuerint, & ipsæ publici iuris fient.

Huius dosis est drachma una per os sumpta: at si forinsecus applicetur, quantitas cuiuslibet arbitrio relinquitur.

Easdem proprietates, & vires obtinent Terra sigillata serenissimi magni Ducis Heistruriæ: terra Lemnia Galeni, & Bolus Armenus Orientalis luteus, quod infinitis tam



Medicorum, quàm aliorum fide dignorum  
experimentis comprobatum est. Hactenus  
scheda transmissa. Plura de hac Terra dicere  
non possumus.

## DE LAPIDE EX CERVI LACRYMIS CON- densato.

### CAPUT VII.



**V**M ex cerui, qui serpentes deuorauerit, lacrymis, dum in aqua consistit, fufis, ijsque in lapidis duitiem concretis, Bezaar genitum esse, plures velint: lubet inquirere primùm, quo nomine donetur; dein, cur cerui serpentes deuorēt, & cur aquam ingrediantur, & lacrymas fundant, ex sententia primùm Philosophorum, dein Theologorum: Tum, ipsius descriptionem subiungemus: quartò, quis huius lachrymæ concretæ vsus sit. Quintò, quinam hunc pro Bezaare agnoscant, & qui sint, qui hunc lapidem in cerui angulis genitum, à lapide qui ex ventriculo Hirco simili animalis, eximitur, distinctum faciant: & tandem, vtrum in ceruo quoque lapis generetur.

Dicitur lacryma *a* cerui: lapis in angulis *b* oculorum cerui, lapis inuētus in oculis *c* ceruorum: lapis ex lachryma *d* cerui concretus: lapis *e* ceruinus: cerui lacryma *f* & sordes oculo.



DE LAPIDE BEZAAR. 33

oculorum cerui virosi odoris, & Bezahar *f*  
Arabum: lapis *g* Gagacromeon: lapis *h* Ken-  
ne: lapis *i* Kemne: Bezehart Bezahardt *k*:  
Bezoar: *l* Belzear: Belzahardt: *m* Belzaharti-  
cus *n* lapis: Bezoar *o* ex ceruorum lacryma.  
Bezaar *p* in oculis cerui genitus: Bezahar,  
propriè *q* lapis, qui dicitur lacryma cerui: Be-  
zoard *r* Arabibus.

Ad alterum, cur serpentes deuorent, & la-  
chrymas fundant. Ceruis, vt hinc ordiar, pu-  
gnam esse cum serpentibus, & colubris Pli-  
nius testatur, ita vt cauernas inuestigent, &  
renitentes narium spiritu extrahant, quibus  
exitio sunt: cum eodem *t* scribente extractos  
mandant. Et Plutarchus *u* refert, à ceruis ser-  
pentes facile rari: & hinc *λάρξ* nomen indi-  
tum, non à leuitate, verum à serpentis tra-  
ctione, quæ Græcè *λάρξ* dicatur. Ex Plinio id  
refert probatissimus Medicus Auenzoar *x*,  
existimans hoc ipsum regium Prophetam  
Dauidem in Psalmo *y* innuisse. dum dicit: sic-  
ut ceruus desiderat ad fontes aquarum, ita a-  
nima mea desiderat ad te Domine. Nam po-  
steaquam ceruus congressus est cum serpen-  
tibus in Orientalibus & regionibus, vbi præ-  
grandes & valdè noxios ob regionis illius  
feruorem reperiri constat, & carnem serpen-  
tinam deuorauit, siti correptus, proijcit se in  
pedes, vt stagnum, aut flumen aliquod, in  
quod se immergat, quærat: id quæ agit, vt a-  
quæ frigiditate ingens calor, quem deuoratis.

C



noxijs animalibus concepit, temperetur: istie  
 persistit, nihil bibendo, donec ingens ille ca-  
 lor temperatus, & sublatus sit Quibus immer-  
 sus, natura ita docente, velut Tantalus in me-  
 dijs fluctibus sitiens non bibit: nam si quid  
*aa* aquę degustaret, illicò mortuus cōcideret,  
*bb* interim ex oculis lacrymæ lentè destillant  
*cc* quæ in oculorum angulis paulatim crasse-  
 scunt, coguntur & coagulantur, atq; in *dd* ca-  
 staneæ *ee*, vel glandis *ff* magnitudinem ex-  
 crescunt. Deinde cū sese veneno exonera-  
 tum senserit, aquā egressus in latebras diuer-  
 tit, & vt lapis ille visus *gg* obstaculū decidat,  
 caput arboribus affricat, vel vt alij aiunt, ē flu-  
 minibus *bb* egredienti ab oculis statim in hu-  
 mum decedit: quem inuentum venatores Si-  
 cilię, & Orientis, vt Bezehardt, contra quod-  
 vis venenum Antidotum efficacissimum, ma-  
 gni vendunt. Vel vt Agricola *ii*, homines ob-  
 seruant, colligunt, & vt rem pretiosissimam  
 inter cœmelia meritò reponunt: nam hoc est  
 illud Belzahard tantæ apud eos, qui habent,  
 æstimationis, vt cuius veneno, vel medium  
 vnguem ostendant. Quod, teste Amato, *kk* la-  
 crymam cerui, vel potiùs lapidem Belzahar-  
 ticum, id est lapidem Antidotum appellant:  
 quæ fabulosa esse, Lusitanos, qui multos ex  
 India afferant, afferere scribit.

Curautem serpentes deuorēt, inquiramus.  
 Euax in suo de lapidib. libello *ll* vult, ceruos  
 in Oriente serpentes deuorare, vt senium de-  
 ponant:



ponant: & vt fortiores fiant, flumen intrare, vbi morētur immersi vsq; ad caput (anterior enim capitis partem, aquæ non immergunt, vt respirare possint) tamdiu quousque sentiant, virtutem veneni superatam, interea lachrymam emittere, quæ coagulata in oculis (sub *mm* palpebris) interdum ad nucis *nn* magnitudinē desiccantur, & cadere tum, quando flumen egrediūtur, qui repertus venenorum Theriaca dicatur, & esse lapidem multū earum Regibus *oo*. Hæc quoq; Simon Ianuēsis *pp* sub titulo Bezard, & Matthæus Syluaticus in pandectis *qq* sub titulo Kenne referūt: addentes censere aliquos hunc lapidem in oculis ceruorum genitum *rr*.

Paulò aliter Cardinalis Ponzettus, *ss* agens de simplicibus, venenis resistantibus. Experimentum scribit, antidotum quod probāt sapientes ad omnia genera veneni, est lapis appellatus Kemne seu Bezar, & habet colorem citri splendētem, & colorem vini, & generatur ex lacrymis ceruorum: nam facti debiles ætate (nō dicit, serpentib. deuoratis) intrant quoddam flumen in partibus Orientis, & stant in eo immersi vsq; ad caput, donec emittant lacrymas, quæ ab aquæ frigiditate & aëris coagulantur, & vertuntur in lapidē vsq; ad quantitātē auellanæ, vel nucis, qui cadit postquam exeunt ex flumine. Hæc quoq; Gesnerus, & Henricus à Bra. *tt* ex Ponzetto referunt.

Quare volunt ceruos serpentes deuorare,



vt iuuenescant, diuturoq; cum sint vitæ, & cer-  
uis longæuitas inter omnia animantia præci-  
pua sit. Scribit enim cū Hesiodo, Oppianus,  
ceruum viuere *χρόνον τετράδωρον*, siue quatuor  
cornicis ætates: & Plinius *uu* centesimum an-  
num superare affirmat: vt & Iuuenalis *xx*. Ve-  
rū Hesiodus, referente Plinio *yy*, multa de  
hominum æuo referens, cornici nouem no-  
stras attribuit ætates, quadruplum eius cer-  
uis, id triplicatum coruis: & Plutarchus de  
oraculorum defectu, cerui ætatem his Hesio-  
di verbis exprefcit:

*Secla viri nouies pubentis garrula cornix  
Pincit, cornicis ceruus quater, at tria cerui  
Tempora ceruus agit, quem deinceps Indica phœnix  
Egreditur nouies, at vos nata Iouis alti  
Pulchricomæ decies superatis secula nymphæ.*

Et licet Aristoteles *zz*, & ex eo Plin. *uu* senes  
duplici indicio cognosci referat; altero, quod  
dentes aut nullos, aut paucos habent: altero,  
quod adminiculis careant: (vocantur admini-  
cula rami, qui imis cornibus ante frontem  
prominēt, quibus iuniores in pugna vtuntur,  
senes autē carent) attamen ad eorum ætatem  
dignoscendam, Alexander Magnus, torques  
plurimis ceruis iunexuit, qui post annū 100.  
capti in magna obesitate, nec dum senij indi-  
cium præferebant, vt memorant Solinus *aaa*,  
Plinius, & ex ijs Simon Maiolus *bbb*. Fecisse id  
ipsum & Cæsarem putarūt, nam annis iam ab  
hinc exactis supra ducentos, cū Carolus Gal-  
liarū Rex, Syluaneum se contulisset, canum

latra-



latratibus ceruus in fugā excitatus, torquem æneam collo gerens inuentus est, quem ferro Rex peti, vetuit; tandem retib. captus est: erat in torque literis Latinis scriptū: Hoc me Cæsar donauit: interpretantibus nonnullis, id de C. Iul. Cæs. intelligi nō posse, alij responderūt, quod vltra mille annos cerui eius ætas fuisset protēsa: qđ longissimē à verisimili abesset. Alij igitur Imperatori id adscribendum fuit. Hæc Guaguinus annalibus Gallicis *ccc* annotauit.

Verū magis placet Theomnesti *ddd* grauis veterinariorū medicinæ auctoris opinio, scribētis, Ceruos vermes intestinorum in uolucris implicitos (qui *eee* in senio cōfectis generētur) serpentum esu, quos ex cauernis narium spiritu eliciant, enecare: & ne virus illorum ipsis obsit, ad fontes aquarū accelerare, quibus ad labra vsq; se immergāt: tum oculis lacrymas lentē destillare, quæ viscedine sua coagulata, in angulis oculorum *fff* in lacrymas nucis iuglandis pondere coalescere, &c. quæ etiā Langius *ggg* & ex hoc Schæckius *bbb*, & Heurnius *ii* habent: leguntur quoq; apud Lonicerū, Mizaldum, & ex hoc apud Weckerum *kkk*, Spachium *lll*, à Bramm, & Wittichium, qui addit Fallopiū figmentū dicere.

Quis quæso dubitabit in intestinis ceruorū vermes reperiri, cū etiā in ipsorū capitib. aliquādo repertos proditū sit. Sic enim Arist. *nnn* Vermes cerui continent oēs suo in capite viuos, qui nasci solent sub lingua in concauo,



& circavertebra, vbi caput ceruici nectitur, magnitudine haud minores ijs verimib<sup>9</sup>, quos maximos carnes putres ediderint: gigni vniuersi, atq; contigui solent, numero adeò circiter viginti. Et Plinius <sup>ooo</sup>, ceruis in capite esse vermiculos, sub linguæ inanitate, & circa articulum, qua caput iungitur humero, numero viginti, asserit.

Testatur Conradus Heresbachius in suo Thereutices cōpendio, se mense Maio in Menapijs vidisse ceruū exēterari, cui<sup>9</sup> caput succis cornib<sup>9</sup>, apertōq; cranio pollicarib<sup>9</sup> vermiculis, præter capita rubra, albicātibus, scatebat.

Sed Christophorus Encelius <sup>ppp</sup> aliā causam reddit, tempusq; quādo id fiat, his verbis describit: in Oriente ceruus verno tempore serpētum cauernas inuestigat, nariumq; spiritu extrahit renitentes, eosq; comedit, vt ita annum tædiū purget, moxq; aquas & flumina petit, quib. se mergit ad ipsum caput, tamdiu quousq; sentiat superatam vim veneni: interea lacrymas emittit oculis vi veneni, quæ coagulatae penes oculos desiccantur, & decidunt: Hæ lacrymæ coagulatae, sunt Bezoar contra omnia venena, &c.

Claudius Richardus <sup>qqq</sup> facilioris concoctionis gratia flumen ingredi, ex aliorū sententia asserit, his verbis: dicunt in illis desertis regionibus, vbi cerui valdè cōsenuerint serpentes venari, atq; vbi illorū plurimos deuorauerint, facilioris cōcoctionis gratia, fluminib. & aquis



aq̄s ad collū vsq; ad dies aliquot sese cōtinere; quo tempore paulatim incipit lacryma aliqua ex oculis defluere, indurariq; & pedetētim augeri magis & minūs, put apparet. Et Ruland⁹ rrr lapidem Bezoardicū ex consensuentium ceruorū, viperis ē cauernis rictu plectis, victitantium, & celerioris cōcoctionis procurādæ gratia, fluuiorū ad summum aquis perfusorū oculorū lacrymis profilientib. & cōgelascētib. nasci, doctorū locupletū nonnulli cōtestātur.

Iam verò licet omnes scribāt, ceruū deuoratis serpentib. in flumine aquā non gustare: alia tamen unius Petri Hispani sss est sentētia, sic scribētis: Et ista via renouāt suā iuuetutem Aquila & Ceruus, & quædā alia, comedentia huiusmodi serpētes ex instinctu naturę: & qñ ista animalia cœperunt ista venena, currūt ad aquā, & bibūt tantū de illa aqua, q̄ caro illorū inflatur, & extenditur, & fit solutio continui, & tunc cadit caro vetus, & noua regeneratur. Quod aut̄ esus carnis serpentum vitā prolonget, docuit Auicenna ttt, imò virtutē corroborare, sensus & iuuentutē cōseruare. Docuit idē Mesues uuu, hominē ex esu serpentis iuuenescere, hocq; à forma specifica serpētis fieri.

Theologorū sententiā subnectamus, reliēta de sexu controuersia, alijs volentib. vocē לִיָּא Aiol licet masculinū sit, in hoc Davidis Psal. fœmininū esse: quare ceruā reddūt; alijs vocē hanc cōmunis generis statuētibus: alijs deniq; adstruētibus, hoc in Psal. ceruā intelligēdam, q̄ Hebræi peculiare nomē habeāt, quo ceruū



nominēt. Sunt qui velint esse propositionem vniuersalis studij, quò ad Deum ferebatur Dauid, quæ illustretur per comparationē Cerui, qui ad aquas confugere dicatur, cū anhelus est, maximè ineunte Autumno, quo tempore propter æstum sit sitis impatientissimus, vt voluere Tremellius, & Iunius. Quare Caluinus, similitudine Cerui, summum desiderij ardorem expressisse voluit, cui non placet expositio statuentium, à ceruis expeti fluuios, vt ex lassitudine se reficiant: fatetur quidem, si venator ceruum vrgeat, & canes instent, fluminis occursum nouas vires colligere: sed constare etiam, certis anni temporibus, ceruos incredibili ardore plus quàm sitientes, aquas expetere, quam sitim Propheta notauit. Sed clariùs Commentatorum alius: hunc ardorem de siti interpretatur, agitati à canibus in venatione: vel quod est simplicius, de siti simplici in terra calida: aliqui de siti, ex deuorato serpente: exquisitiùs Iudæi de siti parturientis ceruæ. Fortassis & de alio noto æstu huius generis hoc interpretari licuerit, cupiditate nimirum *ὀρέσας καὶ κνήσας*. Quare disertè Aristotelem scribere, mares antequam pluuia cadente abluantur, neque à fœtore hircino post *ὀρέσας* contracto liberari, neque ad pabulationem prodire. Verba Aristot. xxx subiungere lubet: cū mares impleuerint fœminas, separantur per se ipsi, & propter libidinis graueolentiam quisque solitarius scrobes fodit: fœtent



foetent ut hirci: degunt ita quousq; imber accedat, tūm pascua repetunt: fugient etiam in aquas *διὰ τὸ καῦμα, καὶ τὸ ἄσθμα*, id est, propter æstum atq; anhelitum. Sed ne falcem in alienam messem mittere velle videamur, Divini Augustini, qui hoc ad mysterium trahit, sententia prolata, concludamus: Serpentes, inquit, necat ceruus, & post serpentum interemptionem maiori siti incalescit, peremptis serpentibus, ad fontes acrius currit: Serpentes vitia tua sunt, consume serpentes iniquitatis, tūm ampliùs desiderabis fontē veritatis.

At dubitari posset, an etiam alibi, quàm in Oriente cerui lacrymas fundant, & si fundant, cur tanto pretio lapis Bezaar veniat. Testatur Plutarchus γγγ ceruos, & apros captos illacrymare, & ceruorum lacrymas salvas, aprorum verò dulces esse: saporis huius diversi causam, in vtriusq; animalis calorem, & frigus refert his verbis: Animal frigidum ceruus, ardens verò calore ignis Aper: vnde ille persecutores fugit, hic verò ira inflammatus dente atroci se vlciscitur: aper ira inflammatus, copia caloris spirituum ad oculos exhalante, spiritus in lacrymas eliquat; eiusque, inquit Xenophon, ςςς recenter occisi, dentes adeò feruent, vt crines, si quis admoueat, exurat. Aliam quoq; Empedoclis rationem, de vtriusq; animalis lacrymis, Plutarch. eo loci subiungit.

Has lacrymas, Scribonius Largus αααα Cæsaris Medicus, sordes appellat: Vt sis, ait, tutus,



etiam si quando rus secesseris, ponam The-  
riacarum compositiones, id est, ad serpētum  
morsus, atq; ictus medicamina: sed prius, quę  
cognita habui remedia, ne cui serpentes no-  
ceant, dicam. Habere ergo in cinctū oportet  
peucedanum, vel Cerui cum captus est, in o-  
culi angulo, qui est ad nares versus, quę in-  
veniuntur sordes virosi odoris (addit Mercu-  
rialis *bbbb* quę senescentibus in formam lapi-  
dis durantur) has Sicilię venatores diligen-  
ter colligunt, & habent in cinctū (quod capi-  
tis involucrum est) propter ante dictam cau-  
sam. Hęc Scribonius.

Hanc Scribonii sententiam Cardanus *cccc*  
falsam asserit: lapis, scribit, Pazar, corrupto  
nomine Bezar, quem Scribonius Largus,  
quamvis Cęsaris Medicus, falsò scripsit, lacry-  
mam esse ceruorum in Sicilia inuentam, cū  
constet in Pely Orientalis Indię regione foli-  
tam inueniri. Verū Cardano neutiquā sub-  
scribimus, non solū auctoritatibus, quas  
subijciemus, persuasi, verū quod etiamnum  
diligenter obseruanti, eiusmodi sordes repe-  
riri certi sumus, venatorum testimonio edo-  
cti, & oculis propriis fidem facientibus.

Adstipulantur ipse Cardanus (sui oblitus)  
Langius, Reusnerus, Encelius, Scaliger, Sar-  
racenus, & Bodinus. Sic enim Cardanus, *dddd*  
Galenus commune alexipharmacū non no-  
uit, scilicet cerui lacrymā: & mox: celebrantur  
inter generalia Alexipharmaca, sordes oculo-  
rum



rum cerui, virosi odoris, quas seruāt Venato-  
res in Sicilia, ut ait Scribonius: sed in regioni-  
bus calidioribus, & maximè in Africa concre-  
scūt in lapidē, & hic est, qui ab Arabib. Beza-  
har dicitur, & eū cognouit Auenzoar etiam.

At Langius, *cccc*, ex quo Schenckius, asserit  
has sordes ex patulis infra ceruorum oculos  
foraminibus erui, & in solo papyri inuolucro  
benè olentes se per septennium illibatas ser-  
uasse. Et Reusnerus, *ffff* eandem, ait, *λήμων* in  
ceruis deprehendimus, cui natura proximè  
subter oculo oblongum folliculum, osse ma-  
xillæ illic dehiscence affabrè machinata est, in  
qua sua viscedine coagulata colligi queat: vnde  
de etiam eruitur, spirans initio *βρωμῶδες π*, pro-  
pemodum ut suū iugulatorum tergora, dū  
setæ diripiuntur, superfusa feruente aqua:  
processu temporis *εὐωδία* acquirit, adeo per-  
tinacem, vt totum septennium illibata possit  
asseruari. Non autem nobis sermo est de la-  
pide Bezaar, quem fingunt venatores in O-  
rientalibus, &c.

Verū siue sordes, siue lacrymas dicas, no-  
tandum etiam in lapidis duritiem non solum  
in Oriēte, sed etiam Germania, & aliis regio-  
nibus cōcrescere, licet rarius reperiatur: for-  
san quod hætenus venatores ignorantes, nec  
admoniti non obseruarint: vel fortè quod in  
annosis *gggg* tantum ceruis, lapidis aliquam  
consistentiam acquirant: siquidem Scaliger  
ante centesimum annum non fieri asserat, cui  
Bodinus subscribit.



Quòd in Germania simile quid obseruetur, hæc Encelii verba *bbbb* testantur: Volunt eas inueniri in Syria, India & Oriente: nos in Germania etiam in nostris ceruis videmus aliquid penes oculos sæpè lapidescere: & materia illa coacta, ossea quasi, ex lacrymis procul dubio colligitur à venatoribus, & est Bezaar, id est, aduersatur etiam omnibus venenis, propterea magni æstimari deberet à Principibus.

Bodinus *iiii* sic exhibuit: Post centesimum annum, in cantho cerui lapidescit, ex lacryna cerui, cuiusmodi ceruo cæso ad me delata est, quæ aliquantulum obduruerat, nondum tamen in lapidem planè concreuerat. Idem & Salinuth.

Sarracenus *kkkk* ita scribit: Tertius his accedit ad ruborem vergens, durus admodum, castaneæ, glandis'ue magnitudinem, & formam quadam tenus referens, lacryma cerui locorū, ac gentium ubiq; dictus: eum ex doctis pleriq; centenis annorū conuersionibus ceruorum ossibus ad oculorum angulos sitis, adnasci existimant. Attamē vero similior probabiliorq; eorum, iudicio meo, videtur esse sententia, qui lentum humorē asseuerant statim anni temporibus è ceruorum, longo iam senio confessorum & ex aquis emergentium, oculis defluere, qui posteaquam humi deciderit, Solis ardoribus in eiusmodi lapidem tandem aliquando concreascit.

Audia-



Audiamus Scaligerum *III* ad Cardanum:  
 Cerui lacrymam, rem fortasse minùs tibi no-  
 am, in nostris Musarù thesauris habemus ca-  
 issimà: ante centesimù annum in ceruo nulla  
 est, posteam ætatem accrescit ad oculi can-  
 thù ipsis ossibus, atq; in os protuberans con-  
 crescit, ea duritie, qua cornu superet: qua par-  
 te prominet rotunda est, insigni nitore, colo-  
 ris fului, non siue vestigiis atriorum venula-  
 rum: tanta leuitate, vt penè tactum effugiat,  
 ita enim sese subtrahitur, vt propemodum  
 seipsam mouere videatur (hæc etiam ex Sca-  
 ligero exscripsit Schnebergerus.) Cùm hæc  
 (subiungit Scaliger) in circulis aliquando re-  
 citarem, vnus ex iis, qui è legatorum comita-  
 tu rerum Asiaticarum cognitionem profite-  
 batur, negabat, ad ceruum quidquã attinere,  
 sed esse verè lapidem. Ego illi postridie osten-  
 di, qua parte ex osse fuisset auulsa. Hanc Soli-  
 mannus olim dederat dono Samblancardo  
 Trierarcho. At ea ego postea eius filij Bernar-  
 di Oruesani munificentiam expertus sum.  
 Hæc Scaliger, & ex eo Langius, ex hoc  
 Schenckius: Iordanus, Heurnius, *mmmm* &  
 Salmuth.

Matthiolus commentariis in Diosc. *nnnn*  
 an lapis hic detur, dubitat, & an hæc de ceruis  
 narratio, historia an fabula dici mereatur, re-  
 rum naturalium studiosis, & peritioribus se,  
 iudicandum relinquere, scribit. Et in epistola  
 quadam *oooo* hæc habet, lapidi quẽ Mauritan



Bezahar vocant, plures similes vidi, sed an veri, an adulterini sint, profecto nescio. Sic Reusnerus disertè pppp, non nobis sermo est de lapide Bezahar, quem fingunt venatores in Orientalibus terrarum tractibus, maxime verò in Persia, ceruis circa annum ætatis centesimum ad canthum oculi, accrescere ipsis ossibus; atq; in os protuberans, coire ea duritie, qua cornu superet, insigni nitore, fului coloris, & tanta læuitate, vt tactum eludat. At Libanius qqqq de Bezaare in oculis cerui genito, testatur, quod etiam annatum detestatur, & instar cornu deciduum sit.

Verum vt dicam, quod sentio: lacrymas seu sordes obseruari ad angulos oculorum, in ceruis captis, certum est, venatorum testimonio edoctus, & oculis propriis fidem facientibus. An verò ratione motus, & cursus in venatione id contingat, dubito. Posse quoque progressu temporis illas lacrymas, in sæpius persecutis, & non captis ceruis, vel etiam ex deuoratis serpentibus, & lacrymis, vi veneni protrusis condensari, non negarim, tot fide dignis attestantibus: maxime cum legamus, totos oculos Hyænæ lapide descere: hinc gemmæ Hyæniæ apud Plinium rrrr dicuntur.

a Amato Lusitano cent. 3. cur. 74. Andernaco de vet. & noua medic. com. 2. dial. 5. Belzoharticus lacryma cerui dicitur: Pancirola, qui negat esse, Bezaar, qui in Maurania nascatur, et si eandem virtutem habere possit.

Scaliger



DE LAPIDE BEZAAR. 47

Scaliger exer. 112. Schneberger. lit. L Richardus, & Hummelbergius, ex aliorum sententia. b Augenius 3. de Peste. 8. c Pandect. cap. 434. Encelius. d Hummelbergius in Q. Serenum. e Arculanus, & ex eo à Bra: Bodinus lib. 2. Theatr. f Cardanus 2. de venen. 14. at Baccius lib. de gemmis 34. Bezahar Arabum, & lapidem ex visceribus Indici animalis exemptum, idem facit. g Pandectar. cap. 434. h id est Bezahar, siue Berzat. Pandect. c. 377. i siue Bezar. Ponzettus 2. de venen. 11. ex eo Gesnerus de quadrup. lit. G. k Arabum Langio. 2. epist. 24. l Schenckio in Obseru. m Io. Agricola, & ex eo Gesnerus de quadruped. lib. 1. cap. de ceruo, & Henricus à Bra. n Amatus. o Schenckius li. 7. de alexiphar. p Libanius parte 4. lib. 2. batrachior schol. cap. 22. q Andreas Bellunensis in Arabic. nominum interpret. apud Auicen. & ex eo Gesner. de quadruped. lib. 1. cap. de ceruo lit. C. & Henr. à Bra lib. 1. cap. 2. de venenis. r Mizaldus. s lib. 8. cap. 32. & ex eo citat Io. Agricola: Rheginus: Amatus 2. in Diosc. 39. At Plinius lib. 11. c. 53. elephantum attribuit: Elephantorum, ait, anima serpentes extrahit, ceruorum item urit. t lib. 28. ca. 9. & ex eo Io. Agricola. u de animantium comparatione. x seu vt alij Abinzoar libro sui Theistr: vel vt alij lib. 1. tract. 13. cap. 6. & ex eo Io. Agricola, & Amatus l. c. & ex Agricola, Gesnerus de Quadrupedibus lit. G. y Psalmo 42. z Amatus, Ponzettus, Enzelius: præfertim in Orientalibus prouinciis, legit Agricola, & ex eo Gesnerus, & à Bra: alij locum non addunt, vt Sarracenus: maximè in Persia, sic Bellunensis in indice Auicen. ex eo Gesnerus, & à Bra ll. cit. aa sic & Hummelberg. bb Animo & viribus refici, addit Rheginus. cc humor lentus, qui Solis tandem ardoribus in lapillos glandis imaginè referentes, inibi concreseat. dd in multana magnitudinem, Rheginus. ee Agricola: ex eo Gesner. & à Bra: nucis magnitudinem, Euax, Ianuensis, Pandetarius: Arculanus, ex eo à Bra: nucis inglandis, Mizaldus, & à Bra: nucis inglandis pondere, Langius, Heurnius de febris: anellane, vel nucis, Ponzettus.



ff *Amatus in Diosc.* gg *Sic Langius, Heurn. de feb.*  
*Lonicerus: Salmuth, auritu oculorū ad arbores tophum*  
*illum visus obstaculum, lapidem, si placet, appella, ex-*  
*cutit, Mizaldus: hæc omittunt Amatus, Agricola, Ges-*  
*nerus, à Bra.* hh *Matth. in Diosc. lib. 5. ca. 73.* ii &  
*ex eo Rheginus.* kk *lib. 2. in Diosc. c. 39.* ll & *Pan-*  
*deft. ca. 396. idem ferè Fragosus.* mm *sub palpebris,*  
*inniscatur, Hummelbergius.* nn *inglandis aut casta-*  
*neæ, Hummelberg.* oo *vel vi Hummelbergius, Beze-*  
*hard est ceteris oranibus perfectius, & efficacius, ad ex-*  
*pellendum venenum & noxameius.* pp *in clauē sā-*  
*nitatis.* qq *c. 377. & c. 396. sub titulo lapidis Bezaar.*  
 rr *Sic Salmuth, aiunt in Orientali plaga ceruos longo*  
*senio confecto, serpentes deuorare, quorum esu reuiuē-*  
*nescant: at veneni superandi causa, serpentibus deuora-*  
*tis in flumen, &c.* ss *lib. 2. de venen. c. 11. & ex eo Gesn.*  
*lib. 1. de quadruped. lit. G.* tt *li. 1. de venen. curat. c. 2.*  
 uu *lib. 8. cap. 32.* xx *Satyr. 14.* yy *lib. 7. cap. 48.*  
 zz *9. hist. 5.* aaa *c. 21.* bbb *in colloquijs, colloq. 7.*  
 ccc *lib. 9. & ex eo Maiolus colloq. 7.* ddd *lib. 1. artis*  
*veterinariae. Idem ex eo refert Salmuth.* eee *ex Ara-*  
*bum sententia addit Lonicerus.* fff *in maioribus can-*  
*thib. Mizaldus memorabil. cent. 1. aphor. 70.* ggg *li. 2.*  
*epist. 24.* hhh *lib. 7. Observat. de Alexiphar.* iii *de*  
*Febribus.* lkk *in antid spec. lib. 1. ca. 6.* llk *addidit*  
*cap. 10. hist. Indica Fragoſi.* mmm *li. 1. de venen. cur.*  
*cap. 2.* nnn *2. hist. anim. 15.* ooo *lib. 9. cap. 37.*  
 ppp *lib. de Lapid cap. 49.* qqq *in Epist. ad Archi-*  
*episc. Strigon. quæ Thomæ Iordani de pestis phœnom. libr.*  
*addita.* rrr *de lue Vngarica. cap. 7. hist. 10.* sss *in*  
*comment. suprâ Isaaci Israelit lib. diet. particul. part. 4.*  
 ttt *lib. 2. can. tr. 2. cap. 616. de serpente, & ex eo Guay-*  
*nerius.* uuu *de consolat. medici intent. 2. cap. 2. quæ*  
*etiam à Guaynerio tr. de ven. ca. 3. citantur.* xxx *6 hist.*  
*anim. 29.* yyy *7. sympos. cap. 2. & in quæſtion. natur.*  
*quæſt. 29. & Heurn. de febribus cap. 19.* zzz *lib. de*  
*venat ad Tyrum.* aaaa *de comp. medic. cap. 42. comp.*  
*163. citant ex eo quoque Iordanus de pestis phœnom. tr. 3.*  
 cap. 9.



# DE LAPIDE BEZAAR. 49

cap. 9. Mercurial. lib. 3. de excrem. cap. 2. de lacry. Lan-  
gius 2. epist. 24. Salmuth in Pancirollam : Heur-  
nius de febribus, huius, ait, meminit etiam Scribonius  
Largus, sed nemo exactius Iul. Scaligero, & Scaligeri  
verba subnectit, & addit, se putare, sæpius euenire,  
ut ostendantur eiusmodi lacrymæ, tanquam Besoarti-  
ca quadam medicamenta aduersus venena. bbbb li-  
bro 3. de excrem. cap. 2. cccc lib. 7. de subtilitat.  
dddd libro 2. de venen. cap. 14. & libro 3. cap. 10.  
eee lib. 2. epist. epist. 24. fff de Scorbuto exer. 5.  
gggg Baldus Angelus lib. de nat. Vipera cap. 31.  
Lapis in oculis cernorum in senectâ concrefcit, quo-  
iam toto vitæ suæ spacio, olfactu & calore è terrâ  
erpentes euocantes Cerui ipsis vefcuntur, & cum fiti  
exentur ingenti, ad fontes præcurrunt, in aquisque  
diutius verſentur, lachrymæ ipſorum, quaſi oculorum  
profluuiâ ſiunt, & in lapidem obdurefcunt. hhhh li.  
de lapid 49. iiii lib. 2. ſui theatri. kkkk lib.  
de peſte. llll in exercit. exer. 112. mmmm de fe-  
bribus. & Reuſnerus de Scorbut. exer. 5. licet ſordes  
admittat, Lapidem vero Bezaar pro figmento habere  
videtur. nnnn in li. 5. Dioſc. cap. 73. oooo lib. 3.  
epiſt. ad Guil. Quacelbenum. pppp de Scorbu-  
to exerc. 5. qqqq parte 4. lib. 2. barrachi. in Schol.  
cap. 2. rrrr lib. 37. cap. 10. & ex eo Encelius lib. 3.  
de lapid. cap. 49.

D



DESCRIPTIO LAPIDIS  
DIS BEZAAR, EX CERVI  
lacrymis condensatis  
geniti.

CAPUT VIII.

**E**ssi lacrymas vel fordes in ceruorum oculorum angulis instar for-  
dium aurium conglobatas, instar  
ceræ induratas, & virosi odoris sæ-  
pius obseruari, attamen in lapidis duritiem  
concretas hætenus videre non licuit: lubet  
tamen eius notas, ab auctoribus propositas,  
quoad substantiam, formam, magnitudinem,  
& colorem subiicere.

Substantia ergò durus admodum, duritie  
cornu superans, tanta tamē leuitate, vt penè  
tactū effugiat, ita enim sese subtrahit, vt pro-  
pèmodum seipsum mouere videatur, insigni-  
nitore splendens. Forma latus, in pyramidem  
tendens, castanæ glandis' ve imaginem qua-  
damtenus referens, & qua parte prominet,  
rotundus est. Magnitudine auellanae, vel nu-  
cis, coloris citrini, vel mellei, vel fului, non si-  
ne vestigiis attritorum venularum, vel ad ru-  
borem vergentis, est etiam coloris subuiridis,  
& candidi, odore vini.

Sic enim Porzettus, *a* & ex eo Gesnerus *b*  
colore citri splendens, odore vini, ad quanti-  
tatem auellanae, vel nucis. Amatus, *c* lacryma  
cerui




## DE LAPIDE BEZAAR. 51

cerui lapillus alter est, coloris mellei, latus in pyramidem tendens, à paucis hucusq; visus, quem nos, cum hæc scriberemus, ob oculos habemus. Encelius, d. reperiuntur hæ lacrymæ coloris citrini, puluerulenti, subvirides, & cãdidi. Scaliger e (& ex eo Lãgius f, Schenckius, Schnebergerus) in os protuberãs con- crescit ea duritie, qua cornu superet: quã par- te prominet, rotunda est, insigni nitore, co- loris fului, non sine vestigiis atriorum venula- rum, tanta leuitate, vt penè tactum effugiat, ita enim sese subtrahit, vt propemodum sei- psum mouere videatur. Sarracenus: g ad ru- borem vergens, durus admodum, castaneæ glandis' ve imaginem, & formam quadamte- nus referens.

a lib. 2. de venen. ca. 11. b de quadrup. lib. 1. cap. de Ceruo lit. G. c li. 2. in Diosc. enarr. 39. at cent. 3. cur. 74. alter ad rubedinem vergens admodum durus, castaneæ figurã. d 3. de lapid. 49. e exercit. 112. f lib. 2. epist. 24. g de peste.

## DE LAPIDIS BEZOARIS CERVINI VSV ET EX- hibendi modo.

### CAPVT IX.

um cerui cauernas, in quibus ser- pentes latitant, inuestigent, na- riũq; spiritu renitentes extrahant, vt vulgò creditur, mirum nõ est, si ex cerui corpore aliquid prodeat, quod vene-



nis reluctetur. Quare in usu sunt cornua, quorum extrema nostri volūt comitialibus mirè prodesse, & veneno hausto aduersari, si cornu intra feita, vt vocant, S. M. riæ, hoc est, inter 15. Augusti mensis & 8. Septembris, sit acquisitum. Imprimis autem referente Plinio *a*, credūt dextrum cornu medicamento aliquo præfitum esse, quod inueniri negant, quia à cervis defodi purant: quæ ex Aristotele, *b* desumpta, qui tamen sinistri meminit, his verbis: cornu sinistrum compertum esse à nemine adhuc fertur: occulit enim id tanquam quodam medicamēto præditum. Idem libro *c* de ceruis Epiroticis id scribit, vt hoc ceruorum omnium minimè commune esse videatur. Etiam Plutarch. *bb* testatur, ceruos cornua decidua defodere, & terra recondere. Cornu, ipsiusq; cinis aluum sistit, & vlcera tibiæ sanat, Plinio *c*: imò ipsius nunc contrà vermes frequens vsus est: sic adusti odor serpentibus abigendis singulare Plinio *d*. Pulmo à Plinio *e* in phthisi & tussi commendatur. Os in corde eius repertum contrà venena maximi fit: & talia ossa de corde ceruæ, seu hinnulæ, partū custodiunt, & prægrantibus mirè conducunt, Encelio attestante. Genitale eius neruosum arefactum, sedat calorem coli, potu: ramenta pudendi eius in fluoribus alui, & ad Venerem incitandam commendantur; quemadmodum & sanguis, attestante Plinio, *e* aluum sistit (& secundum quos



quosdam calculosis prodest) qui coagulum sanguinem sistere, & medullam fossiam, vlcera tibiæ, curare asserit: & Encelius, omnibus inflammationibus, præcipuè vuluæ, conducere scribit: imò & fimum & ramenta pellis ceruinæ deiecta pumice commendat. Quæ de re qui vult libellum Sexti Philosophi Platonici de medicinâ ex animalibus, consulat. Fungi etiam vel boleti ceruini, in usum veniunt. Et tandem lacryma indurata, quæ omnium rarissima est, cuius nunc usum, exhibendi modum, ab auctoribus traditum, eiusq; dosin proposituri sumus.

Cum Scribonius Largus ipsis sordibus ex oculo cerui collectis, singularem contra serpentum morsus, & ictus vim tribuat: idcirco singularem, & insitam aduersus venena vim huic Scaliger<sup>b</sup>, & alii adscribunt, ita ut Heurnius<sup>i</sup> primæ notæ dixerit, & Principes studere debere, vt venando nansciscantur: alii antidotum faciunt, contra venena epotum efficacissimum, & prorsus diuinum: imò contra pestem, & omne iobolorū virus, & deleteria, medicamentum alexipharmacum Langius asserit: hinc omnium venenorum Theriacam, cum Ianuensi, Arculanus<sup>m</sup> statuit Quare Amato<sup>n</sup> monente, ad ea valet, ad quæ lapillus ex ventriculo animalis extractus: & Fumanellus o eadem vi cum lapide Bezoar rubeo, puluerulento, pollere scribit: & Augenius<sup>o</sup> ad cordis corroborationem, & ve-



54 CASPARI BAVHINI  
neni profligationem nonnullos commenda-  
re, refert: Cardiacis prodesse, & contra defe-  
ctus anime, sicut omnes ictus venenatos, En-  
celius pauctor est. Pleuritidem rebellem hu-  
ius potu domari, vermesq; expelli. Amatus  
nexpertus est: ab aurigine / virulenta liberat:  
& in peste sudorem præclare elicere testis  
est Heurnius q: & Cardanus r commune alex-  
ipharmacum Galeno incognitum scribit,  
& s gestatum aduersus venena plurimum  
prodesse Pezar, Smaragdum, & lacrymam  
cerui credit: & Q. Serenus t Samonicus con-  
tra subitaneos dolores, febres & ostocopos  
magni fecit his verbis:

*Seminecis cerui lacrymam miscere liquori  
Conuenit, atq; artus illinc mulcere calentes.*

Quo loci Hummelbergius vult lacrymam  
esse lapidem, ex lacryma cerui concretum, &  
esse contra venena præsentaneam medici-  
nam, & Bezehard: quare his febribus maxi-  
mè mederi, quæ originis suæ causam ha-  
beant, intus assumptum, aut extra illatum  
venenum, cuius virtuti resistat, illud è cor-  
pore pellendo.

Exhibendi modum addamus. Utendi  
modus u in remedio ignoto, & paucis viso,  
assignari, nisi coniectura vix potest, præter-  
quam ut more Antidotorum, si eius copia  
data fuerit, vsurpemus. Attamen contra ve-  
nena, in oleo, vel aqua Naphæ: contra febres  
pestilentes, in aqua nenupharis, vel acetosæ,  
vel alia frigida, ad minus pondere trium gra-  
norum



onorum, magno dari iuuamento, Amatus auctor est. Peste correptis, cum vini momento datur, Scaliger x: sudorem, ait Heurnius, in peste præclare elicit, dantur tria grana ex vino, vel aqua scabiosæ: idem lib. de peste, Bezaoar ad gra. 12. Hyacinthus Orientalis, Smaragdus ad gra: 6. ex aqua & vino; lacryma cerui, Topazius, Carbunculus, Sapphirus ad drachmæ unius pondus datur. Verum n puerorum vigente febre, in aqua portulacæ, sine febre, in vino propinatum, extirpat. Auenzoar y, filio Hali Regis Conestablii, huius ad pondus trium granorum hordei, vna & cum vnciis quinque aquæ cucurbitæ, quæ ad scititiam caliditatem mitigare potis erat, potandum dedit, & eum à virulenta aurigine, à valde noxio veneno deuorato causata, liberauit. Tandem ut habet aa Ponzetus, hoc trito, quando sumitur pondus duodecim granorum hordei, expellitur omne venenum, & virus per sudorem. Vnde, ait Scaliger bb, tantus oritur sudor, vt penè totū solui corpus videas: quo vno bb pestilens virus foras truditur. Cōplet enim monente Amato n, opus suū lapis iste aliquando per vomitum, nonnunquam verò per secessum, plerunq; tamen per sudorem.

Et vt concludamus, minimè dubitamus, etiam ipsas lacrymas, non induratas, siue fordes, vsui medico inferuire posse, cum & alia, quæ ex excrementis cerui ortum suum



56 CASPARI BAVHINI  
 habent, à Medicis & magni fiant, & in v.  
 sum veniant. Quare cerui lacrymas colle-  
 ctas, cordis pulsu laborantibus, auxilio esse,  
 Gesnerus *cc* ex Physiologo auctore asserit.  
 Sordidus his etiam mulieres quasdam ad fa-  
 cilitandum partum vti, Clariss. D. Andreas  
 Dörer, Electoris Saxoniae defuncti Archia-  
 ter, nuper ad me perscripsit, addens, sed  
 quo id cum successu fiat, ipsum adhuc la-  
 tere. Imò sunt qui nunc apud nos contra  
 uenena vtantur. Nemini ergò mirum esse  
 debet, si vt Scribonius *dd* refert, Siciliae ve-  
 natores, imò & Indorum, vt ex Auenzoare  
 Langius citat, summo studio inquirent, col-  
 ligant, & magni diuendant.

a lib. 8. cap. 32. b 9. histor. animal. 5. bb de  
 Pythiae oraculis, & lib. 7. sermon. conuiual. cap. 2.  
 c lib. 28. cap. 14. & 17. d lib. 8. cap. 32. & lib. 10.  
 cap. 70. e lib. 28. cap. 12. & 17. f lib. 28. cap. 18.  
 g Iordanus de peste tract. 3. cap. 9. h exercit. 112.  
 Bodinus lib. 2. theatr. addens se tamen non esse exper-  
 tum. i lib. de febribus cap. 19. k Ioan. Agrico-  
 la, & ex eo Mizaldus, & à Bra: aduersus venena re-  
 medium praestantissimum, Scaliger: potest tamen la-  
 cryma cerui eandem quidem virtutem habere, quam  
 habet Bezoar, at non is est, qui in Mauritania nasci-  
 tur, Pancirolus. Item Baldus Angelus lib. de nat. Vi-  
 perae cap. 31. aduersus venena & venenatos morbos,  
 ac in peste miro sunt auxilio. l lib. 2. epist. 24. &  
 ex eo Heurnius de febribus. Auenzoar. 1. Theistr.  
 citante Ioan. Agricola, & ex hoc à Bra. m & ex eo  
 à Bra. n in Dioscor. ex corde vel stomacho animalis.  
 o deuratione Pestis cap. 5. & ex eo à Bra. oo lib. 3.  
 de pe-



## DE LAPIDE BEZAAR. 57

de peste, cap. 8. p 3. de lapidib. 49. Sic Augenius lib. 3. de peste cap. 8. ad corroborandum cor, & venena profliganda, nonnulli hunc lapidem commendant. q lib. de Febribus. r lib. 2. de venen. 14. s 3. de venen. 2. t de morbor, curat. u Iordanus de pestis phænom. tract. 3. cap. 9. x exer. 112. & ex eo Langius, & Mizaldus: ex hoc Vveckerus, & à Bra: Schenckius li. 7. de alexiphar. Schnebergerus. y lib. 1. tract. 13. cap. 6. & ex eo Amatus in Diosc. lib. 2. enar. 39. de genitali cerui agens hæc refert, Abinzoar nominans: Agricola, & ex hoc à Bra. z Langius 2. epist. 24. Sic habet: in lacte, aut aqua cucurbitæ, vel rosarum dissolutum: Sic & Heurnius de Febribus, & Salmuth. Monardes lib. proprio, in Hispania inter Cordubam, & Hispalim natum scribit, & ex aqua cucurbitæ grana tria exhibuisse. Schenckius l. c. aa 2. de venen. 11. & ex eo Gesner. lib. 1. de quadrup. lit. G. à Bra. 1. de venen. 2. qui grana duo legit. bb & ex eo Mizaldus, ex hoc Vveckerus, & à Bra. cc lib. 1. de quadruped. cap. de ceruo. dd de compos. medic. cap. 42. comp. 163.

QUI LAPIDEM HVNC  
EX LACRYMIS CERVI CON-  
densatum agnoscant, & qui e-  
um ab altero distin-  
guant.

### CAPUT X.

**L**APIDEM hunc in angulis oculo-  
rum cerui ex lacrymis effusis, &  
condensatis nasci, aliqui asserunt,  
& agnoscunt: aliqui negant: alij  
dubitant, fortè quod in inquirendo tantum  
laboris, uti par erat, non impenderint: Agno.



58 CASPARI BAVHINI  
uerunt, Euax lib. de lapidibus, Pandectarius  
ex Euace in vocabulo Kemne, cap. 377. A-  
uenzoar, in suo Theisir: Bellunensis, in indice  
vocabulorum Arabicorum Auicennæ: Ioan.  
Agricola, lib. 2. ex Auenzoare: Ponzettus, 2.  
de venen. 11. Gesnerus ex Bellunensi: Agri-  
cola, ex Ponzetto simpliciter refert, quemad-  
modum etiā Hen. à Bra. 1. de venen. 2. Ama-  
tus Lusitanus, in Diosc. lib. 2. cap. 39. & cen-  
tur. 3. cur. 74. Encelius 3. de lapid. 49. Hum-  
melbergius in Q. Serenū: Scaliger exer. 112.  
ex quo Langius in epistol. Schnebergerus in  
catal. Schenckius lib. 7. Obs. Fumanellus de  
cur. pest. 5. & ex eo à Bra. Mercurialis lib. 3. de  
excrem. 2. Sarracenus de peste. Saxonia de  
Plica. cap. 59. Augenius lib. 3. de peste 8. Bo-  
dinus 2. theat. Rulandus, de lue Vngarica ca-  
pit. 7. hist. 10. Heurnius, de febribus. cap. 19 &  
de peste: Salmuth in Pancirollum ex aliorum  
sententia, & tandem Adamus Lonicerus sui  
herbarij Germanici cap. vlt. qui figuram ad-  
posuit, qua cerui serpentes eliciunt, aquæ in-  
natant, lacrymatur, & aqua egressi oculos ar-  
boribus affricant, & scribit, maiorem par-  
tem auctorum concludere, & etiamnum ho-  
die, ab ijs, qui eiusmodi res diligenter, in-  
quirunt, confirmari, lapidem hunc nasci ex  
lacrymis in angulis oculorum annosorum  
cervuorum, posteaquam serpentes quæsitos  
deuorarint, at non citius quàm centesimum  
annum superarint.

Qui



Qui verò de hoc dubitanter scripserunt, sunt: Simon Ianuensis in clauē Sanitatis, & Pandectarius cap. 397. putare aliquos tradūt: quemadmodum & Arculanus in Rhafim: Andernacus in sua medic. com. 2. dial. 5. Belzaharticus lacryma cerui dicitur, plura non habet: Matthiolus 5. in Diosc. 73. historia, an fabula sit, dubitat, quod Salmuth quoque citat. Claud. Richardus, alij cerui lacrymam esse statuunt. Mizaldus, tradunt rerum naturalium perscrutatores, &c. ex hoc Weckerus in suo Antidot: & Wittichius: & à Bra. Libanius part. 3. c. 16. lacrymæ, scribit, ceruorum si lapidescant, & vrina, non multum distant ab illarum natura.

Sunt denique qui negent dari, vt Cardanus lib. 7. de Subtil. qui falsò lacrymam cerui à Scribonio dici, scribit: Fallopius de peste, Wittichio referente, figmentum esse asserit, quemadmodum & Reusnerus de Scorbuto, qui non de sordibus, sed de lapide intelligendus. Quidam, ait Cæsalpinus (lib. de metallis, de Bezaar agens) fabulati sunt, lacrymam esse ceruorum in angulis oculorum congelatam, fortè quia hic lapis aliquando lacrymam præ se fert tereti figura, nullo intus cauo instar guttæ congelatæ. Sic Ryffij pharmacia reformata: quod de lacrymis cerui alij fabulantur, peregrinatione aperta in Indias, ea confutata & annihilata sunt.

Nunc quinam sint, qui & vtrumque agno-



scant, & de vtroque agant, stendamus. Amatus Lusitanus l.c. alterum è stomacho animalis, alterum ex lacrymis cerui coagulatis & proposuit, & quia vtrumque nouit, etiam descripsit. Fomanellus l.c. agens de Bezoar ait, nec lapis hic ille est, qui ex lacryma è ceruorum oculis in globum concreta colligunt, dum serpentibus depasti fluminibus se immerferint: & cap. seq. inquit, lapis vterque Bezaharticus. Matthiolus à Bezahar Mauritanorum distinguit. Sunt, ait, qui memorie prodiderunt in ceruorum oculorum angulis lapidem gigni viribus Bezahar prædicto (scilicet Mauritanorum) haud absimilem. Cardanus lib. 2. de venenis 14. & lib. 3. cap. 2. agnoscit, & à Pezar lapide ex India distinguit: idem lib. 3. cap. 10. supremum, scribit, in cura morsus & ictus venenati animalis, & ex omnium consensu est Theriaca optima, & Pezar, aut sordes oculi ceruini: est & tertium genus, quod forsan fit ex sorditie illa ceruini oculi durata, & est lapis, quem describit Conciliator: hæc Cardanus. Andernacus l.c. Belzoharticus lacryma cerui dicitur: in India ex stomacho, vel corde cuiusdam animalis extrahitur. Sic Iordanus, Bodinus, Rulandus, distinguunt, sed hic potius ex aliorum sententia. Mercurialis sic: puto sæpius euenire, vt ostendantur eiusmodi lacrymæ, tanquam Bezahartica quædam medicamenta aduersus venena, qui libro de venenis ex ventre animalis cornis



DE LAPIDE BEZAAR. 61

cornigeri sumi aasserit. Massaria 2. de peste v-  
triusq; meminit, hunc lapidem in ceruorum  
oculorum angulis, alterum Bezoar nomi-  
nando. Augenius de peste, sunt nonnulli qui  
ad eundem affectum lapidem in angulis ocu-  
lorum cerui nascentem commendant. Saxo-  
nia, lapis Bezoarticus, siue Bezoar, siue illum  
intelligas in ventribus animalium inuentum,  
siue cerui lacrymam. Sarracenus triplicem la-  
pidem Bezaar proponit: primum ex ventre  
animalis: alterum è felle hystricis, & tertium  
ex lacrymis cerui.

DE LAPIDE IN CER-  
VO, CERVAVE, GENITO.

CAPVT XI.

**A**BSOLUTA historia lapidis, ex la-  
crymis cerui geniti, non abs re erit  
inquirere, vtrum etiam intra caui-  
tates Cerui lapis reperiatur, & v-  
trum ipsius vltus esse possit. Ex corde ceruino  
lapides exemptos, item in ceruæ ventriculo,  
& intestinis genitos, Crato, Encelius, & Ior-  
danus testantur, quorum verba apponemus.  
Lapis, qui in corde cerui repertus est, quid-  
dam cum lapide Bezoar commune habet, li-  
cet neque forma, neque colore eum referat:  
nam is quoque ad hunc modum incrustatus  
est, neque dubito, quin aduersus venena pro-  
sit. Haftenus Crato 4. Eandem vim habet a *epist. 160.*



(scilicet, quam lacryma cerui) & est Bezaar, os de corde cerui: porro talia ossa de corde ceruæ, seu hinnulæ custodiunt partum, & prægnantibus mirè conducunt. Eandem vim habet lapis repertus in vëtriculo & intestinis ceruæ: Sic Encelius *b*. At Iordanus *c* sic scriptum reliquit: Etiam lapides è ceruino corde exemptos vidi, oui propè columbini magnitudine, laminis conflatos, & quod iucundum fuit aspectu, postquam comminutus fuit, repertum est ossiculum in meditullio, simile cæteris ossibus, in corde progoatis, circa quæ putamina hæc sese aggregando amplificauerunt, & in hanc molem atque dūritiem, calore cordis extorrente lapillum produxerunt: Eum longè prætulerim cuius Bezaar, cum non capræ ventriculo, sed animalis alexicaci corde repert⁹, maiorem affinitatem eundem nobiscum habere, verisimile sit, nisi in pastum causam referas, quod capræ illæ pabulo polentiore nascentur, quam cerui apud nos: hætenus Iordanus.

Sanè compertum est, vt superi⁹ quoque monuimus, os in corde cerui repertum, ad Alexipharmaca asseruari: sic cornua ceruina, præsertim ramorum extrema, non solum veneno hausto aduersari, sed comitialibus mirè prodesse creduntur; sunt qui pulmonibus in phthificis nihil vtili⁹ statuunt: sic genitale eius arefactum, potu exhibitum coli dolorem sedat: ramenta eius pudendi, Venerem

incitant

*b* de metal.  
*c* lapid. lib.  
3. cap. 49.  
*c* de pest.  
phanom.  
tract. 3. ca. 9.

*d* huc usque  
ex Iordano  
recēset Schē-  
ckius in ap-  
pendice suæ  
Lithogene  
siæ.



DE LAPIDE BEZAAR. 63

incitant: sanguis eius aluum sistit, & calculo-  
sis prodest: medulla inflammationibus, præ-  
cipuè vuluæ, conducit. Quid de lacrymis, vel  
etiam sordibus in lapideam duritiem con-  
cretis statuendum sit, præcedente capite di-  
ctum fuit: quid ni ergo maximi faciamus la-  
pidem intra ceruum repertum, imprimis si  
multis corticibus vel laminis ad modum Be-  
zaaris Orientalis compositus, & conflatus  
fuerit?

Lubet aspergere ea quæ apud Sextum Phi-  
losophum Platicum e reperiuntur, qui  
postquam varia medicamenta à ceruis de-  
sumpta, proposuisset, sic inquit: Lapis, qui in  
vulua, aut in ventriculo cerui inuenitur, phy-  
lacterium est prægnanti, & perficit, vt par-  
tum perferat, eaquæ ratio colligit, velocissi-  
mum esse illud animal, nec tamen abortum  
facere. Simili ratione ossicula inueniuntur in  
corde cerui, aut in vulua eius, quæ idem præ-  
stant. Et Constantinus Affricanus f. lapis qui  
in vulua, aut ventriculo eius, aut in corde in-  
uenitur, facit mulieres concipere. Verùm qui  
volet, legat librum Iohannis Georgij Agrico-  
læ, cui titulum fecit, Cerui excoiati & disse-  
cti in Medicina vsus: in quo omnes cerui par-  
tes persequitur, & quem in Medicina vs-  
um habeant, ex auctoribus  
recenset.

e libello de  
medicina ex  
animalibus  
desumpt.  
cap. 1.

f lib. de anj-  
mal. cap. de  
ceruo.



DE PILA IN VENTRI-  
CVLO VITVLI.

## CAPVT XII.



N vitulorum siue bouum iuniorum ventriculo, nonnunquam & in intestinis, pila pugnum æquans, reperitur, quæ æqualiter orbiculata, nigri vel ferruginei coloris, superficie læui, splendente, & pondere leuissima: intrinsecus verò ex pilis densè compactis, & arctissimè infarctis tota concreta cōspicitur. Quarum generatio talis esse videtur, quam etiam Weierus *a* expressit: vituli adhuc lacte materno viuentes, si quando alimoniâ destituti, vel aliqui petulca ætate insolescentes, ad parentem, vel aliam vaccam accurrunt, eius furas, vel quemcunq; locum hirtum ore contigerint, maximè posteriorum coxarum, tam exugunt auidè, vt etiam depilem reddant: piliq; valido crebroq; suctu in ventriculum attracti, & frequenti motu, saltuq; lasciuo paulatim conglomerati, plerumq; lacte, vel chylo, aut pituitoso succo lento obuoluuntur: qui temporis successu tenacior redditus, membrana faciem induit: quemadmodum hæc pilarum pellicula substantia limosa, albidula, statim à sectione visa est primum obducta: quæ deinde sensim exiccata, corio etiam nigræ tincto, assimulatur: hac vna in parte cultro

*a de præstig.  
demon. li. 3.  
cap. 5. & ex  
eo Schenckius in ap-  
pendice suæ  
Lithogene-  
siæ.*



incultro nonnihil excisa, pili molles, uniformes  
admodum compacti apparent. Huiusmodi  
pilas plures vidi, vnamq; habeo. Meminit &  
Weierus eiusmodi pilæ, quæ admodum le-  
uis, oui magni quantitate, sed orbicularis, co-  
loris nigri fuerit, & Pisis ex colo intestino iu-  
uencæ bubulæ extracta, quæ pomo citrio  
vel arantio tam similis fuerit, vt si eo colore  
fuisset, visu solo discerni non potuisset. Imò,  
addit; fuisse quosdam arbitratos, ex integro  
Arantio deglutito, ita in ventre induruisse,  
quod arbitrarium & ridiculum: cortice enim  
quæna in parte cultro vix ægrè inciso, & detra-  
cto, tomenti nigrioris congeries, & ex pilis  
cota concreta, & suffarcinata inuenta fuit.

Harum pilarum & Plinius *b* mentionem  
precipue videtur, his verbis: In iuencarum se-  
cundo ventre, pilæ rotunditate nigricans to-  
phus reperitur, nullo pondere: singulare, vt  
putant, remedium ægrè parturientium, si  
cellurem non attigerit. At si de nostra pila lo-  
quatur, tum eam ineptè tophum appellasse  
Weierus censet, siquidem tophus inter lapi-  
des foraminulentos numeretur: hæc verò pi-  
la, ex pilis compacta, nihil vel lapideum vel a-  
renosum vel foraminulentum habet, sed cir-  
cumquaq; spississima & solidissima est. Et Fer-  
randus *c* Imperatus Neapolitanus Pharma-  
copæus præstantissimus, Tophum iuencæ  
nominat: addens esse pilam in vaccæ ventre  
egenitam, ex pilis, substantia tophacea tectis.

E

*b lib. ii. cap.  
37. citat  
quoq; Vve-  
ierus &  
Schenckius  
ll. cc.*

*c in sua hi-  
storiæ natu-  
ralis lib. 28.  
in fine.*



Meminit etiam Gesnerus, ego (ait) similes Plinianis tophis, pugno maiores leuissimos, superficie læui, vidi, & habeo.

*d lib. 7. de  
subtilitate  
rerum.*

At Cardanus d, Ouum bouis nominat: quædam sunt lapidibus similia, quæ in animalibus inueniuntur; nec tamen sunt lapides, vt ouum bouis: hoc sanè in ventriculo illius inuenitur, magnitudine oui anserini, ferrugineo colore leuissimum ac lenissimum, cogitur ex cibi excrementis, & motu rotunditatem acquirit pituita cogente: vnde si frangatur, ex pilis constare videtur: durum est pro leuitate tanta: ita natura ludit, vt etiam quando, quæ boues oua pariant: & hæc ille. Ridiculum profecto eiusmodi pilas, ex pilis conglobatis constantes, oua, cum quibus ne tantillum similitudinis habent, appellare. Sed rectè profecto Wierus monet, futurum vt huic sententiæ adstipulentur, fidemq; habeant, quicunque veterinarie rei assueuere, & iumentorum educationem attentius obseruarint. Nam & ego testari possum, eiusmodi pilas sæpè in ouis (imò & Capræ pugnum superante) quoque ventriculo, & aliquando plures simul nucis magnitudine, leues quidem pondere, sed superficie non adeò læui, nec splendente, & compactionis substantiæ, reperiri.


Sic & Vlysses Aldroandus Bononiensis in omnibus omnium iumentorum ventribus reperiri asserbat, & ostendebat pugnum æquantes, puniceos, nigricantes: colore enim  
variare,




IOACHIMVS CAME-  
RARIVS IN SVO HOR-  
to Medico.

**O**ronicum, *Gemsenwurk* / quia ra-  
dice Capreae syluestres admodum  
electantur, quam (referentibus ve-  
natoribus, qui & ipsi ea radice vtuntur  
contra corpus contra vertiginem, & in  
comitatu Tyrolensi nominant ab hoc  
effectu *Schwindelwurk*) copiosè ingur-  
tant, & diu ita famem tolerant. Vn-  
de circa Nouembrem vbi capiuntur in  
ventriculo eorum reperitur pila siue  
globus ex eiusmodi radicibus & aliis  
montis alpinis quam vulgo vocant  
*Gemsenfugel* / quales multas vidi & a-  
liquot habeo: suntq; odoratae, qui-  
bus vtuntur similiter contra  
Vertiginem.












PILA RVPICAPRAE  
pag. 67.





DE LAPIDE BEZAAR. 67

variare, prout animal variabat, censuit. Aveneficis ad philtrea, veneficia, & alia portenta edenda adhiberi aiebat.

DE PILA RUPICAPRAE,  
SIVE BEZOARE GER-  
manico.

CAPUT XIII.



Necapris alpinis, quas Rupicapras Plinius vocat, & quæ in præcellis Rhætorum & Valesianorum rupibus viuunt, frequenter pila reperi-

tur (quod & Gesnerus a notauit) verum in maribus tantum, de quibus hætenus nihil, præterquam ea quæ margini adposita, legi. Sunt autem pilæ hæ formæ quidem oblongæ trium transuersorum digitorum longitudinem vix superantes, & compressæ (rotundam nullam vidi) magnitudine nucem magnam æquantes: quarum aliquæ cute coreacea nigra splendente, rugosa tamen, quas præstantiores iudico, obductæ: cuiusmodi binas, à D. Pontifella Curia Rhætorum hoc autumno accepi: aliquæ castaneæ colore, splendentes quidem, non verò rugosâ cute, aliquæ denique cute subcinerea, nec splendente, nec rugosa, eiusmodi D.D. Zacharias Beli à Belfort Medicus Curiensis ad me ante biennium misit. Odore sunt grato, valde aromatico, etiâ non apertæ, sed non pari semper odore, alio enim tempore longè vegetiore & excellētior. Nec

a in capris  
alpinis etiâ  
quas Rupicapras Plinius vocat,  
similes reperiuntur, & in alijs quibusdam fortè. Gesnerus hæc referent Ioh. Georgio Schenckio in sua Lithogenesia.



mirū odoratas esse, cum haud dubiè ex herbis odoratissimis depastis fragrantiam sibi concilient: si namq; vel eas disseces, vel cutim obductam auferas, massam videbis compactam ex herbarum depastarum fibris, pilos quasi referentibus. Aliquando etiam ipsum Doronicum in medio reperitur. Nec omni tempore similes sunt; dum enim crescūt, massa quædam est magna quasi pilosa, quæ successu temporis magis compactis fibris diminuitur, durascit, & cutis coriacea nigra, micans, seu fulgens obducitur: imò aliquando lapidescere, ad me Doctor Beli perscripsit.

Pondere leues sunt, drachmas duas, tres & quatuor cum dimidio meæ pendent. Sapore sunt aromatico, instar cinnamomi, vel Caryophyllorū exoletorū, Cassia tamen gratiores, & non nihil subacidiusculo & leuiter astringēte.

Vim habent calefaciendi & siccandi & cerebrum corroborandi: quare apud Rhætos ipsarum vsus est contra vertiginē, haud dubiè propter Doronicum (cui nonnulli falso vim deleteriam tribuūt, Aconitū facientes) cuius vsus in vertigine est, & à nostrarum Alpium incolis Gempsen Wurzel & Schwindelwurtz/ id est, Rupicapreæ radix vel radix contra vertiginem, nominatur. Animi alacritatem miram inferre, spiritum promptiorem reddere se in seipso esse expertū D. Beli scribit, cum de hac pila aliquantulum in vino albo generoso assumpsisset, ita vt longè agilior & leuior sibi videretur.

Ma.



Matrone nobiles apud Rhætos diligenter  
 afferuāt in eum vsum quem Plinius *b* Tophis *b* li. II. c. 37.  
 iuuenearum tribuit; quod sint ægrè partu-  
 rientium singulare remedium: idcirco his v-  
 tuntur, ad partū promouendū & secundinas  
 pellendas: suffocationem vteri auferendam &  
 menses promouēdos. Sic & Dysenteria laboran-  
 tibus cōducere & dolores colicos sedare asserūt.

Exhibēt tritas in aqua aliqua destillata pro  
 ratione affectus & intentionis curatiuæ.

Tandem ab aliquib. in morbis malignis cō-  
 mēdatur, vt ex subiecta epistola colligere est;  
 quā Cl. D. D. Nicolaus Agerius, Argentinēsis  
 Medicus, præterito Ianuario ad me scripsit.

Quæ mea in his & similib. mens hætenus  
 fuerit, aperiam: censui semper non ita nobis  
 Naturam fuisse nouercam, vt licet nō eadem,  
 æqui tamen pollentia suppeditarit, & plantę,  
 fructus, lapidis damna alio æquiualente lapi-  
 de, fructu, planta compensarit. Sic commodè  
 Zingiberi, pimpinellę, saxifragę minoris radix  
 succedit: Spicam Indicam æmulatur, imò  
 potiùs excellit Nardus nostra montana, quā  
 aliqui Saliuncam vocant: alia nostratia, alijs  
 exterraneis substituuntur vtiliter. Idem & dū  
 mecūm sæpè de lapide hoc Bezoar volutarē,  
 accidit, vt nobilissimo viro, Domino Hiero-  
 nymo Augusto sum Jungen/ qui diu in Vnga-  
 ria Legati, vt vocant, bellici munus strenuissi-  
 mē obijt, medicas manus æstate præterita ad-  
 hiberem: & cū febri mali moris laboraret,



etiam ad anchoram hanc sacram Bezoar, non  
 nunquā nobis confugiendum esset, cœpimus  
 de lapide isto vnā conferre: & cū curiosè de  
 eius natura & origine inquireret quæ vnquā  
 apud Monardem, & alios legi, recēfui. Quibus  
 ita attētē auditis, cœpit mihi commemorare:  
 se dum in aula Reuerēdissimi Episcopi Salis-  
 burgenſis aliquando viueret, æstiuis mensib.  
 omne ferè tempus in Alpinis istius Episcopa-  
 tus præcellis inſumpſiſſe: & auidiſſime Damas-  
 ac Rupicapras inſectatum fuiſſe. Cumq; ma-  
 ctatas eas, sæpè à venatoribus videret exente-  
 rari; & in frusta ſecari, in aliquib. lapidem re-  
 pertū fuiſſe, quo venatores, tanquā pretioſa  
 quapiam re Episcopum & Aulicos donarunt,  
 qui eum Bezaar Germanicum nuncuparunt.  
 Variabant, vt retulit, in quantitate: maiores  
 nucem æquabant iuglandem, nigricabant, &  
 cū rumperentur gratiſſimo: ceu herbe odora-  
 tiſſimæ odore fragrabāt. Quæſiui tū de loco;  
 retulit veluti de ſuis Monardes capris refert,  
 nō in ipſo ventriculo, ſed ſuprà ipſum in Bur-  
 ſula quadam eos ſemper hæſiſſe: vt etiam eo  
 feliciter Aulicos, in morbis malignis. Verū  
 non in omnibus reperiri monuit, ſed è quin-  
 quaginta vix in vna aut altera: & venatores,  
 vbi frequentiùs fortè reperiuntur, hyemem  
 ſubſecuturam eſſe, aſperrimam opinari.

Operæ proſectò pretium quiſpiam fecerit,  
 ſi in ſimilibus inueſtigādis pecoribus operam  
 daret ſtrenuam, & quid in venenis domandis

poſſ



possent, exploraret: sic ingens hic thesaurus etiam pauperibus communicaretur, & nos à fraude impostorū securiores redderemur, &c.

## DE LAPIDE IN EQVO.

## CAPVT XIV.

**N**UNC de lapide in Equo genito, quem fortasse Bezoar vicarium esse, Iordan<sup>9</sup>a & Crato suspicabātur. Quadriennium abijt (scilicet anno 1562) cūm D. Crenko à Lipa, equus Neapolitanus concidit, mortis causam inuestigaturus, lapidē ē ventriculo excidi fecit, cui ferme anserini magnitudine, lamellis conflatum, pilis quoq; refertū, scabrum tamen neq; splendentem dupondij pōdere, quem Rudolphus Hungarię Rex, inter sua rariora reposuit. Eum fortasse Bezoar vicariū esse, vel de generatione huius, quę recensentur, verissima esse, testimonio cōprobari poterit. Crato excellentissimus hanc refert historiam. Chilianus Hotto, manus Senator in patria mea (scil. Vratislavię in Silesia) equum habuit, qui superiore anno mortuus est: is multos lapides excreuit, qui & colore & substantia nihil differūt à lapide Bezoar: ita enim concreti sunt, ita puri & in superficie nitētes. Ipse vnum hic habeo, cui columbini magnitudine: mortuus est equus superiori anno, & lapis perfectē rotundus magnitudine pomum arantię æquans, qui transire intestina nō poterat, in intestinis repert<sup>9</sup>: plurimos lapides excreuit, sed grandior ille,

a de pestis  
phenom.  
tract. 3. c. 9.



rotunditate & coloris pulchritudine omnes superat: habet integrum & fractum, nondum de virib. feci periculum: haftenus Iordanus c. Possemus hinc quoq; adducere historiam lapidis insignis magnitudinis, in asino in Ducatu Wirtenbergico inuenti: sed institutum non est omnium lapidum in animantibus reperiendorum historiam recensere, cum totidem fere lapides in animantibus concrecant, quot animantium genera sunt.

## DE LAPIDE BEZAAR EX ARABVM SENTENTIA.

### CAPIT. XV.



VI de lapide Bezaar hodie vsitato scribunt, eundem ab Arabibus recetioribus, descriptum esse volunt: quorum alij lacrymam cerui condensatam a, alij lapidem ex ventriculo caprae, hirciue Perfici exemptum exhiberi statuunt. Quare ea, quae apud Arabes inuenimus, primum in genere & summatim producemus: dein in specie ipsorum verba subiungemus, cum sint qui negent (inter quos est Thomas Iordanus b) Arabum lapidem cum nostro convenire, quod manifestum fiat, de quo verba fecerint, & vtrum nostro accommodari possit.

Hager Albezahar, id est lapis liberans à venenis, qui aliter Keure & Bezard, vel Bezahar,



zahar, fortè etiam Albedengefis dicitur: lapis est figura glandi similis, colore varians, est citrinus, & veluti puluerulentus; est valdè viridis, subviridis, ex albo virescens; est albicans, est & rubeus: melior tamen citrinus: levis & vt spongia: splendens sicut lumen, tactu mollis & frangibilis, vel & rasibilis, vt gypsum, non habens saporem. Generatur paulatim incrassando: quare in eo reperitur cortex super corticem. Locum inuenio tantum apud Auenzoarem, in oculorum cerui angulis, & apud Raby Moysen, in bursa fellis arietum in Oriente. Hic enim in Syria, India, ex Oriente reperitur. Nec vnus solùm fuit, sed plures, alius Manibati, alius Chobori, alius Chindor, Serapione monente. Sunt tamen nonnulli alii lapides, his, forma quidem, non autem viribus, similes. Quare & Arabum tempore, lapides hi adulterini deprehensi fuere.

Quoad vsum, proprietas eius est contra venena omnia: longè enim magis præstat aduersus deleteria venena, quam cætera omnia, non modò simplicia, sed etiam quæuis alia composita antidota, etiam ipsa Theriaca; nam secundum totam substantiam venenistam calidis, quàm frigidis animalium & plantarum, seu intus assumptis, seu ictu venenosorum animalium illatis, maximè Natæpelli, morsibus item & puncturis venenosorum, imprimis scorpionum, resistit. Et id



etiam haustus, quam gestatus, & impositus  
 supra plagas: intro quidem sumptus, pon-  
 dere duodecim granorum hordei, vel quar-  
 ta parte aurei vnius: tritus, drachmæ spon-  
 dere in potu exhibitus fuit g Edoardo Re-  
 gi Angliæ, cum gladio toxicato à Passiasino  
 Soldani apud Acaronem ciuitatem, trans-  
 marina illa aduersus Mahumetanos expedi-  
 tione, vulneratus fuisset: Raby Moyfes, he-  
 xagium vnum lapidis, cum sufficienti oleo  
 dissoluit in patella, & ad octauæ partis ab-  
 sumptionem coquit, & ei, qui morsus fuerit,  
 sorbendum exhibet, & locum illinit: sic à  
 morte liberat, & venenum per sudorem ex-  
 pellit. Verum Auenzoar, tria grana, cum vn-  
 ciis quinque aquæ cucurbitæ, filio Haly Re-  
 gis exhibuit, eumque ictericum toto corpo-  
 re ob venenum perniciosissimum sumptum,  
 curauit. Sic de collo suspensus, vel supra  
 puncturam, vt scorpionis, vel morsum ani-  
 malis venenosi positus, aut tritus, & illitus  
 venenum per sudorem attrahit, & expellit:  
 quod si vlceri à morfu causato inspergatur,  
 id mundificat, & curat. Annulo inclusus, si  
 ab eo, qui venenum sumpsit, ori imponatur,  
 & aliquantulum fugatur, confert.

Quod si lapidi huic Scorpionis imago in-  
 cidatur, luna ascendente, & existente in signo  
 Sagittarii (alii Scorpionis) & annulo includa-  
 tur, & cum eo olibanum figilletur, luna exis-  
 stente in Scorpione, & de hoc olibano trito,  
 in po-



in potu exhibeatur, non secus quam ipse lapis contra venenum scorpionis valet: quemadmodum etiam solus lapis signatus, in anulo gestatur. Quod si pondere duorum vel trium granorum, in aqua dissolutus, serpentis ori indatur, eum statim suffocat: sic si scorpionis aculeus cum hoc attingatur, pungendi potentiam amittit.

Quare cum huius lapidis olim, propter tantas facultates, tanta gloria fuerit, non mirum si filius Almirama custodis legis Dei, pro lapide hoc, palatium magnificum, & propè regium, quod tùm Cordubæ habuit, in principio belli rependerit: haud dubiè, quia rarus fuit, vt ex ipsorum scriptis patet, quare Abdalanarach, à Serapione, tâquam testis citatur, quod eū viderit, & cum Rhasi Auicenna asserit, valdè vtilem esse, si inueniri possit: quæ sanè causa, cur lapidis huius, & cognitio, & usus, aliquãdiu fuerit intermissus: & huius lapidis Arabum, Historiam etiã Matthiolus succinctè proposuit. Hęc summa est omnium eorum quæ ab Arabibus, & Latinobarbaris sparsim proponuntur: quæ Bertinus in sua medicina sic exprefcit, Bezahar lapis est auctoritate Arabum, flauus, puluerulentus, ex albo virescens, saporis expers, luminis instar splendens & leuis, duodecim granorum pondere haustus & in ore retentus, venenis mirificè obsistit, venenatisque moribus admotus, strenuè occurrit. Et Gorræus, Bezaar nomen apud Græcos non habet, sed lapis



est Arabibus solis notus, mollis, colore flauo, leuis, luminis modo splendens, sapore nullo, mirificè valens aduersus omnia venena.

Nunc ipsorum Arabum testimonia propriis eorum verbis adductis, subiiciamus, Rhafis, Hamech Benreripho, Abdala Narach, Serapionis, qui tres priores citat, Auenzoaris, Auicennæ, Haly Abbatis, & Raby Môyfis.

Serapio *k*: Hager Albezahar, id est lapis liberans à venenis, vt Theriaca. Albezahar est nomen Persicum, & est expellens nocumentum. Et hoc nomen cadit super duo, vnum est, quod cadit super omnem medicinā conuenientem alicui veneno, eò quòd resistit virtuti eius, & expellit nocumentum ab eo, per proprietatem quæ est in eo. Et secundum est, quod cadit super lapidem notum, qui conuenit *kk* omnibus venenis calidis & frigidis, cum tota sui substantia, & resistit eis bibitus, aut suspensus super patientem. Alius *l*: colores *m* lapidis Bezahar sunt multi, nam ex eo est citrinus, & *n* velut puluerulentus, & manibati *o* & ille qui participat viriditate, & ille qui participat albedine: melior verò omnibus est citrinus *p*, & post ipsum est puluerulentus, & hic *q* defertur ex Corascen, & ibi nominant eum Bezar, & expositio eius est, contra venenum: & minera eius est in terris *r* Syri & Indiæ, & in terris Orientis *s*. Et multi lapides simulantur eis, qui non habent



debent proprietatem suam, nec approximant,  
 ei in aliquibus operationibus, & est quidam  
 qui dicitur Chobori<sup>u</sup> & marina, & est lapis,  
 in quo nullus errat; sed multi errant in alio,  
 qui dicitur Chindor<sup>x</sup>, & est lapis multę hu-  
 miditatis, levis, mollis tactu, mollitie sine  
 superfluitate, & caliditas eius est etiam sine  
 superfluitate. Et proprietas  $\gamma$  eius est, quod  
 cōfert venenis omniū animalium, & plan-  
 tarum, moribus & puncturis venenosorum.  
 Et quando bibitur ex eo pondus *aa* duode-  
 cim granorum hordei, aut quando fit lini-  
 mentum cum eo super locum morsus: liberat  
 namque à morte, & expellit venenum per  
 sudorem. Et quando ponitur in annulo iste  
 lapis, & reponitur in ore eius, qui sumpsit ve-  
 nenum, & sugit aliquantulum, confert ei: Et  
 si ponitur *bb* lapis iste super locum punctu-  
 ræ, aut super locum morsuræ animalis ve-  
 nenosi *cc* quemadmodum est punctura scor-  
 pionis, aut cantharidum malarum, qui Zam-  
 bor, *dd* confert eis iuamentum manifestum.  
 Et si teratur & ponatur super morsum repti-  
 lium venenosorum, attrahit venenum per  
 sudorem. Et si locus *ee* in quo est morsus, est  
 putrefactus, & pulverisatur super locum ex  
 hoc lapide mūdificat & curat: & quādo tan-  
 gitur *ff* cum isto lapide aculeus scorpionis,  
 prohibet ab eo potentiam pungendi. Et si  
 teratur *ff* ex eo pondus duorum *gg* grano-  
 rum hordei, & dissoluatur in aqua, & ponatur



78 CASPARI BAVHINI  
in ore serpentis, suffocat serpentem statim,  
& occidit eum.

Addit Monardis ex Serapione *bb* quæ in  
meo exemplari non habentur, si quis sinistra  
corporis nudæ parti applicatum gestet, nec  
nec à veneno, nec à perniciofa aliqua re of-  
fendi, quia propria facultate quouis modo  
corpori applicatus, veneni vim arcet, & eo  
infectos sanat: idq; non modo in illis præsta-  
re qui venenum hausissent, sed quibus etiam  
vel in stapede, veste, epistola, aut aliqua alia  
re, qua offendi possint, positum fuisset, valde  
utilis est, eodem Serapione teste.

Hahamed *ii* Ebenrirus (magnus Astrolo-  
gus, qui de lapidibus sub cœlesti aliquo si-  
gno aut planeta sculptis, & quibus faculta-  
tibus sint præditi, scripsit, in eo libello, quem  
de plantarum, lapidum & animalium in me-  
dicum usum receptorum viribus composuit,  
ait: ) Lapis Bezahar confert veneno scor-  
pionis, quando portatur in annulo, & inci-  
ditur in eo *kk* imago scorpionis luna existen-  
te in signo Scorpionis: & aspice quod sit  
ascendens, deinde sigilla olibanum cum eo,  
luna existente in Scorpione, quod tritum da-  
tur patienti ad potandum & liberabitur. Tan-  
tum (addunt *ll* alii) valebit aduersus venena,  
quantum proprius ipse lapis.

Abdala Anarah *mm* C. Medicus Arabs, qui  
Cordubæ vixit, eo tempore, quo Sarraceni  
Hispaniam obsidebant ) vidi lapidem Beza-  
har



har filii *nn* Almirama manuum custoditoris legis Dei, & est verum quod ipse emit lapidem istum, & dedit pro pretio lapidis palatii Cordubæ in principio guerræ. Hæc Mo-  
 nardis paulò aliter & fusius: Abdala Narah, alius Mauritanus in Hispania natus, vir in Medica arte peritus, lapidem Bezaar, inquit, omnibus venenis aduersum, quod Mirama molinum Cordubæ Regem conspexi, cui venenum maximè perniciosum propinatum fuerat: sed lapide Bezaar, sumpto, prorsus à veneno liberatus fuit: eius deindè rei gratia, suum palatium illi dedit, à quo lapidem, quo sanitati restitutus fuerat, acceperat: regale profectò donum, quandoquidem Cordubense palatium Alcasar dictum, hodierno die valdè insigne adhuc esse, magnoq; æstimari videmus, isq; lapis valdè commendatus esse debuit, qui tanto pretio redemptus. Sic quoque Baccius *oo* refert subiungens, hinc postea tanti æstimatum fuisse Bezoar, vt omnem medicinam morborum malignorum sæuitiam frangentem, per excellentiam Bezoarticum nuncupauerint, hoc nomine in hunc vsque diem durante, eò quòd hominem à morte præseruet, ac liberet. Et Ludouicus Guyon addit, Abdaram ex Rhafi referre, lapidem hunc supra cor gestatum, eum qui gestarit, ab omni infectione & veneno præseruare.

Rhafis: *pp* Bezahar est lapis citrinus *qq* mol-



lis, non habens saporem, confert venenis. Et ego vidi *rr* in eo sufficientiam ad remouendum *ff* bix nocumentum Napelli, & toxicū verum: Et erat ille lapis, quem ego vidi, vergens ad citrinitatem & albedinem, habens colorem vini, & cum hoc erat læuis & splendens, sicut lumen, & iam *tt* vidi in eo de sufficientia bix *uu*, illud quod non vidi in aliqua simplici medicina, imò etiam quod non vidi in Tyriacis *xx* compositis. Haftenus Serapio.

Rhāsis *yy* agens de remediis contrā assumptum Napellum, hæc habet: De his verò, quæ ad hoc multum valet sunt butyrum vacinum, & lapis qui vocatur Bezaar *zz*, citrinus, vel rubeus, purus, & probatus, & Theriaca de viperis, & mithridatum. Oportet itaq; vt si vnum existis quatuor medicinis habeatur, citò succurratur aliquid in potu de ea attribuendo.

Idem agens de venenis, quæ cor offendunt, & tota substantia noxia sunt *aaa*: sic inquit: O quàm parum confert in eo cura, nisi sumatur Bezahar, resistens ei, & ego quidē iam vidi, quod resistit Napello, qui est ex venenis, quæ sunt deteriora, & quādoq; confert ei diamuscum recēs, & theriaca diacymisnus, licet non viderim eius in expulsiōe Napelli magnum iuuamentum *bbb*.

Idem *ccc*: quæ ad fel viperæ magis confert est Bezahar, si inueniri posset: & cap. sequent. cui caudæ ceruinæ summitas data fuerat.



DE LAPIDE BEZAR. 81

ta fuerit, auellanæ & pistacei, & Bezahar sumuntur.

Idem ait *ddd*, qui tenet venenum, aut morsum venenosum, suspendat in collo suo Smaragdum, aut corallium, aut lapidem Bezahar, & teneat in domo, &c.

Auëzoaris verba, supra *ccc* iam adduximus, quare non est, quod repetamus: quemadmodum de ipsius usu ex eodem *fff* dictum fuit.

Auicenna *ggg* de hoc lapide nihil peculiariter scripsit, qui tamen (vt Monardis refert) cum in Persiæ ciuitate Bacora natus, eius rei maiorem notitiam habere debuisset, quàm Mauritanii in Hispania nati, qui adeo peculiarem eius mentionem fecerunt: *is hhh* enim de medicamentis, quæ propria facultate venenosis resistunt, agens, in exemplum tantum producit Theriacam & lapidem Bezar: dein vtrumque inter ea recenset, quæ sanitatem conseruant, & Spiritus corroborant, vt venenum propellere possint. Idem *iii* in Napelli cura tribus locis, his verbis commendat. Deinde cura eius principalis est Bezahar, & medicamen de moscho, & algeduar, & thus, & theriaca magna quandoque confert in eo vsque ad terminum: & de melioribus rebus est, vt in potu detur moschus in fricatione Albezahar: aut quantitas drachinæ vnius de medicamine Muschi, cum siliqua vna muschi & existimant, quidam, quod radices capparis sunt Bezar.

F



har napelli, & omnia Albezahard sunt bona ei : & propriè illud quod similatur Alu-  
mini, & fila habet, sicut filalithargyrij. At  
in cura fellis viperæ *kkk* sic scribit. Et illud  
quo succurritur post vomitum, est The-  
riaca & Mithridatium : & Albezahar est sub-  
limis res ei. Refert Monardis, eodem in  
capite haberi : Lapidem Bezaar valdè uti-  
lem esse, si reperiri possit ; vnde appareat,  
quanta difficultate consequi illum licue-  
rit. Quare & Marsilius Ficinus *lll* lapis Be-  
zoar, si quis posset habere eum, super omnia  
valet aduersus venena, & Serapionis & Rha-  
sis testimonio. Idem Monardis scribit, a-  
pud Auicennam in capite de his, qui Na-  
pellum sumpserint, hæc tradi : Lapis voca-  
tus Bezoar, colore flauus, purus & proba-  
tus ad distinctionem videlicet adulterino-  
rum, qui etiam illo tempore reperiabantur.

Auerrhois hæc sunt *mmm* : Lapis de Beca-  
han (alii Bezaard *mm*, alii Bezaar *ooo* legunt)  
est valdè manifesti iuamenti omnibus spe-  
ciebus venenorum, & propriè morsui scor-  
pionis, & eius dosis est quarta pars aurei  
vnius.

Raby Moyse *ppp* agens de medicamen-  
tis simplicibus, eorumque usum quomo-  
do morsuris omnium venenosorum confe-  
rant, explicans : Referam, inquit, meliores  
ex simplicibus medicinis apud nos repertis,  
& maioris iuramenti in proposito : quo-  
rum



DE LAPIDE BEZAAR. 83

rum quidem experientia est à pluribus approbata. Ex his ergo est semen pomi citri, &c. & ex his etiam est Smaragdus &c. Et Galenus fecit rememorationem lapidis Bezaar animalis, & est similis qqq glandi in figura, & color eius est valde viridis: efficitur autem vel generatur paulatim ingrossando, vel inspissando, & ob hoc reperitur in eo cortex supra corticem. Ferunt autem quidam, quod generatur in angulis quorundam Arietum versus Orientem existentium. Alii autem dixerunt, quod in sacculo seu bursa fellis prædictorum animalium generatur, quod quidem dicimus esse verum. Subiungit idem rrr de Bezaare minerali, quæ supra capite quinto adduximus, & nihil penitus profuisse asserit. Quod verò, addit, de Bezaara animalis est relatum, est per experientiam pluries approbatum.

Modus sss autem propinationis & præparationis ipsius est, quod Se Kel, id est hexagium vnum, ex eo cum sufficiente oleo dissolutum, liquefiat in patella, & coquatur, donec octava pars ipsius sit consumpta, & sorbeat totum, ille qui morsus fuerit: & si eodem idem morsuram linierit, curabitur, & euadet auxilio Dei. Harum autem trium medicinarum est experimentum veraciter approbatum in omnibus venenis, tam animalium, quam vegetabilium, quam etiam mineralium: & sunt istæ



seinen pomi citri, Smaragdus, & Bezaar animalis: Idem confirmat cap. 4.

Hali Abbas, cuius librum non vidimus, à Monardè his verbis citatur: Haliabas tribus locis in quibus de venenis agit, lapis Bezaar meminit, sed succinctè admodum: tenerum enim illum esse duntaxat dicit: deindè in aquà atteri debere, quæ ægris veneno affectis propinanda sit. Hactenus Arabes.

Arnoldus *itt* Villanovanus: Scimus etiam, quòd lapis ille theriacalis, quem Arabes vocant Bezoar, non viridis, sed gypseus, quidè corpore repentis animalis extrahitur, in quantitate semel lenticulæ sumptus in puluere, potentissimè liberat à veneno, cuiuslibet nociui animalis.

Nicolaus Florentinus sub titulo de medicinis Bezaaralibus à venenis liberantibus, in genere agens, hunc lapidem valdè celebrat, eaque omnia dicit, quæ Serapio, Rhafis, & Auerrhoës, nihil de suo addens.

Hunc Cardanus *uuu* sic expressit: Nebrite gemma nobilior hoc, sed non ei tam valdè dissimilis est Pazar lapis, quem corrupto nomine vocant Bezar: gemma nec hic est, sed mollis ac cinerei coloris, auellanæ magnitudine, omnibus venenis egregiè resistit: hic est ille lapis ab omnibus laudatus, ac à nemine ferè cognitus, quem constat



constat in Peli Orientalis Indiæ regione, so-  
litum inueniri.

Matthiolus xxx pleraq; quæ ex Arabibus  
in medium attulimus, recenset.

Andreas Lacuna yyy : meminere Ara-  
bes lapidis cuiusdam, quem Arabice Be-  
zahar vocant, id est, contra venenum, quem  
prædicant, tanquam admirabilem aduersus  
omnis generis venena, & contra mor-  
bus animalium virulentorum, & tandem  
contra pestem. Hic, prout referunt, ruffi  
coloris est, levis & splendens, sed mihi viden-  
tur confundere cum Bolo Armena legitimo,  
de quo verba faciens Galenus. &c.

Andreas Baccius zzz Arabes testantur  
hunc lapidem incomparabilem virtutem  
corroborandi cordis obtinere: aduersus ve-  
nena quoque & febres pestilentes, reme-  
dium esse præstantissimum. Idem aaaa: scri-  
bunt, quod lapis Bezaar Arabum non so-  
lùm intus assumptus, sed etiam si à carne  
tantùm calefiat, virtutem suam promat, &  
vim inde cælestem spiritus inferat, qua re  
contra venena tueatur.

Marsilius Ficinus bbbb: Lapis Bezoar,  
si quis posset habere eum, super omnia va-  
let aduersus venena, quod Serapionis &  
Rhasis testimoniis & verbis adductis com-  
probat.

Cùm ex Hahamed Ebenrifo memine



rimus lapidis Scorpionis imagine signati, placet ex Hali, Rodoham Ægyptii commentariis in Cl. Ptolomæi centiloquium, ea, quæ ad hanc rem faciunt, Heurnii *ecce* verbis subiicere. Nonnulli hic extra lineam excurrere videntur, cum existimant, se programmata syderum gemmis & metallis insculpere posse. Hæc opinio ex eo Ptolomæi libello, qui ὁ ἡγεγμένος inscribitur, nata mihi videtur: vbi ad nonum aphorismum affirmat Haly, secreta imaginum aperire Ptolomæum: nam, inquit, innuit peculiares rerum inferiorum formas *συνοικειώσθαι* à peculiariter cœlitus sibi dicatis formis moueri: Sic cœlo hærens Scorpheus, in nostros hic ius naturæ exercet: vt in serpentes. Serpens. Hinc imaginum magicarum studiosi, lapidi formam suis negotiis studentem cœlabant, cum iam iam planeta è radiis Solis emicans, ad hanc cœlestis syderis formam proficiscebatur. Tantam vim imbibebant, vt quodlibet negotium his vel promouere, vel inhibere possint. Quin ipse vidi Satellitem Romanum Geometriæ gnarum, qui, cum diu habitasset Ægyptum, ex Christiano Saracenus euasit, temporibus Regis Camorchæ: hic (mirum) sponte mobiles imagines fabricabatur. Euenit cum ad Satellitem essem, quod obnixè eiulantem armigerum suum audiremus:



mus : ex ictu enim Scorpii grauiter dolebat : hic meus ille satelles in certam antidotum quid porrexit, vt id potaret : id gerebat characterem Scorpii, & thus olebat : quo hausto, ilicò euauit dolor. Hic ego, quidnam id esset, quod tam commodam & salutarem pressisset formam ? ilico aureum obtulit anulum, qui Eblema gerebat lapidis Bezaar, cui insculpta erat imago Scorpii. Rogabam, qua nam hora hanc sculpsisset : respondit, Luna in Scorpione versante, cum angulum centrumque cœli attigisset, tuncque olibanum mastiche imbutum se pressisse affirmabat : quin aliis rebus inusta hæc idea, æquè ac si thuri, hanc efficaciam exercebat. De his scripsit Thebir, & Albertus, &c.

Albertus enim in suo de imaginibus libro dicit, quòd imago astri Serpentarii alicui pretioso lapidi insculpta, venena fugat omnia : & subiungit, quòd talis portatus, valet contra venena, & morsus venenosorum : ac etiam si parum rasuræ de eo bibatur : & est talis imago astri serpentarii, vir serpente cinctus, cuius caput manus dextra tenet, sinistra verò caudam. Scito ergo, quòd si hæc imago alicui lapidi habenti proprietatem fugandi venena, fuerit insculpta, multò præualebit.



Item dicit Conciliator, quod in libro Regum Persarum scriptum reperit, quod si quis sculpere fecerit in lapide hæmatitis, virum genu flexum serpente cinctum, cuius caput teneat manus dextra, caudam verò sinistra; feceritque lapidem sic sculptum in annulo alligari aureo: & sub ipso radicem apponi faciat serpentariæ, talis portatus annulus, ab omni veneno præservat: & quod ipse de veneno timebat, fecit sibi ad hunc usum talem annulum fabricari, ut ipse refert. Hoc Guaygnerius dddd. Illud verò quod multorum sermone scriptisque confirmatum ostendimus, thus quod ab eo lapide stans temporibus in sculptam Scorpii effigiem receperit, vires ipsi lapidi pares obtinere, hoc inquam, ut dicam, quod sentio, superstitione non vacat: quin potius ut rectè Sarracenus, profanum est.

Hactenùs de lapide Bezaar ex Arabum sententia, quæ pleraque Monardes, & ex eo Hüblinus referunt: nunc ad eum, cuius hodie usus est, veniamus.

a Rheginus, & alij. b de peste, tract. 3. cap. 9. contra Gabelchoferus agens de Bezaare Orientis, coloris varietatem & vires ex Serapione proponit. c Conciliator tract. de venen. cap. 82. est autem rubeus pulverulentus levis ut spongia & frangibilis, ut gypsum, & ex eo Guaygnerius tract. de venen. cap. 7. à Bra: Fumanellus, de pestis cur. capit. 5. & ex eo à Bra: d Monardes lib. proprio. e Diomedes Amicus de peste cap. 46.



ip. 46. eadem refert ex Rhasi & Serapione. f drachma  
 austa ab omni tuetur corruptione; venenum namq; ad  
 alliciens, sudore extra propellit, Fumanellus serm. de  
 este cap. 5. & ex eo à Bra. g Sic conciliator, Petrus de  
 abano tract. de venen. cap. 82. & ex eo Iordanus de peste  
 rast. 3. cap. 9. qui illum lapidem habet (gestarit secun-  
 dum Monardem) tutus est ab omni mortali veneno: veri-  
 ur etiam & datur in potu de ipso drachma vna (hæc  
 uoq; à Bra habet) & per ipsum dicunt fuisse liberatum  
 Regem Angliæ D. S. Eduardum, &c. Ex hoc Monardis  
 lib. proprio, qui addit, nam cum nunc morti vicinus esset  
 propinatum illi fuisse lapidem Bezoar, à Templariorum  
 summo prefecto, ordinis, tum magnæ existimationis val-  
 leq; opulenti. Sic Scillerus, granorum duodecim pondere,  
 Arnolfo teste, venenum omne per sudorem deponit: Sic  
 Valescus, inter medicinas ad venena est lapis Bezoar.  
 h lib. 18. cap. 15. i in indice definit. medicinal. k in suo.  
 aggregat. de temp. simp. cap. 386. ex quo Ardoynus lib. 1.  
 de ven. cap. 8. Pandect. cap. 396. vsq; ad vocem Alius: Ni-  
 colaus Florentinus & Conciliator, paucis mutatis, in sua  
 retulere. Monardis in suo lib. de lapide Bezoar, quæ Se-  
 rapio de viribus huius p. posuit, recenset. kk Syluati-  
 cus pag. 90. l Ardoynus pro v. Alius, habet, autho-  
 ritate Asij: Florentinus, loco alius, l. her, & colores.  
 m Casalp. 2. de metal. 46. Sic habet. Serapio. . . dit mul-  
 tos habere colores: nam inquit, quidam lutei sunt, & . . .  
 dam cinerei, alij subvirides, alij candicantes: probatissimi  
 omnium lutei, deinde cinerei, qui ex Corasceni adferun-  
 tur: oriuntur in Syria, India, & Oriente, &c. n Flo-  
 rentinus sic legit, & puluerulentus, & est qui partici-  
 pat, &c. o Conciliat. legit, Machaici: Pandect. & ma-  
 chachi, sue manibati. Arduynus verò, & nabati, & est  
 ille, qui participat, &c. p quidam colorem habent ci-  
 trinum & veluti puluerulentum: quidam præditi sunt  
 colore balio obscuro: nonnulli viriditate participant:  
 sunt qui albedinis aliquid præ se ferunt: melior verò o-  
 mnibus est citrinus, & post ipsum puluerulentus, sic Ga-  
 belcoferus. At Florentinus hoc modo: est citrinus: estq;



puluerulentus, & minera, &c. q Conciliat. & Pandeet.  
 & in hoc differt ex Corascen cum Bezahar. r Pandeet.  
 in terra Syriae. s Marsilius Ficinus in antidot. Epidem.  
 cap. 24. & ex eo Schnebergerus, ex Serapione & Rhafi sic  
 recensent: oritur in Syria, in India, in partibus Orientis,  
 estq; diuersus trini coloris: nam quidam glaucus est &  
 fuscus: quidam glaucus, fuscus, & viridis: alter verò al-  
 bus, & equaliter glaucus, videlicet similis colori vini al-  
 bi clari, hic inter ceteros est optimus, leuis, delicatus,  
 mollis, absq; sapore, splendens, vt luna. t Sic Florentinus,  
 operationibus: & est lapis multae humiditatis. u Con-  
 ciliat. Chebori & marina. Pandeet. Cobohori & marian:  
 Ardoynus cobhori & marian. x Conciliat. Chimeses:  
 Arduynus Chintos, alias chicos. y Pandeet. multae hu-  
 miditatis, mollis tactu: Ardoynus humiditatis, mollis  
 tactu. Ita legit Casalp. lapis est valde lubricus, leuis &  
 tactu mollis, mediocriter calidus. z eadem Gabelcho-  
 ferus & Syluaticus aa Conciliat. & Florentinus duo-  
 rum granorū: Ficinus & ex eo Schnebergerus, duodecim  
 granorum: Sic & Casalp. de metal. Heronius de Peste,  
 Gabelchofer. 12. grana in vino sumpta, Pancirollus.  
 bb eiusdem effectus est, si supra serpentis morsum po-  
 natur, facit omnino, ut nullum venenum tibi noceat,  
 Pancirol. cc florentin, venenosi, confert iuuamentum  
 mirificum, reliqua interiecta omittit. dd Ardoynus  
 id est, calauron seu tafanus magnus niger, mur-  
 murans volando, & est sicut vespa. ee Sic & Gabel-  
 choferus. ff Hac etiam Ficinus l.c. ex Serapione citat.  
 gg trium granorum Florentinus: vel trium, addit Ar-  
 doynus. hh cap. 306. ii Sic Serapio & Syluaticus:  
 Hamec Benreripho legit Monardis lib. prop. at Ardoynus  
 sic, ex Hahamed, & Abdala, narah omittit: Ficinus, & ex eo  
 Schnebergerus, Hahamed habent, & omnia ea referunt.  
 Syluaticus pag. 90. Hachamed Ehenterifi, legit. kk Con-  
 ciliat. Sic legit, Scorpionis signo Sagittario ascendente, de-  
 inde sigilla. ll Ficinus, & ex eo Schnebergerus. mm Sic  
 Serapio & Syluaticus: Abdalanarach, Matth. 5. Dios. 73.  
 Paræus, Lonicerus: Abdala Narach, Monardis: Abdalla  
 hama-



hamarah, Ficinus, & ex eo Schneberger. Heurn. de peste.  
 nn Pandect. filij Amamari custoditoris: apud filios Al-  
 mirama, Fragosus: nobilis filij Mamari filius, Sarracen.  
 de peste: apud filium Calmiroma, Lonicer: Arabia qui-  
 dam Princeps Almirama. Baccius: filium Mamari, Fici-  
 nus, ex eo Schneberg. Heurn. de peste: Almirama custodis  
 legis, Paræus. oo de gemmis cap. 34. pp in suo conti-  
 nenti, ex quo Florentinus, Matthiolus s. in Diosc. 73. Mo-  
 nard. lib. prop. Syluaticus & Casalpinus de metallicis ex  
 Serapione hæc adducit. qq flavescent tener & insipi-  
 dus, Monardis. rr Florentinus sic, & ego bis vidi suffi-  
 cientiam in eo in auferendo nocumentum veneni. Et la-  
 pis quem vidi, &c. ss Pandect. vocem bix omittit: Ar-  
 doynus sic legit, ad auferendum nocumentum bix, & est  
 toxicum verum, id est, Napellus. At Florentinus, Monar-  
 dis, Casalp. & Syluat. bis legunt, quasi velit Rhasis se hu-  
 ius lapidis bis periculum fecisse, & aduersus Napellum  
 efficacissimum comperisse. Ludovic. Guyon. lib. 5. diuers.  
 lect. cap. 13. asserit Rhasis non scribere quod omnibus ve-  
 nenis resistat, sed expertum esse in infante, qui fortè Na-  
 pellum comederat, cui parum huius lapidis exhibuit,  
 eumq; curauit. tt Pandect. vidi in eodem sufficientiam  
 illam quam non vidi, &c. Arduynus vidi in eo de suffi-  
 cientia in bix, id est, Napello, uu Florentinus, bis.  
 xx Florentinus in medicinis compositis. yy lib. 8. ad  
 Mansor. cap. 11. zz hæc etiam habet à Bra. aaa lib. 1.  
 diuis. cap. 141. bbb hæc quoq; habet Monardis lib. pro-  
 prio, & Christ. Huëblin. ccc 8. ad Mansor. cap. 14.  
 ddd lib. 2. contin. 2. autoritate Sarach, referente Ar-  
 doyno 1. de venen. 8. eee cap. 7. fff cap. 9. ggg hæc  
 & Monardis lib. proprio. hhh cap. 4. 2. canonis. iiii lib.  
 4. fen. 6. tract. 1. sum. 2. cap. 1. kkk lib. 4. fen. 6. tract. 2.  
 cap. 12. lll in antidot. epidem. cap. 24. & ex eo Schneber-  
 gerus. mmm s. collect. 55. quæ etiam habet Arduynus  
 lib. 1. de venen. 9. vbi curam venenorum in genere propo-  
 nit: Florentinus & Monardis. nnn Arduynus.  
 ooo Florentinus & Monardis. ppp lib. de venen.  
 tract. 1. cap. 3. hæc etiam habet Arduynus lib. 1. de venen.



cap. 9. ubi curam venenorum in genere proponit: & Monardis. qqq Sic & Ardoynus 1. de ven. 10. ttt Rabbij Moyse l. c. & Ardoynus. sss Monardes lib. prop. ex Rabbij Moyse precedentia & sequentia refert: at quæ hîc habentur à voce Modus, vsq; ad Dei, omittit. ttt de dosibus theriacalibus: & ex eo Penottus. uuu 7. de subtil. & ex eo Iordanus, sed breuius, lib. de peste, tract. 3. c. 9. xxx lib. 5. in Diosc. cap. 73. yyy lib. 5. in Diosc. cap. 72. est antidotum, inquit, Io. Agricola, & ex eo Rhegius, contra veneni vim epotum. efficacissimū & prorsus diuinum. zzz lib. de gemmis cap. 34. aaaa lib. de monocerote ab initio tertiæ partis. bbbb in antid. Epidem. cap. 24. & ex eo Schnebergerus. cccc in sua meth. ad praxin. lib. 3. cap. 28. vide & lib. 2. cap. 6. dddd tract. de venen. cap. 2.

## DE LAPIDE BEZAAR RECENTIORVM.

### CAPVT XVI.

**L**APIDIS Bezaartici, de quo nunc acturi sumus, Arabes primos, & primum antè annos circiter quingentos meminisse, Baccius a asserit, Monardi b subscribēs, qui Arabes, Latinobarbaros & recentiorum aliquos citat, vt Serapionem, Rhasim, Hamech Benreripho, Abdalarnach, Auenzoarem, Auicennam, Auerroem, Haliabatem, Rabbij Moysem, Lacunam, Matthiolum, Valescum, Ardoynū, Amatū, Nicol. Florentinū, Agricola, Montuū, Brassa uolam, Petrum de Abano, & Conrad. Gesnerum; quæ omnia etiam Christophorus Hyeble in suum opusculum Germanicum transtulit; & nos singula suis locis, ex ipsis auctoribus



tribus partim adduximus, partim adducturi  
sumus.

Dicitur hic lapis, lapis Albezaar animalis  
Rabij Moyſi c, & lapis Bezaar animalis, Ara-  
duyno d, ad differentiam mineralis. Vulgò  
Bezar, nomine corrupto, quem Indi & multi  
Lusitanorum, magis corruptè Bazar Garzia  
f monente, quasi dicas lapidem forensem:  
nam Bazar eorum lingua, potissimum apud  
Malabarenſes, forum est: cum tamen Pazar g,  
vocandus esset, à Pazan, id est, hircò, in quo  
generatur, cum Arabibus tum Persis & Cara-  
fone incolis, & aliquando in foro pro Pazar,  
aut Bezahar, quod significat contra vene-  
num, eodem auctore, vendunt h. Unde mu-  
tuati i Arabes Bezar, Indi Bazar, pro merca-  
lem lapidem dixerunt, cum forum ubi mer-  
cimonia exercentur Bazar denotet, cui Pan-  
nonicum Waſtar forum, congruit.

Verum aliter Garziæ innominatus Scho-  
liastes; quomodo, inquit, Pazar à Pazan di-  
ctus? deinde friuolum pro Pazar, postea Ba-  
zar dictum: hæc omnia sunt anilia: lapis ille  
ab Arabibus vno ore vocatur Badzahar, id  
est, ἀλεξιφάρμακον: omnia enim quæ venenis  
resistunt, Arabes vocabulo Persico, Bedezaa  
har vocant: hæc ille.

At Monardes, k Hager Arabib⁹, Bezaar Per-  
fis, Bezar Indis, Alexipharmacū Græcis, con-  
tra venenum Latinis, Piedra contra veneno ij  
desmayos, hoc est, lapis venena, & animi deli-



quia curans, Hispanis dici afferit: & Syluaticus vult Arabes Hager appellasse, addens Hager & Bezaar idem significare. Verum Hager Arabibus non de solo Bezaar, sed de quolibet lapide dicitur. Hinc apud Serapionem Hager asos, lapis asius: Hager iacot lapis Hyacinthus: Hager Albezahar, lapis liberans à venenis, aliæq; Hager siue lapidum differentiae habentur. Communiter lapis Bezoar nunc nominatur: at in Alepo & ab Arahibus, Rauwolfio teste, Bazaor vocatur: Bezahar Orientale, Lacunæ: Pezar lapis ex India, Cardamom: lapis Bezoaricus Mercuriali n.

Genera autē huius lapidis cum duo communiter statuuntur: alterum Orientale, quod ex India, Persia, China, Ægypto, Catheia, aut vicinis regionibus adfertur: alterum Occidentale, quod ex America & Peruvia asportatur: de Orientali primò & distinctim agemus.

a de gemmis Boetius lib. 2. de lapid. cap. 192. & Ludovicus Guyon lib. 5. diuers. lect. cap. 13. b lib. de lapide Bezoar. c lib. 1. de venen. c. 10. d lib. 1. de venen. tract. 1. cap. 3. f & ex eo Salmuth. & Syluaticus. g Iordanus de peste, tract. 3. cap. 9. Vrittichius, Gabelchofer in Baccium: Syluaticus. h Garzias, ex hoc Paræus Vrittichius: & Christophor. à Costa, Pazar Persis, Indis Bezar, Arabibus Bezaar Casalp. de metal. Pazar Persis, Lusitanis corruptè, Bazar siue Bezar: Indi, Pedro de Bazar 1. lapidem fori indigitant. Linsc. cap. 43. parte 4. Indiæ. i Iordanus l. c. k lib. de lap. Bezaar, ex quo Hyebelin & Salmuth. l Itiner. par. 1. c. 8. p. 95. m lib. 2. de venen. 14. n de peste c. 13.

ANI.



ANIMALIS NOMEN  
ET FORMA.

## CAPVT XVII.



TSI Boëtius referat, Arabes Medicos lapidem hūc in Capricorno reperiri, ante quingentos annos Rhasis testimonio scripsisse: attamen haëtenus nec animalis nomen, nec ipsius formam speciëmve apud Arabes inuenire potui. Sic etiam inter recentiores hac de re non conuenit: Garzias namque *a* hirci genus esse & hircum in Persia & Corasone Pazan vocari tradit: Amatus *b* capram Indicam: Monardes *c* capram montanā, & Ceruicapram nominat: Capriceruum à figura capri, & cerui parui simul iuncta, tale animal vocari, affirmat Baccius *d*: quare *τσαγέλας* dici posset; Capram syluestrem Lacuna *e*. At Cardanus *f* capram certi generis, quæ nomine gentilitio Bulgoldālf dicatur, ex literis ab Antonio Barrio Lusitano, viro illustri, ad ipsum perscriptis, refert: magni capri nomen, Christophorus à Costa *g* illi dedit. Linscottus *h* modò ouem, modò hircum, modò caprā vocitat. At Iosephus à Costa, maiorem & speciei & nominis diuersitatem fecit: nam *i* Guancum & Vicugnem, hoc animal appellari scripsit: alibi *k* Tarucam nominat: alibi *l* vbi de lapide Bezaar ex professo



agit, sic scripsit: in Xausa, & alijs regni Perue  
prouincijs reperiuntur animalia similia, ro-  
busta & domestica, cuiusmodi sunt Guano-  
chi, & Pachi, & Vicugne, & Tarughe, quibus  
alij, & alterius generis adiungunt, & capra  
syluestres esse asserunt, quas Indiani Cypris  
nominant, &c. paucisq; interiectis subiicit:  
etiam in ceruis & Damis lapidem Bezaar re-  
pertum esse.

a & ex eo Saracen. de peste. Paræus, Vritrichius, Christ.  
à Costa. Casalp. de metall. Linscot. parte 4. Ind. cap. 43. Ca-  
pri hi Persis Pazan. b centur. 3. curat. 74. c lib. 2.  
aromat. c. 1. & ex eo Salmuth. Fragosus. Syluaticus addit  
& veruecem. d iract. de gemmis c. 34. Syluaticus tr. de  
lapide Bezoar. e in Diosc. & Hueblin. f lib. 17. de va-  
riet. rer. 97. g de medicam. Indiæ Orientalis cap. 21.  
h in nauig. in Indiam Orient. part. 4. cap. 43. i lib. 1.  
hist. Indiæ. cap. 21. & ex eo Syluaticus. k lib. 4. cap. 40.  
l lib. 4. cap. 42.

### FORMA ANIMALIS.

**A**NIMAL hoc a, vt referunt qui ex illa  
regione redeuntes illud conspexerunt,  
Ceruo valdè simile, cùm magnitudi-  
ne, tum agilitate, & alijs notis, exceptis qui-  
busdam partibus, quibus cùm capra magis  
conuenit: siquidem veluti capra cornua bina  
in dorsum valdè reflexa habet (vnde nomen  
capræ montanæ inditum) lata in extremo  
inucronata: pilos breues habet, coloris cinera-  
cei, cui rufedo admixta, quamuis aliorum et-  
iam colorum in iisdem montibus reperian-  
tur. At Garzias b, hirci genus rufi aut alterius  
coloris



coloris, mediocri altitudine, & se rufum & rægrandem Goæ vidisse scribit. Sunt qui figuram parui cerui & capreoli tribuant.

Quare cum partes quasdam habeat cum Ceruo & Capra communes, commodius Ceruicapra d. vocari posset; cerui enim instar agile a est, celeris cursus & ad saltum promptum, adeoque ferox, vt interdum Indos etiam occidat; acutissimi e. auditus, vocis gemitus nebundæ: in antris viuit, vtriusque sexus mas & fœmina, gregatimque incedunt. Alij cerui e proceritate, sed forma hirco simile dicunt: alij hirco f, aut magno arietis, coloris rufescentis. Iosephus Acosta g ceruum imitari, absolutè scriptum reliquit. At Christophorus Hueblin (ex relatu Ioannis Hartmanni Hyruss, qui tale animal in India vidit) refert, Capram hanc syluestrem nostris non dissimilem esse, nisi quod pulchrior & maculis rubris aut nigris aspersa sit.

Refert prætereà Monardis, sibi animal quoddam huic simile conspectum, quod ex longinquis regionibus per Africam generoso Archidiacono Nebiensi delatum, magnitudine cerui, capite & ore ceruino, agile instar cerui, pilis & colore ceruino simile: corporis forma capram referente, nam magno Hirco simile, hircinos pedes habens, & bina cornua in dorsum reflexa, extrema parte contorta, vt hircina videantur, reliquis autem partibus ceruum æmulabatur. Illud au-



tem, addit, admirandum, quod ex turre se præcipitans, in cornua cadat sine vlla noxa, perinde atque pila vento plena subsultans ac resiliens. Vescebatur herbis, leguminibus, pane, omnibusque cibis oblati: robustum & firma catena vinctum erat, quia omnes fures, quibus ligabatur, rodebat ac rumpebat.


Ast Ludouicus Guyon i Theuetum citat huic animali vnum tantum cornu tribuentis. Et quia C. Clusius in Garziam notis, Cornu & figuram & descriptionem adposuit, eadem hic quoque subijcere lubet, ne quid quod de hoc lapide & animali apud auctores reperitur, omisisse videamur.

Cæterum, ait Clusius, mihi persuadeo, non futurum ingratum, si huic scholio, eius animalis, in cuius ventriculo celebratus ille lapis Bezar, in Orientali India generatur, cornu & vngulæ icones adijcerem, expressas quidem, curante Iacobo Gareto, aromatario Londinensi, qui eas ad me Francofurtum vsque mittebat, permittente verò Generoso viro Waltero Raulæo, cui obtigerant in parte prædæ earum rerum, quæ in prætoria illa naui ex Orientali India reuertente, & à naucleris Anglis occupata, aduehebantur.


Erat verò illud cornu (cuius longitudinem non significabat) nigri coloris, incuruum, inferna & crassiore parte, qua capiti adhæserat, cauum (qua nota singulis annis,  
non



CORNU ET VNGVLA  
ANIMALIS BEZAAR  
in India Orientali  
generantis:  
pag.98.









non decidere, coniecturam faciebam) foris  
superius æquale & multis tuberculis oblitum, in  
interioribus fere cornu ceruini, supernâ parte læuius,  
donec in obtusum mucronem desinens.

Vngula autem nigra etiam erat, & breui  
diffusa discretata, pilisq; magna ex parte testat  
sed cuius coloris, non erat additum. Hactenus  
Clusius.

Monardes lib. de Bezaar. b lib. 1. arom. cap. 45.  
Baccius de gemmis cap. 34. d Clusius, Camer. in  
Emblem. e animal rufum ferunt cerui proceritate,  
Jordan. de peste tract. 3. cap. 9. ex hirci quodam genere,  
Salmuth in Baccium. f Ryff. pharm. restaur. g in  
histor. Indiæ lib. 4. cap. 42. h cornua habere dicitur  
ex duo ex fusco colore nigra & ferè recta, leniaque non  
absque gyris & nodis caprearum, quam germani  
Gemsen vocant, cornibus satis similia. Boetius lib. 2. de la-  
pid. cap. 192. i lib. 5. diuers. lect. cap. 13.

Huc ponatur figura.

G 2



LOCVS VBI ANIMAI  
HOC REPERITVR.

CAPVT XLIX.



ST quidem regio, in qua animal hoc degit, ipsa India ab omnibus, vt rectè Syluaticus, constituta: sed cum Indiæ nomine, non modò antiquorum India, sed & vniversus is terrarum tractus, qui à Columbo, primùm apertus, & ad Occidentem positus, multis ac varijs prouincijs distinctus Indiæ nomine donetur, in vtraq; Indiæ parte, Orientali scilicet & Occidentali, animal hoc reperiri, similiter omnes consentiunt.

Indiam Orientalem Serapio *a* indicauit, & recentiorum nonnulli subscripserunt: sic & Indiæ Occidentalis partes, præsertim Peruvianam prouinciam, recentiorum plures, & inter hos, qui illas perlustrarunt, illis addiderunt: nouam Hispaniam, Iosephus Acosta *b* adnumerat. Verùm non in omnibus harum regionum prouincijs, sed in quibusdam tantùm reperitur, quare particularius loca ab auctorib. expressa subiiciamus. Et licet Christophorus Acosta *c* in varijs Indiæ Orientalis prouincijs reperiri asserat, Garzias *d* tamen Persiam & nonnulla Malaccæ loca expressit, & ex Persiæ prouincia Corassone, & nonnullis alijs Indiæ locis adferri, scribit: addens,



mens, Indos in Sinarum regionem transferre,  
 inde in Moluccas, & ex Moluccis Calecutiū,  
 ubi maior sit illorum negotiatio. Quare Per-  
 si in Indis inquilinam dici refert e Iordanus: & ex  
 Persia, Constantinopolim & Callicutho in  
 Lusitaniam deferri, Richardus fasserit. Sic in  
 Pan regni Malacésis prouincia frequens Gar-  
 zia & Linscotto testibus: hic & in Patane g,  
 quæ est ad terram Sian, etiam haberi, quem-  
 admodum & in capo Singabura, scribit.

At non solum in Persia animal hoc reperis-  
 sur, verum etiam in India h maiore trans flu-  
 minum Crangen, in quibusdam montibus Chie  
 vicinis, quam Ptolomæus ab vbertate & o-  
 culi pulentia adeo celebrat, certis montibus Si-  
 marum regioni vicinis, trans auream Cher-  
 onesum e ad Comarini promontorium, qua  
 ad Chinaram regionem itur, è cuius ventri-  
 culo lapides execti in nostrum orbem trans-  
 feruntur: hæc e Iordanus: nam cum in exer-  
 citus annonam istic multi prægrandes hirci  
 mactarentur, in eorum ventriculis magna ex  
 parte hos lapides repertos esse, Garzias asse-  
 rit. Testatur quoque Rauw olffius k se in A-  
 lepo inter cætera vidisse lapidem, quem Ba-  
 zaor vocant, quem Persæ ex peculiari gene-  
 re Hircorum, eorum in regione vulgarium,  
 usumant.

Auctor est Christophorus Hueblin, ex re-  
 latu Hartmanni Hyrusz, lapides hos ex tribus  
 locis Goam & Cochin adferri: ex regno Syá,



& vicinis locis, qui in India optimi censeantur, quia sunt omnium ponderosissimi: & admiratione dignum, quod ferè omnia pretiosa ponderosiora sint ea in regione, quàm in alijs Indiæ locis, quòd non solum in hisce lapidibus, sed etiam in Adamantis sit expertus: siquidem Adamantes, licet alijs magnitudine pares sint, ponderosiores tamen multò sunt ijs, qui ex Bisuaga, ex regno Narfinga, nò longè à Goa & Cochin sita, adferuntur: Alij, addit, ex Ormus sinu Persico adferuntur, quos etiam magni faciunt. Tertij ex Insula Vaccarum adportantur, qui vilissimi censentur: quamvis omnes in Oriente, Asia, Arabia, & Persia in magno pretio habeantur: hæc ille. Et Christophorus Acoſta / Corrazan Vaccarum Insulas, vltra caput Commorin dictum, iacentes, quæ in Oriente sunt, addidit. Sic Hartmānus Hyruſz *m* affirmat, se in vrbe Cochin à Stephano Alico diuite & primario mercatore, multos eiusmodi lapides emisse, qui eos ex Insula Vaccarum non longè à S. Thomæ sita, attulerat. Et Linscottus *n*, inuenitur in Vaccarū Insula ad sinus Cambaiæ ostium tractui continentes vicina, quam Lusitanica classis subinde aqua *n* digatia adit, interfectis tamen multis hircis, in quibus hunc lapidem inueniunt.

Fragosus, ex Aluari Mendez, Commendatoris S. Iacobi testimonio scribit, illum in Arabia tales sæpius vidisse, esseque duum  
gene-



generum, quorum vnum melius ex fœlici Arabia: & alterum non tale ex Vaccarum Insula magis versùs Septentrionem adferatur.

Cùm ergo tanta sit regionum diuersitas, in quibus vnus, eiusdemque generis animal viuit, quis non concedet, vt rectè Syluaticus, possibile esse, vt aliqua in illius corporis forma, eiusque colore & cornibus differentia reperiatur? nisi fortè is, qui ignorarit animalium corpora ob aëris vim, aquarum varietatem, pascuorum diuersitatem, immutari posse. Nōne Hippocrates in lib. de aëre locis, & aquis, in Scythia Boues sine cornibus ratione soli inueniri dixit? Ab animalibus, plantis, & herbis eiusdem omnino generis & speciei, quæ cum in Orientalibus tum in Occidentalibus locis viuunt, & feruntur, exemplum desumat, qui voluerit: in eisque, licet eiusdem generis & speciei sint, diuersitatem tamen aliquam in colore, in magnitudine, & alijs animaduertet, & huius rei testimonia apud scriptores, cùm antiquos, tum recentiores, inueniet. Sic equos, boues in Europa, neque genere, neque specie differre dixeris, attamen in plerisque regionibus in colore, magnitudine, alijsque conditionibus inter se differre, notissimum est.

Insuper lapidem hunc in diuersis etiam animalium speciebus in prædictis regionibus viuentibus concrefcere, Syluaticus affir-



mat, & hoc ipsius naturæ principijs minimè  
 repugnare, & artem medicam hoc idem vt  
 possibile concedere, asserit. Eadem errata ex  
 quibus lapidem in animali dicto gigni do-  
 cuerunt illi, si animalia bruta diuersæ speciei  
 se commiscuerint, eandem herbam si come-  
 derint, quid prohibeat, quò minùs idem effe-  
 ctus in his euenire possit? Vnum hoc tan-  
 quam necessarium supponendum est, huius  
 diuersæ speciei animantia, in eo genere vni-  
 uersali conuenire debere, vt cum communi  
 eiusdem naturæ participant, eodem quoque  
 cibi genere vtantur: secùs neque eodem mo-  
 do lapidem illa congererent: vires, in genere  
 saltem, easdem non haberet, cum tamen her-  
 bæ illius medio, lapidem vim Alexipharma-  
 cam acquirere voluerint, vt infrà plenius di-  
 cetur. Hoc Iosephus Acosta o, aperte testa-  
 tur, insuper afirmās omnia animalia lapidem  
 hunc gignentia, in hoc conuenire, quod ru-  
 minent, & in niuosis & saxosis depascantur.  
 Aëris igitur, pascuorum & aquarum diuersi-  
 tas, in eiusdem generis & speciei animalibus,  
 conditiones aliquas diuersas, & accidentia  
 varia parere possunt. Possunt item diuersæ  
 speciei animalia vnum eundemq; lapidem, in  
 partibus internis colligere: quem quidem la-  
 pidem ipsdem de causis, diuersitatem in cōdi-  
 tionib. suis tam externis, quā internis, essen-  
 tialib. & accidentalib<sup>9</sup>, suscipere cōtingit: sic  
 uti etiam in sua facultate. Sed antequā lapidis  
 huius



huius conditiones proponamus, lubet ostendere, quàm diuersa sit auctorum opinio, circa locum, in quo lapidem hunc generari volunt: quæ tamen neq; impossibilia, neque inter se contraria, neq; lapidis Bezaar dignitatem minuere posse, Syluaticus credit.

a in suo agregat. de simpl. ca. 386. b lib. 4. cap. 42. de med. ex India Orientali cap. 21. d 1. arom. 46. & Linscottus. c de peste, tract. 3. ca. 9 Lacuna: in Perside Garracenus. f in epistola ad Episcopum Strigoniensem. g Linscottus part. 2. India Oriental. cap. 24. i Fragosus de arom. ex India cap. 10. i Chinarum regionis finitimis, Salmuth. k in suo uinerario. l de med. Ind. cap. 21. m in lib. Christoph. Hueblin. n in 1. parte India cap. 43. o lib. 4. hist. nat. & moral. India cap. 42. & ex eo Syluaticus tract. de lapid. Bezaar.

## LOCVS IN ANIMALI VBI LAPIS HIC REPERIATUR.

### CAPVT XIX.

**E**tsi lapidem hunc in animalis corpore genitum, indeq; extractum, recentiores affirmant: horum tamen aliqui, nec animal, nec partem, in aqua reperiatur, definiunt, sed ex animali quodam eximi tantum scribunt: alii ex repentis animalis a corpore: alii ex capra b montana, ex capra quadam c Indica. Alii partem designant, vëtre d animalis: alii ex ventre animalis e cornigeri: ex visceribus f Indici



106 CASPARI BAVHINI  
animalis. Alii ex ventriculo capreoli *g* Persici:  
capræ *h* sylvestris: capræ *i* montanæ: capræ  
*k* Persicæ: Alii ex ventre *l* capræ Indicæ: ca-  
præ *l* sylvestris: ouis *m* aut hirci aut capri:  
Alii ex ventriculo *n* hirci in Perside: ex ani-  
mali hirco *o* simili: alii ex bursa *p* fellea arietū  
in Oriente: alii ex masculorum *q* caprarum  
vesiculis felleis. Alii ex corde *r* animalis cuius-  
iusdā: ex corde capræ *s* sylvestris: Alii deniq;  
ex renibus *t* quarundam caprarum montana-  
rum: ex interioribus *u* intestinis, aliisq; cauis  
corporis partibus, eximi tradunt.

Generatur ergo lapis hic in internis parti-  
bus & cavitatibus, potissimum autē in ven-  
triculo: non autem in maiore ventriculo, sed  
in prouentriculo, & in quem pabulum maiori  
ex parte reponitur, & ad meliorem coctio-  
nē præparatur, in quo eiusmodi lapides, non-  
nunquam nouem decē, pauciores aut plures,  
pro ratione ætatis animalis, inveniuntur: vel  
vt Garzias & Monardes scribunt, etiam Ca-  
merario *y* referente, lapis hic in ventriculo,  
vel potius in receptaculo quodam fasciæ mo-  
do formato, & ventriculo parte interiore  
adhærente reperitur. Et quidem vt referunt  
(Cæsalpino monente) propē meatum, vnde  
pabulum ruminatum in alterum ventricu-  
lum transmittitur. Sed ex quānam materia  
generatur?

*a Villanouanus de dosibus theriacal. ex quo Penottus  
in præfatione sui denarij. b Fragosus ex Gesnero de ca-  
pra sylu.*



pra sylis. refert. c Montuus ex Amari sententia. d Saxonia de plica. cap. 59. & de febr. cap. 37. e Mercurial. de ven. & ex eo à Bra. li. 1. f Baccius lib. de gemmis cap. 34. g Bodinus lib. 2. theatri. h Monardes Richardus: Lonicerus ex aliorum sententia: VVitichius: Hublin, qui addit, & nonnunquam quibusdam alijs, quoque locis: Abrahamus Lusitanus referente Manlio ad Cratonem epist. 191. Casalpin. lib. 2. de metall. 46. i Garzias: VVitichius: Salmuth. k Lacuna in Dioscoridem. l Amatus cent. 3. cur. 74. & 83. & ex eo à Bra. m Linscottus in nauig. in Indiam Oriental. par. 4. c. 43. ouium vel caprarum quarundam, Arthus. n Paræus: Rauurolffius: VVitichius ex Garzia. o Garzias: ex eo Sarracenus: Iordanus de peste tr. 3. cap. 9. Rauurolff. par. 1. cap. 6. Paræus lib. 20. cap. 37. in hirco simili animali vltimum inuenitur. p Raby Moyses. tr. 1. cap. 9. ex eo Ardoynus 1. de ven. 9. & 10. Monardes tr. de lap. bezoar. q Manlius ad Cratonem, ex Brudi Lusitani sententia epist. 191. r ex Stomacho vel corde Amatus 2. in Diosc. 39. Andernac. com. 2. dial. 5. s Chai-nus citante Arnoldo Manlio ad Cratonem epist. 191. & ex hoc à Bra. t Fragosus ex relatu Aluari Mendoz. u Monardis lib. proprio. x bursulam in ventriculo natam Petrus de Osma nominat. y in emblemat.

## MATERIA HVIVS

## LAPIDIS.

## CAPUT XX.

**E**tsi huius lapidis materiã Arabes, q de eo scripserũt, nõ expresserint, & recetiores ipsius essentiam particulariũs non videantur explicasse, quia lapis omnis Bezaar, quisquis ille fuerit, terream & crassam habeat substantiam, quẽ omnium lapidum vniuersalis materia, ab



Aristotele, Theophrasto, & aliis omnibus, qui de lapidibus scripserunt, constituitur: Attamē cum Syluatico in huius lapidis materiam paulò plenius inquiramus.

Cū lapis hic instar terrę in subtilissimum pollinem teri possit, substantiā eius terream esse patet: at cū res plures sint, quę terrę ipsi, ex qua lapides fiunt, materiam suppeditāt, vt est terra ipsa, quam pedibus calcamus, succi plantarū, aquarū, metallorū, & rerū aliarū quam plurimarū; id circō Bezaaris materiam terream, Herbam quandam esse recentiores affirmant, vt Monardis *a*, & Iosephus Acoſta *b* tradidere.

Verū non tantū herbā, sed etiam venenū cōmestum, materiā terreā huic lapidi suppeditare, Monardes *a* his verb. recensuit: Opinio est, quod ex veneno tam pernicioso à prædicto animali deuorato, & ex illis herbis adeo salutiferis depaſtis lapis Bezaar generetur.

At Garzias *c* herbæ non meminit, sed lapidem hunc circum paleam quandam tenuissimam semper augescere, & veluti è multis tunicis contexti refert: testatus id se à viris fide dignis accepisse, omnes in Persia collectos, simili modo circū palleolam efformatos inueniri: se suis oculis obseruasse affirmās, lapidem huiusmodi contritum, tenuē paleam in meditullio cōtinere: quasi innuere voluerit, humores in lapides conuersos, circa palleolā illam coaceruari. Quod tamen perpetuū non est,



est, cum sæpè in eius medio puluisculus, vel  
etiam granum quoddam reperiri, infra osten-  
suri sumus.

Sed hoc tanti faciendum non est, quasi id-  
circo lapidis materia talis non sit, siquidè dici  
posset ex herba comesta humores genitos,  
& circa illam paleam coaceruatos, in terream  
illam lapidis substantiam commutatos esse.

Quod verò aliqui Serapionis *d* auctoritatē,  
difficultatem causare existimant, quod is la-  
pidis huius essentiā, non ab aliqua terræ spe-  
cie, neq; ab aliqua herba, aliāue re comesta  
produci affirmet, sed eius materiam metalli-  
cam constituit, dūm eius mineram in terris  
Syri & Indiæ, & in terris Orientis esse admo-  
nuit: quibus manifestè refutatur id, quod ex  
communi sententia receptum esse ostendi-  
mus, scilicet in animalis cuiusdam interiori-  
bus lapidē hunc gigni: verūm, cum & aucto-  
ritatem & sensum supra capite quinto expli-  
cauerimus, eò Lectorem relegamus.

Sed ad rem: lapidis Bezaar materia essen-  
tialis ergò erit, ex venenis deuoratis, & ex  
herba quadā post comesta, postmodūm in  
animalis ventriculo, in lapidem simul cōcre-  
tis. Si enim Medici rectè statuerunt, lapideæ  
materiæ generationem in hominis aut ani-  
malis bruti parte aliqua fieri, quia excremen-  
tum aliquod terreū & crassum, à calore partis  
(in qua lapis concrefcit) aduritur, & sic in la-  
pideam substantiam conuertitur; cur non



etiam ex aliis rebus cōmestis crassum & terreum excrementum gignentibus (vt sunt venena, & herba peculiaris) in eiusdē animalis ventriculo, lapis Bezaar pariter subcrescere possit? Ad hoc respondent, rectē quidē Medicos de homine id pronuntiare, non verò de brutis: hominis enim appetitum ad pleraque talia, eaq; diuersa præter rationem & necessitatem, comedenda sapissimè incitari, ex quibus frequentissimè lapidibus materia suppetitur. Sed in brutis secūs fieri, cum iis à natura insitum, & vt tantūm cibum sibi familiarem affloant, & solum in ea quantitate quæ ipsorum nutritioni sufficiat. Quòd si modum excedant (rarissimè autē animalia, præsertim quæ cicurata sunt excedunt) ægrotare quidem, sed rarissimè in iis lapides concreescere.

Verūm hæc causa vnica videtur esse, quod non ex alia re, quàm ex venenis, & herba illa ab animali Bezaar generantis, cōmestis, lapis ille gignatur: quod hæc sit materia natura sua apta ad excrementum crassum & terreum producendum, & quòd fortè hisce plūs quàm par sit vescantur, ad quòd etiam inuita impelluntur: nam cum venena, quæ deuorant, minimè nutriant, in excremēta conuerti necesse est. Sic & herbas cuiuscunq; generis sint, præsertim quæ hortenses non sunt, vel quæ minimè nutriunt, excremēta multa producere, notius est, quàm vt probatione indigeat.

Sed quòd nimia quantitate herbas deuorant, causa esse potest, quòd postquàm vene-



na ad satietatem deuorant, & ab iis se lædi celerrimè senserint, mortemque timentes, ad herbam salutiferam, & quidem naturali instinctu, (quemadmodum canis ad gramen caninum, Cynogrostin-dictum; & ceruus sagitta petitus, ad Dictamnium) deuoradam, statim accurrunt, & valetudinis recuperandæ, vitæque seruandæ desiderio, impelluntur: & cum iis saturentur in ventriculo eorū excrementa cruda colliguntur, quæ lapidi materiam aptissimam subministrant: quæ omnia ex Monardis & aliorum testimonio confirmabimus.

Boetius materiam lapidis tantū succū herbarum aromaticarum & salubrium in montibus nascētium, censuit: cuius hæc sunt verba. Materia vnde lapis generatur, herbarū est succus viscosus & terrestris, aut si mauis dicere, terrestris herbarum succus in humorem resolutus: quæ si aromaticæ & salubres fuerint, lapidis augent vires: si insipidæ vt gramen, lapidem nullius facultatis proferunt. Quod Indis optimè notum est. Nam animalium in planis locis degentium lapides floccifaciunt, tanquam ad rem medicam inutiles. In montanis verò degētium ad venena aliosq; morbos difficilimos sanandos in maximo habent pretio. In montibus enim herbis odoriferis, ac quæ ad varios morbos vtilis sunt, victitant. Nunc generationis modum subiiciamus.


a lib. 2. hist. simp. ex India c. 1. b l. 4. nat. hist. hist. & moral. India c. 42. c l. 1. de arom. c. 45. d in tr. de simpl. ex Mineral. de sumpt. e lib. 2. de lapidib. cap. 193.



## GENERATIONIS

MODVS.

## CAPVT XXI.

 Vod suprà de Ceruis scripsimus, eos serpentes deuorare, & saturos ad calorem ingentē attemperandum, aquæ frigidæ se immergere, & ibi donec calor ingens sublatus sit, nihil bibēdo persistere: illud quoq; Monardes *a* de Ceruicapra, ex qua hodiernū Bezaar extrahitur, refert. Posteaquā enim ea, quæ Plinius de *b* Ceruis scripsit, quæ superiùs etiam adduximus, narrasset, subiungit, Clusio vertente.

Istæ Ceruicaprae in India eadē agunt, quæ Plinius de Ceruis scripsit: ferarū enim antra subeunt, & anhelitu suo animalia noxia educunt, & vorant: deinde ad loca aquosa se conferunt, in quibus se mergunt, donec venenū vim extinctā esse sentiant, ab aquæ potu prorsus abstinentes. Deinde aquā egressæ, multas salutiferas & insignium facultatū herbas, per aruum depastum eunt, quas naturali instinctu venenis resistere cognoscūt: eaq; ratione naturalis caloris auxilio, ex veneno ab illis deuorato, & depastis herbis, virtute quadā specifica infusa, generationis tempore in internis ipsius animalis partibus, & aliis cavitatibus, magni & parui lapides generantur.

Et Christophorus Acosta *c* Orientalis lapidis hic, in ventriculis animalium dictorum gene-



generari creditur, & quidem mediante quibusdam herbarum medicarum virtute, quæ in his in regionibus, in quibus hæc animalia ceperiuntur, proueniunt, & ab ipsis depascuntur.

Sic Iosephus Acosta referunt Indi, quemmodum à maioribus suis accipere, in provincia Xausa, & aliis regni Peru locis, multas esse herbas & animantia venenata, quæ & aquas, ex quibus bibunt, & præta, quæ depascuntur, anhelitu suo inficiunt: inter herbas has, vnam esse valde salutarem, quam Virugua, & alia animalia quæ lapidem Bezaar generant, naturali instinctu deuorant, hoc modo à veneno tam aquarum, quam pascuorum, præseruantes, ex qua herba lapis in eorum ventriculo generatur: mox subiicit: hanc opinionem esse Indorum, quæ Peruvianis probetur, quod sanè ratione non careat, & cū eo, quod Plinius de capra montana refert, conuenire, quod nimirum herbas venenatas depascantur & non inficiuntur.

Apud Insulæ Vaccarum incolas, opinio recepta, lapidem hunc ex herbis quibusdam depascitis generari, eoq; genito, morbidas & scabiosas reddi: quæ animalia, licet lapidis conquirendi causa non interficerentur, nihilo minus morerentur, vt Hyebelinus, ex relatu Hartmanni Hyrusz refert: hicq; ex Stephano Aluo, earum regionum mercatore, & in simplicibus Orientalibus versatissimo cogno-

H



uit : quemadmodum etiam calculum humanum, omnibus aliis lapidibus, tam contra venena, quam alios morbos præferendum esse. Addit insuper, ut plurimum in annosis & scabiosis capris reperiri, & quo seniores & scabiosiores sint, tanto maiores & pulciores in iis lapides reperiri.

Quare ex sententia eius, qui Gualtheri Ryffij pharmaciam reformatam auxit, pro certo habendum, lapides hos ex herbarum optimarum succo, præsertim earum, quæ in montibus copiosè proueniunt, nasci; cum lapides ex iis, quæ in planitie pabulatur exempti, tantarum virium non esse affirmant; & quo capræ hædiutius viuunt, tantò lapides, cum indies incrementa sumant, maiores fiunt.

*e singul. part. 3. lib. 4. in schol. ca. 1.* Hinc Libanius *e* creditur ex cibo fieri nobili, quo quæ non victitant, non generant nobile. Et Camerarius in emblematibus: asserunt, lapidem ex capris montanis ablatum præferri, cum sit ob pabulum odoratissimum plantarum aliis multò præstantior. Quòd verò virtute singulari herbarum illarum depastarum generari, creditum sit, causam Linscottus refert, quia in nullis aliis locis istiusmodi inueniri certum sit, etsi animalia specie eadè alibi frequentia reperiantur. Hinc Manlius ad Cratonem *f* scribit, se ab Abrahamo Lusitano cognouisse, lapidem hunc gigni ex certa herba nostris regionibus insueta, & in Persia tantum, & Insula Vaccarum Indiam versùs cognita. Refert



Refert Boëtius g. Imperatorē Rudolphum *g lib. 2. de*

II. qui anserini magnitudine aut paulo maiorem habuisse, è quo poculum dum confici iussisset, in ipsius meditullio herbæ eximie redolentes (circa quas crustæ & laminæ superinductæ à natura fuerant) repertæ fuerunt. *lapid. c. 191.*

Retulit mihi nobilis Austriacus, se dùm in Hispania viueret, cognouisse, animalia hæc, postquàm serpētes deuorariot, radicē, quam contra Yerua, id est, contra venenā Hispani vocant, comedere, & ex serpentis & radicis mixtione, lapidem hunc gigni.

Hanc autem radicem Nicolaus Monardes *h de simp. Indice ca. 17.* descripsit: est autem Iridis radicibus valdè similis, sed minor (multis filamētis oblongis, subflauis, prædita, cuiusmodi aliquot ante biennium apud Præfectum Oberkirchensem, cum ex acidulis rediremus, vidimus) ficulnei folii odore, quæ ex Charcis Peruana prouincia aduehitur; Hispani, Indias inhabitantes, contrà Yeruā, quasi dicas, Alexipharmacum appellant: quoniam earū puluis ex vino albo sumptus, aduersus omne venum, (vno sublimato excepto, quod sola lactis potione extinguitur) præsentissimū remedium sit, vomitione illud reiicere faciens, aut per sudores euacuās. Sed & amatoria pocula, eo puluere hausto, reiici ferunt: ventris etiam animalia pellit. Gustata radix, aromaticum quiddam cū acrimonia coniunctum sapit: quare calida



i ex hoc,  
Lugdunensis  
historia l. 18.  
cap. 46.

k in Pan-  
cirollā, quæ  
ex Camerarij  
Emblemati-  
bus desum-  
pta.

secundo gradu videtur. Hæc Monardis, C. Clusio i transferente. Et sanè radix hæc ho-  
die apud Hispanos lapidi Bezaar præfertur,  
eiusq; grana aliquot contra venena exhiben-  
tur: qua & ipsi Florentini in morbis conta-  
giosis vtuntur.

Lubet & hoc ex Salmutho k per transen-  
nā aspergere, quòd nonnulli animal istud ser-  
pentibus quoq; vesci, partimq; in succum &  
sanguinē, partim in lapidem Bezaar eos con-  
uertere asserunt: quò mysticè declaretur, ab  
iis vitiis, vel rebus etiam aduersis, quibus alii  
succūbere, aut omnino perire solēt, viro forti,  
ad virtute prædito, nihil periculi metuendum  
esse, sed eum insuper inde propter constan-  
tiam & recti iudicij robur magis confirmari  
& Spiritus alacriores conquirere. De quibus  
extant Gregorii Nazianzeni versiculi è Græ-  
cis ita Latine facti.

*Grauib; nihil mouetur incus pulsibus.*

*Infracta casus mens repellit anxios.*

l centur. 2. Idemque hoc Emblemate Camerarius l expressit.  
embl. 64.

*Nulla venena probis vitij, sortisq; malignæ.*

*Obsunt: quin potiùs robora dant animis.*

Sed vt de lapidis materia concludamus,  
quòd si quispiam dixerit, herbæ hunc in mo-  
dum de pastæ, quidpiam à natura insitū esse,  
cuius occasione succus eius facillime in la-  
pidem conuertatur, non abs re, meo quidem  
videre, dixerit: Ad quod statuendum, inouēt

m lib. 17. ea, quæ Plinius m de Lithospermo refert, his  
cap. 11. verbis: Inter omnes herbas lithospermo

nihil



nihil est mirabilius: aliqui Aegonychon (ex-  
onticon habet Æginetha) alii Diospyron,  
alii Heracleos vocant: Herba quincuncialis  
ferè, foliis duplo maioribus, quàm rutæ (oleæ  
habet Dioscorides *n*) ramulis furculosis, cras- *n lib. 3. ca.*  
situdine iunci; gerit iuxta folia singulas velu- *158 de litho-*  
ti barbulas, & eorum in cacuminibus lapillos *spermo.*  
candore & rotunditate margaritarum, magni-  
tudine ciceris, duritia verò lapidea. Ipsi, qua  
pediculis adhæreant, cauernulas habet, & in-  
tus semen: nascitur & in Italia, sed laudatissi-  
mum in Creta. Nec quicquam inter herbas  
maiore quidè miraculo aspexit: tantus est de-  
cor, veluti aurificum arte alternis inter folia  
candicantibus margaritis: tam exquisita dif-  
ficultas lapidis ex herba nascentis.

Hæc sanè à Plinio proposita in herba, quæ  
vulgò Lachryma Iobi, vel Moysis, vel Iodoci  
dicitur, & Lithospermum arundinaceum vo-  
care solemus, pulchrè obseruantur, siue hanc  
Plinius exprimere voluerit, siue non. Hæc  
est lapidis Bezaar in ventriculo animalis  
concreti materia.

Modum generationis o eleganter Boetius *o lib. 2. de*  
expresit: Generatur, inquit, lapis in marsu- *lapidib. 2.*  
pio prædicti animalis succo herbaceo ac ter- *cap. 192.*  
restri à tenuioribus partibus secreto: cui dum  
portio succi terrestris ipsius animalis accedit,  
paulatim humido expresso cōcrescit in lapi-  
dem terrestrior pars. Quæ, si similis succus  
nō statim sit præ manibus, leuore obducitur,



118 CASPARI BAVHINI  
lapilli formam induit & quandam in extrema  
sui parte politurā recipit. Huic accedens po-  
stea circumquāq; (absolutis naturæ coctio-  
nibus) noua materia, noua crusta inducitur,  
crassa vel tenuis pro affluentis materiæ quan-  
titate: quæ iterum exsiccata & indurata, alia  
crusta obtegitur: idq; toties à natura fit, do-  
nec ad iustā quantitātē venerit lapis, aut ma-  
teria augendo lapidi idonea nō amplius à na-  
tura suppeditatur. Nam aliquando excrescit  
ad ouianferini quantitatem: paulatim enim  
augetur, donec animal intereat.

QVO TEMPORE GE-  
NERETVR ET DE HVIVS  
lapidis laminis.

CAPVT XXII.

**L**apidem hunc, Veris ac Æstatis  
tempore, ex herbarum quarun-  
dam succo, quibus Capræ illæ vi-  
sitant, congregari affirmant: at  
Autumno & Hyeme accedente, alio pabulo  
deficiente, lapidem hunc ruminare & pro pa-  
bulo vri. Rem ita se habere, ex eo probari in-  
quiunt: quod eadem capræ Veris princi-  
pio, aut Hyemis fine, (Æstatis fine habet Lo-  
nicerus) capræ lapide prorsus careant,  
tamen cū autumnii principio (Æstatis fi-  
ne Lonicerus) notabilem semper habeant:  
hæc



hæc Richardus refert. Nunc de Laminis.

Concrefcit initio circa paleam quandam tenuiffimam ex pabulo ruminato (vel vt Pa-  
ræus in formam coaguli fenfim aggeritur circa feftucam laminatim) fucco ambiente in cruftam friabilem tranfeunte, femper au-  
gefcent, cum temporis proceffu, fuccus alius atq; alius (vt in fine præcedentis etiam capi-  
tis oftendimus) fuperueniat, ita vt lapidis coagmentatio per cruftas, (alii laminas, cortices, pelliculas, tunicas, squamas vo-  
cant) fiat, veluti è tunicis multis contextus, vt Garzias, *a* & alii omnes tradidere. Miro fanè naturæ artificio, ut rectè Monardes *b* per laminas fele mutuò amplexantes am-  
plificatus & compositus, vt in cæparum putaminibus & inuolucris videre eft: quo pacto *c* & veficæ calculos omnes princi-  
pio à renibus ducto, pedetentim fuccefcere, auctor eft Fernelius: femper enim in medio & in centro lapillum habent ruben-  
tem, cui mucofa materia fenfim iungitur, & lapis quotidie augetur. Ea enim ratione generari obferuare lieet, fi lapidem contri-  
tum infpicias, in eius enim medio, huiusmo-  
di paleam tenuem, monente etiam Garzia, inuenies. Imò *d* fæpe laminæ feu cruftæ fra-  
ctæ apparent, vt in meditullio herba aut feftucæ fragmentum quæ lapidis genera-  
tioni bafin præbet, appareat, & confpectui fe præbeat.



Sunt autem laminæ hæc ad eò leues splendentes & ut singulæ magna arte expolitæ videantur, ita quidem, ut lamina etiã exterior sublatâ, altera, quæ subest, splendidior multò conspiciatur: & quò ulterius f progressus sit, clariores & splendidiores apparent: hæc g pro lapidum magnitudine, vel crassiores, vel tenuiores sunt, quo enim maior, tanto crassior cortex est, & è contra, ut Hyebelinus ex relatione Hyrusz tradit.

Huius rei rationem Syluaticus hæc reddit: quod cū lapides hi in animalis ventriculo per additionem crescant, ut in omnibus pariter animalibus lapides gignentibus, quæcunq; illa fuerint, euenit, eadem materia quarumcunq; tunicarū existēte, ab eodem calore elaborata, eiusdem etiam omnino coloris, soliditatis & consistentiæ ut sint, necesse est. Intimæ verò propter maiorem elaborationem splendidiores euadunt: prior enim secundæ & secundæ tertiæ, ac sic deinceps in elaboratione cedit, cū quæ priores sunt, maiore semper elaboratione fruantur, etiam ob minorem materiæ quantitatem, quam habent. Sed notandū hunc splendorem internum, Orientalium tantum proprium esse, quorū laminæ solæ & etiam externæ splendeant. At occidentales, quorū laminæ siue tunicæ eundē prorsus in modum, vna super aliā contextæ sunt, cū splendore externo careant, eiusdem coloris cū exterioris tunicæ superficie, internas tunicas habent. Vt cunq; sit, ex-



it, externi cuiusvis coloris, vltimæq; superfi-  
ciei consistentiæ, quæquæ illa fuerit, eius-  
dem & internas laminulas esse, si dixeris: iam  
omnia, quæ in coloris externi diuersitate &  
nitore, cum in Occidentalibus, tum in Orien-  
talibus istis lapidibus, determinata sunt, di-  
xeris. Vniuersalis ergo regula constituenda,  
vt laminæ omnes, tam externæ, quàm inter-  
næ & penitiores eundem colorem & nito-  
rem, eademq; consistentiam habere debêt;  
si lapides genuini fuerint.

Et licet extrinsecus densior ac solidior vi-  
deatur, vbi tamen rumpitur, & fragilis & po-  
rosus apparet, sine aliqua arenositate: & si in-  
ter dentes ponatur, dissoluitur, ac si panis  
crustula esset, Richardo referente. Hinc Mo-  
nardis *h* lapis hic tener est, & alabastri instar  
radi potest, & si diutius in aqua hæreat dis-  
soluitur: quem in sensum, mollitiem & leni-  
tatē huic lapidi à Serapione attributam esse,  
dici potest.

*a* lib. 1. arom. cap. 45. & ex eo Sarracenus, & Vvittichius:  
sic & Linscottus. & ex hoc Arthus. *b* lib. proprio, & ex  
eo Vvittichius; Salmuth, Ryff. reformat. & Syluaticus.  
*c* Iordanus de peste tr. 3. cap. 9. & Gabelkhofer. *d* Boe-  
tius lib. 2. de lapid. cap. 191. *e* Monardes, Clusius, ex his  
Syluaticus. *f* Paraus. *g* Monardes lib. prop. & ex eo  
Vvittichius, Salmuth & Syluaticus. *h* lenis & blandus  
Salmuth.



DE FORMA, COLORE,  
ODORE, ET SAPORE  
lapidis.

CAPVT XXIII.



VM lapides hi differant forma,  
colore, magnitudine, pondere  
& densitate, primum de eorum  
figura seu forma exteriorē age-  
mus.

Et si omnes vtraque extremitate obtusi sint,  
non mucronati *a*, & plerique *b* sint oblongi  
glandis effigie: imò & formâ, & mole, vt plu-  
rimum glandem referre, sunt *c* qui velint, for-  
mâ tamen multum variant: nam modo glan-  
dem quernam *d* æmulatur, & quidem absque  
sua capula *e*: alij *f* forma columellæ sunt: alij  
ossiculi dactylorum *g* instar, oblongi sunt,  
paulò tamen *h* crassiores: alij *i* castanearum  
formam imitantur, vna parte sessiles, & altera  
gibbi: alij *k* triangulares: alij rotundi, tan-  
quam *l* orbiculi, vel vt *m* auellanæ & nuces:  
alij subrotundi: alij columbarum ouis simi-  
les: imò renis *n* figura. Refert Monardis se v-  
num habere, qui renem hœdi perfectè refe-  
rat, qualem & nos apud Collegam nostrum  
D.D. Platerum vidimus, & adpinximus. \* Car-  
danus *o* sic formam expressit. Fabæ longi-  
tudine & altitudine, sed latitudo tanta est,  
quanta crassities, vt fructum Ricini quasi, nisi  
quod



quod longius est, referat: rectus est lapis, formamq; columnæ habet, levis, sed mollior et. miam quam levis. Verum admonet Rauwolfius, reperiri, qui illis nec forma, nec bonitate conferendi sint: quare studiosè curandum, ne quis à Iudæis Alepi degentibus, qui hos quoque vendunt, decipiatur. Verum quod tanta sit horum lapidum in figura varietas, nemini mirum videri debet: cum, vti supra monuimus, lapides hi ex accidente, in inter. nis dictorum animalium partibus, & illis quidem diuersis concresecunt, figuram hanc vel illam propriam habere haud possunt, imò facillimè hanc vel illam acquirunt. Quod exemplo à lapidibus in hominum renibus, vesica, tam vrinaria, quam bilaria genitis, sumpto comprobari potest. Haftenus de forma.

Quoad superficiem, magna ex parte leues p sunt, & æquales q (vel vt Iordanus, lapis hic glaber, levis splendore coruscus) foris elegantissimè politi. Ad quod Orientales lapides insigniter splendeant: Occidentales splendore careant, ab omnibus sine discrimine affirmatum obseruatumq; fuisse, Syluaticus asserit. An verò natura sua tales? Refert Hueblinus, ex relatione Hyrusz, natura sua pulchros & splendentes non esse, sed ita poliri, seque artem hanc à Iudæo in Cochinchin didicisse Hyrusz asserit: qua de re etiam infrà.

a Monardis Vvittich Salmuth. Gyon: Boetius l. 2. c. 191.

b Amarus; Garzias, ex hoc Vvittichius, Casalp. metall.

c Saracenus de peste. d Iordan. tract. 3. cap. 9. c Ri-



*hardus, Lonicerus, Paræus, addunt ferè. f Garzias, g Paræus. h Iordanus, l.c. i Monardis, Iordanus, Ryffius, Boetius. k Christ. Acofta. l Monard. & Iordanus. m Ryff. n Rauvvolf. Iordanus; & Boetius. o Cardan. 17. de var. rer. 97. p Saracenes: & in Alepo leues Rauvvolfius. q Linscottus.*

## COLOR LAPIDIS.

**Q**uemadmodum lapides hi forma variant, sic etiam colore varij sunt (licet parum a referat) & quamvis plerique b ex viridi nigricent, siue c atrouirentes, vel d obscure, vel dilutius e virentes, vel virore subfusco nigrescentes, aut colore f herbaceo nigricante, aut pallescente sint, reperiuntur tamen fuluescentes cinericei, subobscuri ad cœruleum tendentes, ex albo a cinerei: aut g subcinerei (atrocinerei h rarius,) instar Malorum, quæ insana vel Melanzana Italis dicuntur: siue vt Lacuna, coloris legitimi oliuastri, aut qualis Varniganarum: vel coloris i fului ad fuscum inclinantis, vt castaneæ colorem æmulari videantur; siue spadicei; vel vt Paræus, nunc sanguinei, nunc mellei, aliàs subflauī, sæpius tamen viridis nigricantis, qualis in felibus k zibetum fundentibus luset. Quare Monardes l plerosque dicit esse felini coloris, hoc est, venis illis præditi, quibus distinctæ feles Aligalium excernentes, Saturi videlicet cinericei; vel vt Cardanus m cinerei coloris, sed rubiginoso mixti, cum splendore, vt quasi gemma videatur: ad colorem n, & quasi



quasi speciem ferri, igne perpoliti. Agnoscit Heurnius o glaucum, fuscum, viridem, album, qui aliquantulum glaucescit. At rubrum putulentum nunquam conspexit Iordanus, nisi friabilem, leuitate non pororum raritate, spongiam referentem. Vt plurimum tamen eos, ex nigro virescentes p affirmavit, & quidem recte, Monardes: quod quidem ratione haud carere, censuit Syluaticus: siquidem horum lapidum colores varij, causam manifestam habeant. Nam si ex collectis cruditatibus, propter venena & herbam illam manducata, ab illius animalis ventriculi calore interno in lapidis substantiam mutatis, dicti lapides fiunt: hos sanè iuxta maiorem, minoremve cruditatum humiditatem, variamq; mixtionem, magis minusve à calore elaboratam, colorem varium acquirere contingit. Humidior enim cruditas à minore calore elaborata, albedinè suscipit: minus humida, in quam maior & intensior calor egerit, nigredinem acquireret. At si herbæ illæ maiorem partem cruditatum fecerint, color viridior euadet: at minus viridis, si vnà cum herbis, aliæ res cruditatem maiori ex parte fecerint. Hæc facilius credet, qui lapidum, qui in hominibus concresecunt, varij coloris causam, aliquando contemplatus fuerit. Credent etiam iidem, recte Monardem dixisse, lapillos illos vt plurimum ex nigro virescentes esse, si considerauerint herbas à dictis animalibus manduca-



tas inveneni iam assumpti remedium, in lapilli materia maiores partes habere: eam ob causam, quia ad vitam fugientem retinendam, maiori cum auiditate & etiam ad satietatem multam, manducantur. Cum autem herbae viridis coloris sint, talem ideo colorem retinent cruditates. In his dein cum calor intensus agat, & praesertim ob venena ante assumpta maxime auctus, cruditas illa viridis adurit, quandoque etiam intensius, propter ea color niger facillime introducit, qui cum viridi mixtus, colorem ex nigro virescentem constituit. Orientalium hac de causa lapillorum istorum, multo plures Occidentalibus, eiusmodi coloris esse contingit, quia calor in illis animalibus Orientalibus, regionis occasione maior est: cum Occidentales cineritij coloris, cum nigrore aliquo admixti maiori ex parte sint, quia materia albidior est, & minus a calore elaborata, propter animalium calorem minorem, & quidem regionis frigidioris causa. Haecenus de colore.

a Hueblin. b Garzias, ex eo Vrittichius, Hueblin, Salmuth. Boetius. c Rawvolff. d Linscottus. e Christoph. Acofta. f Casalp. de metallis. g Saracenus, Boetius. h Ryff addit, multos flavos reperiri. i Saxonia de febrib. pestif. 37. k cinerei obscuri ut in felib. zibetum egerentibus, Salmuth. l lib. prop. & ex eo Vrittichius. m 17. de rerum variet. 97. n Richardus, & Lonicus. o de peste, & ex eo a Bra. p interdum flavescent & subviridis, plerumque pullus, spadiceus, rarius aut ex viridi nigricans, Boetius lib. 2. de lapide cap. 191.

ODOR



## ODOR ET SAPOR.

**O**Dor huic nec gratus est, nec etiam ingratus, vt rectè Garzias *a*; quare omni odore destitui, asserit Lonicerus.

Saporem quod attinet, etsi Sarracenus *b* ex Garzia referat, saporem primò statim occursum haud iniucundum, sed diutius ore contentum, graueolens & hircinum quiddam resipere: attamen Cardanus *c* Scobem saporem vllum referre asserit; & Richardus, saporem illi nullum, vel potius gratum tribuit: & à Castro *d* insipidum præfert.

*a* & Sarracenus de peste. *b* de peste. *c* lib. 17. variet. rer. 97. & Lonicerus. *d* de morb. mulieb.

DE MAGNITVDINE  
PONDERE ET PRECIO.

## CAPVT XXIV.

**V**T verò figura & colore hi lapides differunt, sic etiam magnitudine, pondere & substantia variât: Et enim licet *a* magnitudine pares sint, pondere *b* tamen discrepant: quare alios alijs leuiiores, alios alijs solidiores videas. Et quamuis magni & exigui inueniantur, magni tamen rariores sunt, & ab illarum regionum illustribus viris, Garzia *c* scribente, expetuntur ob id, quod eos valentioris facultatis esse, sibi persuadeant.



Syluaticus scribit quosdam Pomum Aran-  
tium æquare, quæ magnitudo, Garzia mo-  
nente, rara admodum & peregrina. Rudol-  
phus II. Imperator, cui anserini magnitudi-  
ne, aut paulo maiorem habuit, Boetio teste.  
Oui magnitudine corticosum, ducētis coro-  
natis à reducibus ex India redemptum, Iu.  
Baro à Bollwyl habuit. Refert Amatus, oualis  
ferè magnitudinis, Iu. Dominam Beatricem  
à Luna, Venetijs à nobili Lusitano, qui apud  
Indos prorrex fuit, centum & triginta aureis  
ducatis emisse.

Hic lubet adponere, quæ Ferrantes Impes-  
ratus præstantissimus apud Neapolitanos  
pharmacopœus, Anno 1609. 1 Maij ad me  
inter cætera perscripsit. Intellexi te scribere  
de Bezaari animali Indiæ quadrupede, quare  
de re profecto admiranda te monere volui:  
utpote Cardinalem Burgensem ex Hispania  
ad nostrum Summum Pontificem misisse la-  
pidem Bezaar (si ita eum appellare liceat) ad-  
mirandæ magnitudinis, ponderis decem li-  
brarum, naturalem, nō factitium, rotundum,  
cinereum, corticibus donatum, quemadmo-  
dum parui habent: non credo esse ex animali  
Bezaar, quod scribunt esse magnitudinis Cas-  
præ, sed alterius animalis cornigeri multo  
maioris Nec existimes dictum lapidem manu  
factum & falsum esse, quemadmodum repe-  
riuntur aliqui compositi ex puluere veri lapi-  
dis Bezaar, & radicibus eius herbæ, quæ ab  
Hispa.



Hispanis vocatur Contra Hierua, simul iunctis cum Gummi Arabico: quæ herba multum prodest contra febrim pestiferam, venena & quidem bono cum successu exhibetur. Visum ergo fuit de hac re te admonere, cum mihi videatur res rarissima, nihilominus vera, cuius rei testis sum, &c. Sed ad rem.

Maximi oui gallinacei amplitudinem vix excedunt, plerique vt oua columbarum, & exiliores reperiuntur f. Ludouicus Gyong ex Theueto refert, vidisse ipsum Caira apud Patriarcham Græcum, magnæ nucis magnitudine, quo ab Arabe capitaneo, Christiano facto, fuerat donatus: addit, rem miraculosam fore, si tantæ magnitudinis reperiretur. Nuce auellana paulò maiorem, rex Cochinchinæ inter pretiosa dona, maximi muneris loco, Regi Lusitanæ in prima expeditione misisse (qui omnium primus à Lusitanis in Hispaniam illatus fuit) Amatus & Fragosus scribunt. Verum rectè Sarracenus, columellæ, aut glandis molem vt plurimum refert: sic quoq; alij amygdalæ, alij fabæ magnitudinem æquant. At maiores, à regionis primatibus asseruantur, & quod maximè notandum, in maioribus potius dolus contingit.

Proditum est: illarum regionum venatores, adeò peritos ac exercitados esse, vt ex solo animalis intuitu, quænam magnum vel paruum lapidem gestent, dijudicare possint: quæ enim maiores habeant, minus agilia &



subtristia esse: quin imò si ex ijs animalibus aliquod mortuum reperiatur, lapidem valde magnum gestare, indicium certum esse.

Pondere quoq; variant, inveniuntur namque, qui quindecim & duodecim drachmas *b* pendent, imò ponderosiores adhuc reperiri ferunt: drachmarum quinque Garzias habuit: Syluaticus admonet, multò plures circumferri minores, vnciae communis pondere minores, plus minúsve. Verum drachmæ vnius, scrupulorum duorum, & drachmæ dimidiæ pondo reperias: imò Hueblinus refert, ex Insula Vaccarum adferri, quorum quindecim, viginti & plures vnciam vnā non superent: in Goa verò & Cochin, vnius vel duarum drachmarum, & etiam ponderosiores haberi.

Quod verò horum lapidum magnitudo & pondus variet, nemini mirum videri debet, siquidem non semper eadem materiae quantitas, ex quibus lapides hi generantur, in omnibus animalibus colligitur: nec quoque eorundem prorsus idem auctoris tempus existit. Etenim à materia copiosiore, maiorem, à pauciore, minorem procreari necesse est. Sic cum lapides hi per materiae accessione in animalis ventre augeantur, prout longiore, breuioreve temporis spatio in animali subsistunt, maius minúsve incrementum acquirunt. At magnitudinis, seu augmenti huius metam quandam esse, ratio suadet: sin secus, inim.



DE LAPIDE BEZAAR. 131

in immensum excrefcere poffent: quæ fanè  
meta, à maiore vel minore latitudine loci in  
quo gignuntur, dependet. Quare & pondere  
variant oportet: quamvis huius varietatis  
caufa, quoque referri poffit in eorundem fo-  
lidityatem, cum horum aliqui fubftantia fint  
denfior, fiue materia compactiore, aliqui mi-  
nus denfa, juxta maiorem vel minorem calo-  
ris in eorum materia actionem: idcirco O-  
rietales, Occidentalibus folidiores funt. Pos-  
fe tamen in vna eademq; regione, alios alijs  
folidiores effe, ex Serapionis fupra adducto  
teftimonio probari poteft, dum afferit horũ  
lapidum quendam in India effe multæ humi-  
ditatis, leuem ac mollem, molliciei fine fuper-  
fluitate; quam humiditatem & mollitiem ad-  
tactum, Syluaticus minorem duritiem & fici-  
tatem interpretatur, cum lapides omnes in  
genere duri & ficci fint.

PRETIUM.

**C**um magnitudine & pondere lapides  
hi non conueniant, & de fucceffu eius  
miraculofo, mira prædicentur, mirum  
non eft, fi vno eodemq; non veniant pretio.  
Quare, Monarde referente, horum pretium  
variat; apud Calecutos namque tam ingens  
pretium, vt legitimus lapis coronatis aureis  
quingenta, perinde atque Hifpali æftime-  
tur: & Garzias a fcribit, vnum drachmarum  
quinque, in Lufitania fexaginta quatuor au-  
a ex eo P. Vis-  
richius.



132 CASPARI BAVHINI  
reis Lusitanicis (qui Clusio monete, vndecim  
Vngaricis æquipollent) venisse: Et Ama-  
tus, vt ante quoq; monuimus, vñius meminit,  
qui 130. aureis ducatis emptus fuit.

In Goa & Cochín, pro vñci, viginti, & vi-  
ginti quinq; Taleri, aliquando plùs, aliquan-  
do minùs perfoluuntur, prout vel pauciores  
vel plures vñciam constituunt: Lapides verò  
vñius vel duarum drachmarum, & etiam ma-  
iores separatim venduntur, ita vt Æthiops  
albus, Ethnicus, Turca aut Iudæus, pro ele-  
gantilapide, quinquaginta & centum Tales  
ros faciliùs perfoluat, quàm Lusitanus, Ve-  
netus, aut Armenus, quemadmodum Huc-  
blin ex relatu Hyrusz, scribit. Quare rectè Ior-  
danus *b*, raritas, & infani, qui in emendo sñt,  
sumptus, solis Regibus & Imperatoribus fe-  
rè vernas fecit, idcirco ad viliora nobis mi-  
grandum erit.

*b de peste  
tract. cap. 9.*  
*c 2. parte  
Indiæ c. 27.* Et Linscottus *c* scriptum reliquit, in Insula  
atque vrbe Macau, ditionis Chinenfium, la-  
pidem hunc per Masas vendi, & quamlibet  
Masam Bezaris, duobus tribùsve ducatis ve-  
nire, prout magnitudine & bonitate excel-  
lunt. Et Boetio, anno 1600. solet ad pondus  
*d lib. 2. de  
lapid. c. 194.* in inferiori Germania drachnam vñam pen-  
dens Orientalis, duobus Ducatis vendi, in  
Germania superiori quatuor: Occidentalis  
verò dimidiato pretio: dum magni sunt, quia  
rari & à Principibus ad ostentationem desi-  
derantur, intenditur ad libitum venditoris  
pretium. AN



# AN ET QVOMODO LAPIDES HI ADVL- terentur.

## CAPVT XXV.



VM de lapidis huius successu mi-  
raculoso, & quasi remedio ad om-  
nes grauissimos morbos conue-  
nientissimo, multi multa (at quam  
rectè haud scio) prædicarint, mirum non est.  
si lapidis huius dignitas & pretium creuerit:  
verum etiam si ob spem lucri, lapides plures,  
arte ad naturalium imitationem conficiantur.

Si enim Serapionis tempore lapides multi  
& quidē naturales reperti fuere, lapidi Bezoa-  
ri similes, qui tamen proprietatib & effectibus  
huic non correspondebāt, quam ob causam,  
vt idem asserit, multi errarunt, quis mirabis-  
tur auaritia & malitia hominum crescentis-  
bus, si dixerimus hoc seculo artificiales pro  
naturalibus obtrudi? quam ob causam Be-  
zoaris vsus (de vero non loquor) non modo  
inutilis, sed etiam periculosus euasit.

Quare dicimus cum Augenio, verum &  
genuinum, non modo admodum rarum, sed  
rarissimum esse: ideoq; Medicis sedulo inui-  
gilandum (modo eius vsus planè necessa-  
rium crediderint) ne ab hominibus impro-  
bis, qui desiderio lucri sæpius vnum pro alte-  
ro vendere solent, decipiantur: cum & Mat-



thiolus asserat, se iam dudum plures lapides  
similes vidisse, sed an veri, an adulterati sint,  
se nescire: imò, si Serapionem & Rhasin con-  
sulat, non videre se, cur lapidem hunc legiti-  
mum esse probet. Adauget sanè difficultatē,  
quod in ipsismet regionibus, in quibus lapis  
Bezoar ex animali colligitur, tales arte con-  
ficiantur, ita vt dolus difficulter, nisi lapis cō-  
minuatur, detegi possit. Quare merito Bac-  
cius veretur, ne Arabiæ vel Orientis merca-  
tores auaritia ducti, arte quadam adulterent,  
& colore quodam obducant, quemadmodū  
& alijs rebus Chymicis vsuueniat: & sæpè,  
addit, falsos, si frangantur frustra dura terræ  
coctæ, aut gypsi more, relinquere, qui tamen  
pro Orientalibus & preciosis vendantur.

*a lib. simpl.  
medic. ex  
India Occid.  
cap. 34.*

Ad sententiæ nostræ confirmationem fa-  
ciunt, quæ Monardis a habet, inquentis, tam  
multos adulterinos aduehi, vt ex centum vix  
denos legitimos inuenias, quemadmodum  
ipsimet Indici scriptores fatentur istic mul-  
tos adulterinos conflari. Nam Iosephus Aco-  
sta scribit, Indos vbi lapidis huius vsum com-  
mendatum cognouere, statim arte multos  
confecisse & pro veris falsos ad alias regiones  
transmisisse: Guidonem à Vazare ciuem Hi-  
spalensem, qui totum nouum orbem perlu-  
strarat, præsertim quæ Chinæ regionem, af-  
firmasse, retulit Monardis, & ex eo Syluati-  
cus, Indiæ populos falsos lapides Bezaar com-  
ponere solitos fuisse. Cuius rei etiam Chri-  
stopho-



DE LAPIDE BEZAAR. 135  
stophorus Acoſta, vt infra oftendemus, nos  
admonet.

His addit Syluaticus, quis eſt, qui Italico-  
rum ingeniorum ſummam acutiem, & excel-  
lentiam cognoſcat; quid item, quantumque  
auri ſacra fames, mortalia pectora cogat, ſci-  
at; qui ſimil etiam non credat, & in Italicis  
regionibus adulteria hæc eadem frequentif-  
ſimè committi, horumque lapidum numerum  
inſignem aſtutè ſatis confici. Perſuadere hoc  
poſteſt faciliè quemque lapidum huiusmo-  
di quantitas in Italia propemodùm infinita,  
vnà cum vili eorundem pretio: hæc ille.

Quæ ſanè haud dubiè, Magnum illum  
Herculem Saxoniam b, Patauinae ſcholę pro-  
feſſorem, mouere, vt huic lapidi parum tri-  
bueret: dum admonitionis cauſa, inquit: la-  
pidi Bezoartico, ſiue Bezoar, ſiue illum in-  
telligamus, quem in ventribus animalium  
inuentum tantopere celebrant, ſiue cerui la-  
crymam, parum confido: magnatibusque ac  
principibus conſulo, ne in eo tanti coemen-  
do ſint uſque adeo faciles. Nam talis eſt impo-  
ſtorum verſutia, vt arte fabrefactum lapidem,  
nullius frugi, viginti, quadraginta, aliquando  
pluribus coronatis, venundare ſoleant. Ego  
certè, addit, non abſque cauſa hunc parui pen-  
do, qui toto eo tempore, quo Venetijs medi-  
cinam feci, ipſo frequentiſſimè uſus, & eo qui-  
dem optimo credito, vtpote huic vel alteri  
Senatori Veneto, à maximis Principib. dono

*blib. de plica  
cap. 59. quæ  
li. de febr. b.  
peſtif. ca. 37.  
hæc habet, ſi  
lapis repe-  
riatur pro-  
bus, etiam  
mihi proba-  
tur.*



dato, aut religiosis Franciscanis habito, quem ex Indijs orientalib. delatū, afferebant se manib. pprijs ex animalis ventre extraxisse: nulum tamen inueni fructum, neq; sudorem inspexi illum salutarem ab his tantopere decatatum, sed lethalem tantum ac diaphoreticum: quā ob causam præsenti tempore, illius vsum prorsus intermisi, & ceteris prætermittendum suadeo: hæc ille, Fatear sanè oportet, me hactenus sæpè vsum hoc lapide, sed nihil laude dignum præstitisse, sed plerosque ex eius usu attonitos redditos animaduerti.

*lib. 4. meth.  
medeali c. 2.*

*2. Cōsili. 60.*

Quare cum Francisco Vallesior, Regis Hispaniæ Medico cubiculario dicimus, vereri ne omnes sint falsi (licet secus Solinandro *d* videatur; qui Bezoaris lapidis pbatissimi nobis semper copiā esse, asserit) in primis cum etiam nunc apud Germanos, horum lapidum, præsertim occidentalium copia reperiatur. Nam vnde quæso earū tanta copia nobis suppetit? cum Indici scriptores attestentur, potissimū Garzias, tanto in pretio apud Indos haberi, vt necessum sit omnes ad Regē eius regionis, in qua generatur, perferri, ita vt non sine difficultate inde haberi possūt. Imò testantur Indos magnates eos sibi reseruare, & alijs magnatib. pro splendido munere dono mittere.

Adde insuper, quod in vnus solius animalis ventre (in Oriente dico) duo, tres, vel etiā quatuor tantum lapides reperiātur: licet Petrus de Osina in Peru, nouem ab vno animali se ex-



se extraxisse ad Monardem scribat: nec semper, eodem referente in dictis animalibus reperiuntur: quare eorum copia esse non potest. Cum enim morbus quidam sit lapis, in animalis cuiusque ventre, aut alia parte genitus, siue potius quidpiam à morbosa causa genitum, omnia & singula illa animalia, in eundem affectum perpetuo incidere, auctore Sylnatico, dici non potest. Quòd verò lapis hic à morbo dependeat, Christophori Acostæ testimonio comprobari potest, dum asserit, animalia illa, ob lapidem insigniorem, ventri ipsorum inclusum, mori, & mortua à venatoribus reperiri, & ex mortuis lapides extrahi. Idem testatur, venatores, dum ea insequuntur, ex lento & pigro incessu, cognoscere, quænam lapidem maiorem habeant, quòd sanè argumentum, non omnia prædicta animalia, perpetuò lapidem in ventre habere.

Accedit, quòd ea animalia à venatoribus maxima cum difficultate capiantur, Monardes his verbis attestante: Indiani hæc venantur, interficiunt armis, laqueis & per insidias: adeò enim ferocia sunt, ut aliquando venatores interimant: agilia enim sunt & saltu veloces. Hinc verisimile nobis fit, hosce lapides adeò numerosos esse non posse. Quare scitu planè necessarium, quomodo lapides hi adulterentur, dein, quæ lapidis veri notæ sint quibusve signis à falsis distinguere possint.



# QUOMODO ADVLTE- rentur.

**Q**Uod falsi conficiantur non solum ab Indis, verum etiam à Iudæis certum est: sed quomodo, quauē ratione, & cuius rei admixtione, non ita constat. Indos etenim inueniri, qui ex massa quadam adulterinos conficiant, Monardes libello proprio refert: asserens, illos tamen legitimi binas notas, laminas scilicet & puluerem imitari non posse. Et Fragosus, idem de Indis refert: paleam tamen vel puluerem, qui intus continetur exprimere non posse, ex quo adulterium agnoscatur. Sunt qui ex lapidum fragmentis & pice artificiosè iunctis veris similes confici, & pro veris vendi scribant.

*a lib. simpl.  
Indiæ Oriēt.  
cap. 21.*

*b eadem lib.  
cap. 66.*

Quare modū, quo adulterati conficiantur, Christophorus Acoſta *a* plenius expreſſit: vtpote ex Creta, cineribus testarum ostrearum sanguine sicco & lapidibus Bezahar minoribus subtiliter contusis, & cum aliquo liquore sibi incognito, simul diligenter incorporatis, ita vt naturales & veros æmulentur: & quia maiores minoribus, veluti maioris efficaciae præferantur, idcirco eius magnitudinis efformare, ex qua plus vtilitatis sperare, dolumq; melius tegere possint. Idem *b* capite de Manna, in quo de eius adulteratione agit, asserit ita artificiosè confici, vt etiam exercitissimi, lamina externa inspecta decipiantur, &



tur, & nisi frāgantur, à vero & naturali distin-  
 gui non possint, & tales ex Ormuz. Malabar  
 & colonia Cochindicta, vbi Regia est deferri.  
 Quare Clusio ad Garziam, & ex eo Fragoso,  
 auctoribus, Vlysibonē mercatores licet ma-  
 gni æstiment, ea tamen conditione vendere  
 nolunt, vt emptor periculum faciat, an legi-  
 timus sit. Imò consueuere isti nebulones Ci-  
 nabarim, Antimonium, Argentum viuum,  
 ignis artificio variè compingere, congluti-  
 nare, tingere, & exsiccare, vt verum Bezoar  
 æmuletur. Quis quæso lapides ex creta,  
 calce, ostrearum testis, & sicco sanguine con-  
 fectos (vt ex Acolta meminimus) taceo ex  
 Cinabari, Antimonio, Argento viuo & si-  
 milibus confectos, nocentissimos & lethales  
 esse non dixerit?

*Ryff. phar-  
 mac. restaur.*

Sic & Hyrusz, cuius sæpius meminimus,  
 ipsi Hübblino, Medico eximio retulit, dum in  
 India viueret, in superiore Cochindicta fuisse di-  
 uitem Iudæum, Moysen Villelam nomine,  
 qui ex paruis lapidibus Bezoardicis, magnos  
 duarum & plurium vnciarum pondere con-  
 ficiebat, & magno pretio vendebat: paruos  
 in puluerem comminutos, peculiari quadam  
 aqua glutinosa, pro ea quā volebat magnitu-  
 dine compingebat. Sed tales ab iis, qui noue-  
 rant, & probarant, emptos non fuisse: nec  
 ipsum potuisse ex Iudæo, licet singularis  
 eius amicus foret, conficiendi  
 modum intelligere.



QVIBVS NOTIS, SIVE  
SIGNIS LEGITIMOS CO-  
gnoscere, auctores do-  
ceant.

CAPVT XXVI.



Vm ergò constet lapides hos a-  
dulerarij, omnino necessarium  
est legitimi notas cognitās ha-  
bere, quas tamen nō ita tuto pro-  
poni posse, Saxonia a asserit:  
imò ferè impossibile esse Syluaticus censet,  
quia talis tantaque sit impiorum hominum  
auaritia & astutia, quorum ingenia auri desi-  
derium tantopere acuat, vt lapidis istius o-  
mnes conditiones naturales tam externas  
quàm internas perbelle adeò imitentur, vt  
ferè discerni nō possint. Nihilominus tamen  
conuenit, Medicos hac in re diligentes esse,  
cum sēpissimè istorum lapidum adulterato-  
rum vsus nocentissimus esse possit: præter-  
quam enim, quod ea facultate careant, cuius  
potissimum ob causam vsurpantur, Alexis  
pharmaca nimirum: verum etiam propterea,  
quod in iis conficiendis, assumuntur ea, quæ  
maximè nocere possunt. Attamen cum varii  
modi adulterinos à legitimis dignoscendi in-  
uenti sint, notas omnes, quas apud auctores  
reperimus, ordine referemus: at quantum ad  
rei veritatem inueniendam valeant, & quan-  
tum



tum iis fidei sit tribuendum, omni diligentia perpendendum erit.

Desumuntur autem notæ à diversis : à forma : à laminis : ab interiore cavitate : à pondere : à commistione cū calce, vel etiam tinctura : ab evanescētia in auram carbonibus si iniiciatur : à flatu : à friabilitate, liquatione & dissolutione in aqua : ab infectione dentium, & à collisione ad dentes : à probatione cum acu facta : à lapidis fragmentis : à magnitudine : à vomitu : & deniq; ab experientia, periculo videlicet in bestiis facto.

A forma : ex sola forma veros à falsis discerni posse censuit Baccius *b* : eos enim qui formam renum, aut oui columbini æmulentur, exterius læuigati, & expoliti sint, falsos esse.

A laminis seu corticibus : cū omnes modò veri sint corticibus multis sibi inuicē incumbētib; ceparū instar constent : quamuis alii à aliis pluribus, aut paucioribus tunicis præditi sint : sic etiam alius & alio durior, compactior, vel laxior sit. Attamē Monardes *f* notas duas ponēs, legitimū dicit, si læuibus & quasi expolitis laminis constet, & si exteriorē sublata, ea quæ subest, multò splendidior cōspiciatur. Hinc *g* glabrum leuem splendore coruscantem commendat *b*.

Refert Syluaticus Paulum Cigalinum, qui multos lapides Bezaar diligētissimē obseruat, maximā fidem tribuisse, si tunicę omnes siuē laminę, haud minùs interiores, quàm ex-



teriores, ubi pollice tenuissimū quendā pul-  
uerē deterferimus, leuissimæ omnes, tersissi-  
mæ i ac splendētes sese offerāt: quas verò im-  
postor confecit astutē, præter exteriorē reli-  
quas esse asperas, & splēdore destitutas, quod  
læui tunicæ arte alia adnecti non possit.

Iā verò quatuor hic opiniones inuenio: aliis  
laminam exteriorē splendētem: aliis hanc  
rudem: aliis secundam splendētem: aliis in-  
teriorē laminam rudem requirentes.

Verū artificio splendētes reddi, Hueblin  
refert: naturales enim rudes esse & inæquales,  
quales sunt illi, qui ex vesica humana eximū-  
tur, Baccius auctor est k. Idemq; addit, artifi-  
cium ex politura cognosci, fallos enim læui-  
gatos & expolitos exterius esse.

Lacunæ, legitimus, læuis, splendens, squa-  
mosus, ex plurimis squamis, quarum tamen  
prima minū læuis aut splendens & friabilis: &  
Iordano, bonitatis argumētum, si succedens  
pellicula, vel lamina superiore splendidior sit:  
& l Paræo, si laminæ, quæ primam sequuntur,  
clariiores & splendidiores appareant.

Cōtra Saxonia m refert Lusitanos scripto-  
res asserere: si cortex interior sit rudis, probi  
argumentū esse, si verò sit politus, sicut exte-  
rior, sophistici argumentū esse. At Boetio, cō-  
stat ex tunicis siue crustulis politis interdum  
& splendētibus, semper magis iis quæ subeūt:  
nonnunquam aliquantulum scabris, extrema  
præsertim parte & reliquas complectente, vt

in ve



in vesicæ & renum calculis videre licet.

Lubet adponere ea, quæ Hueblinus ex quodam Hyralsz nomine de falsis cognouit: Falsi corticibus destituuntur (cum impossibile sit cortices arte conficere) cavitatem in centro habent, in qua lapillus aut fructus alius cuius granū, cum puluere continentur: eiusmodi plures se vidisse asserit, cum Indiani soleant certis compositionibus tales conficere, emptoribus non concedentes, ut periculum faciant corticesne habeant, aut veri sint. Subiungit, Indianum quendam Ethnicum Goa in ædes, suas detulisse lapidem Bezaar triumvnciarū, Andrea Marco primario mercatore præsentē, quem cum dictus Marcus falsum agnouisset, eum mallei ictu in frusta comminuit, Ethnicus verò auffugit: hæc ille. Sed quod Baccius scripsit, has laminas si frangantur, aureos fulgores, siue aureas scintillas amittere: id præterquam quod à nullo ex scriptoribus, qui eas regiones perlustrarunt, animaduersum est: à nemine etiam aliorum, id observatum fuisse legimus.

Ab interiore cavitāte, quam alii veris, alii falsis tribuunt. Communis sententia est, legitimos & minime adulteratos, in medietullio concauos esse, ut notat Monardes *n*, nullū cor-  
o aut matricem habere: ut aquilinus, *p* quem aëtitem dicunt: & hanc secundam facit & primariam notam, Monardes *q*. si interius concauus & puluere eiusdem *r* cum lapide substantiæ, plenus sit: quem puluerem sabin-



teriore lamina recessisse volunt, & iisdē q vi-  
ribus præditum: quare maximè r commēda-  
tur, atq; ipsi etiam lapidi præfertur: quo pul-  
uere falsi carent, Fragoso etiam teste.

Alii paleam in concavitate repertam, pro  
figno probi habēt, vt Fragosus: etenim circa  
paleam tenuissimam, quæ iuueniatur, si lapis  
conteratur, concrefcere, Garzias t tradit: vel  
circa festucā laminatim, vt Parçus. Sic Acoſta,  
in meditullio semper aliquid reperitur, siue  
paruū & cinereum granulum, aut herbam sic-  
cam conglobatam, aut paleā tenuem: & Ri-  
chardus, plerunq; dum frangitur, cavitās in  
medio apparet, in qua vt plurimū festuca pa-  
leæ reperitur. Sunt qui paleam in falsis repe-  
riri velint & qui falsis cavitatem tribuant, ut  
paulo ante ex Hueblino monuimus: contra  
Cæſalpino, adulterati, si frangantur, in medi-  
tullio cavitatem non habent, neque paleam,  
sed aliquid aliud. Hinc Saxonia, x addunt  
probum cognosci, si lapis frangatur, si in me-  
ditullio puluis reperiatur: si verò granum,  
festuca reperiatur, sophisticum. Ego, addit,  
inueni aliquando, quos existimaui omnium  
præstantissimos, & tamen in meditullio fo-  
lia exſiccata reperiēbātur: quare mihi persua-  
ſi, hoc ſignum non concludere: ratio, quia  
congeritur in ventre animalium poſt alimen-  
tum aſſumptum: aſſumunt autem varia ali-  
menta. Itaq; fieri poteſt, vt huiusmodi materia  
in ventriculo concreſcat, circa folium, ergo  
non



non concludit argumentum: hæc Saxoi a.

Quare Monardes y asserit, se vidisse confringi quendam, ad obseruandum an legitimus esset, & laminis constaret, sed in centro & granum, aut semen quoddam repertum, super quod Indus impostor lapidem formarat. Sanè & ego duos vidi, in quorum altero raphaeolus exiguus, quem adpinximus, repertus, in altero nucleus Myrobalani Indi forma, utroq; tamen lapide, magno cum successu se vfos testabantur. Sic Iosephus Acosta, in Occidentali nucleos Pini Castellani, ut infra capite, de lapidis Occidentalis generatione plenius monebimus, obseruauit.

Sanè diuersa hæc, quæ de re huiusmodi hunc in modum affirmata audiuius, contraria inter se non esse, & omni ex parte possibilia, Syluatici est opinio. Nam cum primum dicti animalis calor internus in lapidis materiam agere incipit, si is intesus fuerit, & materia non multa, hæc maximè exsiccat. Addita deinde ad lapidis autionem alia materię portione, hæc quoq; ab eodem calore aduritur & exiccatur: obq; propinquitatem prior iam valdè exiccata magis adhuc exiccatur, & in puluerē tandem, ut reducat necesse est: cavitatis propterea formata remanet. Sed si crassioris illius herbæ partis quidpiam, quod durius sit, in prima elaborata materia esse contingat, non potest illa ob crassitiem multam in lapidem & puluerem verti: cui cum

K



statim alia addatur tunica, & huic alia conser-  
 quēter, caloris actione ad vltimam internam  
 partem amplius non perueniente, illa herbæ  
 portio, eo in loco cōseruatur. Quod idē si pa-  
 lea aliqua, acus, ferrum, pineus, aut tale aliud  
 quidpiā ab animali manducatū fuerit, eo tem-  
 pore, quo lapis sui ortus initium suscepturus  
 est, facillimē eueniet. Confirmatur hoc exem-  
 plo lapidum, qui in hominibus concreſcunt,  
 in quorum medio interdū acus, feſtuca parua  
 aut quid ſimile reperitur. Syluaticus, acū ſe-  
 mel obſeruauit: ſemel etiam cordæ fidicinæ  
 portiunculā in veſicam, per penem, in quem  
 imprudenter immiſſa fuerat, irreptam. Hoc in  
 eo lapide, qui in animalis ventriculo concre-  
 ſcit, euenire facilē concedes, cum in hoc ali-  
 mēta quoq; craſſiora, moram longiorem tra-  
 hant: & quod animal ex ruminantium gene-  
 re eſt. Quod verò Garzias dixit, tenuem pa-  
 leam ſemper in lapidis Bezaar meditullio re-  
 periri: id, vt aliqui cenſent, abſolutē nō enun-  
 ciauit: ſed de his tantum quos in Perſicis ani-  
 malibus genitos, obſeruauit.

A pondere: ſi pondus illi leue ſit, perfe-  
 ctioni attribui, tradit Richardus *aa*: contra  
 verò Linſcottus *bb*, quo maior & grauior, eò  
 nobilior carior, & efficacior, eiufdem cū aliis  
 lapidibus duritie, minus tamen ponderoſus.

A commiſſione cum calce & tinctura, &  
 euaneſcentia in auram, ſi carbonibus iniicia-  
 tur, Lapidem, vt refert Chriſtoph. Acoſta, lin-  
 gua



gua humectatum, vel calci vel muro parum affricant: vel calcis puluerisatæ parum volæ manus induunt & lapidem nonnihil affricant: quod si probus sit, calcem colore viridi elegantius subito inficit: si verò adulterinus calcem tali colore non tingit, & si inficiat, obscurus magis est; vel ut Boetius: si calce viua aqua admixta ungatur lapis, ac illa paulo post flavescat, legitimus lapidem multi iudicant: alii chartam creta fricant, deinde supra creatam lapidem fricant, si fricationis linea viridis appareat, legitimus lapidem arbitrantur. Sic Rauuolfius, ad inter cætera veri lapidis signa, certissimum hoc ex mercatore didicit: si portio calcis viuæ, & huius lapidis puluis, aqua addita ad pultis formam, diligenter misceantur, & exsiccare sinantur: postmodum in puluerem redacta, si flavescat, ex Persia allatus & legitimus censetur: si verò albus, pro falso habetur. At à Castro et aliâ notam addit: si lapidis puluerem cum calce & aqua misceas, colorem ex pallido virentem referet, & si carbonibus accensis iniiciatur, in auram penitus euanescere asserit: Sunt qui calcem, in vola manus: cum aqua dissoluant, dein lapidem affricant, quod si colore subcroceo eandem tingat, verum probumque astruunt. Paulò aliter Lonicerus, qui pro tertia nota hanc posuit: si lapis hic spuito aut aqua soluat, & per pannum lineum album coletur, hicque colore tingatur, tunc bonus ac verus erit. At contraria est Bac-



cii opinio, qui scribit, quando lapis hic cum salua hominis manus palmæ affricatur, si ibi tincturam, vel maculam quandam relinquat, falsi notam, à vero enim Bezoare minime fieri: & Ryffii reform: dolus cognoscetur, si parum humectentur & manui affricentur, tunc colorant.

A flatu: Mauritani, scribit Garzias *ee*, lapidem manibus comprimunt: deinde spiritu inflant: quòd si aer permeet, adulterini inditium esse volunt. Paulò plenius Christoph. Acosta: si pugno firmiter includatur, ita ut spiritus inflatus alibi quàm per ipsum permeare nequeat, probi signum: quod si falsus sit, ab vna parte fractus, & spiritu inflato, hic per aliam partem transit. Et Paræus, alteram notam probi tradit, quod digitis compressus flatu oris, bubalini corii instar, infletur: nam si flatus perrumpit, nec in eius densitate persistit, pro adulterino habetur, cuiusmodi multi ad nos importantur.

A friabilitate, liquatione, & dissolutione in aqua: Etenim bonum comminutum scintillare, alabastrum modo facile abradi & limari posse, & ore detentum in liquoré abire, astringit Iordanus *hb*. Verum squamam primam friabilem, dicit Lacuna: Richardus verò scribit, licet extrinsecus densior ac solidior videatur, ubi rumpitur fragilem tamè ac porosum appere, sine aliqua arenositate, & si inter dentes ponatur, dissolui, ac si panis crustula esset.

Sic



Sic alii *ii* eum laudant, qui diutius in aqua maceratus liquecat. Boetius *kk* etenim hæc habet: levis est hic lapis & blandus, ut alabaſtri modo abradi poſſit, & in aqua hærens, aut etiam ad linguam facile liquecat. Contra Hueblinus, qui tres præcipuos & certiffimos probandi modos recenset, primum tradit eum, si aquæ bullienti iniiciatur, vero lapidi nihil obesse, ad adulterinum mollescere & diffuere:

Ab infectione dētium Cæſalpinus *ll* aſſerit, experientia compertum, si lapis verus sit, & ſyncerus dentes eorum nigrefcere, qui hauserint, ideo cauere, cum deuorant, ne medicamentum dentes attingat, cochleari intra fauces demisso: & hoc ſignum eſſe, vim aliquā deleteriam cōtinere, ut ſoleant alexipharmaca.

A collifione ad dentes: Hueblinus, pro tertio probandi modo tradit, ex relatione mercatoris Hyruſz nomine: qui in India aliquandiu vixit, & plures lapides Bezoar coemit, hac potiffimum probatione uſum: lapidem dentibus anterioribus alliffiſſe, quod si ſonum clarum parui ſilicis inſtar ederet, pro genuino habuit: falſi ſiquidem ſonum obtuſum inſtar rei putris, & mollis exhibebant. At Chriſtophorus Acoſta eos, qui concuſſi, reſonēt, falſos aſſerit, quod in nigris obſeruetur.

Ab acu: iubet enim Hueblinus acum ſumere, ad candelam accenſam candētem redde-  
dere, & lapidi inſigere, quod si ſubeat, aut



lapis à calore mutetur, bullæue excitentur, falsificati signum esse; & Cæsalpinus, adulteros deprehendi inquit, si ferro candente perforentur, calefacti mollescant: synceris hoc nequaquam contingere. At Syluaticus refert, fuisse qui existimauerint cognosci adulterium, acu candente in lapidem immisso, si malè oluerit: est enim, addit, signū partem materiæ admixtam vri ac fuligines testrum odorem spirantes emittere: quod non contingit in germano & vero lapide.

A lapidis fragmentis: si lapides confracti frustula siue fragmenta admodum dura sint, & terræ coctæ aut gypsi more relinquantur, adulteros esse, Baccius statuit, & maximam adulterii certitudinem, cum eodem Syluaticus concedit.

A Magnitudine: Iosephus Acoſta scripsit, aliquos Indiæ incolas voluisse, lapidis magnitudinem insignem, quæ communē eius magnitudinem nimis excedat, adulterium indicare: & ipse Syluaticus, huius lapidis excedentem quandam magnitudinem maius testimonium imposturæ semper existimauit.

A vomitu: Grani vnus vel duorum pondere exhibitus, venenū euomi facit, quo experimento probatur. Cardanus. *mm*

A periculo facto in bestiis, & quidem dupliciter, vel veneno ipsis solum exhibito, vel prius foris applicato, & postmodum lapide hoc dato. Quoniā Seplasiarii *nn*, falsa & ficta  
pro



pro veris sæpe obtruserunt, non aliter vānit, quā periculo bestiarum nece facta: duobus enim catulis aut felibus toxicum deleterium, aut venenum omnium deterrimum detur: deinde alteri ex catulis, tantulum pulueris eius lapilli ingeritur: ita fit, vt si alter ex catulis, cui antidotum nullum datum sit, moriatur, alter incolumis euaserit, lapidis integritas indicetur. Et Lonicerus pro secūdo experiendi modo, scribit, alicui bestię, vt gallo, columbæ, anseri, aut homini exhibendū venenum: deinde huius lapidis puluerisati, & in aqua conuenienti, dissoluti, propinandum.

At Clusius suis in Garziam notis sic expressit: optimum solebant experimento deprehendere, quod hoc modo fiebat: filum toxico illinebant, (herbam balesteram vocari asserunt Clusius & Fragosus, & succum esse radicū hellebori albi Cæsalpinus loco cit. scribit) dein per canis, aut alterius animalis pedem, aut aliam partem, filum traiciebant, filo in vulnere relicto. Canis ilicò ea symptomata habere incipit, quæ eos, qui toxicum biberunt, comitari solent: cū verò symptomata grauiora vrgent, & canis concidens desperatus videtur, tū puluerem ab hoc lapide abrasum, & aqua dilutum in os iniiciunt: nam si legitimus est, auxilium ex eo remedio animal sentit: sic minùs, adulterinus censetur.

Sed hodie mercatores pp examen id recusant, quasi promissis respondeant.



Hæ notæ sunt, quas apud auctores reperi,  
Lubet & Boetii sententiam adponere : Eli-  
gendi sunt (inquit) qui ex capriceruis pa-  
scua in montanis habentibus extracti sunt.  
Nam qui ab iis, qui in planis locis degunt, exi-  
muntur, viribus prorsus carent, quod her-  
bis salutiferis non pascantur, vt illi qui vi-  
ctum in montanis quæritant, & aromaticarum  
herbarum copia saturantur. Proinde Ma-  
lacenses vilipenduntur. Capricervos enim in  
pascuis ad lanienam alunt. Persici verò in  
pretio sunt, quod in montanis degant. Præ-  
ter hæc lapidis substantia, color & forma di-  
ligenter examinanda est: nam ii laudatur ma-  
ximè qui è nigro seu rauro colore virides vi-  
dentur, & quorum pulvis subviridis est.  
Deinde qui ablata crusta superiore, inferior  
splendentem habent, ac in meditullio  
concaui sunt, aut arenam lapidi substantia  
similem, sed ad venena efficaciorē conti-  
nent, quiq; præterea ad linguam aut in aqua  
liquefcunt, nihilque arenosum habent. Qui  
has notas habent, sinceri & Orientales iudi-  
cantur. Nullū tamen certius probitatis indi-  
cium, quam si venenum homini aut cani de-  
tur, & oblato puluere euadat. Quis enim  
montanum à palustri, aut adulterinum à le-  
gitimo (quem Indi imitari posse exactè di-  
cuntur) distinguere melius quam effectu, qui  
à tota lapidis essentia manat, potest.

a de fe-



a de febr. pestif. cap. 37. pag. 98. b de gemmis eleganter formati sunt, Ryff. reform. Syluaticus. c Hueblin Boetius. d Salmuth in Pancirol. e Ryff. reform. f lib. proprio, & ex eo Vvittichius. g Gabelchofer in Baccium: leuem splendens. h absq; sapore, Heurnius de peste: ex eo à Bra. i Crustarum splendor non ab omnibus pro indubitato legitimi lapidis signo habetur, Boetius lib. 2. de gem. cap. 194. k de gemmis: Ryff. reform. & Syluat. l de peste tr. 3. cap. 9. Gabelhof. & Ryff. reform. m de febr. pestif. cap. 37. lib. 2. de lapid. cap. 191. n lib. prop. & ex eo Clusius in Garziam: Vvittichius: Syluaticus. o Salmuth in Pancirollum ex Monardi citat. p Iordanus de peste tract. 3. cap. 9. & Gabelchofer. q Paræus & Fragosus. r ex Monardi Salmuth: eiusdem substantiæ, pollentium tamen virium, Iordanus de peste & Gabelchofer. s Ryff. reform. t Sarracenus, Linscottus Arthus. u bonus parte cana nucleum non habet, Paræus. x de febr. pestif. cap. 37. y lib. proprio, & ex eo Vvittichius. z Semen aut granum in medutullo, supra quod Indi lapidem formant, adulterium arguit. Boetius lib. 2. de lapid. cap. 194. aa in epist. ad Episcopum Strigoniens: bonus levis est. Paræus, Heurnius, à Bra, Gabelchofer, I. à Castro. bb hist. Ind. & Arthus. cc Syluaticus p. 100. ex Acofta. dd sui Itiner. part. 1. cap. 8. ee parte 2. lib. 2. cap. 5. de mulier. morb. ff ex quo Syluaticus. gg idem Vvittichius, addens tales ex Persia non esse: Syluaticus ex Garzia: Boetius, Indos sic probare scribit lib. 2. de lapid. cap. 194. hh Iordanus de peste tract. 3. cap. 9. & Gabelchofer. Paræus: Lonicerus: facile frangitur. Cardan. 17. var. rer. 97. ii Paræus, Vvittichius, Gabelchofer. kk lib. 2. de lapid. cap. 191. ll 2. metal. 46. mm de variet. rer. cap. 97. nn Bodinus theat. lib. 2. oo idem Fragosus, Cæsalp. de metallic. lib. 2. cap. 46. Ryff in reform. phar. Syluaticus ex Clusio. pp Cæsalp. de metall. & Vvittichius.



QVID PROPOSITIS  
SIGNIS TRIBVENDVM SIT,  
Syluatici opinio, & quibus signis in  
vero dignoscendo Medicus  
vti debeat.

## CAPVT XXVII.



NARRATIS notis, quibus cre-  
duntur legitimi lapides ab adul-  
terinis & factitijs distingui pos-  
se: nunc placet Io. Baptiste Syl-  
uatici Medici Mediolanensis præ-  
stantissimi de ijs iudicium subijcere. Laudan-  
da sanè tot prudentissimorum scriptorum  
est diligentia, hæc omnia in hominum utili-  
tatem, cum inuenerint & docuerint. Vereor  
tamen vel maximè, ne frustra hæc omnia cõ-  
tra impiorum hominum astutias fuerint in-  
jecta tela, timeo etiam ne horum militum fa-  
ces, paruipendant omnino scelestorum tech-  
næ, suisque in arcibus adhuc persistent fortis-  
simæ: nosque propterea in lapide Bezoar e-  
ligendo longè minus tutò incedere possi-  
mus. Rationibus, ni fallor, moueor euidentis-  
simis, cum videam seruatis etiam diligentis-  
simè propositis regulis, fallaciæ & impostu-  
rarum scopulos minimè posse nos ex toto e-  
uitare. Primoque non video, quid hæc pro-  
sint documenta ad illud euitandum erratum;  
quod in ipsius lapidis Bezoar electione, con-  
tingere



tingere posse facilius. Serapionem admonuisse, diximus: lapides scilicet multos esse similes lapidi Bezaar sua natura, qui non habent proprietatem suam, nec approximant ei, in aliquibus operationibus, quod est in causa, quod multi errent.

Formam hanc vel illam adulterij argumentum esse certum, verum non est: quando forma quælibet etiam elegantissima in naturalibus istis lapidibus contingere possit. Est quidem sine dubitatione verum, perfectas pulcherrimasque illas formas, ouum, lentem, oliuam, nucem iuglandem, aut tale quid aliud referentem, rarissimè his lapidibus introduci: posse tamen contingere, experientia ostendit.

Laminæ splendentes.) Quod Clusius adulteratos lapides, laminas splendentes habere negat: equidem laminas, siue tunicas lapidis omnes & singulas, splendentes quales in genuinis sunt, effingi posse, difficile quidem, non tamen omnino impossibile esse nobis videtur. Quo deuenerit hoc tempore artificum industria: quam mirandæ sint in rebus fingendis astutorum hominum inuentiones, neminem ignorare puto. Adulterari gemmarum genus omne eum in modum, ut etiam ab his, qui imposturas profitentur, difficilissimè deprehendantur adulteria, apud scriptores gemmarios legimus. Quæcunque etiam de splendore, de soliditate & æqualitate cor-



ticis exterioris, de grauitate & leuitate, de laminarum ordine & identitate, de quæ lapidis ipsius substantia Christophorus Acoſta ſcripſit: & ipſe nihili prorsus facio. Sunt hæc ſine dubio omnia & ſingula, genuini lapidis Bezoar, Orientalis quæ præſertim admodum propria: poſſunt tamen ab ingenioſo impoſtore, arte talia fingi.

Quod adduxit Cigalinus experimentum, tunicarum lapidis tam interiorum, quam exteriorum, pollice ſic detergendarum, vt puluiſculus abradatur tenuiſſimus, remaneant. quæ nihilominus tunicæ ſplendentes: id & ipſe in his lapidibus, qui tunicis carent, ſed ſolidas habent internas partes omnes, non valere, exiſtimauit. Addo ipſe verè, poſſe etiam arte tales tunicas fingi, quæ etiam ſic abraſæ, ſplendeant nihilominus. Concauas illas laminas, quæ circa meditullium præcipuè ſunt, excipito, in quibus ſplendor & leuitas arte induci poſſe, vix crediderim: ſplendor enim & leuitas non niſi ex ſucco concreto & exſiccato, caloris medio, produci poteſt: quod in partibus illis internis, quibus ſtatim aliæ exiccandæ adiſciuntur, ſeruari poſſe ferè impoſſibile eſt. ſplendor quæ præcipuè, quare etiam internarum harum partium ſplendor certius quodammodo ſignum apud nos eſt.

Et quod dixit Baccius, artificium cognosci per lapidis elegantiam: cum ſint naturales ruuidi & inæquales, vt qui ab hominis veſica  
extra



extrahuntur, id sua eiusdem assertionem reprehenditur, & sine fide esse demonstratur: qui cum alijs sentiens, Orientales lapides esse elegantes, solidos & planos dixit: Occidentales è contrà ruuidos & inæquales. Dic tu, impostores vtriusque generis lapides arte conficere, & quos voluerint conditiones unicuique tradere. Nos verò lapides elegantissimos, solidos ac fermè splendentes ab hominis vesica, cum fellea, tum vrinaria extractos vidisse, bona fide testari possumus. Proximis annis mulieris Illustris cadauer aperiri iussimus, in cuius vesica fellea, lapides plus minus quindecim inuenimus, formæ triangularis perfectæ omnes, valde lucidos & planè solidos, coloris flauo nigrescentis, cum maculis nigrioribus hinc inde sparsis: quos certè artificem ingeniosum ex industria tales fecisse dixisses. Rarissima res hæc est, fateor, sed non impossibilis. Quapropter formas huiusmodi adeò pulchras lapidis Bezaar, imposturæ suspicionem facere concedimus, non autem certum testimonium esse.

Cauitas.) Quod Clusius scribit adulteros lapides puluerem in meditullio non continere, sed granulum, aut semen aliquod, supra quod Indi illum confecerunt: id mea opinione certum non est ex omni parte signum: tale enim quidpiam sine impostura in eis collectum esse posse, a me ostendimus.

Commistio cum calce. Quod Christo.



158 CASPARI BAVHINI  
phorus Acoſta addidit, madefactū lapidem,  
calce, vel alio tinctorio affricturn, ſi colore vi-  
ridi ac florido tinxerit, genuini argumentum  
eſſe; ſi nullo, vel liuido, falſi: hoc etiam inſi-  
dam habet certitudinem. Peruanienim viri-  
dem non habent colorem, ſed neque etiam  
omnes Orientales: quare eorum tantum, qui  
vireſcunt, fieri hunc in modum poterit ex-  
ploratio. Quanquam etiam arte confectos,  
vireſcentes lapides, frictione media, facile ſa-  
tis, poſſe rem frictam tingere, eo perſuaderi  
quiſque poterit argumento, quod artiſcioſi  
colores faciliſimè tignant res contactas. Ex-  
periatur hoc qui voluerit, remque ſic ſe ha-  
bere inueniet. Color in rerum ſubſtantiam  
à natura introductus eſt, eum in modum cū  
illa mixtus, vt nullo poſſit auelli ingenio,  
nullaq; vi extirpari, cum ſint res ſerè omnes  
benè coloratæ, ſolidæ ſatis. Ab artiſcioſis  
color econtrà faciliſimè diuellitur, quia mix-  
tio nō ſit naturalis, in qua ad minimas vſque,  
Ariſtotele magiſtro, vniuntur partes, ſed par-  
tium potius quædam appoſitu. Quibus  
quidem iſdem argumentis & explorationi  
fides adimitur, quam Baccius fieri docuit,  
fricto lapide in planta manus cum ſaliua ma-  
defacta.

A flatu.) Modus quo cognoſci poſſit lapis  
adulteratus, hic propoſitus fuit; manibus la-  
pidem eſſe comprimendum, deinde ſpiritu  
inſtandum: nam ſi aër aliquis permeat, adul-  
terati



terati lapidis inditium esse volunt: sin minus genuinum illum esse dicendum. Sanè verò experimentum huiusmodi facere, impossibile prorsus fuerit, nisi prius ab vtraque parte apertus fuerit lapis: eius exterior tunica solida valdè cum sit, & meatibus huiusmodi per quas aër inflatus permeare possit, omnino carens: quod Garziam, qui primus ingenium hoc in medium attulit, non animaduertisse, satis miramur. Quin etiam huius obseruationis medio rei certitudinem aliquam habere nos minimè posse, non vno persuademur argumento. In ijs primum lapidibus, qui sua natura dictis laminis, siue tunicis carent, suntque omni ex parte vnitim & solidè compacti (tales verò aliquos reperiri, nullus scriptorum exterorum negauit) vana est, & ex toto inutilis exploratio huiusmodi. In ijs deinde, qui distinctas habent tunicas, siue laminulas res est admodum incerta: quod possint impostores laminulas illas arte sic effingere, vnamque alteri tali glutinis genere, apponere, quod glutinis crassities, aëri inflato, transitum ex toto impediat. Poterit hoc qui voluerit experiri. Neque item res hæc manifesta adeò est, vt de ipso experimento non dubitemus valdè: vel scilicet inflatum aërem per tunicas transeuntem, non benè percipientes: vel si eum percepimus, quod potius per spacium inter manus & lapidera existètem, pertransierit, dubitantes: Arctissimè comprimam



tur lapis in manu, & tamen tale ex necessitate remanebit vacuum, per quod subtilissimus sua natura inflatus spiritus possit pertransire.

A dissolutione in aqua.) Inter conditiones veri genuinique lapidis Bezaar, Serapio & Monardes, eam connumerarunt, (quam tamen hucusque experti non sumus) quod si in aqua diu detineatur, liquefcere & in lauorem abire. Hoc si est, non dubito, quin lapidis veri Bezaar, certum omnino sit signum. Nul- li namque alij lapidi quod sciamus, aut lege- rimus, id euenit, Lemnia terra & Bolo Arme- na excepta. Quare si ex his lapidem aliquem, qui Bezaar similis sit, confici contingat: de- cipiemur quidem hac in exploratione, quia liquefcet in aqua positus: sed minus malum erit adulterium huiusmodi, quia ex ea terræ specie sit confectus lapis, quæ & ipsa febribus aduersatur malignis, fuitque hunc in vsum à grauissimis scriptoribus Medicis commen- data. Quæque fuerit alia terræ lapidisve spe- cies in conficiendo lapide sumpta, ea in aqua posita liquari haud poterit, totaque quia gra- uis aque fundum petet celerrimè. Non tamen absolute adeò hoc accipi velim, quin lapi- dum & terræ cuiusvis specie dimissa, mate- riam aliquam in aqua liquefcentem eligere impostores possint, & lapides conficere. Ani- maduertere tamen conuenit, sine terræ aut lapidum materia aliqua substantiam quan- dam lapidi similem, non ita efformari posse, quin



quin citò & facillimè adulterium deprehendatur, vbi diligens adhibeatur animaduersion.

Ab acu candente lapidi immiffa.) Qui adulterium hoc manifestè cognosci existimant, acu aut ferro aliquo candente in lapidem immiffio, fi malus exierit odor, quod nō contingit in genuino lapide: ij, id omne & totum, quod fieri potest, mea opinione, non animaduenterunt. Sanè verò, malus qui exeat odor, imposturam sine dubio detegere non nego: nullus è contrà odor, aut saltem non malus, certitudinem facere non existimo: componi cum possint lapides ex rebus minimè odoratis, siue odorem malum nullum emittentibus. Porro etiam verissimum cum fit, odore quouis carere genuinos & veros lapides Bezaar: ex necessitate fateri cōuenit, odorem quendam suauissimum emittentes lapides artificiosos esse falsos: quod adnotasse tanti refert, quanti impostores ad fallendos idiotas, & præcipuè delicatiores mulieres, in hoc maximam reponere solent industriam, eiusmodique odores suauissimos magno artificio lapidibus inferunt, tali ingenio quemque sine dubio falli posse existimantes.

A lapidis fragmentis.) At maximam adulterij certitudinem esse cum Baccio fateri cōuenit, si lapidis fracti fragmenta, terræ figulinæ, aut gypso fuerint similia & admodum dura: cum tales in genuinis lapidibus non possint esse conditiones. Vereor ipse tamen,



astutissimos impostores, ea, in his lapidibus  
conficiendis, vti diligentia, vt lapidum sub-  
stantiam, naturalibus conditionibus, quam  
simillimam componant, imposturam omni  
ingenio abscondere studentes, conscij cum  
sint & certi, secus lapide fracto adulterium  
detectum iri, si dissimilem à naturali habue-  
rint lapides substantiam.

A magnitudine.) Maius ego testimonium  
huius lapidis imposturæ esse semper existi-  
maui, excedentem eius quandam magnitu-  
dinem. Rarissima namque res est, vt ad talem  
tantamque magnitudinem excrescat lapis  
hic. Id tamen eum in sensum accipio, vt ex-  
traordinaria admodum sit magnitudo hu-  
iusmodi: nam ad mali Arancij magnitudi-  
nem, aliquem lapidem Bezoar, aliquando  
peruenisse docuerunt, vt audivimus, scripto-  
res fide digni: ea etiam adhibita animaduer-  
sione, quod Peruani soli hanc magnitudinem  
suscipere apti sint: Orientales minimè. Neque  
enim nos huius magnitudinis Orientalem  
lapidem Bezaar, circumferri hucusque vidi-  
mus: aut quod alij obseruauerint talem, legi-  
mus. Cæterum animadvertere conuenit, nisi  
quidpiam aliud suspicionem magis augeat,  
aut certius rem determinet, certitudinem in  
hoc signo reponere, periculosum esse: nihil  
horum in ipsa natura, impossibile prorsus  
cum sit.

Ab experimento in cane.) Easdem porro  
dubi-



dubitationes & difficultates habet proposita secundo loco Clusij exploratio. Nam experientiae nomine indigna est talis exploratio, fidemque ideo meretur nullam: cuiusque solius lapidis non omnium sit experimentum. Adde in bruto non in homine fieri explorationem: multaque cani accidere posse, quae homini non euenient. Adde item genuinum, & verum esse posse lapidem exploratum, tametsi nullum canis senserit auxilium. Agens enim quoduis etiam naturale, in agendo aliquando deficit, suamque propriam non edit operationem: praesertim si passum in quod agit, non fuerit recte dispositum. Esse ea propter poterit, ut canis in quo recitatum sit experimentum ad recipiendum à medicamento auxilium, sit minimè aptum, & quidem non vno nomine tantum. Nihil denique moror, quin dicam, mirabilem illam aduersus venena facultatem lapidis Bezaar; ab Arabibus Medicis tantopere exaltatam, minimè hoc æuo fuisse obseruatam: quamuis februm excellenti putredini, inimicam valde illam esse, cognitum sit manifestè. His igitur febricitantibus utilis esse poterit lapis ille Bezaar, qui oblatum cani venenum euincere non potuit. Non ideo damnari lapis poterit & adulterio condemnandus, quia cani illi auxilio non fuerit: neque etiam econtra genuinus praedicandus.

Dicat fortasse quispiam, viam nobis offerri



experiētiam, cuius medio verus lapis Bezaar  
cognosci potest, & nō modo ab his, qui ei sua  
natura similes sunt, & sine virtute; sed etiam  
ab omnibus adulteratis distingui. Experiētiae  
quidem ipsius vires, id suadere posse viden-  
tur, cuius vnus auxilio, occultas medicamē-  
torum proprietates percipi & cognosci vi-  
dentur. Certi tamen sumus, experientiam  
hoc in negotio nihil posse, etiam si traditae ab  
antiquioribus Medicis & Philosophis eius le-  
ges omnes ex toto obseruentur. Medicamē-  
ti genus vnum, si proponatur per experien-  
tiam explorandum, herba puta aliqua, sem-  
per & vbique erit eadem à seipsa nequaquam  
diuersa, longoq; propterea tempore in pluri-  
bus & diuersis animantibus in vsum venire  
poterit: suaeque eiusdem speciei copia nun-  
quam deerit, perfectaeque & verae experien-  
tiae leges omnes explebuntur, sicque eius fa-  
cultatis cognitio erit aliquando ex toto con-  
firmata. Eiusmodi omnia & singula neque-  
unt in lapidis Bezaar exploratione per expe-  
rientiam obseruari, propter imposturas &  
adulteria non semper idem, sed à seipso sa-  
pissimè diuersus cum sit: eundemque pro-  
pterea effectum in omnibus semper & longo  
tempore minimè producturus: suaque quan-  
titate modica ad explendū experientiae tem-  
pus omne minimè suffecturus. Clarius rem  
hanc explico. Lapis vnus Bezaar pro hac  
experientia facienda proponatur, cuiusuis  
etiam



etiā maioris magnitudinis ille fuerit, ad experientia perficiendā sufficere certē haud poterit: eoq; lapide iam ex toto consumpto, quod pro paucis etiam sufficiet experimentis, vix inchoatam esse dixeris experientiam. Donec hęc cum vno lapide facta experimenta ex voto successisse optima: alios ob id oblatos lapides omnes & singulos, eiusdem cum illo bonitatis & præstantiæ esse, dicere haud poteris. De singulo igitur lapide sumendum erit experimentum, nullique ante fides dabitur aliqua. Quin etiam dum lapidem istum hunc in modum explorant Medici, illum, exempli gratia, eis qui pestilenti febre laborant, offerentes, animaduertant conuenit, solone illo vtantur, vel etiam simul alijs medicamentis: si simul cum alijs eo vsi fuerint, non plus lapidi, in putredinis extinctione, quàm alijs medicamentis tribuere poterunt. Neque signum habere possunt aliquod, cuius medio, relictis alijs medicamentis solum lapidem & Bezaar extollant, eique vni victorię palmam tribuant. Ego sanè nullam, quæ id persuadeat, rationem video, qui sciam vnā solam naturam, vt censuit Hippocrates, morborum esse medicatricem. Quare & à pueris ipsis auxilia omnia quandoque recusantibus, & à rusticis multis eisdem ex toto carentibus, morbos eiusmodi grauissimos sæpè sola Natura depellit. Non liqet igitur vnus lapidis Bezaar exploratione rectè succedente,



alios omnes & singulos, vt bonos, veros & genuinos approbare. Neque econtrà vno inefficaci & falso deprehenso, reliqui omnes & singuli sunt, vt tales damnandi. Quapropter lapides Bezaar adulteratos, à veris & genuinis, experientiæ auxilio dictum in modum, cognosci & distingui haud posse, manifestè constare arbitror. Ad id ideo negotium revidere est, vt omni ingenio cognoscantur & deprehendantur adulterati. Multis audiuius propositos fuisse modos pro hac cognitione: qui quantum ad inueniendam rei veritatem valeant, & quæ fides eis sit danda, est à nobis iam explicatum.

Atque tandem, quoniam in veris dignoscendis lapidibus Bezaar, & imposturis circa eos factis deprehendendis, certo caremus signo, an ne igitur ex toto damnandi sunt lapides isti Bezaar, nullaque illis fides tribuenda: an etiam sunt ab arte nobilissima propterea eliminandi? minimè sanè. Hæc cognitionis difficultas, Medicos, vt cautè incendant, admonet, & in lapidibus commendandis, sese diligentiores præstent, vndique prospiciant, nullius quanquam potentis auctoritate moueantur, vtque adulteria & imposturas detegant, totis viribus studeant, & inuigilent. Quid nos hac in re sentiamus, in medium proferemus, iudicent alij, qui iudicio valent & doctrina. Quare Medicorum rationalium imitatione, in morbis certo, signo carent



carentibus dignoscendis, ad signorum, quam vocant, syndromen confugiemus, signisque multis & minus dubijs in vnum collectis, probabiliorem quandam quæremus cognitionem, posteaquam ex arte certam habere nequimus.

Lapide itaque aliquo Bezaar ad iudicandum nobis oblato, formam eius, colorem, & magnitudinem inprimis considerabimus diligenter, nullaque ab his adulterij suspicione nobis oblata, lapidem ipsum per medium frangemus protinus, eiusque intimam cavitatem, quam meditullium vocant, inspicimus, quæ si nihil, quod adulterium innuat, continuerit, & puluisculum, aut paleolam, aliorumve quidpiam eorum, quæ possibilia esse dicta sunt, habuerit, genuitatis & bonitatis, satis probabile erit argumentum: atque adhuc longè probabilius, si tunicas habuerit lapis, sibi quidem ipsis strictè adhærêtes, sed ad visum conspicuè distinctas, eiusdem omnino coloris, splendoris, & substantiæ cum externa: quæ si etiam pollice deterfsæ splendeant adhuc & subtilissimum pulverem emittant, sique fragmenta eius, ubi frangatur lapis, nihil extraneum habuerint, nullumque odorem bonum malumve emiserint: maiori, dubio præcul, commendatione dignus erit lapis. In vniuersum signorum omnium syndromes erit colligenda, & signum quodque attentius ponderandum, eaque inter se



comparanda omnia & singula, eaque etiam, quæ imposturam significant: lapisque ille commédandus, quem plura cōmendauerint signa, & probabilia magis, artificiosæ imposturæ suspicio, aut nihil penitus, aut saltem minus damnauerit. Qui si etiam in aqua positus liquefiet, maioris etiam approbationis voces merebitur. Quapropter ex his manifestè constare arbitror, quàm facilè & sæpè ij decipiantur Medici, qui in istis commendandis lapidibus faciles adeò sunt, solaque eorum pulchritudine, aut etiam possidentium auctoritate freti, eos in vsum ducunt protinus. Dicent, arbitror, se his lapidibus frequentissimè vtentes, nocumentum quod fecerint aliquod adhuc non animaduertisse. Sed præsidium quod attulerint, idque certè an cognouerint, quæram ipse. Ex æquo enim & præsidia & nocumenta incerta esse, clarum est apud me, cum præsertim alia simul in vsum veniant medicamenta. Hactenus Syluaticus.

Vt concludamus, Orientales, Occidentilibus in virtutis excellentia ab omnibus vno ore præferuntur: & Garzias ab horto, & Christophorus Acoſta ijs qui in Persia colliguntur primum locum tribuunt, tanquam ijs quib. nulli bonitate cōparari possunt: & Mauritani adeo dextri sunt, vt facilè qua in regione nati sint, discernere & dijudicare possint. Quod verò Orientales reliquos omnes bonitate



nitate excellant, causam hanc Baccius affert: eò quod in fronte aspectum Solis obtineant, qui rebus maiorem vigorem & virtutem infundit, respectu Occidentalium, qui resolutis per diei calorem partibus subtilioribus & alimentalibus, vapores adustiores, minusque efficaces accipiunt. Quare addit Gabelchoferus, multa quoque inibi provenire, quæ in aliis orbis partibus, nusquam comperiantur: cuiusmodi sunt, geminæ, aromata, leones, tygrides, & quæ caloris copiam ampliorem expetunt. Inter Orientales, citrinos aliis Serapio anteposuit: colorem oliuæ habentes Iosephus Acolsta magis laudauit. Sic maioribus, minores (modo & cæteræ notæ corresponsdeant) omnium optimi & probatissimi, & mediocres à drachma vna ad duas cæteris præferuntur, licet contrarium suprâ ex Garzia monuerimus. Et vt numero dicam, eos probo, quorum experientia facta est in homine, & quidem sine alterius medicamenti admixtione, vbi veneno exhibito, & puluere oblato, euadit.



# DE LAPIDIS HUIUS TEMPERAMENTO. CAPIT. XXVIII.

**D**E Lapidis huius temperamento variae & quidem diuersae sunt auctorum opiniones: aliis à tota substantia iuuare, aliis à proprietate occulta: aliis temperatum, aliis frigidum & siccum statuentibus: aliis denique certi nihil de eius temperamento adduci posse, censentibus, quare ipsos audiamus.

Equidem Arabum sententia, lapis Bezoar tota sui substantia operatur: hinc Serapio *a*, nomen Bezaar cadit super lapidem qui conuenit omnibus venenis calidis & frigidis, cum tota sui substantia: & *b* Auicenna, modos quatuor habet, quibus veneni actio impediri possit: quorum primus fit per quandam formam specificam, formae veneni totaliter repugnantem, quod in lapide Bezoar, & Theriaca magna obseruatur, quare omnia venena tam calida quam frigida, seu quomodoque cunque aliter agentia sua venenositate denudare asserit. Et Petrus de Albano *c* de lapide *a*, gens, eius propriam ac specificam virtutem ad letale venenum dicit, quae subito absque ullo Medici ingenio à morte liberet. Hinc Fragosus censuit de lapidis huius temperamento, certi nihil adduci posse, cum non operetur per facultatem manifestam, sed per  
virtus



virtutem specificam : quare à tota substantia  
iuuare, etiam sudorem copiosum mouendo,  
afruit Amicus d.

At Chainus, referente Manlio ad Crato-  
nem e, voluit quidem proprietate occulta va-  
lere, sed & certa proprietate Cor respiciente,  
cum in cordibus illarum caprarum reperia-  
tur, ac experientia compertum sit, quasdam  
brutorum partes, similibus hominum parti-  
bus, ratione similitudinis cōferre. Idem Man-  
lius f subiicit: Quid ergò Chainus de lapide  
Bezoar? lapidem hunc temperatura non fri-  
gidum, & sicum, non maximè calidum non  
maximè frigidū, quod multi arbitrantur, sed  
symmetrū in calore & frigore, cum neutra har-  
rū qualitatum corpus afficiat, ac venenis cum  
calidis, tūm frigidis resistat, spiritus cordis  
maximè reficiat, substantiamq; ipsius corro-  
boret proprietate occulta, seu facultate Be-  
zoardica, vt loquebatur.

Eadem & Richardi sententia: licet, scribit,  
de ortu nobis non admodum constet, effe-  
ctus tamen & operationes mirabiles expe-  
rientia pluries confirmatæ, haudquaquam  
suspectæ nobis esse debent, quin potius me-  
dicina est salubris & benedicta humanæ na-  
turæ amicissima, ex qua incredibili sym-  
pathia operationes suas mirabiles edit, nō quòd  
calidus, humidus, frigidus siccus sit, cum o-  
mnis saporis expers reperiatur.

At Brudus Lusitanus, Sultanicis aromati-



bus præfectus, Manlio ad Cratonem l.c. referente, censuit temperamento frigidum esse gradu primo versus secundum : siccum in medio secundi, & vltra. Reuera autem de siccitate visus est dubitare, cum nunc in principio, nunc in fine secundi gradus eum siccum faceret, perstitit tamen in medio secundi & vltra. Quæ opinio Ryffio in sua pharm. non placet, dum à multis frigidus in secundo, & siccus tertio gradu censetur, his enim contradicere eos, qui loca illa longinqua perlustrant, qui natura temperatos affirmant: quare nec calefacere, nec ita potenter exiccare, quemadmodum alii lapides, idcirco eo nos tutissimè vti posse.

Boetius h vult in hoc lapide facultatē manifestam nullam præter exiccandi ac sudorem mouendi, deprehendi: occultas verò quamplurimas. Nam nullum hoc tempore ad Venena, aliosq; morbos difficiles prædicari præstantius medicamentum lapide Bezoar, siue extrinsecus, siue intrinsecus adhibeatur.

Sed quæri posset, quomodo Medicinæ Bezahar operentur? Verum considerandum primò venit, numquid remedia hæc sint venenata, an salutaria, & vtrum indiscriminatum & quocunq; modo medicamētis his vti liceat. Galenus g, agens de facultate Alexiteriorum & Alexipharmacorum, censuit medicamenta Alexiteria & Alexipharmaca naturæ duplicis esse



cis esse, ita vt ex corpore patiente, seu venenū corrumpens, seu deleterium medicamen-  
tollant, idque vel alterando, vel euacuando.  
Quæ alterant, aut vna qualitate, aut duarum  
coniugatione, aut tota substantia alterare.  
Quæ euacuant, aut per attractionem, aut per  
dissipationem euacuare: & quæ euacuât per  
attractionem, aut totius substantiæ similitu-  
dine, aut caliditate subtilium partium attra-  
here & euacuare, & sic quatuor esse differen-  
tias, duas alterantes, & duas euacuantes.

Addit insuper, Alexipharmaca, quæ de-  
leteria medicamenta alterant, naturam ha-  
bere mediam inter corpora patientia, &  
medicamenta ipsa lædencia, vt videlicet ea-  
dem sit proportio corporis ad facultatem  
Alexiteriam, quæ illius ad deleteriam: &  
rursus deleterii, ad alexiterium, quæ alexite-  
rii ad corpus. Eapropter propemodum o-  
mnia quæ deleteriis aduersantur, si largius  
sumpta fuerint, grauiter animantis corpus  
oblædere. Quapropter ea moderatione quâ-  
titatis exhibere oportet, vt neq; copia nimia  
corpus offendant, neq; exiguitate sua à dele-  
teriis vincantur.

Auerrhoes; autem de hisce medicamētis,  
quæ ab Arabibus & ab ipso Bezohar dicun-  
tur, verba faciens, voluit primo, medicamenta  
venena arcentia operari conuersim: hoc est,  
quia quædam permutant sua qualitate vene-  
nū, quando sunt contrariæ: & quædam hæc



agere à tota substantia: & quædam hoc faci-  
re sua attractione. Dein istas medicinas Be-  
dazaricas non curare, nisi sumantur, cum in  
corpora dispositio venenosa est, facta à vene-  
no, & tunc corpori inferere virtutem contra-  
riam, virtuti veneni, & sic curari venenum  
quasi per accidens. Tertio dicit idcirco quan-  
do homo sanus hisce medicamentis utitur,  
fieri ipsi, sicut venenum, quibusdam excès-  
ptis, ut semine citri, & similibus. Quarto  
addit, propterea Medicos dicere, Medicinas  
Bedazaricas esse media inter corpora & vene-  
na: quàm sententiam non probat, quia me-  
dium & extrema sunt vnus generis: & si sint  
eiusdem generis, ergò similia esse: quare non  
poterunt corpora, si sint similia, curari. Pro-  
pterea rectius dici, Bedazar esse in fine cōtra-  
rietatis cum veneno: quia medicatio contra-  
rietatis semper debet attribui contrarietati.  
Postremo causam affert, quare hæc remedia  
sanis obfint, & non prosint nisi quando in  
corpore est dispositio venenosa: Ratio hæc  
est, quia istæ Medicinæ duas operationes  
habent in corpore humano. Vna est, quan-  
do recipiuntur, non existente in corpore di-  
spositione venenosa, tunc enim operantur  
vt venena. Altera, quando in corpore est di-  
spositio venenosa, & sunt sicut venenum ex  
vna parte, & medicina ex alia, siue dicas tunc  
vt contraria veneni operari. Et quia po-  
tuisset aliquis obicere, absurdum videri,  
idem



Idem medicamentum contrarias edere operationes: concludendo respondet, non esse extraneum siue inconueniens, vt dicatur, quod diuersificantur actiones vnius agentis, diuersificatis dispositionibus subiecti locorum: hoc est, dicere ratione variæ dispositionis corporis, idem medicamentum contrarias edere operationes.

Ex hac Galeni k & Auerrhois sententia, duo eliciuntur, vt rectè quoque Mercurialis: primum, Alexipharmaca neque prorsus salutaria, neque prorsus lethalia, sed media esse, & qua sunt lethalia, venenis, qua vero salutaria, corporibus assimilari. Alterum, Bezaartica, venenatos iuuare, non venenatis nocere. Hinc Antonius Portus l, inter naturæ sagacissimæ arcana hoc vnum maximè putat, quòd Alexipharmaca, & Bezahardica medicamenta, vt Auerrhoës affirmat, id operari possint, vt in his qui venenum hauserunt, venenum interimant, non venenatis autem, sint instar veneni. Quare Gabelchouerius m scribit lapidem Bezoarticum non curare, nisi adsit dispositio venenosa in corpore à veneno, vel illi non ab simili producta: quia hi lapides corpori conferunt virtutem quandam, quæ est contraria virtuti veneni. Sunt enim medium quoddam inter corpus & venenum, ita vt sint ex vna parte sicut venenum, & sicut medicina ex alia, non quòd sint medicinæ ex parte, qua sunt venena: non



enim absurdum est actiones siue operationes diuersas ab vno agente prodire, pro subiecti & locorum dispositione varia. Vnde sani homines ab eorum vsu abstinere debent.

Quod & Cæsalpinus *n* haud dubiè voluit, dùm lapidem hunc vim aliquam delecteriam continere, vt soleant Alexipharmaca, asserit: quod hoc signo comprobatur, quod experientia constat, à lapide vero assumpto dentes nigrescere, vt suprà monuimus. Hactenùs de lapidis huius temperamento, & quomodo medicinæ Bezaardicæ operentur.

*a* de temper. simpl. cap. 386. *b* in 6. quarti cap. de cura eius qui venenum in potu sumpsit. *c* lib. de venenis cap. 86. *d* de peste cap. 46. *e* epist. 191. *f* epist. 191. & ex eo à Bra. *g* 5. simpl. 18. *h* lib. 2. de lapid. cap. 193. *i* 5. collect. 23. *k* de compos. medic. 23. *l* lib. 3. de peste cap. 12. *m* in annotat. sup. cap. 38. Baccij. *n* lib. 2. de metal. 46.

## DE LAPIDIS BEZOARIS VERI DOSI, SIVE quantitate.

### CAPVT XXIX.

**A**lexipharmacorum quantitatem definire difficile admodum est: nam si rationem spectemus, planè nullam habemus: si veterum auctoritatem, ex iis nulla certa ratio inueniri potest. Non ergo mirum si de huius lapidis dosi ambigatur: aliis magnam probantibus, eò quòd



quòd nullam facultatem noxiam habere cre-  
dant. Quare nonnulli, referente Cæsalpino,  
non timentes noxam ex medicamento, cui  
nulla sit qualitas insignis, ad grana triginta  
propinare audent: quam quantitatem Gar-  
zias *a* reprehendit: nam (addit) tametsi nul-  
las noxias facultates hic lapis in se contineat,  
tutior tamen est eius exigua quantitas: at-  
que etiam parua quantitate exhibere solent  
in Ormuz, nec sine periculo liberalius sumi  
dicunt: Hæc Garzias.

*a lib. 1. cap.  
45. idem Ior-  
danus de pe-  
ste tr. 3. c. 9.*

Improbat & Cæsalpinus minimeque tu-  
rum asserit, cum omnia metallica, & quæ-  
cunque venenis aduersantur, aliqua ex parte  
naturæ humanæ inimica sint: utitur testimo-  
nio Galeni superiore capite adducto, qui ta-  
lia in moderata quantitate probat, ne vel co-  
pia offendant, vel exiguitate sua à deleteriis  
vincantur. Deleteriam autem vim inesse, o-  
stendit, quia dentes nigros reddat. Probat  
ergò si ad imitationem eorum, qui circa Or-  
muz degunt, non nisi exigua quantitate ex-  
hibeatur: pondere enim trium granorum ex-  
hibent, & quotidie per plures menses in  
morbis diuturnis. At urgente qualitate ve-  
nenosa, satius ducit, si ampliore pondere  
sumatur, idq; rarius, ut vnica vice aut altera  
venenum vincatur, tardare enim, & mollius  
agere periculosum esse.

Manlius in Epistola ad Cratonem quæ-  
rit, cur medicamentum hoc corroborans ac

M



alexipharmacum, & omnibus suis facultatis  
bus, ut putatur, innocuum, tam parua quan-  
titate, & quasi trepidanter sumatur: Witt-  
chius respondet, etiamsi nil nocere possit,  
tutius tamen in minori dosi sumi: quia, in-  
quit, Ryff. pharm. reform. Sic natura commo-  
dius iuuatur, & morbo resistitur.

Nunc doses variantes subiiciamus.

a de dosib.  
theriacal. &  
ex eo Penor.

b 3. de ven. 2.

c de peste.  
tr. 3. cap. 9.

Dosis minima est à grano vno, summa ve-  
rò drachma vna, ut nunc ostendemus: ete-  
nim Villanouanus a Arabum Bezaar semi-  
lenticulæ quantitate (alii quantitate vnus  
grani milii, legunt) in puluere sumptum, po-  
tentissimè à veneno liberare asserit: & Car-  
danus b, Amatam reprehendens, quod duo  
posuerit, asserit se vidisse vnum tantum gra-  
num omnis veneni vim fregisse. Garzias v-  
num vel alterum quotidie in morbillis exhi-  
bet. Æthiopes à grano incipiunt, & singu-  
lis annis granum vnum addunt, bis quotan-  
nis assumentes, Hueblino referente. At Ior-  
danus c, ab vno altero que grano ad decem &  
duodecim accedit.

A duobus granis ad decem, habita ratio-  
ne ægri & morbi exhiberi solet, etsi dicant  
Æthiopes in Ormuz (ad maris vel sinus Per-  
fici fauces) & Corazone pondus triginta gra-  
norum sumere, Christoph. Acoſta, ex Garzia.

Ad grana tria cum Monardi (qui nonnul-  
lis per dies aliquot, nonnullis per sex conti-  
nuos menses quotidie exhibuit) Amatus &  
Cæsal



Cæsalpinus accedunt: grana tria parturien-  
tibus & aliis Gabelchofer: tria vel quatuor  
grana, cum aqua rosarum, Solinander probat: *d in confil.*  
tria sex aut duodecim grana secundum arbi- *sect. 2. cons-*  
trium dantis, Fragosus. *fil. 60.*

A granis quatuor ad duodecim Brudus  
Lusitanus.

Grana quinque contra Napellum probat  
Richardus: tantūdem in aqua Boraginis, ad *c in epi. &*  
sudorem in febris continua commendat Cor- *ex eo Corna-*  
narus *f*, à granis quinq; ad duodecim, potest *rus & à Bra*  
tamen plus minusve pro re nata sumi secun- *f lib. obser-*  
pum Lonicerum. *cap. 32.*

Sex grana cum sudorificis in lue Vngarica  
propinat *g* Ruladus; verū Diomedes Amicus *g hist. 30:*  
*h* scribit dosin secundū opinionem omnium  
esse à granis sex vsq; ad duodecim, se verò *h de peste*  
pius in peste ad viginti quatuor dedisse. *cap. 46:*

Decem grana, Indi opulentiores sanitatis  
causa dieb. quinq; continuis in stillatio ro-  
sarum liquore maceratis, sed post purgatio-  
nem, & quidē bis in anno, Martio & Septem-  
bri assunt, Garzia *i* monēte; addit Paræus, *i itē Fragos;*  
esse qui triginta sumant, cautiore tamē duo- *Casalp. Par.*  
decim non excedere: & Portus *k* tantundem *Vittichius;*  
cū saccharo rosato aduersus venena probat: *k 3. de pe-*  
quam dosin maiorem esse Richardus asserit. *ste. 12.*

Duodecim grana ad sudorem propinat *l de pest. Brā*  
Arnoldus, & ex eo Scillerus *l*: tantundem in *tan. sect. 2.*  
lue Vngarica, Rulandus; & Heurnius *m* in fe- *cap. 7.*  
bri pestilentiali, sed aliis admixtis. Et quam- *m & ex eo*  
*à Bra.*



vis Richardus maiorem dosin decem granorum frumenti esse velit, credit tamen etiam scrupulum vnum atque alterum à sanis absque periculo, aut nocumento aliquo sumi posse, quare & Imperatorem Turcicum sæpius in anno, etiam sanitatis tempore assumere.

*n de pest.  
cap. 43.*

Drachmæ vnius pondere Regulos sumere, Abrahamus Lusitanus affirmat, Brudo referente: & Mercurialis *n* drachmam vnâ summam dosin statuit.

Audiamus tandem & Syluaticum, quantitatem eius singula quaque vice ægrotantibus offerendam, non ita facillè fuerit determinare, ob opinionum obseruatam varietatem. Nos sanè iis non assentimur, qui medicamenti huius quantitatem, vnâ cum Theriacæ quantitate præscribendam volunt: dispar omnino & maximè diuersa cum sit huius vtriusque medicamenti natura. Vini propriè Alexipharmacam habet Theriaca ipsa, cuius quantitatem conuenientè qui excesserit, maximè ob id nocere Galenus censuit, quia naturam habent mediâ inter corpora perpetientia & medicamenta ipsa lædencia: vt videlicet eadem sit proportio corporis ad facultatè Alexiteriam, quæ illius ad deleteriam: & rursum deleterii ad alexiteriû, quæ Alexiterii ad corpus. Hâc facultatè præcisè lapis Bezaar nō habet, tametsi venenis aduersetur, & propterea eius usus tutior est, nec in illius quâtitatis oblatæ excedentia tale periculû contingit. Habet  
tamen



tamen & ipse sue convenientis quãtitatis terminos quosdam, quos si multum excesseris, ægrotantibus detrimentum adferre nõ vno nomine possis: ecõtra si multũ infra steteris, minimẽ iuuabis. Eorum igitur Medicorum opinionem non adprobo, qui vsq; ad pondus granorum triginta, singula vice exhibendum esse voluerunt: idque non ea ratione damno, quod in hac quantitate, ægrotantiũ sumptus nimium excedat: sed quoniam puluere hoc multis diebus (non. n. in febribus dictis, vnica aut iterata eius oblatio sufficere potest) in tanta quantitate oblato, ventriculus omnis grauabitur, illamq; quãtitem sustinere non poterit, nec rectẽ distribuere: erit autẽ longẽ grauius erratum huiusmodi in venenorum curatione, quæ huiusmodi medicamẽtorum etiam eodem die repetitã oblationem ex necessitate postulat. Minus etiam cũ iis sentio, qui huius lapidis triũ granorum pondus excedere ausi non sunt; quorũ vnus fuit Monardes: certus cum sim parua hanc quantitate, eas vires habere non posse, quæ venenis & febrium dictarum excellenti putredini valdẽ resistat & aduersetur.

Dicat quis fortasse, longum vsum, quantitatẽ defectum resarcire tandem posse: esto, sed cum venena perniciosissima sint, & febris pestilentis motus lethales celerrimi, tantas non dant inducias: siq; lentẽ cum eis pugnas, oppugnaberis, non oppugnabis. Hac ea

M

3



dem ratione nō sunt ii audiendi, qui granum  
vnum, ad summum duo non excedunt. Sera-  
pionis auctoritatem hac in re maximi ipse fa-  
cio, qui duodecim granorum hordei pondus  
hoc esse voluit: quātitas meo iudicio, eius me-  
diocritatis, quę inter multam & paruā media  
est, quę suas vires contra morbos s̄uissimos  
valenter exercere potest, & à ventriculo pro-  
bè ferri & distribui.

Nolim tamen exactè adeo hanc quātitatis  
metā siue legem accipi, vt non possit illa, aut  
minoris ætatis, aut imbecilli ventriculi causa,  
alteriusve cuiuspiam vrgentię, quadantenus  
diminui: infra tamē granorū septem pondus,  
subsistere neminem debere existimo. Itaque  
Christo: Acostrę sententiā in eo non recipio,  
quod duo tantum grana; interim exhibenda  
esse censuit: eam tamen eius partem laudo,  
quę ad decem vsq; grana quantitatē hanc  
augeri posse; voluit. Qui igitur septem, qui  
decem, & qui duodecim grana offerenda de-  
terminarunt, mea opinione rectè determina-  
runt: hancq; cōmunem huius temporis Me-  
dicorum nostrorū sentētiā esse video. Illud  
etiā scriptores omnes affirmasse legimus, atq;  
à Medicis omnibus obseruari scimus. Peruani  
scilicet lapidis tanquam imbecillioris, paulò  
plūs exhibendū esse: minūs de Orientali, qui  
valentior est: hactenūs Syluaticus. Et hæc de  
pondere, & dosi, qua lapis hic ab auctoribus  
exhibetur: ego verò hactenus sextum gra-  
num non excessi.

DE



DE PARTE QVAE EX-  
HIBERI DEBE T TEM-  
pore persona & vtendi  
modo.

CAPVT XXX.

**D**ictum fuit superius lapidis, cauitas  
tri puluisculum inclusum reperiri,  
quem maioris, quàm lapis efficacie  
esse Monardis *a* : at Fragosus *b*, e  
iusdē cū lapide facultatis asserit : Verū cum  
eiusdem cū lapide sit substantie, vt recte Mo-  
nardis, *a* idcirco & lapis, & in eius cauitate in-  
clusus puluis exhiberi possunt.

*a li. propria  
pollentiorum  
virium eius-  
dem materiae  
Iordanus de  
peste tract. 3.  
b & Parac.*

Quo verò tempore sumi debeat, non o-  
mnes idem statuunt, sunt qui quouis anni  
tempore sine omni periculo exhiberi posse  
cēsēt, vt Lonicerus: quare Christoph. Acolta,  
singulis quindecim diebus semel ad imitatio-  
rum Persarum, qui vt saniores sint & vegetio-  
res persistant, singulis mensibus bis assumūt.  
Ormuz incolæ, vt iam supra monuimus,  
Martio & Septembri mense, sed præmissa  
purgatione, quinque diebus continuis vtun-  
tur: Æthiopes verò, tantūm bis in anno.

Quare, si quærat, quo tēpore ille ægro-  
tantibus offerendus sit : Respondetur cum  
Syluatico distinguēdum prius esse, Venenī-  
ne an Febris putridæ occasione, eo vti neces-  
sitas requirat. In Venenis namque vsq; ad o-  
mnimodam eorū euictionem, ab initio mor-  
bi

M 4



bi vsq; ad finem inclusiue eo vti Medicus cur non debeat, rationem nullam video.

At in Febrium putridarum curatione, Medici tempora duo vniuersale vnum, particulare alterum considerare solent. Vniuersale tempus quadruplex est: principium, augmentum, status, & declinatio: in quib. omnibus temporibus, declinatione excepta, tali medicamento, Medicum vti debere, eo argumento persuaderi, vel facile quisq; poterit, quia ad excellentem putredinem febriu pestilentium euincenda, illud in usum veniat: quæ quidem putredo iis temporibus maximè viget, & naturæ potentissimè aduersatur, propterea auxilio valdè potèti eget. In declinatione verò, cū putredo à natura iā euicta sit, præsertim si crisis in statu præcessit, tanto auxilio illa non eget, sed ferè sola virium instauratione.

An verò in morbi initio & augmento vniuersali, tuto lapis hic offerri possit, viri grauissimi, magna ratione dubitarunt: quia scilicet Serapione monente, sudorem mouere soleat is, qui Orientalis sit: Occidentalem verò, ventrem mouere, aliqui voluerūt: quorum neutrum in vniuersali morbi initio, in quo crudi sunt humores, sicuti & in augmento conueniri satis manifestum esse puto.

Addit Syluaticus, neq; etiam in statu, antequàm omnino concocti sint humores, huiusmodi medicamentum conuenire. Siue enim sudorem moueret, siue aluum excitauerit his  
tempo.



temporibus natura à coctione distrahetur, & ægrotati damnum evidentissimum & penè irremediabile accedet. Verum difficultatem hanc dirimi posse, hoc modo iidem existimarunt, si dixerimus Serapionem affirmasse se à veneno assumpto lapidem Bezaar sudorem mouere, eiusque medio venenum expellere: neque de febribus locutum fuisse, quibus quidem non ad expellendum quam celerrimè venenum, sed ad putredinem excellentem euincendam, huius medicamenti usus conuenit. At Serapionis scripta attentius legentibus, illud manifestè innotescet, illum non præcipuè de lapide Bezaar enuntiasse, quòd venenum per sudorem expellat, sed de lapide ab Arabibus Chobori dicto, qui lapidi Bezaar similis est: eumque lapidem non omnibus venenis aduersari dixit, sed tantum venenis animalium & plantarum, morsibus & puncturis venenosorum. Quapropter quod huic lapidi inest, illud idem lapidi Bezaar inesse, nulla ratione affirmari potest. Vtunque sit, inquit Syluaticus, lapides Bezaar siue Orientales siue Occidentales, quibus hoc tempore vti solent Medici, sua natura sudorem mouere & aluum soluere, qui cognouerint, nescio: nos sanè & nobiscum multos alios tale quid non cognouisse affirmamus.

Quod si aliquando euenisse contingat, aut posthac cōtinget, horum effectuum aliquem, lapide Bezaar oblato euenire: id certè nō la-



pidis causa euenisse, sed naturæ prauos humores ante tempus euacuare conantis, Cigalinus censuit. Ast huic solutioni, Nicolai Monardis & Christophori Acoſtæ, auctoritatem, si quis opponat, qui talem sudorificam facultatem lapidi Bezaar tribuerunt, præterquam quod illi hac in re Serapionem sunt secuti, illis opponuntur aliæ auctoritates: siquidem nec Garzias ab Horto, nec Iosephus Acoſta, neq; etiam Petrus de Oſma, qui in ipsa India, animalia lapidem hunc in ventre habentia, proprijs manibus quam plurima occidit, lapidem extraxit, eius facultates omnes obseruauit & ab Indis obseruatas diligētissimè didicit, talis facultatis lapidis Bezaar, minimè meminerunt. Hæc de vniuersali tempore dicta sunt: nunc de particulari.

Particulare tempus rursus considerari potest, vel quatenus contra venena, vel quatenus in Febribus exhibetur. In venenorum enim curatione, quocunq; diei ac noctis tempore, à cibo & ante cibum exhiberi potest ac debet, sæpius etiam eodem die, quo venenū superetur, Alexipharmaca exhibenda sunt. In febribus verò, quietiore tempore & ventriculo ieiuno, horis ante cibū plus minus quatuor. Chaini sententia fuit, quam Manlius in epistola ad Cratonem scripta refert: in morbis tempore oportuno propinandum, & non nisi post vniuersales euacuationes & exobstructiones, alioqui humores peccantes agitari,



tari, & vehiculum ipsorum ad locum affe-  
ctum fieri.

Quanto verò tempore lapide hoc uti ex-  
pediat, Syluaticus vnus necessitatis vrgentis  
durante presentia, breuiter determinari rectè  
posse existimat, siue venena, siue excellentem  
febrium putredinem euincere necessitas fe-  
rat. His enim potentissimis vitæ inimicis, ad-  
uersantes Medicos, vsq; ad absolutam victo-  
riam, aduersari par est: ne fortè inimicorum  
reliquæ aliquæ in suo vigore relictæ, morbus  
iterum reuiuiscat, & sic ægrotantis conditio  
deteriore euadat. Quare idem reprehēdit, eo-  
rum Medicorū errorem, qui in Febribus pesti-  
lentibus, simplici, duplici, ad summum tripli-  
ci huius lapidis exhibitione contenti sunt.

Si de personis agatur, hæc Richardi sentē-  
tia est: mihi (scribit,) vt verè, quod sentio, se-  
mel dicam, videtur Bezaar, in medicamentum  
esse regium facilè, placidum, omni periculo  
carens, &, vt Aetij verbis vtar, pueris, mulie-  
ribus, senibus, tutissimè datur hæc medicina,  
vel sub ipso canis feruore, quo præcipuè tem-  
pore, reliqua medicamēta omnia suspectasūt,  
quandoquidem corpus nullo alio pacto alte-  
rat, debilitatve sed maximè roborat. Nunc  
vtendi modum subiiciamus. Vtendi modus  
varius est: vel enim in cibo aut potu assumi-  
tur: vel confringitur, vel in ore detinetur, &  
quidem vel lingua circumactus, vel aliter ore  
volutatus: vel maceratur in aqua, vel in pul.

c Fragosus  
& Sarrace-  
nus.



vere exhibetur: vel quod mirandum magis est, ex ceruice suspenditur, vel ita alligatur, vt cutim tangere possit: vel, vt Sarracenus, vt nudam sinistri lateris carnem contingat: cum nullis ex præstantissimorum genere, quantumuis eximijs aduersus venena præfidijs cedere videatur: puluis etiam, addit Fragosus, morsibus & anthracibus aspergitur.

Modus exhibēdi communissimus est, monēte etiam Syluatico, vt in puluerem tenuissimum redactus, exhibeatur, quo facilius sit illius ad corporis venas internas, aliosq; patientiores meatus, distributio, eiusdemq; a calore naturali ad actum celerior reductio.

Ne verò ob suam terrestreitatem faucibus & œsophago nimis adhæreat, & de sua conuenienti dosi, quidpiam in his partibus, desperdatur, Medici solent humorem aliquem, qui lapidis puluerem promptius, in ventriculum deducat, adiungere, & quidem humorem talem, qui & ipsi morbo, cuius gratia exhibetur, aliquomodo aduersetur. Hinc alij cum *a* vino, alij cum aqua, aliòve liquore propinant: in vino *b* cum febris abest, aut in aqua stillatitia, pro morbi cōditione. Diomedes *c* sæpius cum vino Rhenensi diluto, cum aqua rosarū, vel Scorzoneræ, vel florum Arantiorum, aut Citri, vel acetosæ, vel Boraginis, vel simili, ægris obtulit: at si acutior febris, absque vino cum solis prædictis aquis; vel etiam cum aceti albi momento: vel cum aqua decocta cum citro in

*a* Iordanus  
de peste.

*b* Ryff. re-  
form.

*c* de peste  
cap. 46.



tro in frustra dissecto, in quo cornu Vnicornu  
 infusum detinet, eoq; vtitur. Aquâ propterea  
 in febribus pestilentibus, ex oxalide, melissa,  
 scorzonera, boragine, citri florib. & id genus  
 alijs per alembicum vitreum destillatam, ad  
 tres vel quatuor uncias, ad summum quinq;  
 adjiciunt: & quidem recta cum ratione secun-  
 dum Syluaticum: qui puluisculos huiusmodi  
 vna cum Syrupo lubentius propinat, quia tunc  
 ieiunus cum sit ventriculus, simul cum eo ad  
 internas venas traducuntur. Quandoq; etiam,  
 aut palati delicatioris causa, aut etiâ propter  
 aliquam à capite fluxionem, dictum pulue-  
 rem in Bolum cum aliquo ex recitatis liquo-  
 ribus reduci iubet: quem exhibendi modum  
 ab Hippocrate didicerunt, qui medicamenta  
 maioris momenti offerens, statim à medica-  
 mento deuorato, ptisanæ quicquam exhibe-  
 re consuevit: quemadmodum & Galenus in  
 theriaca exhibenda admonuit: ad œsophagû  
 scilicet abstergendum, & medicamenti reliquias  
 illius parietibus adhærentes, statim in ventri-  
 culum deturbandas. Quod si fortè quis nec  
 potioni, nec bolo aptus fuerit, nebulam, in a-  
 liquâ ex supra dictis aquis madefactam, pul-  
 uisculo repletam, deglutiendam dat Syluati-  
 cus. Sic Portus e saccharo rosaceo commiscet:  
 sunt qui conseruis corroborantibus: alij su-  
 dorificis admiscet. Monardes cum Vnicornu  
 puluerisato: Raby Moyses cum semine citri  
 dat. Diomedes Amicus f cum Smaragdo ac

*d lib. de rat.  
 vict. in  
 morb. acut.*

*e lib. 3. de  
 peste cap. 12.*

*f lib. de pe-  
 ste cap. 46.*



g Ryff. in  
pharmac.

190

CASPARI BAVHINI

margaritis miscet, ac propinat: quibusdam  
in locis, lapis in puluerem comminuitur, &  
aqua rosarum aspersa tabellæ conficiuntur,  
quæ in usum asseruantur: sed consultius est, si  
lapis tunc, quando eius usus esse debet com-  
minuatur, (ita tamen, vt, monente Fragoso,  
instrumento aureo, aut argenteo radatur, ne  
terendo virtus ipsius exhalet) nam eiusmodi  
tabellæ cum margaritis comminutis, cornu  
cerui & ossib. elephâti, &c. valdè adulterâtur.

h de venen.  
cap. 12.

Cum medicamentis vomitum promouens  
tibus, Amat<sup>9</sup> h exhibet: & in hausto veneno,  
vomitorijs permiscere Mercurialis iubet: in  
diuturnis & importunis morbis, quatuor vel  
quinque grana purganti pharmaco miscent.  
Verum placet Syluatici sententia, qui censet  
vna cum lapide Bezaar, aliud medicamenti  
genus miscendum non esse, quod & Arabes  
ipsi damnarunt: facilè enim euenire potest,  
vt ea medicamenta, quæ eandem in genere  
facultatem habent aduersus venena, ea inter  
se antipathiam aliquam habeât, secretiorém-  
ve inimicitiam adhuc non cognitam, quæ v-  
triusque medicamenti simul mixti actionem  
è vestigio impediât. Quin etiam Indi ipsi, qui  
primi medicamentum hoc cognouerunt &  
inuenerunt, illud quæ primi pariter in usum  
medicum traduxerunt, eo simplicissimo &  
impermixto vti consueuerunt, quemadmo-  
dum ex sæpius citatis Indicis scriptoribus  
colligere est.

QVO.



QVOMODO SANITATEM  
CONSERVET, ET SVDOREM  
promoueat, & num vtiliter  
id fiat.

CAPVT XXXI.



APIDIS huius intra corpus vsus  
est, vel ad sanitatem conseruadain,  
vel morbos profligandos. Quare  
Ormuz incolæ opulentiores, vt iu-  
uentam, & membrorum robur sibi conser-  
uent, posteaquam singulis annis bis Martio  
& Septembri mense se purgarint, subsequen-  
tibus diebus quinque continuis, huius lapi-  
dis in doses singulas grana decem in rosarum  
liquore stillaticio, macerata hauriunt, Garzia  
auctore: interdum nonnulli (eodem b mo-  
nente) vsque ad triginta grana sumunt: &  
quidem auctore Acosta, ad præcautionem  
à morbis, conseruationem sanitatis & iuuen-  
tutis: quare vt idem c, & Persæ dicuntur, sin-  
gulis quindecim diebus semel, ad membrorū  
principium, & genitalium corroboracionem  
sumere: sic enim se saniores & vegetiores per-  
sistere, sibi persuadent: Quinetiam (vt Boe-  
tius scribit) medicamentis purgantibus ve-  
hementioribus aliquot grana lapidis addunt,  
ne maligna illorum qualitas corpori obsit:  
hac enim ratione absque dolore & noxa ope-  
ratur medicamentum: quæ ceterè cautio vti

a ex hos  
Fragosus,  
Paræus, Cæ-  
salp. de me-  
tall. Viti-  
chius Ryff.  
Boetius.  
b Paræus  
Cæsalp.  
c Ryff.



non nisi prodesse potest, ita Medicis obseruatu digna est: hæc ille. Imò vitæ humanæ robur, & iuventutem conseruare, & senium impedire potest, si Lonicero credimus, & si in anno aliquoties sumatur, hominem à multis accidentibus præseruat, quam ob causam eodem teste, Turcicus Imperator sæpius in anno assumere consuevit. Refert quoque *d* epist. 191. Manlius ad Cratonem *d* se ex Abrahamo Lusitano auditione accepisse, Persas ac Indos bis in anno exigua quantitate assumpta purgari: & Hueblinus ex relatione Hyrusz testatur, Æthiopes opulentiores & magnates in India, quemadmodum & alios Ethnicos, pro singulari remedio ad sanitatem conseruandam, semel aut bis in anno hoc vti, à grano vno incipiendo & singulis annis quantitatē, vnius grani additione, augendo.

Sudorem mouere, sunt qui asserant, & alij quidem laudabilem, alij lethalem, vel imperfectum. Etenim per sudorem omne venenum deponere ex Arnoldo, Seillerus *a* refert, & Ryff sudores potenter mouere, & omnia maligna ad cutem pellere scribit: quemadmodum & Brudus Lusitanus *b* dicebat roborare virtutem vitalem, atque adeò adiuuando vim expultricem cordis, sudores prolificere: & Amicus *c*, sudorem copiosum mouendo, à tota substantia iuuat, si adulteratus non sit. Verùm contraria est Syluatici *d* & Saxonie sententia: Sic enim ille.

Sudores

*a* de peste Britan. sect. 2. cap.  
*b* referente Manlio ad Cratonem ep. 191.  
*c* de peste cap. 46.  
*d* lib. controvers. 93.



Sudores mouendi facultatem soli Orientali aliqui adscripserunt (qui Occidentalem aluum potius mouere, se obseruasse dixerunt) quam quidem venena ipsa sudore proritato superare, & extra corpus pellerè, fuere qui dixerunt: quod à nobis hucusq; an verum sit, haud potuit obseruari, ac multorum annorum adhibita diligenti obseruatione innotescere haud potuit: Audiamus Saxoniam. *e lib. de febrib. cap. 37.*

Reperiò apud Scriptores, quòd eo sumpto sudor copiosus excitetur, post quem statim subleuentur: Ego tamen non vidi sudorem prorumpentem: vel si apparebat, erat sudor imperfectus. Idem libro de plica *f cap. 59.* sudorem tantum lethalem, & diaphoreticum, non salutarem se vidisse scribit, quare seriò dehortatur omnes à lapidis huius vsu, sanctè affirmas se nihil commodi, etiam ex optimo credito percipere potuisse. Hinc ex mineralibus *vd p. l. inc. 5* quidem, sed maligna qualitate præditis, hunc confectum esse, quidam suspicantur. Fateor equidem me aliquoties vsum esse, sed plerumq; euenisse quod Saxonia scribit, vel non erupisse sudorem, vel imperfectum fuisse. Et Io. Baptista Syluaticus *g in controuers. 93.* credit hunc lapidem non ex se sudorem mouere, sed quod eo exhibito sudor moueatur, id euenire vel à natura, vel ab alia causa.

N.



# QVIBVS IN MORBIS VSVRPARI DEBEAT.

## CAPVT XXXII.



**L**SI lapidis huius præcipuus v-  
 sus sit contra venena & morbos  
 venenatos & contagiosos, ita vt  
 Monardes, contra omnes mor-  
 bos, quibus materia aut humor  
 inest venenosus prodesse asserat: Lusitani ta-  
 men referente Cæalpino, ab Indis edocti,  
 huius lapidis vsum, ad multos alios morbos,  
 quàm ad venena transtulerunt, & post vni-  
 uersales purgationes, ieiuno ventriculo sæ-  
 piùs propinant. Quare & Richardus morbis  
 ferè omnibus & præsertim venenosis auxilia-  
 ri; ex aliorum sententia, tradit. Et Crato in  
 magnis morbis eo se feliciter vsum esse, scri-  
 bit. Attamen in omnis generis morbis sine o-  
 mnipericulo exhiberi vult Lonicerus: & qui-  
 dam affirmare audet, huic lapidi inesse con-  
 trarietatem propriam & determinatam con-  
 trà quosuis morbos, illumque cum omnibus  
 morbis habere antipathiam. Et sanè nullus  
 plures morbos enumerauit, ab huius lapidis  
 vfu depulso, ipso Christophoro Acoſta, o-  
 ſtendens Medicos in vniuerſa India eo vti, ſic  
 uti & in Persia, Arabia & China. Quare ordi-  
 ne nunc, quibus in morbis vsurpetur, ex au-  
 thoribus recensēbimus.

Deplo.



Deploratos atque à Medicis derelictos, huiusvfu, pristinae sanitati restitutos fuisse, intelligo, ait Garzias *b*: idem addit hoc defatigatos & debiles ad robur conciliandum, & carnem augendam vti. Imò in chronicis & diuturnis morbis commendatur, vt probat exemplum à Richardo propositum, quod infra adponemus. Nunc ad particulares morbos, à capite facto initio.

Vertigini prodest auctore Monardi & Cæsalpino.

Epilepticis pueris plurimis profuit, Monardes: vel cum, vel sine lacte datum, Paludanus: quare contra Epilepsiam efficax, Lacunæ & Cæsalpino: in Epilepsia ab alijs laudari ait Brudus. Sed quid Boetius *bb*.? Ad epilepsiam, morbumque sacrum, siue adultos, siue infantes oppugnet, non parum iuuat. Infantibus lactentibus datur cum lacte: adultioribus & viris cum aqua lilij conuallium, pæoniæ, aut tiliæ. Pueris pondere granorum duorum, viris triplum aut quadruplum, aut etiam plus, pro morbi & corporis constitutione offertur.

At Cordis affectus huius etiam vsus est, quare Solinander *c* asserit certum esse ipsius vsu vires Cordis mirum in modum refici: hinc in Cordis ægitudinibus, Orientalis insignes facultates obtinet. Quare omnibus affectibus Cordis mirè auxiliari si à granis quatuor ad decem cum liquore conuenienti propine-



196 CASPARI BAVHINI  
tur Boetius refert : quare ad Syncopen in  
ipso paroxysmo aut paulo ante ex aqua rosa-  
cea, si febris adsit, si absit, ex aqua Cardui be-  
nedicti, melissæ, scorfonæræ aut florum ga-  
ryophyllorum, granorum quatuor pondere  
propinat.

Animi deliquio (ex quacunque causa, Lo-  
nicerus) diuturno (quod per intervalla repe-  
tit, addit Cæsalpinus) pollinis grana tria in a-  
qua Buglossæ, medentur, Monardes.

Palpitationi confert : Quare sic Chainus,  
referente Manlio ad Cratonem d : Cordis spi-  
ritus maximè reficit, substantiamque ipsius  
corroborat proprietate occulta, siue facul-  
tate Bezoartica : & aduersus palpitationem  
conducit, non tenuium partium ratione,  
sed certa proprietate cor respiciente, cum in  
cordibus caprarum illarum reperiatur, ac ex-  
periētia compertum sit, quasdam brutorum  
partes, similibus hominum partibus ratione  
similitudinis conferre. Et Brudus Lusitanus,  
eodem Manlio d referente, aiebat, roborare  
virtutem vitalem & adiuuando Cordis vim  
expultricem, sudores prolicere : & ab alijs in  
palpitatione Cordis, & animi deliquio lauda-  
ri. Idcirco Boetius, quotidie mane ieiuno  
stomacho grana duo cum aqua melissæ obla-  
ta, multum prodesse asserit. Hinc Heurnius e  
inter Cor roborantia, si calor subsit, Bezoare  
lapide vtitur : vino item ex varijs parato, sin-  
gulis dosibus parum lapidis Bezoar addere  
iubet.



iubet. Electuarium quoq; subiungit, ex margaritis, hyacintho, moscho & alijs, quibus Bezoaris scrupulum admiscet. Idem in sua ad praxin methodo *f* inter ea, quæ cor humidum alterant & roborant, lapidem Bezaar, & Hyacinthum refert. Gregorius Horstius, apud Gressanos Professor, amicus noster singularis, inter Cardiacæ *g* & quidem ea quæ tetros vapores expurgando, cordis robur firmant, imò inter medicamenta occulta vi alterantia, reposuit. Quare delicatioribus fœminis, quæ vel cordis saltu afficiuntur, & ijs præsertim, quæ melancholicæ sunt, quibûsve semen corruptû est, exhibet Roderius à Castro *b*: assumuntur, inquit, singulo mane quinque vel sex grana, in subtilissimum pulverem redacta, & aqua aperiente vel conuenienti dissoluta: vel admiscuntur conferuæ Adianti, seu Boraginis, & parùm aque eiusdem herbe, superbibitur: aut tabellæ concinnantur: vtiliter, addit, etiam adhiberi alicui ex Electuarijs ex chalybe confectis, aut rotulis cordialibus & aperientibus. Sed hîc quæri posset, annon illa medicamenta, quibus hic lapis miscetur, absq; huius lapidis admistione, idem præstare possint. & si possint, cur hic, ad pretium fortè augendum, additur, vel si hic lapis tantarum virium, cur no solus exhibeatur.

Pleuriticis & Peripneumonicis, multùm conferre, à fide dignis Brudus accepit. Et Amatus, lateris dolorem pernicacem, etiam



198 CASPARI BAVHINI  
maligna qualitate admixta, curauit: in quo  
casu, cum aqua Scabiosæ, aut Cardui Bene-  
dicti, Gabelchouerus vtendum censet. Quare  
Pleuritidem deploratam sanare, Lonicerus  
asserit: & sanè in Gallijs, generosum quèdam  
pleuriticum, à Medicis derelictum, hoc sani-  
tati restitutum fuisse, mihi relatum fuit; ve-  
rùm, felix is Medicus est, qui in declinatione  
morbi vocatur.

Ictero mederi, auctor est Auenzoar, testa-  
tur enim se hoc vno medicamento, quen-  
dam (qui periculosissimum venenum ingur-  
gitaret, quod cum biliosum esset, protinus v-  
niuerso corpori auriginem induxisse) granis  
tribus cum vncijs quinque aquæ cucurbitæ  
exhibitis, curasse. Verùm loquitur Auenzoar  
de eo Bezoare, qui ex cerui lacrymis conden-  
satis generatur. Attamen, cum hic, de quo lo-  
quimur, lapis, fellis obstructionem tollat, Mo-  
narde monente, idcirco & Icterus curat se-  
cundum Lonicerum: & Crato k, cuidam  
Icteria nigra laboranti dedit, quem vrinam  
nigram, atramenti instar, minxisse vidit, &  
melius habuisse affirmat. Quin & Cholericæ  
passioni, autore Christ. Acolta, medetur.

Appetitum prostratum, eodem auctore  
corrigit: quare ad stomachi vexationes Lusit-  
ani, memorante Cæsalpino, propinant. Re-  
latu dignum, quod Ludouicus Guyon l ex  
Theueto refert, pellem huius animalis, ipsi  
ventriculo, aduersus ipsius dolores, & eius-  
dem



dem deprauatam concoctionem imponi, eiusmodi enim morbis, etiam in decrepitis mederi.

Colicam & ventris dolores tollit, Lonicerus.

Dysenteriae vtilem, & in epidemica dysenteria Lugduni feliciter se usum Philipertus Sarracenus Medicus Lugdunensis, amicus noster, ad nos perscripsit.

Vermes necat, Christ. Acoſta *m*, quod *n* & Montanus, & Amatus suis scriptis tradidere: contra hos enim admirabilis efficaciae, cum eos expellat, & à symptomatibus quæ parere solent, liberet, Monardes: si nulla febris ad sit, ex vino datum, Amato *o*, si febris ad sit, cum aqua stillatitia portulacæ, Fragoſo: vel cum succo limonum, vel citri, vel eorundem syrupo, Ryff, & quidem in infantibus grana tria, Lonicerus præscribit: & Boetius ad vermes & tineas felici successu cum aqua graminis, aut cardui benedicti, solum lapidem propinari affirmat.

Calculum renum eijcit (atterit Brudus) in vesica comminuit pollen ex vino propinatum, Lacuna: quare renum ac vesicæ vrinam, & ex ijs viscidam materiam pellit, referente Acoſta.

Ad Vteri molestias, Lusitani propinant, Cæsalpinus: quare mensium obstructions tollit, Monardi: & in vteri strangulatu prod-est sumere grana sex. Bezoar orientalis cum



aqua Artemisiæ, auctore Roderico à Castro p.

Partum faciliat, & secundas pellit, Christophorus Acosta: tria huius grana cum aqua liliorum alborum, betonicæ vel pulegij, parturientibus exhibita, secundas remorantes, certo experimento educunt, vt Gabelhoferus asserit.

In Morbis Melancholicis inueteratis. Indi, Ormutz & Corasone incolæ vtuntur, Garzias q: sic Iordanus r, veterrimis melancholicorum morbis succurrere, asserit: & quidem caput, cerebrum, & cor afficientibus, Ryff. Quare Abrahamus Medicus Lusitanus, qui in India annis aliquot egit, asseruit à Regulis ipsis, ibi lapidis huius drachmam vnâ, ad expurgandam infernè bilem atram sumi: quod etiam à Lusitanis frequenter audiuerit: hæc Brudus. Monardes s in mœstitia & melancholia, & melancholicis animi deliquio afflictis tria grana ex aqua Buglossæ, propinat. Sic & Boetius, ad melancholicos humores domandos siue vniuersum corpus, siue eius duntaxat partem nempe caput occupent, miros effectus præbet, & cutis vitia ab ijs causata tanquam præsens remedium sanat. Et Solinander t aduersus omnes melancholicos morbos probat, certo quæ ipsius vsa cordis vires mirum in modum refici: quare nobili cuidam puellæ à qualicunque purgatione iubet tria, vel quatuor grana puluerisata, in tantilla aqua rosacea odora exhibere. Imò  
ijs.



lis, qui absque causa manifesta mœsti sunt, & angustis oppressi, plurimum confert, quos reficit, & exhilarat, Gabelchofer. Quare Heurnius u lapis Bezoar insperatam quandam lætitiā subito affundit, eo ipso die, quo fuerit haustus: & mox: cordis & hepatis sanguinem mundant, Myrobalani chebuli & Indi, & Bezoar lapis, & Hyacinthus. Et ut caput hoc cōcludamus, lapis hic ad omnes diuturnos & importunos morbos, etiam qui à flatu originem ducunt, Panacæ instar est, si præuia purgatione, per aliquot dies mane exhibeatur, modo Boetio credamus.

a lib. de præser. à febr. pestilent. b ex eo Wittichius: Ryff, omnes à Medicis derelictos curas. bb lib. 2. de lapid. cap. 139. c consil. sect. 2. cons. 60. d epist. 191. e cap. de palpitatione cordis. f lib. 2. cap. 5. g disp. de medicam. disp. 4. th. 33. & disp. 5. th. 16. h de morb. mulieb. part. 2. lib. 2. cap. 5. i lib. 1. & ex eo Io. Agric. k consil. 174. & ex eo Gabelhof. l lib. 5. diuers. lect. c. 17. m Monardis, Lonicer. Paludanus. n Richard. o & ex eo Gabelhof. p de morb. muliebr. part. 2. l. 2. cap. 1. q Paræus, Wittichius, Cæsalpin. metal. Fragos. r de pest. tr. 3. cap. 9. s lib. 2. de lapid. cap. 193. t consil. sect. 2. consil. 60. u lib. 2. suæ meth. ad prax. cap. 5.



# AN IN FEBRIBVS I- PSIVS VSVS SIT.

## CAPVT XXXIII.



QVm februm diuersa sint genera, aliæ quidem febres veræ, aliæ symptomaticæ, aliæ malignæ & contagiosæ, in earum cura alii probant, alii improbant. Amatus scribit in februm paroxysmis datum sudorem excitando, à febre plerumq; liberare. Sic Chainus dicebat, Manlio referente, non exhibendum in febribus non malignis, nisi post vniuersales euacuationes ac exobstructiones, alioqui agitare humores peccantes & fieri vehiculum ipsorum ad locum affectum: tempore igitur oportuno propinandum esse, tantummodo ad ipsius cordis corroboracionem.

Febres putridæ: Augenius a reprehendit eos, qui putant non solum pestilentibus ac venenatis, sed in vniuersum putridis febribus opitulari: insuper redarguit quendam, qui peruerso iudicio, non modo in putridis febribus omnibus non pestilentibus, sed etiam passim in cunctis morbis, aut à materia, aut citrà materiam, eius antidoti scilicet lapidis Bezaar vsum admittebat: cum unicuiq; morbo propria & determinata contrarietas insit, quam lapis ille cum putrida febre, omnibusq; morbis antipathiam non habeat.

Febris



Febris quartana : Quartanis conuenire posse arbitratur Garzias *b* : & quartanam pel- lere ait Ryff : quare Lusitani in quartana sæ- pius exhibent, Cæsalpinus. Verum Boetius, *bb* etsi quartanam febrem non sanet, tamen eius aufert Symptomata : nam animi mœro- res, anxietates, cordisq; affectus, quæ in istis febribus vulgaria sunt, lenit & aufert.

Febris catarrhola : in febris catharrofa in Hispania lapis Bezoar plurimum profuit, quo & Imperator, & alii, quib. ad manus fuit, vti sunt, Crato. *c*

Febres malignæ *d*. Aduersus febres mali- gnas & epidemicas, commendant Monardis, Acoſta & Lacuna : & in aqua acetosæ Lusi- tani propinant, Cæſalp. Fragoſus : earum ma- lignitatem extinguendo, Amatus : contra has utilis etiam est aqua, in qua lapis hic ma- ceratus est, Monardes : malignitatē omnium febrium extinguere, protestatur Monardes, referente Diomede Amico *e* : quare in feбри- bus pestilentialibus siue malignis Montanus, & Amatus *f* commendant, infra historiam recitabimus ; & inter præseruantia in febris pestilenti, Theriacam, Mithridatium, lapi- dem Bezoar, Matthæus *g* recensuit. Merca- tus *h* agens de medicamentis, febris malignæ analogis, his, inquit, adiungitur lapis nuper ex Lusitanorum India apportatus, qui Be- zoar ab effectu appellatur, quibus singulis vi- cibus grana quatuor aut quinque porrigere



204 CASPARI BAVHINI  
oportet, aqua, aut syrupo, aut iusculo aliquo  
excepta. Augenius: febres pestilētes Bezoar-  
dicis indigere scripsit, quæ putridis conue-  
niunt, vocat autem Bezoardica Theriacā ex  
Galeno ad Pisonem, & Bolū armenam ex 9.  
simplicium, lapidis veri huius non meminit.

In febre, quam stigmata rubra comitantur,  
& pulicum morsus instar per cutim aspersa  
apparent, probat Monardis. At Syluaticus k,  
ostendit lapides Bezoar vsum non esse tutum  
in febribus exanthematibus cōiunctis, si de-  
tur ad sudorem mouendum, quem ex se non  
mouere creditur, his verbis. Quo tempore  
exanthemata erumpere solent, crudus adhuc  
est vt plurimum morbus, neque tunc sudores  
mouere rectum est ac tutum: & mox subiun-  
git: cæterum in febribus quoque huiusmodi  
lapidem istum exhibitum sudorem ex se mo-  
uisse, etiam longo tempore ac multorum an-  
norum adhibita diligenti obseruatione, in-  
notescere haud potuit: ita vt in eam tandem  
circa hanc rem deuenerimus deliberationem,  
non ex se mouere sudorem hunc lapidem, sed  
euenire interim, vt eo exhibito, vel à natura,  
vel ab alia causa sudor moueatur.

Ast longe aliter Boetius / sentit, cuius ver-  
ba adponamus: Pestem febriumq; pestilen-  
tium virus etiam earū quæ exanthemata, pe-  
techias, herpes & papulas malignas produ-  
cunt, cito ac miraculi instar compescit ac ex-  
tinguit, ad quos affectus Indi quotidie cum  
aqua



aqua rosarum pulverem duorum granorum  
 pondere propinat. Mihi exigua dosis videtur,  
 ubi febres iam in statu, aut prope statum sunt.  
 Soleo tum sex aut octo grana magna utilitate  
 cum aquæ Acetosæ vncia vna quotidie donec  
 vel sudore, vel urinæ profluio melius habeat  
 æger, propinare, eumq; ab omni potu alio per  
 horam arcere, ne alterius potus accessu, actio  
 ipsius lapidis hebetetur, aut impediatur. Meo  
 enim iudicio errant vehementer, qui vel ante  
 vel post eius sumptionem aliquid ægro offe-  
 runt, etiam si id æquale viribus lapidi putetur.  
 Nam rerum sæpe occultus dissensus est, nec  
 homini notus, & talis, qui effectum optatum  
 impediat & prohibeat, quæ utraq; res seorsim  
 usurpata produxisset. Qui id non capit Spiri-  
 tus vitrioli & spiritus tartari antipathia per-  
 pendat: vterque enim istorum acidissimus &  
 acutissimus est. Si misceas, vtriusq; acrimonia  
 perit & liquor redditur insipidus. Suadeo igitur  
 ut nobile istud medicamentum perpetuo  
 solum, si eius certum commodum desideretur,  
 exhibeatur: hæc ille.

a epist. iom. 1. lib. 9. epist. 1 & 2. b ex eo Paræus &  
 VVittichius. bb lib. 2. de lapid. c. 193. c epist. 105.  
 d feb. malis & diuturnis Lonicerus. e de pest. ca. 46.  
 f cent. 3. cur. 74. Rulandus. g de febrib. pestil. h lib.  
 7. de febr. i iom 3. lib. 4. epist. 10. k in controu. 93.  
 l lib. 2. de lapid. cap. 193.



AN IN PESTE HUIUS  
VSUS ESSE POSSIT, ET  
in affectibus externis.

CAPUT XXXIV.

**L**apidis huius & in præcautione & in curatione, vsus à quibusdam commendantur: quare inter medicamenta Bezaartica pestis venenum superantia, lapidem Bezaar, margaritas, os de corde cerui &c. Portus a recenset: hinc plerique pestis tempore lapidis huius fragmentum in ore gestant, tum quando à veneno, aut venenosa aliqua materia, sibi metuunt, Monarde referente: hic cum aquis violarum, rosarum sumptus, à peste mirè defendit, & posset tingi cornu monocerotis in aquis prædictis, cum ipso lapide exhibendum, ex sententia Fornesii, in suo de peste libello. Quare contra omne genus veneni ac pestilentiam ex hoc & aqua rosarum tabellæ præparantur ab Andernaco b: & Gabelchofer, tempore pestis in Officinis benè constitutis tabulas, quæ miram utilitatem præstant, præparari asserit.

Pesti medetur, Monardis: admirabilis contra pestem Lacuna: imò certiùs auxilium & remedium non habetur, quam huius lapidis pulvis exhibitus, potenter enim sudore venenum è corpore expellit, Lonice-

rus.



rus, Fallopius referente Wittichio, affirmat hoc medicamentum in peste omnia superare, & testatur se in peste Ferrariensi, multos hoc lapide exhibito conseruasse: & Monardus, vt Diomedes Amicus recitat, de eo in peste Germanica periculum fecit, à qua curati & præseruati, qui illo vfi fuerere, cæteri minimè. Rulandus *d* sudorificum præscripsit, quia dicit, alexipharmacum esse malignitatem pestilentem ocysimè conterens: tale est, lapidis Bezaar scrupulus semis pulueris rubei Cæsaris, cornu cerui vsti drachmam vnam ex aquis scabiosæ, cardui benedicti, propinat. Sed quæso cur puluis rubeus additur, si Bezoar solus hoc præstare poscit? Et Mercurialis e, quæ cor muniant aduersus venenum & intrinsecus adhibentur, sunt bolus armenus, lapis Bezoarius, puluis cornu vnicornis, cornu ceruini, corallorum rubeorum, dictamni cretici, quorum puluerum dosis est ad summum drachmæ vnius, & sumitur huiusmodi puluis cum vino; quemadmodum Galenus Bolum armenum etiam in febribus cum vino dabat. Quare in peste huius lapidis efficaciam magis manifestè apparere, quam in nulla re alia, exemplis Monardis ostendit, quæ infra Lector inueniet.

Crato in libello de præcautione à febre pestilentiali, inquit. Bezoar lapis in acutis magni fit, sed quantum ego obseruare po-



208 CASPARI BAVHINI  
tui, non præstat hoc in isto casu, quod ab eo  
expectatur, quanquam in aliis magnis mor-  
bis eo foeliciter me vsum esse, sciam. Quod  
si tamen maiori in quantitate daretur, non  
dubitarem etiam in peste eum profuturum,  
quod in cæteris venenis facit (vide finem ca-  
pitis præcedentis.) Ibidem adponit pulue-  
rem præservantem Vienenfium, qui lapidis  
Bezoar scrupulos quatuor recipit.

Sed distinctio fortè adhiberi potest, à  
tempore desumpta: Brudus enim Lusita-  
nus, referente Manlio *f* in febris pestilentia-  
lis initio magno cum ægrorum commodo  
exhiberi, expertus est: in augmento verò da-  
tum, non tantum non iuuare, sed nocere e-  
tiam. Eandè cum Brudo distinctionem Chai-  
nus adhibebat.

Audiamus Herculem Saxoniam *g*, qui  
huic non multum tribuit. Inter cardiaca  
medicamenta, quæ in pestiferis admini-  
strari solent: est lapis Bezoarticus ab A-  
rabibus celebratissimus, & nostris tem-  
poribus à Ioanne Manardo & Garzia ab  
horto: de quo lapide contrà febres pestife-  
ras & omne venenum plura dicentur: ego  
tamen, vt ingenuè dicam, dùm Venetiis  
practicarer, maximam huius copiam con-  
sumpsi, nec egregiam operam sensi: scio  
plurimos, quibus exhibui fuisse sanatos,  
sed non retuli in lapidem. Causa quia repe-  
rio apud scriptores, quod eo sumpto sudor  
copios



copiosus excitetur, post quem statim suble-  
uentur: ego tamen non vidi sudorem pro-  
rumpentem: vel si apparebat, erat sudor im-  
perfectus. Itaque quantum ad me, abiectio-  
nem spem huius lapidis in his febribus.  
Fieri potest, vt ego inciderim in sophisticum  
adulterium, sed cum Venetiis medicinam fa-  
cerem in primatum ædibus persuadebant  
esse omnium excellentissimum. Itaque si ge-  
nuinus reperitur, fortè habet illas dotes, quas  
tribuunt: notæ tamen non possunt ita tuto  
proponi.

Quid Crato *b*; Bezoar in peste parùm  
conferre animaduerti: & alibi *i*: hoc satis cõ-  
stat, Turcas in cibo Terra lemnia vti, nec ter-  
ræ lemnia, sicuti etiam lapidi Bezoar, vllam  
vim contrà pestem tribuunt.

Carbunculus pestifer: In carbunculo pe-  
stifero, Bezoare intra corpus vtitur confe-  
ctione ex conser. acetosæ & acetos. citri ana-  
uncia vna, puluer. margaritar. & cornu cer-  
uini ana scrupulis duobus parata, Bezoar  
ris scrupulum semis admiscet. Verùm & ex-  
trinsecus à Garzia commendatur; si carbun-  
culis enim pestilentialibus apertis impona-  
tur, venenum exugendo conducere, asse-  
rit *k*, quemadmodum & Wittichius, qui &  
Fallopium probare refert: sic expressit Sar-  
racenus *l*, pestilenti è carbunculo si vel crusta  
excidit, vel emissarium natura aut scalpello  
ullum est, impositus lapis venenum protis



nus totum exugit. Vnum hoc addam, in peste, quæ anno superiori 1610. apud nos hinc Basileæ seuiit, plures hoc lapide in curatione, sed absq; omni successu, vfos esse.

Lues Vngarica : Rulandus, etsi discretis verbis lapidem hunc non magni faciat, & cornu ceruino plus tribuat, nihilominus in luis Vngaricæ curatione, omnibus medicamentis, imò & cibis admiscet : argumentum sanè incertitudinis in Medicina faciendæ capit: enim sexto, pulueri cardiao cibis admiscendo, lapidem Bezoar intermiscet, quo, ut loquitur, efficacior fiat. Sic aquam nucum cum cornu ceruino usto præparatam, vel cum lapide Bezoar, magnarum esse virium, si alexipharmacis admisceatur; & capite 7. histor. 25. pulueri alexipharmaco, ex cornu ceruino, terra sigillata, Smaragdo, & aliis confecto, Bezoaris Orientalis scrupulum semis addit. Ibidem analepticum proponit noctu bibendum, ex seminibus melonum, papaue-  
ris albi, amygdalis, iulepo rosaceo, essentia margaritarum, & addit lapidis huius scrupulum semis, bina vel terna vice bibendum. Sic historia 29. aquæ alexiteriæ, & analepticæ cordiali tantundem addit: & tandem historia 30. sudorifico alexipharmaco ex decocto cardui benedicti, cornu cerui, terra sigillata, Bezoaris Orientalis grana sex addit. Verum ex sequentibus verbis,  
quid



DE LAPIDE BEZAAR. 211

quid illi tribuat, colligere est, dū scribit, demirandum Bezoarticum, lapidem maximi quidem pretii, minoris tamen efficacitatis; nobilissimo cornu ceruino præferri, eiusq; laudibus ornari, qui cornu ceruino potius tribui debuerat.

Aduersus exanthemata, siue pustulas (contra variolos & rubeolas *m*, qui morbus Indiæ est epidemius, sæpè verò & perniciosus, Paræus) & Herpetes, quæ subindè Indos necare solent, huius lapidis puluerisati, granum vnum aut alterum (duorum granorum pondere, Paræus) ex aqua rosacea per singulos dies magno cum successu propinant. Garzias *n*: alii o cum aqua acetosæ, carduibenedicti, anagallidis, aut scabiosæ, vel limonum, aut citronum succo vel syrupo, Crato p verò in fluore alui in morbillis lapidi Bezoar non multum tribuit.

AFFECTVS EXTERNI.

**I**N Scabie mala, quam ferinam Cæsalpinus, lepra, prurigne, & impetiginibus vtitur Garzias *q*: quare cum aqua buglossæ Lusitani sæpè propinant, Acoſta & Cæsalpino auctoribus.

Arabum lepram, seu Græcorum elephantiasin, malâ scabiem, prurignes, impetigines, erysipelata & reliqua cutis vitia, tanquam præsens remedium sanat: hæc Boetius.

O



Scrophulis apertis, effectu miraculoso inspergitur, Acoſta.

Collectio dura quindecim annorum, in latere exterius eminens, intrà tres hebdomadas qualibet die, quantitate vnius graminii sumptum, resoluta fuit, Arnaldo r affirmante.

In Vlceribus antiquis Indi vtuntur, Acoſta & Fragoso referentibus.

In Cancro vlcerato iam apparente, lapidis Bezoartici Orientalis puluerem linimentis, Rodericus à Castro admiscet.

In morſu virulentorum animalium diuinum medicamentum, Agricolaë: quare Ormuz & Coraſonæ incolæ, aduerſus tales morſus uſurpant, Garzias: vt viperarum & ſerpentum, Acoſta. Et Cardano t in cura morſus & ictus venenati animalis, ſupremum ex omnium conſenſu eſt Theriaca optima, & Bezar, aut ſordes oculi ceruini: quare puluis vulneri impoſitus, à mortiferis animalibus ictos liberat, Garzias u. Et Fabricius canis rabidi morſui, cum aliis vlceri inſpergit, qua de re infra hiſtoria exhibitur. Sic Iordano x vulneribus virulentorum animalium morſu inſectis, puluis aſperſus, venenum extrahit: & vt Ryff. vulnus ſine villo damno curat.

Vulneribus ſagittarum toxico illitarum, lapidum Bezoarticorum puluerem vtiliſſimè in.



mè inspergi se intellexisse, Monardes y scribit: & subiungit, lapidem hunc Alexipharmacum esse perniciosissimi illius toxici, quo sagittas suas illinunt Canibales ad sese mutuo conficiendos, quorum pleriq; post vehementes crutiatu & furores mortui sunt.

a de peste lib. 2. cap. 38. b commentar. 2. dial. 5.  
 c de peste, capite 46. d de lue vngarica capit. 6.  
 e de peste, capite 23. f in epist. Cratonis epist. 191.  
 g de febr. cap. 37. h epist. 159. i epist. 130.  
 k & Paræus: ita credi scribit Boetius. l lib. de peste, & Ryff. m Fragosus & Ryff. valere dicunt.  
 n & ex eo Wittichius. o Ryff. p epistol. 145.  
 q ex eo Paræus Wittichius, Ryff. Paludanus, Syluaticus. r de dosibus theriacal. & ex eo Mercurial. 2. de comp. medic. 13. & Penottus. s de mulierib. medic. par. 1. lib. 1. ca. 22. t 3. de venen. 10. u Paræus, Wittichius, & Boetius, contra ictus & morsus commendat. x de peste tract. 3. cap. 9. & Wittichius. y & ex eo à Bra. cap. 3. imò mederi Boetius asserit.



## CONTRA VENENA.

## CAPVT XXXV.

**E**ssi plures lapides à viipfis aduersus venena insita commendentur, huic tamen singularis vis contra omnia venena tribuitur, vt supra capite decimotertio ex Serapione (qui vnus ex Arabibus longiorem de lapide Bezaar sermonem habuit) Rhafi, & aliis ostendimus: & hoc Indos ad venena euincenda vti, Garzias scribit, ita vt non solum Amuletum, sed etiam aduersus Venena omnia Antidotum salutare dicatur, eò quòd repente vim omnibus venenis adimere credatur. Et quia lapis hic eximie supra omnia Alexipharmaca, vt Garzias scribit, aduersus venena facultatis est, ideò omnia Antidota & medicamenta, quæ à tota substantia venenis aduersantur ab hoc per excellentiam Bezarica, quasi Alexipharmaca dicuntur: quare inter Antidota primum locum sibi vendicare, si adulterinus non fuerit, Amicus asserit. Hinc deleteriis extremum moliri excidium ex historia Matthioli de Napello, Iordanus ostendit. Quare & Paræus, refert, Matthiolum testari se pluribus experimentis compertum habere, hunc longè magis præstare aduersus deleteria venena, quàm cætera medicamenta, etiam quàm Theriacalia, & alia quæuis antidota. Et For-  
resto



resto e, venena omnia sicut mithridatium  
 & theriaca, sua venenositate expoliat. Id-  
 circò & Ardoynus, omnibus medicamentis  
 tam simplicibus, quàm compositis, facul-  
 tate propria venenis resistentibus, aut a-  
 nimalium virulentorum morsus iuanti-  
 tibus, ex longa experientia præfert: quem-  
 admodum & Matthiolus, qui ea, quæ apud  
 Arabes habentur, recenset. Et quia omnes,  
 qui eo vsi sunt, vt Christophor. Acosta lo-  
 quitur, vno ore asserant, vniuersale & præ-  
 stantissimum esse Antidotum, non modo  
 intrò sumptum, sed etiam foris adhibitum,  
 maiorisquæ esse vtilitatis, quam sint alia au-  
 xilia. Hæc causa est, cur in tota India, Per-  
 sia, Arabia & China, vtantur: apud quos,  
 vt habet Amatus in magno pretio est, &  
 magnis curis, quas Indi cum hoc lapide præ-  
 stitere, conspectis, etiamnum hodie cum  
 aliis pretiosis mercibus adferuntur: & f In-  
 diæ principes, & omnes Lusitani pro sum-  
 mo antidoto habent; & Rauuolffius auctor  
 est, puluerem hunc à Persis aduersus quæ-  
 vis lethalia venena exhiberi. Crato g quo-  
 que testatur se contrà venena fœliciter v-  
 sum esse: & Lacunæ h, admirabile est reme-  
 dium aduersus omnis generis venena: cum,  
 vt Ryffius, omne venenum certò cogat.  
 Hinc Montuus scribit vincere omnia vene-  
 na infallenter, siue sumptus, siue gestatus,  
 & præstare omnibus Alexipharmacis, te-



stibus Rhafi, Auenzoare, Conciliatore, & Matthiolo: & affirmat se multa experientia in multis illustribus viris id obseruasse. Et Augenio, præ omnibus efficacissimus ducitur in corroborando corde & venenis profligandis potus vel gestatus. Et omnium apertissimè Diomedes Amicus, hunc Rhafis & Serapio voluerunt resistere sua virtute, siue per os sumatur, siue collo suspendatur, siue ore contineatur, siue aqua, in qua infusus fuerit, propinetur, omnibus venenis, tam calidis, quàm frigidis, & cunctis vulneribus & morsibus venenatorum.

Verùm cum efficaciora omninò existimanda sint, quæ corpora ingrediuntur, quam quæ adpenduntur, idcirco Amatus aduersus omne venenum, Bezoaris grana tria ex aqua stillatitia florum Arantiorum (aquæ herbæ Scorzonæ Gabelchofer) propinat: vel vt Cæsalpinus *k* ex aqua florum citri, aut Lanfæ quæ ex floribus Arantiorum habetur. At Portus *l* ad grana decem cum saccharo rosaceo, dare iubet. Cæsalpinus *m*, in cura venenorum commendat Bolum armenum in vino mero aut diluto, pro febris vehementia, vt remedium feratur in venas: & addit lapis Bezaar eodem modo, fragmenta pretiosa tenuissimè supra lapidem porphyriten læui.



læuigata. Sic Mercurialis *n*, ad præseruationem à venenis insigniter valet, & ab omnibus efficacissimum remedium aduersus venena existimatur. Et Boetio ad venena quæuis quæ alicui offerri possunt, nihil hoc præstantius haberi potest: nam non solum corpus præseruat à veneno, sed infectum aut oppressum liberat. Ad præseruationem (addit) sufficiunt duo grana mane cum vncia vini aut aqua cordiali, vt melissæ vel cardui benedicti propinata. Ad curam verò si quis venenum hauserit octo vel decem grana cum vino exhibenda sunt.

Vomitorijs quoque nonnulli addere iubent: sic enim Amatus *o*, toxico infecto, cum medicamentis vomitum procurantibus, datus, cum vomitu venenum expellit, qui verò vomitu reiecerint, per sudorem aut aluum educit: & Mercurialis *p* iubet vomitorijs semper miscere aliqua, quæ vim habeant venenis resistendi, vt est puluis cornu cerui, lapidis Bezaar, smaragdi, terræ sigillatæ, boli armeni: huiusmodi enim si misceantur, non solum famulari vomitui faciendo, verum etiam & vi emplastica, & vi alexiteria, ipsorum venenorum vires minuere.

Adpensum contrà venena quoque commendant, haud dubiè hac in re imitantes Serapionem, cuius verba Monardis ita proposuit: si quis sinistræ corporis nudæ parti

O. 5.



applicatum gestet, nec à veneno, nec à pernicioſa aliqua re offendi, quia propria facultate, quouis modo corpori applicatus, venenim arcet, & eo infectos sanat: plura vide ſuprà capite de Bezoar Arabum. Matthiolus q̄ ex Mauritanorum testimonio refert, lapidem ita adalligatum, vt nudam ſiniſtri lateris carnem contingat, omnia venena ſuperare. Sic & Boetius, qui brachio ſiniſtro alligare iubet. Et vt Boetius, cor tueri ne à veneno aerèue peſtilente, aut contagioſo lædatur. Hinc Saraceno vis lapidis ea eſt, vt nō modo hauſtus, ſed & vel lingua circumactus, vel aliter ore volutus, aut quod mirandum magis eſt, ex ceruice ſuſpenſus, vel ita alligatus, vt nudam ſiniſtri lateris carnem cōtingat, nullis ex præſtantiffimorum genere quantumuis eximijs aduerſus venena præſidijs cedere videatur. Et Cardanus r̄ agens de amuletis, quæ collo appenſa venenum hebetent, ait: Pazar etiam geſtatum plurimū prodeſſe crediderim: qua de re ſuprà capite de lacryma cerui. Sic Augenius s̄ præ omnibus efficaciffimus dicitur in corroborando corde, & venenis profligandis, potus, vel geſtatus. At Garzias t̄ ſe experimentum eius, quod nudæ carni alligatus proſit, non vidiffe, nec ſimili modo eos in India vti, ſcribit.

Sic pharmacix Ryſſianæ reſtaurator hunc lapidem ineffabiles & præſtantes dotes & vires,



res, non solum in omni veneno expellendo & superado, sed etiam venenosam & putridam materiam in corpore ex cibo potuue, aliave de causa collectam deturbando habere asserit, cuius nomine omnibus lapidibus pretiosis longè præferatur, ita vt etiam Ethnici & Idololatæ Indi apud quos reperitur, non vereantur dicere, Deum omnipotentem, rerum omnium Creatorem, omnia quidem in bonum hominis creasse, sed peccatū esse, quòd hoc lapide, alij quàm diuites & primarij, vtantur: pauperes enim alijs contentos esse posse: quare apud ipsos vsum huius, ne eius multū absumatur, prohibitum. Hinc historicis illis, Linscotto, & Artho, lapis hic pretiosissimus est, & contrà tum venena omnia, tum multos alios grauiores, medicina præstantissima, ita vt valor eius longè suprà vnicornu sit, cum etiam illud viribus superet.

Verum vt concludam, etsi concederem lapidem Bezoar, contrà venenum valere, non tamen vniuersale remedium contrà omnia venena, concesserim, imò potius singulis venenis, singula antidota esse cum Vallesio ucrediderim: Antipathia, inquit, naturalis, in inanimis quoque rebus euenit: cum enim sint quædam antidota & simplicia & composita, quæ censentur pluribus venenis aduersari, vt lapis Bezahar & Theriaca, tamen sunt singulis venenis singula antidota propria, quia est, quod cuiq; peculiariter ac pro-



præ aduersatur: velut Aconito, ruta: opio, generosum vinum: lepori marino, lac. Itaque sunt quædam simpliciter antidota, quædam quorundam: atq; deleteriorum generi aduersatur genus alexipharmacorum, verum vni cuiunque venenosum antidotum.

Contrà Napellum commédauit Rhafis x, ex quo & Matthiolus y habet. Aiebat Brudus Lusitanus, Manlio z referente, lapidis Bezoardici facultatem alexipharmacam etiam contrà ipsum Napellum, ab alijs satis decantari. Sic & Auicennæ aa, Bezahar principale remedium contrà Napellum, & medicamentum de moscho, & algeduar, id est, Zedoaria. Sed hac de re vide historias duas, capite sequenti.

Contrà Arsenicum quoque valere, Monardis auctor est: vtilis, inquit, qui sublimatum, aut corrodens aliquot venenum hauserint, malignitatem & symptomata tollendo, in corrosionibus tamen remedia conuenientia etiam adiicienda, alioqui nullius efficaciz in illis lapis esset, quare lac primò propinandum, deinde lapidis puluis dabitur. Vide etiam infrà Historiam de Arsenico assumpto.

a Bodinus in suo theat. lib. 2. b Casalp. de metall. Lonicer. c tract. de peste cap. 46. d de peste tract. 3. 9. e lib. 30. obs. 3. & in Schol. obs. 11. f Amatus & ex eo à Bra. g de præseru. à febr. pestil. h in Dioscoridem. i lib. 3. de peste 8. k de metall. l 3. de peste cap. 12. m lib. 3. sui speculi cap. 53. n de venenis, & ex eo à Bra. o lib. 2. de lapid. cap. 193. p 1. de venen. 22. q 5. in Diosc.



*Diosc. 73. ex hoc Vrittichius & Ryff. r 3. de venenis 2.  
s de peste lib. 3. cap 8. t ex quo Vrittichius & Ryff.  
u de Sacra philosophia cap. 75. x ad Mansor. 11. &  
1. diuis 141. y lib. 5. in Diosc cap. 73. z epist. 191. ad  
Cratonem, & ex eo à Bra. aa lib. 4. fen. 6. tract. 1. sum. 2.  
cap 1. & Casalp. 3. speculi sui 20.*

# HISTORIAE PLVRES, EORVM, QVI HOC LA- pide feliciter vfi sunt.

## CAPVT XXXVI.

**N**UNC lubet ea, quæ propofita fuê-  
re, historijs & exemplis compro-  
bare, initio facto à morbi chronici  
cura, quare ex Claudij Richardi e-  
pistola hanc ipsius verbis adpo-  
nimus.

Nos sacratissimæ Cæsareæ Maiestatis ius-  
su, quatuor experimenta sui hucusque vidi-  
mus, in duobus nempe reis lege supplicij da-  
mnatis, quibus venenum studio oblatum est:  
& in duobus præterea aulæ Maiestatis suæ  
nobilibus vehementiore morbo afflictis. E-  
quibus primus Dominus Scander sese nobis  
offert, qui cum longo & graui ægritudine  
cum ingenti omnium membrorum, & pulsus  
imbecillitate Oeniponte decumberet, nau-  
seabundus, ac in ventriculo & præcordijs  
vehementer dolens, annum agens septuage-  
simum quintum, lapidis Bezoartici grana  
quinque in cochleari vini fuere oblata, Nulla



illo die subsecuta est alteratio, nullaque immutatio. Noctu tamen melius quieuit: Sequenti die attollebat brachia, & crura ad sese attrahebat, quod antea haudquaquam facere potuerat. Tribus postea elapsis diebus vomitum quidem biliosum habuit, qui præcordiorum & stomachi dolores finivit, ac licet longo adhuc tempore decubuerit, credo nihilominus suæ salutis fundamenta Bezoar extitisse. Hanc historiam, Diomedes Cornarus quoque in suo Historiarum libro pro decima recensuit.

In mœstitia & melancholia valdè etiam utilis est hic lapis, inquit Monardes. Imperator enim Carolus V. fœlicis memoriæ, in hunc effectum sæpè sumebat, atque etiam sumpserunt plurimi, qui sine manifesta causa tristes sunt & anxij, quia tristitiam adimit, & alacres reddit, qui eo vtuntur. Multos admodum anxios, & animi deliquio afflictos, melancholicosque vidi, qui sumptis huius lapidis tribus granis ex aqua buglosi, sine difficultate liberati sunt. Hæc Monardis.

Aduersus animi deliquia, exempla duo ex Monardi: Exemplum primum: decimus quartus iam agitur annus, q̃ Illustrissima Dux de Bejar à Domino Ioanne Mantique admonita fuerit, in aula frequentem vsum esse Lapidis Bezar, aduersus animi deliquia: erat autem Illustrissimæ huic fœminæ filius isti morbo ab ineunte quasi ætate valdè obnoxius cumque



cumque illius salutis cupida admodum esset, singulare aliquod remedium requirebat, cum ordinaria medicamenta, quæ à doctissimis Medicis præscripta fuerant, nihil profuisse, animaduerneret. Intelligens ergo, quantæ efficaciz esset lapis Bezaar, negotium mecum communicat: valdè insolens id mihi visum est, qui illius nullam etiam notitiã habebam, præter eam quã in libris scriptam repereram, sed neque existimabam in his regionibus reperiri: eam ob causam illam submisissè orauì, vt in illo acquirendo omnem diligentiam adhiberet, mihi enim cara erat illius adolescentis salus, ob insignes eius virtutes, & multam in omni scientiarum genere, atque in omnibus alijs rebus illustri viro necessarijs doctrinam: tum etiam vt lapidem maximè à me desideratum, conspicerem. Allati tandem sunt Vlysibona, Genuensis cuiusdam opera bini lapides probi auro inclusi, ossis dactyli magnitudine, paulò tamen crassiores, colore præditi ex viridi nigricante, instar malorum, quæ Infana appellantur. Itaque communi consensu statutum est, vt corripiente illum inopinanter animi deliquio, lapis illi præberetur. Vespere quodam in syncopen incidit: illicò secundum ordinem in aula consuetum, tria pollinis vnus lapidis grana, in stillatij liquoris buglossæ sufficienti quantitate dissoluti, in os eius apertum iniecta sunt, quæ cum difficultate deglutijt. Deinde, quanto tem-



224 CASPARI BAVHINI  
pore ad Symbolum apostolicum bis recitan-  
dum necessarium opus fuisset, tum facile ani-  
mi deliquium ipsum reliquit, ac si illo corre-  
ptus non fuisset. Perspecta tam insigni lapidis  
facultate, magna in æstimatione illum habui-  
mus, præsertim cùm obseruaremus, quoties-  
cunque daretur lapidis puluis, illum tanta  
facilitate ab animi deliquio liberari: nam ma-  
nifestè apparebat, puluere non exhibito, ani-  
mi deliquium longo tempore durare, & cum  
difficultate ab eo plene liberari: dato autem  
puluere subito & facile ad se redire, perinde ac  
si nullum passus esset animi deliquium. Illu-  
strissima itaq; Dux semper in marsupio eam  
pulueris quantitatem gestabat, quæ pro vna  
dosi necessaria erat, vt corripiente illum ani-  
mi deliquio, faciliùs propinari posset, & ipse  
breuiore tempore liberaretur. Illud etiam ac-  
cessit commodi, quòd postquam puluere vti  
cœpit, adeò frequenter Syncope molesta non  
fuerit. Hac re considerata, Illustrissimæ Duci  
dixi, ex Medicorum præceptis, ea medica-  
menta, quæ morbum aliquem curant, posse  
etiã præseruare, ne in illum incidamus, eamq;  
ob causam, commodum mihi videri, si sin-  
gulis diebus manè puluerem sumeret: fieri enim  
posse, vt continuo illius vsu, vapor cerebrum  
subiens, qui ex venenosa & maligna aliqua  
qualitate generatus erat, absumeretur, & la-  
pidem, nudam illam qualitatem extincturū,  
vaporemq; ex vniuerso corpore, ceu ex pe-  
culiari



culiari aliqua corporis parte ascendente,  
 absumpturum, & sublatam mali radice, atque  
 origine, ipsum liberum futurum. Id igitur fa-  
 ctum, dataque sunt illi singulis diebus manè  
 ieiunio ventriculo tria pulueris grana, ex Bu-  
 glosæ stillatio liquore. Deo porrò fauente,  
 adeò efficax fuit id medicamentum, vt ab illo  
 die, quo vti cœpit vsque ad eius interitum a-  
 nimi deliquium illum nunquam corripuerit:  
 pluribus autem quàm decem post annis alio  
 morbo extinctus est: per sex verò continuos  
 menses, nullo die intermisso, puluere vsus est.

Exemplum alterum: Deprehensa tanta ad-  
 eoque manifesta lapidis efficacia: cùm nobi-  
 lis adolescens fœmina, cui nomen Maria Ca-  
 tanno, multo tempore animi deliquijs affli-  
 cta fuisset, & licet magni Medici medicamēta  
 illi præscripsissent, tales Syncopes interdum  
 pateretur, vt decem aut duodecim horis du-  
 rarent, easque singulis penè diebus, iamque  
 adeò imbecillis esset, vt multo tempore le-  
 ctulo non surrexisset, euocatus sum ad illam:  
 animaduertens autem medicamenta ab alijs  
 præscripta, nihil opis attulisse, relictis vulga-  
 ribus remedijs, quibus alij Medici multis an-  
 nis vsi fuerant, Vlysibonâ lapidem Bezaar  
 adferri iussi, atque ipsi, prius purgatæ, lapi-  
 dem, ordine, quo decet, exhibui: ex illo tem-  
 pore, quo vti cœpit, in hunc vsque diem (iam  
 plures sunt, quàm duodecim anni) nunquam  
 animi deliquium passa est: lapidem autem

P.



226 CASPARI BAVHINI  
integrum dactyli magnitudine absumpsit:  
hactenus Monardis.

*sect. 4.  
consil. 9.*

Aduersus obstructions; in consilijs medicinalibus Solinandri, hæc ad Solinandrum, Hermannus Conerdingus Medicus. Saltem hoc de valetudine nobilissimæ matronæ à Schulenberg addere volebam, ipsam in initio morbi sui, educta tamen prius maxima ex parte vitiosa materia, & corpore prius exquisitè perpurgato, plurimis alexipharmacis non sine fructu vsam esse, vt lapide Bezoardico, Theriaca & cœt. aliquoties exhibitis decoctis, quæ visurum in sacctibus soluendis, & humoribus contemperandis dicata erant.

Sic Monardis in vertigine & obstructione commendat, his verbis. Neque solummodò efficax est hic lapis in rebus noxijs ac venenis: verùm etiam in alijs morbis, vt experientia demonstrat: nam & in vertigine, & in obstructionibus valdè prodest: quod hac ratione deprehensum est. Monacha quædam animi deliquium & obstructions patiebatur: sumpto lapide ad curandam syncopen, simul ab obstructionibus libera euasit: mensesque qui diu obstructi fuerunt, copiosè fluxerunt.

*lib. 5. c. 13.*

Partum promouere Ludouicus Gyen Dolanus testatur his verbis: Huius lapidis grana quinque, in aqua Arthemisiæ exhibere vidi, cuidam matronæ nobili, postquam diebus septem integris, dolorib. partus fuisset conflictata, quæ subito foetum mortuum eumq; putridum enixa est.

Febri



Febri continua maligna, lapide hoc curata  
 mulier grauida, vt hystoria à Diomede, Cor-  
 naro comprobat. Honeſta, ſcribit, matrona,  
 octauo ab imprægnatione menſe, corripitur  
 febre continua maligna in diebus caniculari-  
 bus ex incandefcentia. Hæc quarto die à fe-  
 bris principio, ex morbi vehementia paries-  
 bat puellam, quæ vixit per vnam atque ho-  
 ram alteram: poſt partû lethaliter decumbe-  
 bat in æſtu vehementiſſimo, ſiti immenſa ac  
 manuû tremore: quare ſumptis grauis quin-  
 que lapidis Bezoartici in aqua Boraginis diſ-  
 ſolutis, cœpit ſudare mirum in modum, fini-  
 to ſudore, calor præternaturalis cum reliquis  
 moleſtis ſymptomatibus, paulatim remiſit,  
 & quotidie meliùs inde habuit, ac ſanata eſt.

*lib. conſi-  
 lior. obſerui-  
 & hystor:  
 cap. 32.*

Exemplum aliud in febre maligna, Claudio  
 Richardo referente. Laborabat D. D. Staphy-  
 lus ſedecim continuis diebus acuta febre ma-  
 ligna & ſopita, ab affectu renum ſuum ſu-  
 mente initium, abhorrebatq; ab omni cibo-  
 rum genere, naſeabundus, de capite ſæpiùs  
 quæritans, nihil niſi de morte loquebatur,  
 delinquebatq; frequenter animo. Habebat  
 ſedes colliquatuias, cum ani exitu doloroſo.  
 Vrina erat turbida, cruda, & ferè ſubiugalis.  
 Articuli & præſertim genua dolebant, laſſi-  
 tudo ingens, facies Hippocratica, oculi in  
 dormiendo aperti, & ob vehementem virium  
 corporis imbecillitatem, ad pedes delapſus.  
 His ita ſeſe habentibus, cum de vita, illius ab



omnibus minùs speraretur, motu proprio clementia Cæsaris, septem grana huius pretiosissimi medicamenti, sibi in vini cochleari fuere oblata. Non tamen erat stomacho tunc omnino ieiuno Staphylus: siquidem medium oui vitellum per semihoram ante sumpserat, biberatque aliquid. Porro hora à Bezoartica assumptione elapsa, bonum haustum feri caprilli calidi cum saccharo ebibit, & intra semihoram adhuc etiam. Subsecutæ istos sex vel amplius sedes cholericæ & foetidæ sunt, cum quadam tamen faciliore tollerantia solito: possumque verè affirmare, illum intra hoc se quindecim ægritudinis dies, in totum, quantum medietas cruciati panis sit, minimè comedisse. Cum nocte illius diei cœnæ suæ una cum D.D. Stephano interesset, paropsidem hordei in iusculo cocti plenam tanto appetitu comedit, ut nos illud intuentes, lethalem quandam auiditatem potiùs, quàm famem esse, crederemus. Et dum inter edendum nos ambo ipsum ad strenuè edendum, si seruari cuperet, cohortaremur ac laudaremus: respondit, se ideò comedere, quòd cibus sibi placeret, alioquin inaniter nostra iactaturos verba. Fuit nocte illa. Reuerendus pater Canysius in iisdem ædibus, veritus ne Staphyli obitus sequentem lucem præueniret. Quieuit nihilominus ita placidè noster infirmus, ut potuerit seruitio corporis, & consolatione simul animæ carere. Manè cum rectà ascendere



dere dubitarem, fit mihi pater Canysius obuiam, spem meliorem salutis de infirmo afferens: & ex illa hora res in melius statim & continuata serie sunt progressæ.

Expemplum etiam Monardis habet. In malignis, inquit, & Epidemicis febribus, admirabiles sunt eius vires, quia malignitatem tollit, & veneni qualitatem extinguit, quod in primis Medico procurandum est: nam nisi primū ea tollatur, frustranea est omnis cura. Nobili cuidam omnes famuli maligna febre (quā Hispani modorra appellant) correpti fuere: lapidem Bezaar in aquæ pleno cantharo maceravit, de hac aqua omnes ægros bibere iussit, qui deinde à morte liberati sunt. Eam ob causam multi in aqua, quam bibere debent, assiduè hunc lapidem tenent, dum ægri sunt, quia ad tollendam febris malignitatem utilis est, & cor roborat.

Sed insignis etiam efficaciam est hic lapis in febre Cauardete Hispanis dicta, infectis, hoc est, in qua stigmata rubra, pulicum morsus instar per cutim sparsa apparent, præsertim in humeris & musculosis corporis partibus, id autem fit, natura propellente ad externas partes humorem. Itaque initio curandum, ut euacuetur, nō autem intrò reprimatur: quod fiet frictionibus, cucurbitarumque applicatione & alijs remedijs, quæ humorem pereas partes extrahant, per quas natura propellere satagit: epithemata autem non usurpanda,



neque vñctiones, aut aliæ res similes, quæ stig-  
 matum eruptionem præpedire queant. De-  
 inde illicò postquam stigmata apparere in-  
 ciunt, ægro danda sunt ea, quæ venenum  
 tollendi & extinguendi vim habent, mistio-  
 nem sanguinis fugiendo, apparentibus iam  
 stigmatibus, nisi sanguinis copia & plenu-  
 do aliud suadeat. Adversus hunc morbum  
 & malignas febres, valdè vtile, & in multis  
 experienciâ comprobatum medicamentum  
 comperi, Bolum armenum nostratem in ta-  
 bellas cum stillatitio rosarum liquore forma-  
 tum, in omnibus medicamentis exhibitum,  
 quæ æger sumere debebit, atque in cibis qui-  
 bus vtetur, potissimum anno quodam, quo  
 febres acutæ grassatæ sunt, quia illius vsu  
 multi liberati sunt: noster enim hic Bolus  
 parum ab Orientali differt. Sed eius vsus esto  
 in lapidis Bezaar defectu: nam hic omnibus  
 præferendus est. Id expertus sum in nobili  
 quodam viro huius vrbis, maligna febre cor-  
 repto, cum frequente vomitu, animi deliquio  
 alijsque malignæ febris symptomatibus, in  
 cuius humeris exanthemata illa, & stigmata  
 apparebant: sed propinato illi lapide Bezaar  
 cum pauxillo Vnicornu, subito cessarunt  
 symptomata, & meliusculè habere cœpit,  
 quia febris malignitas extincta fuit, quæ tan-  
 ti mali causa erat. Multos præterea enume-  
 merare possum, qui in Hispania quaterdecim  
 ab hinc annis, quibus illo vtī cœpi, illo sum-  
 ptō



ptò à sæuis morbis liberati sunt : vt reuera  
miraculum videatur , lapidem ex animali,  
Ceruo aut Capræ simili, ventre extractum,  
parua quantitate sumptum, ea præstare, quæ  
retulimus: hæc Monardis.

Addere lubet aliam historiam ex Ludo-  
uico Gyon : Dominus Vicecomes de Con-  
born & Nouicastri Dominus, Regis apud Le-  
mouaces locum tenens, retulit se Lutetiæ  
febri pestilenti correptum, ( qua plurimi, &  
quidem cuiusvis conditionis, ætatis, & sexus  
moriebantur, ) & tum cum ab omnibus  
Medicis derelictus esset, consilio Soceri sui  
Marescalli Bironij, lapide Bezaar per dies  
aliquot vsum esse : cuius vsu paruo temporis  
interuallo cōualuerit, & quidem rectius ma-  
gisque alacris, quàm quisvis alius, qui morbo  
hoc correptus fuit, magna cum omnium ad-  
miratione.

Pestem curare & ab ea præseruare, historia  
Ludouici Gyon comprobatur, quæ sic habet.  
In arce Lucensi, quæ apud Lemouicenses est,  
pestis adeò sæuijt, vt horarum vigintiqua-  
tuor spacio tres ea in arce mortui sint : at  
postmodum domesticis reliquis, qui octo-  
decim numero supererant, quotidie manè  
lapidis huius grana duo, in aqua Enulæ Cam-  
panæ, & quidem per dies septem, exhibita  
fuère : à quo tempore nullus obiit, nec qui-  
dem peste correptus : imò plures qui anthra-  
ces & bubones habebant, eodem modo Be-



zoare vtentes, conseruari fuere: verum medicamentis, quæ bubonibus & anthracibus adhibentur, lapidis huius parum admisceatur, necessum est: hæc Guyon. Quare Monardis, plerique pestis tempore huius lapidis fragmentum in ore gestare solent, tum quando à veneno, aut venenosa aliqua materia sibi metuunt. Valdè etiam utilis est aqua, in qua inaceratus est hic lapis, ijs qui pestilente aut maligna febre correpti sunt. Nam (inquit) in nulla re magis manifesta apparet eius efficacia, quàm in peste: Cum enim in Germania pestis valdè grassaretur, quotquot lapidem Bezaar sumpserunt, plurimum illis profuisse, liquidò apparuit. Eius autem factum est periculum in Xenodochio quodam, in quo erant peste correpti: duobus propinatus est lapis, alijs minimè: qui sumpserunt liberati sunt, reliqui duo extincti fuerunt. Tum multis ista lue correptis exhibitus est, quorum nonnulli binos carbunculos, alij tres haberent, qui omnes liberati sunt. Huius exempli testes fuerunt multi magni nominis & nobiles viri, tum etiam pleibei: hæc Monardis.

Veneno infectis, mederi, exemplis nunc docebimus. Brassauolas in prologo eorum, quæ suprâ Mesue antidota scripsit, historiam narrat, quæ Ferrariæ accidit multis veneno infectis: reiecto enim veneno liberatos fuisse



fuisse ait, Vitrioli oleo, & lapide Bezaar sumpto : hæc ex Monardi adposuimus, cum Brassauolæ liber ad manus non fuerit. Sequuntur historiæ tres ex Monarde descriptæ.

Eo tempore Licentiatus Ludouicus de Cueua, vir in sua arte doctus, venenosum quidpiam imprudens sumpserat, atq; illico adeo graua symptomata sunt subsequuta, vt breui moriturus videretur : & licet medicamenta vomitum cientia, Theriaca, aliaque remedia venenis resistentia, illi administrata essent, ad eum accersitus, adeo ægrum deprehendi, vt eius salutis exigua spes esset. Animaduertens autem venenum eius morbi occasionem esse, & quàm inutilia fuissent medicamenta illi exhibita, ipse requisitum iui lapidem Bezaar, quem nullibi reperi, præterquam apud supra memoratam Dominam Mariam Catanno, cui duntaxat interior puluis restabat, sed fortè grana pendens: puluerem ab ipsa acceptum in duabus chartulis reposui, magna lætitia affectus, me remedium ei qui tantoperè indigebat, reperisse: ad eum regressus, magis afflictum reperi, quàm quispiam existinare posset. Illico tria pulueris grana, quæ attuleram chartulæ inuoluta, cum aqua stillatitia buglossi propinaui, atq; intrâ temporis spacium, quo Symbolum Apostolorum ter recitari posset à puluere sumpto, manifestè sympomata, angus



234      CASPARI BAVHINI  
stia, & animi deliquia mitigari & cessare cœ-  
perunt, sic vt sub noctem iam meliusculè ha-  
beret, & liber à mortis periculo, (cui adeò vi-  
cinus fuerat) esset, & postridie sanus appare-  
ret: plurimùm tamē per multos dies afflictus,  
ob prædicta symptomata.

Eodem Licentiato Ludouico de Cueva,  
ad venationem cum nobili viro profecto, ve-  
nus è famulis aquam bibit è lacuna stagnan-  
te valdè corrupta, & venenosis animalibus  
plena, atque statim adeò afflictum se sensit,  
vt loco se mouere nequiret, intumescente  
aluo & reliquo corpore, magnis angustiis  
pressus, & animi deliquis, vomens & sudans,  
vt transfuersim equo impositus, in proxi-  
mum pagum vehēdus esset: adhibitis autem  
quibusdam remediis, datus & lapis Bezaar,  
quem nobilis ille vir gestabat in similes euen-  
tus, fuit autem puluis ille adeò vtilis, vt postri-  
die cum suo hero proficisci posset.

Puella quædam venenosum quidpiam es-  
cit, ex quo subsecuta sunt grauià admodum  
symptomata, qualia inducere solent venena:  
cùm autem medica remedia nihil prodesse-  
nt, auctor fui, vt lapis Bezaar daretur: & statim  
conualuit: hætenùs Morardis.

*lib. de lapid.  
cap. 193.*

Hinc Boetius, asserit, eos qui ab aquæ po-  
tu in qua virulēta animalia versantur, ilicò in-  
tumescere, sumpto bis aut ter isto lapide, quē  
admodum & illos qui venenū hausere, sanari.  
Aduersus quoq; Napelli & Arsenici virus,  
quod



quod truculenter in corpus humanum se-  
uit, vix aliquid præstantius reperi posse,  
idem scribit.

Contrà Napellum valet; in quam rem Hi-  
storias duas subnectam, alteram ex Matthio-  
lo, & alteram ex Claudio Richardo. Cæterùm  
aliter longè se habuerunt symptomata in al-  
tero pariter ad furcam damnato, cui data  
fuit eiusdem Napelli drachma, vt de lapide,  
quem Bezoar appellant Arabes, periculum  
fieret, an huiusce veneni immanitatem ex-  
pugnare posset. Agebat latro annum circiter  
vigefimū septimum, qui epoto lethali phar-  
maco, piperis omnino saporem illi inesse di-  
cebat: Hora subindè peracta, cū vomere  
cœpisset, lapidis illius grana septem ex albo  
meraco data sunt. Verū ab ebibito antido-  
to, variis & acerbissimis symptomatibus ex-  
agitatus est. Euomit enim frequenter bilio-  
sa, porraceo colore. Quendam quoq; veluti  
globum circā vmbilicum se sentire dicebat,  
qui inde superna petens, in supremam & pos-  
tremā capitis partem frigidam auram quan-  
dam diffundebat. Accessit paulò pōst stupor  
quidam paralyti non absimilis, qui sinistri la-  
teris brachium, & crus occupauit, adeò vt  
vix summam manum mouere potuerit, mo-  
tu iam in cœteris partibus extincto. Interim  
non multo pōst tempore, hæc morbi vis, fini-  
stra corporis parte incolumi relicta, in de-  
xtram repentè se contulit, eandemq; simili

a in suis  
comment. in  
Diosc. lib. 4.  
cap. 73. de  
Napello.



modo occupauit. Vagū profecto symptoma hoc fuit, nam cum dextrum brachium is atque tollere potuit, sinistrum non potuit, & e contrā: tandem vtrumque eleuauit. Aiebat quoque vniuersas corporis venas frigesce-re. Non defuerunt Vertigines, quas secutæ sunt cerebri commotiones adeo feruentes, vt aquæ in caldario bullienti similes esse diceret. Accessit quoque oris & oculorum conuulsio, atque acutissimus mandibularum dolor. Quare sæpè manibus affectas illas partes perstringebat, veritus ne exciderent. Forissecus turgentes oculi, liuida facies & nigra labia cernebantur: quin etiam ventris tumor videri poterat, perinde ac hominis aqua intercute laborantis; varia admodum extitit arteriarum pulsatio, & varia quoque mentis perturbatio, pro symptomatum recurrentium acerbitate. Nam iam prorsus de vita desperare, mox in spem se erigere videbatur, modò rationis compos, modò delirans, nunc ploranti, nunc cantanti similis. Aquam frigidam sibi dari potandam, tanto perè appetebat, vt ea subito se liberatum iri confideret. Toto hoc tempore se ter excæcatum, terque in mortis agone colluctatum affirmabat, lingua tamen perpetuò constitit, nullo vnquam symptomate affecta, siquidem nunquam intumuit, nunquam is balbutire auditus est. Cæterum septima post ebibitum Napellum hora, veneni tandem vi ab antidoto extincta,



extincta. omnia euanuere symptomata : arteriæ ad rectâ rediere normam , naturalis reuixit color , & breui quoq; virium constitit robur. Atq; in hunc modum miser ille , magno conflictu atq; certamine periculû superauit.

Historia altera ex Richardo. Primus ex reis , cui Bezoar post venenum oblatus est , fuit ante biennium Pragæ , qui cum per aliquot dies in carcere detentus solo pane atq; aqua fuisset vsus , atq; præcedente nocte prorsus incœnatus , drachma pulueris Napelli fuit oblata. Erat corpus præcedente diætâ valdè præparatum , venæ innanitæ , & meatus omnes aperti , ex quo facillimè veneni vis ad extrema quoque membra distribui potuit. Superuenere accidentia , nempe angustia pectoris , dolor stomachi , oculorum obtenebratio vertiginosa , pulsus immutatus. Cum verò infirmus assereret , ni statim subueniretur , sese penitus deficere ; oblata illi quinque grana remedii in pauco vino sunt : continuo alleviatus est. Paulò post , non sine tamen angustia , euomuit , & benè sperabat. Nihilominus sciebat , materiam circâ stomachum aggregari. Pars posterior capitis & collum dolebant : indè cœpit delirare , & canebat altè in folio quodam lacero. Præterit delirium , recurreruntque alia symptomata , dolores scilicet stomachi , capitis , maxillarum , pectoris , modò vnus , modò alterius iuncturæ. Verùm septem horarum spacio omnes doluere ,



venter intumuit, quasi hydropicus esset. Erāt præcordia cum dolore, & duritie tensa, sensit punitionem in renibus, vrina suppressa, item est vno brachio & præterea crure resolutus. Pulsus sæpè fuit interceptus & febriculofus. Vomuit illo die aliquoties, habuit q; sedes, sed perpetuò de duritie quadam frigida, ac si lapis qdā in stomacho foret, nobis est conquestus.

Ultimò verò, de quo astantes omnes mirati sunt maximè, Ophthalmia quædam hippitudinosa illi superuenit, adeò dolorifica & horrida, vt patiens ipse mori potius, quàm paulò magis cum tali dolore perseverare cuperet. A veneni assumptione per horas quinque ne guttam quidem sumpsit, vt eò certius procederet experimentū. Conquiescere spacio octo horarum hæc omnia: noctu cum voluptate cœniravit, quieteque dormiuit. Manè erat sanissimus, neque membrorum læsio vlla est subsequuta, prout ego quinque vel sex mensiū spacio sum percunctatus. Factus est liber, & etiam à S. Cæs. Maiestate liberaliter donatus.

Contrà Arsenicum historia etiam apud Richardum habetur talis. Altera etiam experientia fuit decima proximi mensis Decembris hñc Viennæ celebrata, in quodam adolescente nondum vigesimum attingente annū. Habitus corporis erat rarus, & quoquo pacto Cachecticus, & à carcere tabefactus. Præcesserat etiam in ipso tenuis diæta, neque nocte



nocte præterita dormierat. Exhibita est illi Arsenici puluerisati drachma semis cum saccharo. Hinc ad horam grana decem Bezoartici lapidis in aqua boraginis sunt ipsi potui data. Sciscitatus postea qualis status ante remedii assumptionem in eo fuisset, dicebat se prius magnam stomachi cum erosione sensisse incendium, fauces ardore quodam detentas: oculos cum vertigine fuisse obtenebratos, non intellexisse loquentes, neque nouisse homines. Epoto verò medicamento, stomachum fuisse ilicò refrigeratum, oculos apertos inquietudines & angustias multas, quas prius inuerso corpore senserat, sublatas. Percontatus an genua dolerent, id asseruit, & cum punctione, quod venenorum ferè omnium proprium esse credo. Paulò post secutus est dolor stomachi, ardor gutturis, & sputum salsum, cui vomitus phlegmatis veneno permixti successit: alleuiatus est parùm, neq; diu moratus, conquestus est de ventris dolore, quare ferreis vinculis è pedib. remotis vnã habuit ferè naturalem sedem, ex qua ventris dolor quieuit. Recurrit verò intra semihoram stomachi dolor nauseatius, ex puit amarum, extremitates sunt refrigeratæ. Dicebat se quasi conuolutũ filum, aut linum in ore stomachi, & œsophago sentire, quæ phlegmatis crassi & vitrei per vomitum excretio est subsecuta. Indè à vexantibus symptomatibus alleuiatus, iterum inquietior fa-



ctus, doluit venter, caput & genua, hypochondria tensa sunt, & vnà cū stomacho intumuerunt, & aliam tunc habuit ventris excretionem. Iterū sensit dolorem ventris cum corporis inquietudine, alius tertio materiam nigram liquidam, & in transeundo comburentem excreuit, adhuc vomitus facilis & exiguus fuit. Duodecima audita (cū circa septimam venenū accepisset) curauit sibi iusculum carnis afferri, de quo ad tria sumpsit cochlearia, ægerrimeq; tunc temporis odorem carnis decoctæ ferebat. Elapsa hora, dūm sitiret, obtuli panem in vino lymphato infusum, non potuit comedere, parū tamen bibit. Verū iam spem certiore de salute concipiebat, de qua prorsus antea desperauerat, omnia pedetentim in tranquilliorē statum sunt reducta. Cænauit nocte commodè & bene dormiuit: manē, cum hominem, quo pacto se haberet, interrogassem, respondit, gans mihi/ quasi diceret, omninò bene, licet hypochondria tensa adhuc & renitentia tactui apparerent, quod symptoma absque alia medicamentorum ope omninò quieuit.

Hinc Monardis: valdè utilis est iis, qui sublimatum, aut corrodens aliquod venenum hauserunt, quia veneni malignitatē, symptomataq; tollit: in corrosionib. tamen conuenientia remedia etiā adiicienda, quia alioqui illis nullius efficaciz esset lapis. Lac in isto casu plurimū commendatur, magna quantitate,



titate, & frequenter ingestum: nam præter  
quam quod admirabile est remediū, in corro-  
dentibus venenis eo vtendū est, quoniā vene-  
num per vomitum expellit, eiusq; malignita-  
tē extinguit: vera enim est antidotus aduer-  
sus corrodentia venena: deinde illo epoto, la-  
pidis pulvis dabitur, aut aliquod ex prædi-  
ctis medicamentis veneno resistentibus.

Aduersus morsum canis rabidi etiam vsur-  
patum, vt sequens historia ex Guilhelmo Fa-  
bricio edocet. *Observ. Chi-  
rurg. obs. 87.*

Anno 1602. 30. Iulij David Willometus  
Paterniacensis adolescens propè cubitū de-  
xtrū à cane rabido vulnus accepit, qui prima  
Augusti ad me venit, primò morsum scalpello  
scarificaui, cucurbitulam cū largiore flamma  
apposui: dein totum brachiu in posca, in qua  
dissoluta erat theriaca, parumq; salis marini,  
abluui: postea cauterio actuali morsum vndiq;  
ac profundè inussi: vulnere imposui gossypiū  
inadefactum aquā vitæ, in qua dissoluta erat  
theriaca: postea emplastrū imposui ex seq. &c.  
Vlcus ad menses tres apertū retinui, singulis  
hebdomadib. per intervalla bis tēve vlceri se-  
quentē in spersi puluer. R. pulueris præcipitati,  
lapid. Bezoardici, pulu. rad. angelicę ana scrus  
pulū vnum: misce. Mirificè enim malignita-  
tem ex profundo ad se attrahit, & veneno ad-  
uersatur pulvis ille. Per os alexipharmaca, ve-  
luti theriacam, mithridatiū, cornu ceruiusti,  
& præparati, & lapidem Bezoardicum propi-

Q.



navi. Sic diuino numine curatus fuit. Eodem tempore huius fratrem ab eodem cane septem in locis morsum, eadem methodo curavi, qui anno post pleuresi correptus, obiit.

Ludouicus Gyon, loc. cit. historiam refert cuiusdam à serpente morfi. Iuuenis quidam nobilis, cum quo lauandi causa stagnum eram ingressus, à serpente in tibia morsus fuit, quem nigrum reddita intumuit: huic Bezoartici lapidis granum quatuor cum pauca aqua rosarum propinata fuisse: vulnere verò granum vnum impositum, hic intra dies duodecim curatus fuit, omnisque dolor & tumor remissere.

Lepram curare idem asserit. Contrà scabiem inueteratam, inquit tineam, herpetem & præ ceteris aduersus lepram confirmatam, medicamentum huic simile non reperitur. Huius rei testimonium perhibere poterit, Ecclesiasticus quidam in Gallia Narbonensi, qui adhuc in vivis est: qui cum animaduertisset, se hoc modo correptum esse, ultra centies manus violentas sibi ipsi inferre, & se de fenestra præcipit dare voluit, nisi fuissent, qui ipsum obseruassent. Verum huius lapidis auxilio, quo per menses tres, quotidie mane sumendo usus est, adhibita tamen bona victus ratione, quæ ipsi præscripta fuit, sanitati restitutus fuit.

Quare omnibus lapidis pretiosis, & unicornis præfert Ryff: & Linscottus & Arthus historico facultate efficaci Unicornu longè superare, cuius rei à longo tempore experimenta firmissima, scribunt.

QVL



QVI HVNC LAPIDEM  
NON MAGNI FACIUNT VNA  
cum Historiis eorum, qui sine  
fructu vfi sunt.

CAPVT XXXVII.

**E**tsi præcedenti capite in lapidis  
Bezoaris commendationem, hi-  
storias varias proposuerimus: nūc  
lubet apponere opiniones eorum,  
qui non tanti fecere, vel alia huic prætulere,  
additis historiis quibusdam, in quibus utilis  
non fuit, initio facto ab Historiis.

Ambrosius Paræus verba faciens de medi- *lib. 20. c. 36*  
camentis iis, quæ sint & dicantur Bezahardi-  
ca, inter cætera hæc habet.

Iactabat superioribus annis coram Carolo  
Rege, tūc apud Claromantes Aluerniæ a-  
gente, huius lapidis aduersum omnia vene-  
na certissimas vires nobilis quidam, petes  
quem ex eo genere vnus erat Hispania im-  
portatus. Quærenti tūc ex me Rege, num  
quid esset Alexiterium, quod contra dele-  
teria omnia pariter æqualiterque valeret,  
Respondi nequaquam id naturam admitte-  
re, &c. (reliqua suprâ adduximus) mox: fa-  
cile verò esse eius rei periculum facere in fa-  
cinorosis crucidamnatis. Placuit Regi con-  
ditio. Adductus est à Latrunculatore co-  
quus, qui ob pelues argenteas duas furto in-

Q. 2.



244 CASPARI BAVHINI  
domini ædibus subductas, patibulo breuī af-  
figendus erat. Rescire tamen ex eo antè Rex  
voluit, num venenū sumere vellet, ea lege, vt  
si Alexiterium, quod vires diuinas contra ve-  
nena omnia habere dicebatur, statim ipsi à  
veneno exhibēdum eum à morte vindicaret,  
vita illi facta testāq; esset. Alacriter aleā istam  
subiturum se respondit coquus, grauiora et-  
iam, non redimendo modo vitæ, sed & in-  
famis mortis vitandæ gratia subiturus. Ergò  
à Pharmacopola, qui tū in officio erat, ex-  
hibitū illi fuit venenū, extemploq; à veneno,  
Hispania aduectum Bezahardicum. Quibus  
ingestis, mox vomere cœpit, & per inferiora,  
multa cum diris torminibus excernere, incla-  
mareq; sibi igne quodam viscera peruri. Itaq;  
aqua sitienti & poscenti oblata est: horam v-  
num post cum bona Latrunculitoris venia  
ad ipsum intromissus, hominem comperio in  
terram prouolutum, manibus, pedibusq; fe-  
ræ modo gradientem, lingua ab ore exerta,  
flammeis oculis, vomiturientem cum frigi-  
dis sudoribus copiosis, sanguine denique per  
aures, nares, os, anum & urethram, manan-  
te. Exhibui hauriendas olei vncias octo, sed  
nihil opis attulit, id enim tardius venit reme-  
dium. Itaque magno cum cruciatu, & vlula-  
tu tandem mortuus est, cū vix septima à  
sumpto veneno hora esset exacta. Cadauer  
præsente Latrunculatore, & quatuor aliis,  
dissecui, cōperiq; ventriculi fundum,  
tanquam



tanquam ab inusto cauterio atrum aridum.  
 que: ex quo intellexi sublimatum ipsi fuisse  
 exhibitum: cuius vim, Bezahardicum Hispani-  
 cum eludere non potuit: Rex id in ignem  
 dari iussit. Hæc Paræus.

Ludouicus Guyon refert. Carolo nono  
 Francorū Regi, dū Molinis esset, lapidem  
 Bezaarticum oblatum, cuius periculum, vo-  
 lente Rege, in duobus, qui mortem ignomi-  
 niosam promeruerant, factum est: quare am-  
 bobus venenum propinatum fuit, sed illo-  
 rum alteri lapidis huius portio data, qui ta-  
 men non secus ac alter, cui lapidis nil fuerat  
 exhibitum, mortuus est. Quare lapis con-  
 fractus fuit, & eum ex massa continua, non  
 verò ex laminis compositum fuisse animad-  
 uersum, idcirco in ignem proiectus fuit: & is  
 qui dono obtulerat, sperans se à Rege insi-  
 gne honorarium reportaturum, nil nisi tru-  
 cem Regis & Reginae matris aspectum  
 accepit.

Hieronymus Brisianus Salodiensis Medis-  
 cus libro de noua Medicina, in quo errores  
 multorum detegit. Donauerat, inquit, vni de  
 nobilioribus Bezoarticum lapillum, quem  
 tanquam Zopyri talētum scrinio credula in-  
 cluserat, postquā verò eius spectandi copiam  
 fecit, fucus detecti. Nā fractus arenulam  
 vitream præ se ferebat, ex qua precarii globu-  
 li, vel sphærulæ constrictioni vestium corporis  
 vsui frequentes, conflari solent. Per similem



gemmam elargitus erat & alteri : facilis enim iactura terreni : huius pura mulier com-  
minutam particulam cuidam familiari de-  
derat potandam , ipse ad eum vocatus , of-  
fendi symptomatibus variis agitatum , num-  
ne ab epoto veneno , est enim læthale vitrum ,  
obiit ille non longum post miser.

Non ergo mirum , si Manlius ad Cratonem  
scribat : quid si istis Abrahami illius Lusita-  
ni mihi hic familiaris sententiam tribus ver-  
bis expressam adiicimus , nempe hunc lapi-  
dem in stomachis caprarum sylvestrium ex  
certa herba nostris regionibus insueta , in  
Persia tantum , & insula dellas Vaccas , Indiam  
versus gigni , & ad pestem hoc ipso facere ,  
quod cor , exacto inde humore melancho-  
lico , corroboret ; nec expellere malum per  
sudorem , & Persas ac Indos bis in anno exi-  
gua eius quantitate assumpta purgari , hæc  
si corollarii vice superioribus addimus , ac  
cum his rursum ea conferantur , quæ à no-  
bis aliàs ad te perscripta sunt , apparebit li-  
quidò quàm isti , non vniuersi tantum inter-  
se , sed singuli etiam secum reipso dissideant.  
Quid verò ego mecum dum ista audiui ?  
discedo incertior , quàm prius , vt Terentia-  
nus ille aiebat . Magna res est clamant o-  
mnes , magna certè , sed certi nihil ; & tamen  
non est nihil , quod tum de hoc lapide , tum  
de terra Lemoia aliisque nonnullis hic com-  
pertis , exiguo scripto , quod nunc est in ma-  
nibus



nibus, possim admonere, nisi tuam audire sententiam potius, quam meam proferre mallet.

Quare Massariæ de febre pestilentiali *a a lib. 7. sue praxeos capite 24.*  
gentis, hæc est sententia: de lapide Bezoar, cornu monocerotis, osse de corde cerui, & reliquis id genus præsidis & pretiosis medicamentis multi mirabilia prædicant, sed ego hætenus, vt libere dicam, tot & tanta miracula non potui obseruare, vnde neque admodum illorum vsu soleo delectari, atq; eò minus, quod non solum sint inuentu difficilia & rariora: sed etiam nonnulli rerum naturalium studiosi & peritiores, ea velint pro maiori parte esse commentitia & fabulosa. Et libro de peste *b lib. 2.* addit, his contrà pestilentiam, atque adeò venena omnia tantas vires plerisque attribuire, vt cæteris non modò simplicibus huiusce facultatis medicamentis, sed ipsi etiam Theriacæ, & alteri cuius antidoto illa præferre non vereantur, quæ tamen omnia à peritioribus pro maiori parte commentitia habentur.

Hinc Valesius *c 4. meth. 21* non multum huic lapidi tribuere videtur, cuius verba adnotare lubet. Vfus & multorum approbatio maximam auctoritatem comparauit inter simplicia lapidi Bezaar, & primùm quidem ei, qui aduehitur ex India: secundùm ei, qui ex America. Inter composita, compositioni celebri ex Hyacinthis. Lapide quidem multi



iiq; prudentissimi attestantur. Mihi verò nullus non est adulterationis suspectissimus: timeo, ne nullus nō sit factitius: multos tamen iuuit, nescio an opinione, sed & hoc debet Medicus vti. His Valesii verbis, Syluaticus hoc addit. Quis quæso Scriptoris huius celeberrimi authoritatem non multi fecerit? præterquam quod doctissimus est, nullusque opinione nostra post Galenum, & Græcos alios scriptores rectius de rebus Medicis scripsit & luculentius: Hispaniarum etiam regis maximi Philippi huius nominis secundi Medicus fuit cubicularius: ad quem Regem tanquam omnium post Salomonem potentissimum, ex suis etiam propriis regionibus, & regnis veri genuinique lapides Bezaar fidelissimè deferri debuissent, & à Medico illius omnium peritissimo probè cognosci: qui tamen tantum hac in re habuit dubium, vt nullum non factitium, se agnouisse, liberè admodum fassus fuerit: hæc Syluaticus. Sic testatur Hercules Saxonia libro suo de febribus, se Venetiis maximam huius copiam consumpsisse, nec egregiam operam sensisse: scire se quidem plurimos quibus exhibuerit, fuisse sanatos, sed id in lapidem non retulisse.

cap. 37.

Et Rulandus qui in suo de Vngarica lue libro cap. sexto, lapidem hunc inter sudorifica alexipharmaca malignitatem pestilentem occyssimè conferentia retulerat, sequenti cap. historia 7.



historia 7. demirandum inquit. Bezoardicum lapidem maximi quidem pretij, minoris tamen efficacitatis, nobilissimo cornu ceruino præferri, eisque laudibus ornari, quæ tribui potius cornu ceruino deberent. I feres, Bezoar non antidotum duntaxat esse, sed & Cardiacum: effectum rarius, pretio summo euidenti, utrumque arguitur verum. Quoties sine ullo fructu Bezoardicus lapis etiam tempestiue, euacuatione ritè prius facta, exhibitus est, isque minimè parca, sed larga manu, nihilo secius defunctis ægris: si tantarum virium est, cur plerosque non iuuat? Dei maledictionem & morbi vim maiorem, quàm ut eo oppugnari queat, obijciendo nihil proficiet: apud plerosque enim quibus administratus est, neutrum habuit locum. Deinde si Cardiacum est Bezoar, aut manifestis aut occultis qualitatibus cor corroborabitur. Si manifestis, ijs quoduis conflatum Cardiacum erit: ergo occultis qualitatibus, quibus nec cornu ceruinum priuabis. Quomodo autem eiusmodi terrestris soboles, qualis est Bezoar aureolus, cor corroborare valeat, maximum est dubium: cum quottidie ijs solum rebus robur afflari cordi obseruamus, quæ laudabilem sanguinem de se promunt, indeque spiritus vitales quantitate qualitateque adaugent. In talem sanguinem vel momentum eius transire Bezoar solum, nemo mortalium probabit: nisi spiritibus cordis robur

Q 5.



ex Bezoar spirantibus stabiliri finxerimus, & languentes spiritus vitales suscitari. Sed quid spirituum in scrupulo dimidio Bezoar omnino *à prois* insidere poterit, si que insident, quid obstat quò minus subito evanescant in auram, in tenuissimum præsertim pollinem contrito lapide? teste magnete & succino, quæ in pulverem contrita, ferrum & paleas non amplius tam expeditè attrahunt, utpote suis priuata spiritibus, quorum ope tractus est factus. Oportebit sanè spiritibus corpusculo minimo inclusis agere, si quam agendi contrà virulentiam est sortitus Bezoar virtutem: corpore ipsomet tam exigua dosi dato, ut longè impar sit resistendæ malignitati per capacissimum disseminatæ corpus: hætenus Rulandus.

*tract. 2. c. 6.*

Quare Thomas Iordanus de pestis Phœnomenis, Lemniam terram præfert: Terram Lemniam, ait, per se & alijs permixtam, tam foelici successu exhiberi quotidie cernimus, ut si mihi optio esset danda, malle lapidem Bezahar, qui Turcicis commercijs Satraparum nunc muneribus frequentior apud nos esse cœpit, excludere, quàm terras medicamentosas è pestilentium antidotorum catalogo extorres reddere.

*pag. 93.*

Non minus eleganter quam verè Syluaticus, facillimum sanè ei qui voluerit, suamet adducta experientia quicquid voluerit de quouis medicamento affirmare: faciant hoc

circum



circumforanei & circulatores, quod Medicos rationales vbique dedecet: faciant & illud, qui medicamentorum vires penitus nesciunt, ea tamen laudare intendunt. Dicant quæso nobis qui talia tantaque de lapide isto affirmant, qua in eo propalando vti fuerint experientia, quomodo cognouerint, illum venena omnia, & morbos omnes venenosos superare. Proferant ad id confirmandum experientiae factae tempus, quibus ea fecerint, quibus venenis vti fuerint, è quibus tandem obseruatis experientiae legibus, negotium absoluerint: statimque vanam, infidam, incertam & mancā eam fuisse is intelliget, qui verae experientiae leges sciuerit. Particulares quosdam euentus adduxerunt, veram & absolutam experientiam minimè constituentes. Ægrotantes plerisque sumpto hoc lapide, sanitatem acquisuisse, affirmant. Sed an alijs simul vti fuerint medicamentis, erat vt animaduernerunt: quia sic non plus huic quam illi medicamento est effectus assignandus. Sed & illud ipse cum alijs nonnullis affirmo, tot tantisque recitatis morbis non venenosis, conuenire minimè posse lapidem hunc, neque ratione, neque experientia id attestantibus: melancholice dico, alijsq; melancholicis morbis: obstructionibus, partui difficili, secundae retentae, menses restrictis pariter & præter modum fluentibus: comitiali morbo, & alijs enumeratis. Sunt horum



252 CASPARI BAVHINI  
morborum calidi aliqui, frigidi alij: attenua-  
tione eget vnus, incrassatione alter: quibus  
quidem contrarijs indicationibus, vna sola  
refrigerandi, & exiccandi facultate manife-  
sta, qua præditus est, satisfacere illum posse,  
nullus qui de rebus Medicis rectè sentiat, af-  
firmabit. Ad occultam proprietatem sese re-  
cipient, scio: & hanc contrarios effectus fa-  
cere posse, affirmabunt. Hos eo inprimis ar-  
gumento redarguere nobis licet, quod non  
à forma lapidis occulta ij effectus proueniūt,  
sed ab ipsius herbæ lapidem producentis rei  
occulta, vt dixit Iosephus Acoſta ex Indo-  
rum mente. Si dixerint herbam illam, & i-  
psam id à proprietate occulta præstare. Di-  
cam ex aduerso, huiusmodi contrarios effe-  
ctus ab occulta proprietate proficiscentes, so-  
la experientia determinari. Ex his qui in ex-  
teris regionibus & Italiæ vicinis de lapide  
isto scripserunt, non omnes vnum & idem te-  
stati sunt. Ex antiquioribus, vnum solum Se-  
rapionem, luculentius & distinctè magis de  
hoc lapide scripsisse, supra admonuimus, nec  
tamen enarratis morbis non venenosis, quod  
conferat, docuisse, ex ipsius verbis cuiq; ma-  
nifestum esse potest. Venenorum tantum &  
venenosorum morborum, sicuti & Rhafis  
meminit: quorum autoritate freti, febribus  
quoque pestilentibus, cum ipsis venenis simi-  
litudinem quandam habentibus, conferre  
illum posse, negare non audemus. Sed ad  
lapi.



lapidem Bezaar Occidentalem siue Peruuia-  
num veniamus.

## DE LAPIDE BEZAAR OCCIDENTALI SIVE Peruuiano.

### CAPVT XXXIIIX.

**C**VM de lapide Bezaar, qui ex India  
Oriē tali adfertur, abunde dictum  
fuerit : nunc de eo, qui ex India  
Occidentali, siue qui ex regno Pe-  
ruu aduehitur, sermonem instituemus : & pri-  
mum locum in quo animalia lapidem hunc  
gestantia viuunt : deinde quæ illa sint, quo-  
modo nominentur, & quæ ipsorum forma sit,  
proposituri sumus.

Locus seu solum natiuum huius animalis,  
sunt montes Peruuiani, Petro de Osma au-  
ctore; illud enim admiratione nō carere scri-  
bit, quod animal hoc per totas Indias non re-  
periatur, præterquam in montibus regni Pe-  
ruuiani : se etenim omnia Moxiocana regna,  
omnes Peruuianas prouincias & regna : pro-  
uincias & insulas Maronnon, Floridam, &  
multas præterea Occidentalium Indiarum  
regiones peragrasse, attamen nusquam quam  
in solis huius regionis montibus conspexisse.

Auctor est Iosephus Acoſta, in omnibus  
animalibus, quæ Peru peculiaria habet, lapi-  
dem hunc reperiri : addit in Prouincia Xau-

*in epist. ad  
Monardem  
cap 75.*

*in hist. sua  
natur. &  
moral. Indiæ  
lib. 4. c. 42.*



xa, & alijs Peru finitimarum Prouincijs, in diuersi generis animalibus, tam feris, quàm cicuris reperiri. Ex quibus sint Guanacos, Pacos, Vicunnas, & Taraguas: quibus caprarum quoddam genus adiungant, quas Cyprist vocent. (Baccius capricerum nominat.) Imò & in regno nouæ Hispaniæ, Ceruos quoque hos lapides promere, quo tamen loco, nec Vicunnas, nec Pacos, nec Taraguas, vñpiam reperire liceat, idem testatur.

*lib. de gem-  
mis cap. 34.*

## FORMA ANIMALIS.

*vide supra  
cap. 17. hæc  
etiam refert  
Boetius li. 2.  
de lapid.  
cap. 192.*

**F**ORMAM animalis Petrus de Osma, his verbis expressit: Animalium genus quoddam in istis montibus frequens inuenimus, valdè simile ijs hircis (nisi quod cornibus orbum sit,) quos in Orientali India reperiri tradis (Monardem intelligit) Russi sunt coloris magna ex parte, & herbas salutiferas depascuntur, quarum magna est copia in montibus, vbi ista animalia degunt: ita fugacia, vt solo tormentorum ferreorum ictu adsequi possimus.

*lib. 4. ca. 40.  
¶ 41.*

Verum cum Iosephus Acosta in sua naturalis Indiæ Occidentalis historia, de prædictis animalibus capitibus duobus egerit, eorumque descriptiones adposuerit, lubet, in Lectoris gratiam, nequid huic tractatui desit, ipsius verba duobus subsequentibus capitibus subiungere.

ijcere.

DIC



# DE VICUNNAS ET TA- RAGVAS IN PERU.

## CAPVT XXXIX.



**V**icunnas præstantissimis, quas Peru habet, Vicunnas sunt & Oues. Vicunnas, feriores sunt: Oues, mansuetæ. Sunt, quibus persuasum est, de his etiam Aristotelem, Plinium, ac cæteros auctores tradidisse, quo loco de Capris egerunt, cum quibus propter agilitatem, & montium amorem facile conferri possint. Sed hæc animalia, ex caprarum genere, neutiquam sunt. Nec enim Vicunnas, cornua caprarum more habent, quas suis Aristoteles assignat. Multò minus capræ sunt Orientales, ex quibus lapis Bezaar demitur. Aut si omnino huius generis censendæ forent, illarum diffusum genus ceruicorum, omnino esse oporteat.

Æqua ratione Vicunnas Peruenfes, non id animal sunt, quod in noua Hispania Bezaar promit: hoc enim ex Ceruorū genere est, cui simile nostro iudicio non in vniuerso orbe reperiatur, nisi in Peru ac Chile finitimis.

Vicūnas capris maiores, vitulis minores colore leonino, sed splendētiore sunt: cornua nō habēt vt in capris & ceruis sunt. Mōtanorum loco gelidissima colunt, Punas dicta: eas nec glacies, nec niues lædunt: imò potius firmat,



256 CASPARI BAVHINI  
reficiuntque? Gregatim oberrant, & miræ  
celeritatis sunt: peregrinantibus tum homi-  
nibus, tum pecoribus occurrentes, festino in  
fugam se dant, cum sint timidissimæ: fugien-  
tes, pullos suos ante se agunt. Hæc an genus  
suum propagent, nulli scitum est: quâ de cau-  
sâ Indiæ Reges, mandato cauerunt, ne fige-  
rentur, aut quouis modo ferirentur: nisi id  
iussu priuato diebus festis liceret. Multi que-  
runtur, Hispanos Indiam ingressos, venatio-  
nibus crebris, harum numerum nimium con-  
fecisse, vnde iam pauciores sint. Venatibus o-  
peram daturi, vno numero tria aut quatuor  
millia virorum congregiuntur, qui montis  
partem insignem ambientes, ex omnibus lo-  
cis in vnum pecudes compellunt, coguntq̃.  
Ex harum medio postea 300 aut 400, quan-  
tum volunt seligunt: cæteras, cum primis fœ-  
mellas, procreandæ sobolis gratia dimittunt.  
Eas tondere quoque consueuerunt, ex lana  
pallia & tegetes texentes, quæ magni æsti-  
mantur. Lana siquidem serici æmula dura-  
tionis longæ est: colorem natium seruat:  
tinctura non variatur. Vestes huiusmodi, in  
calidis aëris constitutionibus perfrigerant,  
& renum comprimis ardorem mulcent. Sed  
& aliò modo adhibeantur, nimirum in lectis.  
Haud pauci, lanâ in genere, pro totius corpo-  
ris sanitate firmanda vtuntur, cuius vires, nō  
inualidas experiuntur. Ex hac confectos te-  
getes podagricos dolores mulcere, aut arcere  
affirmant.

Vicun-



Vicunnae caro proba non est, et si hanc Indi edant, fumoque indurent. Quam verò vim medicam habeat, nostris peregrinationibus didicimus. Nam cum aliquando per montana Peruenſi profecti, vesp̄eri in Tambo seu hospitio diuertissemus, dolor inæſtimabilis oculos nostros inuaſit, tanta crudelitate, ut oculos nobis elisum iri omnino videretur. Quo morbo ij ferè corrip̄i ſolent, qui per aſſiduas niues iter faciunt, nec præter has oculis quicquam diſpiciunt. Nobis ergo cum intenso dolore acriter luſtantibus, fœmina quædam Indica cubile ingreditur, de carne Vicunnae recens captæ, nam vel dum cruor emanabat, aliquid promens iubensque ut oculis imponeremus. Quo factò oculorum ægritudo quaſi in momento deſcuijt, & nos intutum illicò reſtituit. Præter ſupra dictam venatus rationem, Vicunnae alia quoque arte captant, eas in locum tam anguſtum coſgunt, ut emiſſis glandibus aſſequi queant. Ex lineis funiculis plumbi glandem, ſeu maſſam religant: his excuſſis animalium pedes inuoluunt, innectuntque, ne quo fuga proſilire queant. Hoc modo, quot volunt capiunt. Præcipuum quod habent hæc animalia, Bezoar lapis eſt, in iſſis conditus.

Sed & aliud animalis genus TARAGVAS vocant, ferum & iſſum, at pernicitatis maioris, & corporis grandioris: color aduſtior: aures propendulæ: non, ut Vicunnae, gregatim

R



errant, sed singulis pascua solitaria, idq; in locis editioribus. Ex his quoq; Bezoar eruitur, cæteris tum magnitudine, tum viribus præstantior.

## DE PACOS GVANACOS ET OVIBVS PERVANIS.

### CAPVT XL.

**P**ERVANIS nulla res maiori aut vberiori quæstui est, quàm pecudes, cum primis oues ipsis llama dictæ: quibus, vt verè dicā, nihil vnquam vtilius esse possit: vt alantur, sumptu nullo opus est: & tum cibos, tum vestes, incolæ ex hac pecude accipiunt, velut Europæi ab ouibus suis. Præter has commoditates, Indi hanc quoque sentiunt, quod ouibus omnia necessaria ipsis apportantur: quæ tamen vt equi nec sufferrantur, nec frenis incinguntur: his nec auena obijcienda, nam gramine satiantur. Videre tamen hinc est, voluisse Deum, Indis hoc animal & pro oue simul & equo feruire. Cumque populus magna parte pauperrimus esset, suffecto copioso gramine, penuriam hanc Deus ipsis demptam voluit. Llamas autem duorum generum sunt: vnum Pacos, laniferum: alterum lana carens, sed gestandis sarcinis & oneribus aptius. Europæis ouibus maiores, minores vitulis sunt, collo oblongo & camelorum modo porrecto. Quod natura



natura ita statuit, vt erectiori corpori, proceritas colli responderet. In colore variant, nam reperiuntur albæ, nigræ, cæsiæ, variegatæ; Indis Mocomoro dicuntur. Incolæ loci, in sacrificijs olim faciendis, colorem diligenter attendebant, quam anni temporibus & votorum generibus respondere oportuerat.

Pecudis caro esilis quidem, sed durior & tenacior: agni, in cibum delicates: sed horum paucos mactant: earum vsus est, vt lanam, pannis aptam, promant, & onera portent. Lanam detonsam Indi parant, & ex ea pannos textunt, quibus vestiantur. Sed hi crassiores sunt, quos Hauasca nominant: subtiliores & pretiosiores, Cumbi appellantur. Ex his mappas, tegetesque & similia texunt, quæ tum durabilia, tum splendidiora, serici modo micant. Texturæ peculiarem modum adhibent: & Ingæ ad præstantissimos pannos faciendos opifices ingeniosissimos olim adhibebant: textores artificiosissimi in provincia Capachica, apud latum Titicacæ fluuium habitant, &c.

Vniuersum hoc pecudis genus locis frigidis gaudet, in quibus probè augescit, & saginatur. In campestribus æstu facile tabescit, & emoritur: tum pruinis tum glacie per sæpè horridæ oues incedunt, & tamen optimè sanissimeque habent. Lanæ, quæ breuioris sunt, vultum amabilem admodum & iucundum habent: quæ nonnunquam in media via

R. 2



resistantes, erecto collo actores suos & alios quasi admirabundæ longo tempore aspiciunt, aut intuentur, nullo interim vel metus, vel gaudij signo edito: quæ res multis risum excutere possit. Facile tamen terrentur & in pavorem dantur, adeo ut rapida festinatione altissimos sæpè scopulos ascendant. Quod si accidit, ne cum ipsis profugis argētum quoque pereat, sclopetis ex edito præcipitandæ & decutiendæ sunt.

PACOS quin etiam usque adeo ira incandescent interdum, ut cum onere in terrâ procumbentes ab isto loco abigi non possint, etsi fustibus frustulati comminuantur. Hinc in Peru de ijs, qui nullorum monitis aut iussis parere volunt, natum hoc proverbiū est: Hic impacatus est, id est, Pacos æmulatur: quo diſterio reo contumaciam exprobrant. Ergo si quæ fors iratior ita procubuit, tum custodes eius suscitandæ remedium nullum habent aliud, quam ut iuxta Pacos confideant, illis abblandiantur, & quo cum vis verborum lenocinio deliniant, dum sponte sua resurgant: quibus blandimentis terne interdum horæ conficiuntur. Vitio quodam scabiei simile infestari solent, ex quo sæpè moriuntur, &c. Haec  
etenus Acoſta.

DE



DE LOCO, IN ANIMALI,  
IN QVO LAPIS  
hic reperitur.

## CAPVT XLl.

**N**UNC locum in animali, in quo lapides hi reperiuntur, subiiciamus, ex epistola Petri de Osina ad Monardem scripta decimaquinta Iulij anni 1568; nos cum aliquot amicis ad venationem profecti sumus, in huius regionis montes, in eam quinque dies insumpsimus, & aliquot ex ijs animalibus confecimus. Aperto itaque maximo a, & prouectioris ætatis animali, neque in ventriculo, neque in alia parte corporis lapides inuenimus: quo factum est, vt Indicis animalibus similia non esse putaremus: percontati Indi, quos, vt nobis inferuient, deduxeramus, qua corporis parte, lapides hæc animalia haberent: se quicquam de lapidibus scire negabant (vt sunt nobis infestissimi, nec sua secreta nobis innotescere vellent) Indus tamē puer, decem aut duodecim annos natus, cū videret nos tantopere id scire cupere, in animali receptaculum quoddam & veluti marsupium nobis ostēdit, in quod depastas herbas recipiūt, domi postea eas ruminatas in ventriculum traijciunt. Ibi puerum illicō interficere voluerunt Indi, quod nobis id indicasset; eundem tamen postea, nobis

a hæc quoq;  
recitat Syl-  
uaticus tr.  
de lap. Be-  
zaar pag. 82.

R 3



in venatione occupatis, interceperunt, & ut intellexim⁹, sacrificarūt. Indi hos lapides magno habent in pretio, & in Idolorum suorum delubris, quæ Guacas vocant, cum alijs quibusque pretiosissimis offerre solent, veluti auro, argento, gemmis, monilibus, animalibus & pueris. Ex animalis igitur, quod primum secuinus, bursula nouem lapides, eximimus: secuinus & alia huius generis animalia, quæ confeceramus, in quibus omnibus lapides inuenimus, plures aut pauciores, pro animalium ætate.

At Monardes, locum illum, in quo lapides hi generantur, sic expressit: primus illorum obseruator (intellige Petrum de Osina) videre cupiens; quâ ratione in animalibus generarentur, suis ipsemet manibus, eorum animalium Anatomē fecit, & mihi deinde significauit, eos gigni in receptaculo quodam, fasciæ modo cōfecto, & villosa carne constante, duorum palmorum longitudine, & trium ferè vnciarum latitudine, ipsi ventriculo parte interiore, adhærente, alios alijs maiores, & quodam ordine dispositos, vti nodos vestem anteriore parte claudentes. Eo receptaculo aperto, eximuntur lapides, quos isti magna Naturæ Prouidentia ad nostram salutem & nostrorum morborum remedium generari, summa admiratione non caret. Atque vti intelligo, qui ex Orientali India adferuntur, eadem ratione inueniuntur, & eximuntur,

è certo

*hæc etiam  
refert Boe-  
zius lib. 2.  
de lapid.  
cap. 192.*



de certo caprarum genere, quæ magna ex parte ruffæ sunt, vti nostræ. Sic Iosephus Acoſta refert, in ſtomacho & ventre horum animantium (ſcil. in Occidēte) aliquando vnum ſolum, aliquando duos, tres, etiam quatuor reperiri.

## DE LAPIDIS HVIVS MATERIA, ET GENERATIONIS modo.

### CAPVT XLII.

**M**ATERIAM, ex qua lapis hic generatur, breuiſſimè Petrus de Oſina & Monardes propoſuere, dum ex ſalutiferarum herbarum depaſtarum ſucco, ruminatione concreto, generari ſcribunt. At Iosephus Acoſta, generationis modum plenius expreſſit: Indiani ex traditione & relatione ſuorum parentum referūt, in Prouincia Xauxa & in alijs Peruvianis prouincijs, tum herbas multas, tum animalia venenata plurima degere, quæ aquas vnde potent, & gramina ſiue pascua, quæ carpant, & etiam odoratu, contagio ſuo inficere ſoleant. Contrà vero inter herbas illas à naturâ ſingularis quæpiam ibi producta eſt, quæ arcendorum venenorum vim maximam præſtat. Hęc herba ſolius naturæ ſolertiâ, & inſtinctu quodam naturali notiſſima eſt, ipſi Vicinæ & cæteris animalibus, quæ lapidem Bezaar generant, quam herbam auidè deuorant, vt eius auxilio præſeruētur, à virulentia aquarum &



pascuorū : & ex herba hac esitata in ipso-  
 ventriculo lapis hic generatur, qui ab herba  
 hac virtutē omnem, quam contra venena ha-  
 bet, acquirit. Hæc Indorum opinio per viros  
 in regno Peru, experiētia claros detecta fuit:  
 quæ cum ijs conueniūt, quæ à Plinio de capris  
 montanis referuntur, quæ sine omni periculo  
 venenis nutriūtur & pascūtur. Indiani, addit  
 Acoſta, à nobis interrogati, cur verueces, vac-  
 cæ, capræ & vituli Castellanis similes, quæ ani-  
 malia etiā ex Hispania venissent, lapidem Be-  
 zaar non habeāt, cum tamen iisdem in rupib⁹  
 herba hac pascantur. Respondent, se non cre-  
 dere animalia illa, quæ ex regno Castiliæ ad-  
 ducta sunt, hanc herbam deuorare: imò etiam  
 in Ceruis & Damis lapidem Bezaar reperiri.  
 Quod sanè consentit cum eo, quod etiam in  
 noua Hispania lapides Bezaar (quamuis in ea  
 nec Vicunnas, nec Pacos, nec Taraguas, neq;  
 Guanacos sint) in ceruis aliquib. reperiantur:  
 quod & supra peculiari capite monuimus.

*Sylvaticus  
 pag. 89. ea-  
 dem ex Aco-  
 ſta habet.*

Verum, vt idem Acoſta, admiratione di-  
 gnum, hos lapides supra res diuerſas naſci &  
 formari: vt super ligulæ ferramentum, super  
 aciculam, aut feſtucā, ligniue fragmentū, quæ  
 in lapidis centro reperiūtur, quam tamen ob  
 cauſam falſi non ſunt æſtimandi: contingere  
 enim poteſt, vt animal tale quid ſimul cū gra-  
 mine deuorarit, & ſup hæc lapis ſenſim auge-  
 ſcendo circūglobetur & craſſeſcat. Rei admi-  
 rabilis à ſe circa hanc rem obſeruata, hiftoriam  
 addidit:



addidit: duos scilicet in Peru lapides vidisse, in quorum cavitare nucleus Pini Castellani, circa quem conglobatus erat, continebatur, quod omnes in admirationem traxerit, siquidem in toto regno Peru, neque Pinos, neque nucleos Pineos Castellanos vidimus, nisi forte ex Hispania allati fuerint, quæ tamen res mihi extraordinaria videtur.

Ex diuersis autem tunicis aut pelliculis fibi inuicem incumbentibus lapides hi formati & compositi sunt, vt rectè Acoſta. Senſim enim ait Baccius, aggeritur circa feſtucam, laminatim inſtar tunicarum Cœpe, ſic vt lamina priore ſublata, quæ ſequuntur clariores & ſplendidiores, quo vltior progreſſus fit, appareant, quarum nonnullæ exterius ſplendorem auri repræſentant: & Monardes teſtatur ſe aliquot cõminuiſſe, qui ex tenuibus ſplendentibusq; laminis, eodemq; colore conſtabant, quo ii, qui ex India Orientali aduehuntur, atque aut in puluerem aut in granulum, vt illi deſinebant. Sic Cluſius propoſuit: conſtant ex tunicis, ſiue cruſtulis modo craſſioribus, modo tenuioribus alijs alias amplexantibus, politis interdum & ſplendentibus: nonnunquam aliquantulum ſcabris extima præſentim & reliquas complectente, vt in renum & veſicæ calculis videre licet: ſed inueniuntur nonnulli, quorum cruſta exterior, variis locis adeo altè exefa conſpicitur, vt ſecondã appareat tunica, nonnunquã & tertiã.

*Syluaticus, in ea regione Peruana in qua non adſunt Pinei, neq; ad eam ex Hispania ſolèt adferri.*

*cap. 34.*

*in notis c. 34. Monardis.*



## DE HVIVS LAPIDIS

DIFFERENTIIS.

## CAPVT XLIII.



Um lapides hi plurimum inter se differant, partim ratione animalium in quibus reperiuntur, & quidem vel in montosis, vel in planitie pabulum capientibus: partim ratione formæ, magnitudinis, coloris & saporis, has differentias, subnectemus: & primum quomodo ratione animalium differant, exponemus.

cap. 34.

Auctor est Petrus de Osma, sola animalia, quæ in montibus pascuntur, lapides istos præstantes generare: nam quæ in planis pabulum sumunt, quia herbas minus salubres depascuntur, propterea lapides eorum, tametsi utiles, iis, viribus tamen non pollent, quibus ii præditi, qui ab animalibus in montanis degentibus eximuntur. Et Monardes: verum quidem est, eos qui selectioribus notis præditi sunt, quas probatissimi lapides Bezaares obtinere debent, ex animalibus, quæ in montanis degunt eximi oportere: nam qui ex animalibus in planis viventibus educuntur, improbi sunt, nec vlla Medica facultate præditi, quoniam non aluntur iis salutiferis herbis: mox subiungit: sunt etiam selectiores, qui ex animalibus in Persiæ montanis degentibus educun.



educuntur, quam qui ex aliis capris in Malacæ  
 planis & campestribus viventibus : nam il-  
 li eo pretio non habentur, neque eam præ-  
 stantiam & facultates obtinent, quas Persici,  
 quia Malacenses capræ ad lanienam dunta-  
 xat seruantur, cum adeò salutiferas herbas  
 non depascantur, vti quæ in montanis de-  
 gunt. Eadem planè est ratio in Occidentali  
 India; nam quæ in montanis Peru vitâ agunt,  
 selectiores & legitimos lapides & ad medica-  
 menta vtilis habet: quæ verò in campestribus  
 pascuntur, Malacensibus similes sunt, quæ si-  
 mul incedunt & viuunt vti greges, qui ad la-  
 nienam seruantur, ex iis enim multi quidem  
 lapides eximuntur, sed inutiles, quoniam sa-  
 lubres illas herbas montanas non depascun-  
 tur: hæc Monardis. Hic mirari subit Monar-  
 dem, cum is fateatur se omnia ea, quæ lapi-  
 dem Peruvianum concernunt, ex epistola Petri  
 de Osma cognouisse, hicq; omnes quidem v-  
 tiles, sed iis viribus non pollentes asserat: Mo-  
 nardis verò improbos esse, nec vlla Medica  
 facultate præditos pronunciant.

Sed Iosephum Acostam hac de re etiam  
 audiamus: Lapidem qui in Guaxacis siue Ver-  
 uecibus eius regiones & Pachis inueniuntur,  
 plerunq; minores sunt & nigricantes, nec tanti  
 æstimantur, nec in vsu Medico probantur.  
 Verum ex Vicunnis maiores eximuntur, qui  
 cineritii, aut albi aut obscure virentes, hiq;ue  
 optimi censentur. Attamen qui ex Taraguas

*Sylvaticus  
 legit flavos,  
 albos, cine-  
 ritios.*



*Sylu. legit,  
maiori ex  
parte albi,  
flavescentes.*


excinduntur omnium præstantissimi habentur, inter quos satis magni etiam reperiuntur, & communiter albi ad cinereum vergentes: horum laminæ cōmuniter crassiores & densiores, quàm aliorum: hi autem pariter in maribus ac femellis reperiuntur: verùm omnia animalia, apud quæ hi lapides generantur, ruminant, & plerunq; inter niues & in rupibus sua habent pascua. Atq; sicut Peruanos omnes, quicunq; illi fuerint, Orietalibus postposuit, ita eos qui ex noua Hispania deferuntur, Peruanis in opere debiliores esse constituit. Hoc addito, lapidem quemcunq; Bezaar efficaciorē esse in Hispaniis, quàm in regionibus Peruuianis.

Præterea differunt plurimùm inter se, ut idem testatur (& quotidie in Pharmacopoliis notare possumus) magnitudine formâ & colore: quippe quod aliqui solum auellanæ magnitudine & adhuc minores: aliqui nucis quantitate, alii oui colubini instar: alii etiam ouū gallinæ æquent: testatur se aliquos mali arantii magnitudine vidisse. Addit insuper, ex quo lapides hi in pretio esse cœperint, Indos arte conficere cœpisse: hinc multos, quādo lapides hos solito maiores vident, falsos existimare: licet magni & ii quidem præstantissimi reperiantur: & contra parui, qui tamen falsi sint: verum genuinos cognoscendi, ipsam experientiam optimam magistrā esse.

Carolus



LAPIS BEZAAR  
OCCIDENTALIS  
pag. 269.





DE LA  
Carolus C  
tis, scribit, se  
se munere G  
tere pater  
circiter dach  
adferbat, i  
chmas pende  
humiditate,  
chmas pende  
alterum ren  
dum magn  
grum, sed  
minarum f  
tallo velut  
tem, qui vn  
gererat, po  
prella, qua  
sensum de  
etiam lam  
tum tene  
cum drach  
Do. Lud o  
duas voca  
lis cu sem  
ge maio  
terebar  
Ex Ba  
montib  
similes a  
magna l  
aservit



Carolus Clusius in suis ad Monardem notatis, scribit, se ternos eiusmodi lapides habuisse munere Generosi Dn. Francisci Drake, cuius ferè passerini magnitudine, qui dimidiam circiter drachmam pendebant: ille verò alios adseruabat, qui binas atq; etiam plures drachmas pendebant. Subiungit, se apud Ortellium vidisse, qui quinque propemodùm drachmas pendebant; & apud Plantinum binos, alterum renis veruccini forma & propemodùm magnitudine, non eum quidem integrum, sed extrema parte confractum, & laminarum situm ostendentem, atq; in medietullo veluti festucæ fragmentum continentem, qui vnciæ vnius cum semisse, dum integer erat, pondere fuisse potuit: alterum compressa, qua parte ventriculo adhæsit, forma, sensim deinde in tuber assurgente à multis etiam laminis seu tunicis, cum crassioribus, tum tenuioribus contextum, duas vncias cum drachmis duabus & semisse pendentem. Dn. Ludouicus Perezius vnum columellæ duas vncias aut amplius longæ forma, vncialis cū semisse aut maioris ponderis: quo longè maiorem prius acceperat, gallinacei, vt referebant, cuius magnitudine.

Et Baccius refert, ex India Occidentali, & montib. Peruuie hodie Orientalibus non absimiles adferri, cū iis in locis Capriceruorum magna sit copia, ex quibus hic lapis per incolas eruitur: & addit: quamuis dubiū sit, an ex



Oriente alii præter adulterinos adferantur : certū tamen esse quod Occidentales ex prædictis animalibus excindantur: quorum quidam parvam nucem, alii amygdalarum ossa, vel fabam magnitudine sua referant, pro maiori, vel minori ipsorum augmento.

*Ioseph. A-  
costa.*

Forma quoque variant, alii rotūdi, alii ovali, alii lentis forma, & plurium aliarū formarum. Quare Clusius. loco citat. eorum forma nunc orbicularis modo compressa aliquantulū, vel inæqualis modo renis formam exprimens.

*lib. 2. de la-  
pid. cap. 194.*

Colore quoque differunt, Iosepho Acoſta auctore: reperiuntur nigri, albi, cinerei, atrovirentes, alii ac si deaurati essent: & Clusio color nunc nigricans, nunc subcinereus, interdum flavescentes. Ut plurimum, ait Baccius, exterius scabri sunt cum colore viridi, qui in fusco rufescit, quasi partim sanguine, partim humore ab animali relicto, tincti essent: minus tamen maturi, cinerei sunt, & Boetio, Occidentales subcinereum habent colorem, neque ita ut Orientales splendent, crustas enim habent, crassiores & gypseas. Verū siue ad colorem siue ad figuram respiciamus, de bonitate aut subtilitate lapidis, iudicium ferri non potest.

Quos ego vidi Occidentales, maiori ex parte sunt coloris cineritii, cum nigrore aliquo admixto, quia materia horum albidior est, & minus à calore elaborata, idque propter animalium calorem minorem, regionis frigidioris cau-



eris causa. Sic etiā communiter Occidentales, qui albicant maiores sunt & substantiæ minus compactæ, quā in Orientalibus obseruetur: qua de re plenius supra in Orientalis lapidis differentiis, à colore desumptis, egimus.

Quoad saporem, proprium nullum, habet quod ipsum etiam Rhasis Arabs tradit.

## DE LAPIDIS FACULTATIBVS, QUANTITATE & vtendi modo.

### CAPVT XLIV.

**D**E facultate huius lapidis sic Baccius: non desunt, qui dubitent, verum hi lapides easdem facultates cum Orientalibus obtineant, quæ ab Arabum scriptoribus illis assignatæ fuere: quibus respondet, Orientales reuera in hoc genere bonitate reliquos excellere, eò quod in fronte aspectum Solis Orientis obtineant, qui rebus maiorem vigorem & virtutem infundit, respectu Occidentalium, qui resolutis per calorem diei partibus subtilioribus, & alimentalibus, vapores adustiores, minusq; efficaces accipiunt.

Sic Iosephi Acostæ de lapidibus Bezaar iudicium tale est: quod inter hos ii, qui ex India Orientali oliuæ colore adferuntur, primas teneant: secundum ii, qui ex Peru: tertium, qui ex noua Hispania adferuntur. Et Saxonia, eos qui ex Indiis Occidentalibus ad-

*de febr. pestil. cap. 37.*



feruntur, coloris cinerulenti, & Orientalibus multo viliores esse, scribit.

De qualitate huius lapidis, Baccius censuit, temperatis qualitatibus pollere, minusque aliorum lapidum & antidotorum more exficcare, quare hoc remedio secure & citra damnum aliquod nos uti posse. Quem tamen alium potius mouere, quam sudores, *Controv. 93* sunt qui obseruarunt, Syluatico admonente. At Monardes testatur, etiam hunc qui in Peru reperiatur, viribus Orientalibus nequaquam inferiorem esse: quem sequitur Sal-muth, tota Petri de Osma epistola adposita: *in notis in Pancirolli.* quemadmodum & Wittichius in suo tractatu Germanico.

Dosin subiungamus: Aluarus Torres, Baccio referente, grana septem cum vino febre absente, at ea praesente, cum aquae acetosae vncia vna exhibet. At Saxonia. l. c. duplum ponderis respectu Orientalis praebendum, ex aliorum sententia tradit, quia admodum inefficaces sint: addens, quando ex Occidentalibus probus reperietur, grana sex vel octo exhibenda esse. Verum Syluaticus, Peruanus tanquam imbecillioris, paulo plus quam Orientalis, qui valentior sit exhibere iubet: Orientalis vero septem, decem & duodecim grana offerri posse asserit.

QVI.



## QVIBVS IN MORBIS

HVIVS VSVS ESSE

possit.

## CAPIT XLV.

**C**onsultum ducimus de huius lapi- *in hist. me-*  
dis viribus Monardem audire, *dic. simplic.*  
cum nullus quod equidem sciam, *cap. 34.*  
huius medicamenti facultates exi-

mius laudarit, idque historiis multis allatis,  
quibus ostendit plerosq; etiam potentissimos  
viros à peste & morbis pestiferis ac difficili-  
mis, venenisq; liberatos fuisse, quas etiam su-  
pra in lapide Orientali adduximus: nunc ve-  
rò quæ de Occidentali prædicet audiamus.  
Si insignes istius Peruani lapidis facultates,  
omnesq; morbos quos curasse asserunt, qui ex  
ea regione redeunt, hinc enarrare vellent, magnus  
liber de eo scribendus foret. Quapropter ea  
duntaxat proferam, quæ ipse sum expertus  
ut iis maior fides adhibeatur, & intrepide  
lapide uti queant, quando quidem experien-  
tia constet similes facultates possidere.

Noster igitur lapis Bezaar Occidentalis  
insignes facultates obtinet, præsertim in cor-  
dis ægritudinibus, in quibus magnam eorum,  
qui mihi misse fuere partem infumsi felicissi-  
mo successu: sic ut multi Syncope laborantes,  
ea sublata, à morte liberati sint: propinari  
autem debet in ipso paroxysmo; aut, paulo

S



ante, manè ieiuno ventriculo ex aqua rosacea, si febris adsit: si absit, ex aqua florum mali aureæ, in puluerem tritus, ad pondus quatuor grorum singulis vicibus: obseruaui autem in mulieribus præsentius adferre remedium, quam in viris.

Venenæ] La omnis generis venenis, nullum præstantius nouimus remedium: quoniam eos, qui aut venenū hauserūt, aut à virulentis infectis præmorfi fuerant, mirum in modum iuuat. Quia quæ stagnantis potu, in qua virulenta animalia versantur, illicò intumere, sumto isto lapide bis aut ter, sanatos cōspexi (sic Iosephus Acosta huius lapidis vim principem esse, vt venenis & morbis venenosis aduersetur, ex Indorum opinione pronunciauit.

Febres pestilentiales] in pestilentibus febribus, sæpius exhibui, & sanè earū virus extinxit: cuius rei primariā in similibus morbis curam Medicus habere debet: nam licet putrefactio prohibeatur, nisi extinguatur virus: inutilis erit cura: nam illud est, quod hominem iugulat. Similiter si adsint carnis cū rubore eminentiæ, quas Hispani Tauardete appellāt, quæ plerūq; huiusmodi febres comitari solent, Lapis Bezaar Peruanus maximam vim possidet: nam in similibus morbis maiore eorum quos accepi partem absumpsi, plurimiq; felici & miro successu curati sunt. Vel, vt Acosta, in morbo illo epidemico auxilii plurimum tulit in Hispania & Italia, nō verò similiter in Peru.

Febris



Febris quartana] Quartana laborantibus dedit, & licet febrim non tollat, eius tamen aufert symptomata, animi mœrores, anxietates, & cordis affectus, quæ in istis febribus vulgaria sunt, magnamq; ex eius usu utilitatem senferunt.

Melancholici humores] Miros autem effectus præbet in melancholicis humoribus, siue vniuersum corpus, siue eius duntaxat partem, vti caput, occupent: atque in Arabum Lepra, siue Græcorum elephantiasis: item in scabie, prurigine, erysipelate, & reliquis cutis vitiis præsens adfert remedium, quoniam ad ea sananda peculiarem facultatem habet.

Morbi diuturni] In omnibus diuturnis & importunis morbis, magno successu exhibere soleo, præsertim in quibus veneni suspitio est, aut flatus adsunt: nam in similibus peculiarem vim habet: hinc fit, ut plurimum conducat, eius aliquot grana purgantibus medicamentis iniicere: quoniam si medicamentum simplicia quædam venenosa continet, ea corrigit: sin minus, corroborat, & faciliorem deiectionem molitur.

Lumbrici] Aduersus lumbricos & ventris tineas felici successu propinatur hic lapis: eum multis exhibui, præsertim pueris & adolescentibus eo morbo affectis, & vix credibile est, quantum profuerit: solum dare soleo, vel cum sequenti puluere mixtum, hac ratione.

S. 2



Rec. Herbæ lumbricorum, drachmas duas: feminis Santonici, drachmam vnam cornu ceruini vsti, sem. portulacæ & cartinæ, singulorum dimidiam drachmam, lapidis Bezaar Peruani, dimidiam drachmam: reducatur omnia in tenuissimum puluerem, & probè misceantur. Miras facultates obtinet iste puluis, & experimento comprobatum est, multis profuisse: datur mane ieiuno ventriculo ea quantitate, quæ Medico comoda videtur, pro eius ætate, qui sumere debet: co sumpto, duabus horis post aluus clystere confecto ex lacte & saccharo elui debet.

Epilepsia] Infantibus epilepticis datur lapis cum lacte, si adhuc lactent: sin minus sine lacte: in natu maioribus Epilepsia laborantibus etiam cum magna vtilitate exhibetur, per se, aut aliis rebus ad eum morbum accommodis, admixtus.

Breuitè hoc lapide vti solemus, in omnibus diuturnis & difficilibus morbis, in quibus medicamenta vulgaria nihil profuere, eo quæ magna cum vtilitate, aut saltem sine noxa. Hactenus Monardis.

*Sylvaticus  
quoq; pag.  
91. hæc re-  
fert.*

Summatim de huius viribus Petrus de Osmia sic scripsit. Ego qua potui diligentia ab Indis amicis de horum lapidum facultatibus inquisens, intrò sumptos, aut foris impositos mirificè venenis aut toxicis resistere intellexi: cordis affectibus auxiliari: tineas ventris expellere: & eorum puluerem vulneribus sagitta.



agittarum toxico illitarum vtilissimè in-  
 pergi. In summa, hunc lapidem Alexiphar-  
 macum esse, perniciosissimi illius toxici, quo  
 agittas suas illinunt, ad sese mutuò confi-  
 ciendos, atque etiam nos Hispanos, quorum  
 plerique post vehementes cruciatus & furo-  
 res mortui sunt, nullum auxilium inue-  
 nientes: tametsi in sublimato vulneribus in-  
 sperso nonnulli leuamen senserint: verùm si  
 toxico recenti illitæ sagittæ sint, præsen-  
 taneam perniciem adferunt, nec sublima-  
 tum prodest.

Cœpimus iis vti eo ordine, quem in tuo  
 libro docuisti, & aduersus eosdem etiam  
 morbos, in quibus sanandis mirabiles eor-  
 um effectus experti sumus, quos longum  
 esset recensere: quæ omnia tibi accepta re-  
 ferre debent, non modo Hispani, sed etiam  
 vniuersus orbis. Hæc Petrus de Osina in epi-  
 stola à Lima in Peru 26. Decēbris anno 1568.  
 ad Nicolaum Monardem scripta.

Exhibetur autem tritus aut leuigatus cum  
 liquore aliquo, vel vino, vel aceto, vel aqua  
 stillaticia boraginis, buglossæ, aliæque, pro-  
 ut morbi natura postulat & Me-  
 dico visum est.



## DE LAPIDE BEZAAR

EX HISPANIA NOVA.

## CAPVT XLVI.



*a lib. 4. hist.  
Indiæ c. 42.  
b eadē Syl-  
uaticus pag.  
95. allegat.*

Um dictū fuerit de Lapide Be-  
zaar tam Orientali quam Occi-  
dentali, nūc de eo qui ex Hispa-  
nia noua adfertur, paucissimis.  
In noua Hispania lapis hic quo-  
que reperitur, etiā si ea in regione, nec Vicu-  
gnes, nec Pacos, nec Taragues, nec Guanacos  
habeantur, sed solum cerui in quorum aliqui-  
bus Iosepho Acoſta *a* monēte, lapis hic repe-  
ritur. Verūm quemadmodū ipse *b* Peruanos  
omnes, Orientalib. postposuit, ita eos qui ex  
noua Hispania deferūtur, Peruuianis in ope-  
re debiliores cōstituit: Sicq; locum 3. tribuit.

## CONCLUSIO.

Hęc sunt, Lector cādide quę Trinuno Deo  
adiuuāte, de Lapide Bezaar, partim ex variis  
& plurib. auctorib. fideliter & collecta & me-  
thodicē disposita, partim ex propria experi-  
entia & obseruatione in mediū adferre volui,  
quo Medici in eius & electione & administra-  
tione, prudentia summa, summaq; cautio ne  
vtantur, ne vel eo in vitæ ægrotantiū, eorun-  
demq; facultatum, damnum vtantur. Et cum  
Syluatico rogamus, ne auctoritatem magna-  
tū qui lapides hos possident, tanti faciant, ut  
vel in eorū præstantia & auctoritate explo-  
rat da minus sint diligentes, vel etiā pernicio-  
sos re-



reprobare nō vereantur. Verè enim ppos  
 o modo tales reperiantur, nunquā improbabi-  
 mus. Adulationis genus hoc pessimū est, qua  
 in arte nobilissima nihil nocētius, nihil ue ma-  
 gis indignū esse potest: vno enim hoc cōsilio  
 & qui lapides possident & qui eo vrūtur, sub  
 Medici fide grauissimè & fallūtur & lædūtur.  
 Caueant rogamus, ne lapides à mercatorib.  
 oblatos, priusquam diligēter eos probarint,  
 amicitie causa oscitantius cōmendent. Quod  
 si aliqui in lapide tāti momēti iudicando ne-  
 gligentiores fuerint, haud dubiè sæpius lapi-  
 des adulteros probabunt, & veros dānabūt.  
 Quos verò in his lapidibus cōmendandis du-  
 bios esse cōtinget, eos monemus, vt in eorum  
 cōmendatione conscientia suam non fallant,  
 sed potius libere & cādide fateātur, se dubita-  
 re, seq; nihil certi determinare posse. Hæc est  
 illa ingēuitas quā Dux noster & antesignāus  
 Galenus, Medico rationali dignā esse iudica-  
 uit: nos verò Medico Christiano digniorē es-  
 se dicimus. Nā si omnia diligenter conferan-  
 tur, apparebit liquidò, quam isti non vniuersi  
 tantum inter se, sed singuli etiam secum reia  
 pfa dissideant.

F I N I S.

SOLI DEO GLORIA.

 MARONIANVM AVCTO.  
 ris ad Libellum.

*Nunc te stramineum pro tempore fecimus, olim  
 Si factura gregem suppleuerit, aureus ibis.*

S. 4



---

 APPENDIX.

**H**APIDIS Bezaaris naturalis historiâ ad finem perductâ: quod nobis solum propositum erat, nonnulla de Bezoardico artificiali, (ne fortè sint qui nos hæc ignorare existiment) adspargenda supersunt.

Artifices Bezoaris nomen, remedijs nonnullis arte confectis imponunt: quæ autem hoc nomine donantur, vt plurimum variant ratione vel essentialium, vel accidentium quorundam: essentialiū, vel respectu formæ, vel materiæ. Ratione formæ aut externæ, hinc Aquæ bezoardicæ, quæ trito nomine Theriacales vocitantur: vel internæ, hinc prostat Sulphur illud Bezoardicum apud Quercetanum *a*: partim etiam Sales theriacales vel Bezoardici in hanc classẽ referuntur. Vel materiæ (quæ Magisteriorum Bezoardicorum hoc solo nomine nunc vtamur multorum aliorum,



um, quibus vtuntur, non ignori) ra-  
tione differunt, cum materiam suam  
viuentibus animalibus puta serpen-  
tibus vel viperis, quod Bezoardicum  
animale: vel à mineralib. siue metal-  
licis, quod Bezoardicum metallicum  
siue minerale dicitur, mutuuntur: de  
vtroque paucissimis.

## D E B E Z O A R D I C O

## A N I M A L I S.

**P**rimum, quod Bezoardicum ani-  
male vocant, ex Serpentibus seu  
Colubris vulgaribus, vel Viperis con-  
ficiunt, ad aliquam imitationem ve-  
terum, qui è Viperis similia medica-  
menta confecere: cuiusmodi fuere a-  
pud antiquos Sales theriacales, vt a-  
pud Galenum *b*, Aeginetam *c* & Ae-  
tium *d* videre est. Verum cum huius  
medicamenti quod Bezoardicum a-  
nimale vocant, descriptiones variae  
habeantur, duas tantum & quidem  
ex Sennerto *e* adponemus.

I. Recipe Serpentem, excoriato  
mox, exime linguam, cor, hepar: ab-

S. S.



scinde caudam & caput: carnem in olla noua coque, donec caro à vertebri separari possit. Spina torreatur & pulueriletur: torreatur similiter & cor, hepar, lingua, cōtundantur & cū puluere spine misce. Fiat puluis. Nonnulli adhuc in patella ænea super igne amplius torrent, continuo agitando, donec colorem fuscum acquirat: fit inde dosis vna quæ propè est drachmæ vnus,

Ab hac præparatione parum variat Serpentinum, præcipuè Vipera-  
rum Alcohol, cuius præparationem Crollius sic proposuit. Post excoriationem, intestina, caput & cauda auferuntur (pinguedo ab intestinis separata seorsim pro singulari Ophthalmico asseruatur) reliqua caro elota, cum corde & iecore, post lentam exsiccationem siue per se, siue in Balneo Mariæ, in Alcohol redigatur: ac in usu Medico intus præsumpta, Venenum ad cutim propellit, tanquam Theamedes lapis, qui ferrum longè



se expellit. Idem asserit, contra omnia Venena remedium esse tam *Ιερα-  
ταλινόν* quam *προφυλακτικόν*: & hoc medicamento magna pecunia à quibusdam empto cum fiducia uti licere, nec quisquam Medicorum eius usu famam unquā periclitasse, Dosis esse à drachma semis ad drachmā vnam in haustu Vini Maluatici, vel iusculo vini generosi.

II. Alij aliter parant. Recipiunt Serpentes quinque; vel sex viuos, coniiciunt in ollam vitreatam, quam operculo tegunt, quod in medio foramen habet: torreantur ad ignem carbonum lentum, ut omnis pinguedo & humiditas separeretur atque absumatur, nihil tamen comburatur: postea in pulverem redigantur. Pulveris huius Recipe uncias duas, rad. valerianæ, angelicæ, pimpinellæ, rutæ, ana unciam vnā; Sacchari candi albissimi, unciam vnam: fiat pulvis, cuius dosis scrupulus semis.

Hi pulveres hodie apud plurimos in frequēti usu contra venena habentur:



tur: & vt rectè Döringus g nonnulli parem securitatē ac Mithridatio tribuunt, verum ad certum tempus. Nouimus qui pro indubio contra pestem præseruatiuo & curatiuo prædicarūt, magnoq; vendiderūt pretio, quorum tamen aliqui, cum ante biennium apud nos pestis sæuiret, ablatis hominum circiter millibus quatuor, peste correpti, tandem opem nostram implorarunt. Quare rectè Sennertus, neminem temerè his confidere vult, nisi eorum efficaciam experientijs comprobata sciat: quod factū, ait, difficile. Nam quæ in brutis fiunt experientiæ, sæpè fallaces: cum quæ homini sunt venena, non omnia alijs animalibus venena sunt.

Magisterij Bezoardici animalis, Quercetanus h etiam meminit, quod ex puluere Viperarū extrahatur, idq; opera eiusdem menstrui siue sulphuris aut ignis naturæ: quo chemicè caldantur & soluuntur enarratæ viperæ, quæ iam in terræ latibulis à sola balsamica illa virtute, eiusdem falis &



ignis nature, summam Alexiterij vim  
 acquisuerunt. Ope enim horum spi-  
 rituum balsamicorum prædicti ignis  
 nature viperine carnis virtus alexite-  
 rica & bezoardica in infinitâ virium  
 potestatem excrefcit. Vnde etiam ba-  
 sis principalis locus in Theriaca cœ-  
 lesti Quercetani, quæ septem Magi-  
 steria recipit, & inter cætera Magiste-  
 rium Bezoardici animalis, & Magiste-  
 rium Bezoardici mineralis. Hactenus  
 de Bezoardico animalis, nunc paucis  
 quoq; de Bezoardico metallico siue  
 minerali, ex Quercetano & Sênerto.

DE BEZOARDICO ME-  
 TALLICO SIVE MINERALI.

**H**Abentur & Bezoardica minera-  
 lia, quæ à mineralibus, & vi Ale-  
 xipharmaca quam possidere dicuntur,  
 nomen fortiuntur, vt est Antimonium  
 diaphoreticum, quod alijs Antimo-  
 nium vitæ. Essentia antimonij, Mer-  
 curius vitæ, generis nomine Bezoar-  
 dicum minerale: apud Quercetanum  
 dici posset spuma vel remedium



ē spuma duorum draconum natum:  
est & Bezoar metallicum fixum.

Bezoardicum autem minerale,  
quod alij Antimonium diaphoreti-  
cum nomināt, hunc in modum Sen-  
nerto & monente, conficitur: Recipe  
Mercurij sublimati cum vitriolo &  
Salis (vel nitri, vel ammoniaci, vel  
petræ) ana lib. vnam, Antimonij lib.  
tres (alij sumunt partes æquales) te-  
rantur inuicem, & destillentur per re-  
tortam vitream in arena. Liquor seu  
oleum butyri instar, semel rectifice-  
tur: huic oleo guttatim spiritus vi-  
trioli aliquid affundatur: exempli  
gratia vnciæ quatuor (alij etiam A-  
quam regis infundunt) Aqua per a-  
lembicum destilletur, aquæ destilla-  
tæ addatur Aquæ vitrioli recentis  
vncia vna, atque iterum præcipitato  
affundatur, idque tertia vice repeta-  
tur. Præcipitatus hic postea teritur,  
abluitur & ignitur. Verum alij etiam  
Solem addunt: sumunt exempli gra-  
tia ad librum semis, Solis siue auri,  
vnciam



vinciam semis, in aqua regis siue forti  
prius seorsim soluti, atque priori solu-  
tioni affundunt. Aquam omnem ipa-  
cio duorum dierum abstrahunt, vlti-  
timo ignem augment, vt cucurbita par-  
te inferiore incandescat. Quod subli-  
matum fuerit, abijcitur: reliquum  
subflauum & nullius ferè saporis est,  
in crucibulo per dimidiam horam i-  
gniatur. Sunt qui oleo ex Antimo-  
nio, & Mercurij sublimati æqualibus  
partibus destillato affundunt aquam  
calidam & puluerem præcipitatum  
ablutum & exsiccatum ad vsum ser-  
uant, & vti dictum aliqui Mercurium  
vitæ, alij essentiam Antimonij nomi-  
nant. Verum vix (addit Sennertus)  
ob magnam vehementiam eius vñus  
tutus est, cum vltra granum vñum ex-  
hiberi vix possit.

Balsamum Bezoardicum denique  
qui volet apud Libauiu / legat, quod  
ex herbis, radicibus, aromatib<sup>9</sup>, gum-  
matibus, magnis opiatis & oleis si-  
mul ex arte destillatis conficitur.



Sed hic subsistamus, sedulò iuuenes propter conscientiam admonentes, imò propter suorum ægrorum sanitatem rogantes, ne temerè Bezoardica metallica intra corpus exhibeāt, sed potius blandioribus & naturę humane conueniētiōribus, quibus DE I gratia non caremus, vtantur.

a in pharmacia restit. b ii. simpl. medic. in initio.  
 c lib. 7. cap. 11. d tetrab. 4. serm. 1. cap. 97. e in Instit. medic. lib. 5. par. 3. sect. 3. cap. 14. f in sua Basilica  
 g lib. de medicina, sect. 5. clas. 3. cap. 6. h in sua pharm. restit. cap. 23. i in pharm. restit. cap. 23. vbi Bezoardici mineralis proprietates & eiusdem descriptionem metaphoricam proponit, quę admodum de Bezoare metallico quod præstantissimum contra pestem & venena sudorificum statuit, cap. 8. k instit. medic. lib. 5. par. 3. cap. 18.  
 l lib. 2. Alchimie tract. 2. cap. 17. quod est de oleis & balsamis compositis.

F I N I S.



# INDEX RERV.

## A

### FFECTVS

externi quibus Bezaar  
utilis 211

albezahar definitio 6.

singularibus competiti 8

alexipharmacum quid 8.

communeo 42. Galeno  
incognitum 54

Alexipharmaca nec prorsus  
salutaria, nec lethalia 175

Alexipharmacorum genera  
quatuor 7

Alexiterium quid 8. detur  
ne contra omnia dete-  
leria 13

Animal cum cornu 98

Animal quale Bezaar ge-  
nerans 95. eius forma  
96. 254

Animalis Bezaaris locus  
natalitius 100. pellis  
ad concoctionem facit  
198

Animalia Bezaar Occiden-  
tale generantia ubi degat  
253. in montibus vi-  
uentia praestantiores lap.  
generant 266

Animalium bezaar habentium  
differentiae 95

Animi deliquis Bezaar

medetur, historiae duae

222

Apri capti illacrymant 41

Arsenico bezaar medetur

220. eius historia 238

Aspidis lapis in lingua 18

Aurigo a veneno 55

## B

Balsamum Bezoardicum  
229

Baxera arbor 12

Bedazaricae medicinae 8

Bedezahar quae dicantur 7

Bezar radix venenata 12

Bezaard in genere & specie  
consideratio 6

Bezaar Germanicum 67

Bezaar animalis nomen &  
forma 95

Bezaar Orientale cur Occi-  
dentali praefertur 168

Bezaar in cervis & damis  
96

Bezaar omne medicamen-  
tum a morte liberans 10.

in peste parum confert

209. letitia affundit

201

Bezaar veneno determina-  
to conuenit 9. venenis

omnibus medetur 11.

contra venena adpendi-

tur 217. non est uni-

uersale contra omnia

## T



# I N D E X.

venena 219  
 Bezaar metallicus Serapio-  
 nis 25. Raby Moyses &  
 Casalpini 27  
 Bezaar minerale 25. fila-  
 mentis aluminis 27.  
 minerale Saxonie 28  
 Bezaaris propinandi mo-  
 dus Arabibus 83.  
 vires 85  
 Bezard Theriaca dicitur 6  
 Bezoardicum animalis mi-  
 nerale 286  
 Bezoardici animalis ma-  
 gisterium 284  
 Bezoardica medicamenta  
 unde nomen habeant 7  
 Bolus armena est Bezoar 9  
 Boues oua pariunt 66  
 Bugoldalf animal 18  
 Bugoldalf capra 95

## C

**C**ancro vlcerato Bezaar  
 adhibetur 212  
 Capra syluest. 97  
 Capriceruorum copia in  
 Peru in quibus Bezoar  
 269  
 Carbunculo pestifero Be-  
 zaar confert 209  
 Ceruæ in ventriculo lapis  
 62. in vulua 63  
 Cervicapra 97. 112  
 Cervus cornu defodit 52.  
 iuuentutem renouat 39  
 Cervi ætas longæua 36.  
 lacryma vi dicatur 32.

vt lapidescat 34. la-  
 pid. anno centesimo 43.  
 serpentes deuorant 33.  
 & cur 34. partes in  
 medicum vsu 52  
 Cerui in corde lapis 61. qui  
 Bezoari præferendus 62.  
 in ventriculo lapis 63  
 Cerui vermes habent in  
 capite, intestinis, sub lin-  
 gua 37  
 Ceruis torques appositi 36.  
 in ipsis lapis Bezaar 264  
 Coagula omnia sunt Beza-  
 har 10  
 Collectio dura Bezaare cu-  
 ratur 212  
 Conceptum promouens la-  
 pis 63  
 Cordis ægritudinibus Be-  
 zar medetur 273  
 Cornu animalis Bezaar 98  
 Cutis vitijs Bezaar reme-  
 dium 275  
 Cynagrostis 111  
 Cypris capræ genus 254  
 D  
 in Damis lapis Bezoar 264  
 David quid velit per cer-  
 uum fontem desideran-  
 tem 40  
 Doronicum 68

## E

Elephas serpentes extrahit  
 47  
 Epilepticis Bezaar prodest  
 276  
 Exanthematib. Bezaar me-  
 deatur



# I N D E X.

|                             |     |                           |       |
|-----------------------------|-----|---------------------------|-------|
| detur                       | 211 | rantia deuorant           | 263   |
| Experientia in bezaare ali- |     | Historia quibus bezaar    |       |
| quidne possit               | 164 | utilis fuit               | 221   |
| F                           |     | I                         |       |
| Febris maligna remedium     |     | Ilamas duorum generum     |       |
| 69                          |     | 258                       |       |
| Febrem malignam Bezaar      |     | Impetigines bezaar curat  |       |
| curare historiae aliquot    |     | L                         | (211) |
| 227                         |     | Lac in venenis corroden-  |       |
| Febri petechiali bezaar     |     | bus prodest               | 240   |
| prodest 204. eius rei       |     | Lacryma cerui 32. Iobi    |       |
| historia                    | 229 | 117                       |       |
| Febrib. bezaar utilis 202.  |     | Lapis Albezaar 5. 12. Al- |       |
| catarrhosis 203. mali-      |     | bez. animalis             | 93    |
| gnis 203. petechialibus     |     | Lapis Alcheron 23. aspi-  |       |
| 204. pestilentialibus       |     | dis 18. balzahar 5.       |       |
| 274. putridis 202.          |     | Begaar 5. Bezaar 5.       |       |
| quartanis 203. 275          |     | Bedezahar 5. Bezachar 5.  |       |
| in Febribus pestilentialib. |     | draconites 20. Gueriz     |       |
| parum prodest 207           |     | 23. Haraczin 23           |       |
| G                           |     | Malacensis 21. Massa-     |       |
| Galbanum, Bezard &          |     | ium 23. Paxar 18.         |       |
| Bertz                       | 6   | Pazar 42. 93. Theria-     |       |
| Galeno incognitum Alexi-    |     | calis                     | 6     |
| pharmacum commu-            |     | Lapis bezard quid         | 12.   |
| ne                          | 54  | bezaar ab Arabibus        |       |
| Gemma Hyenae                | 46  | inuentus                  | 2     |
| Guanacos                    | 254 | Lapis bezaar quomodo ge-  |       |
| Guancus                     | 95  | neretur 112. in diuer-    |       |
| Guanochi                    | 96  | sis animalibus reperitur  |       |
| H                           |     | 103. in qua parte re-     |       |
| Hager quid                  | 93  | periat 105. unde          |       |
| Hager albedengesif.         | 73. | adferatur                 | 102   |
| albezahar                   | 72  | Lapis bezaar odore caret  |       |
| Hager & Bezaar idem non     |     | 161. quomodo adulte-      |       |
| sunt                        | 94  | retur 138. dentes         |       |
| Herba balestera             | 151 | inficit                   | 147   |
| Herba, quam bezaar gene-    |     | Lapis bezaar suspectus    |       |



# INDEX.

- 248 minoris efficacie  
cornu ceruino 249. ter-  
ra Lemnia 250
- Lapis Bezaar quibus mor-  
bis conueniat 194. qui-  
bus personis 187. quo-  
modo vsurpandus 187.  
solus exhibendus 205. cur  
solus exhibendus 190
- Lapis Bezaar sanitatē con-  
seruat 191. senitū impedit  
192. sudores mouet 192
- Lapis Bezaar quo tempore  
sumi debeat 183. in fe-  
bribus 184. quamdiu  
exhibendus 187
- Lapis Bezaar an sua natu-  
ra sudorem & aluum  
moueat 185
- Lapis Bezaar non curat ni-  
si venenum sit in corpo-  
re 175. vim deleteriam  
continet 176
- Lapis Bezaar vomitoriis  
miscetur 190. purgan-  
tibus additur 191
- Lapis Bezaar ex Hispania  
nona 277
- Lapis Bezaar Occidentalis  
in quibus animalibus  
253. in quo loco anima-  
lis 261. eius materia &  
generationis modus 263  
super varias res forma-  
tur 264. laminas qua-  
les habeat 265. cur ut-  
plurimū cinericeus 270
- Lapis Bezaar Occidentalis  
aluum potius quā sū-  
dore mouet 272. in  
quib. morbis utilis 273
- Lapis Bezaar Peruvianus  
viribus Orientali cur  
inferior 271. non infe-  
rior 272
- Lapis Bezaar in ceruis &  
damnis 264
- Lapis in asino 72. bugolda  
18. bufonis 18. crepandi-  
na 19. ceruinus 32. in  
corde cerui 61. in ceruæ  
ventriculo & intestinis  
61. in equo 71. gagacro-  
meon 33. Kenne 33. 35. in  
vesica fellea 21. 157. in  
vesica fellea bonis 23.  
porcinus 22
- Lapidis Bezaar Arabum  
minat s. descriptio 72.  
differentia 15
- Lapidis Bezaar recene no-  
mina 93. materia 107.  
113. ex venenis & herba  
de pasta 109 generationis  
modus 117. tēpus 118. ca-  
uitati varia inclusa 145
- Lapide Bezaar forma cur  
variant 123. lamina 119.  
cur crassitie differat 120
- Lapidis Bezaar adulteradi  
causa 3. veri notæ 140.  
veri signa coniuncta 167
- Lapid. Bezaar in colore va-  
rietas 124. vnde illa 125.  
magnitudo 127. odor &  
sapor 127. pondus 130.  
pretium 128. 131.  
Lapid.



# I N D E X.

- Lapid. Bezaar magnitudo suspecta* 162. *experimētū in brutis suspectū* 163
- Lapidis Bezaar facultas ab herba dependet* 252. *temperamentū* 170. *pro priate occulta agit* 171
- Lapid. Bezaar quæ pars exhibenda* 183
- Lapid. Bezoar dosis varia* 76. *legitima dosis* 180. *parua cur sit* 178
- Lapid. Bezaar Occidentalis differentie* 266. *ratione coloris & magnitudinis* 268. *formæ & coloris* 270. *sapor* 271
- Lapid. Bezaar Occid. facultas* 271. *qualitas* 272. *doses* 272. *usus* 273
- Lapid. Bezaar ex cerui lacryma descriptio* 50. *usus* 51. *exhibendi modus* 54
- Lapidem Bezaar ceruinum qui agnoscant* 57. *qui dari negent* 59
- Lapid. Bezaar qui non magni faciant* 247. *historie aliquot* 243. *non posse tot diuersis morbis resistere* 251
- Lapides Bezaar an adulterentur* 133. *veros rariss. esse* 133. *cur magnitud. & pondere varient* 130
- Lap. Bezaar Occid. ent. aliquot describuntur* 269
- qui inutiles sint* 267
- Lepra Bezaar medetur* 211. *historia eius* 242
- Lithospermum herba* 116. *in Lue venena Bezaaris usus* 210
- Lumbricos pellit* 275. *puluis* 375
- Lutum diuinum est terra sigillata* 8

## M

- Magisterium Bezoardici animalis* 284
- Medicamentis purgant. occid miscetur* 275
- Medicina Bezaarica quomodo operentur* 172. *media sunt inter corpora & venena* 174. *sanis obsunt* 174
- Melancholæ profuisse Bezaar historie* 222
- in Melancholico humore Occid. utilis* 275
- Mæstis absque causa utilis* 201. *historie eius* 222
- Mineralium distinctio* 26
- Morbi diuturni curati historia* 221
- Morbis omnibus mederi Bezaar* 194. *deploratis prodesse* 195. *diuturnis succurrit* 275. *venenosis* 274
- Morbis quibus medeatur; animi deliquio* 196. *apertui prostrato* 98. *calculo renum* 199. 60-



I N D E X:

line 199. cordis affecti-  
bus 95. cutis vitis 200.  
dysenteriae 199. epilepsie  
195. ictero. 198. lumbrici  
199. melancholicis  
inueteratis 200. mensiu  
obstructionib. 199. par-  
tum faciliat 200. pal-  
pitationi cordis 196. pe-  
ripneumoniae 197. pleu-  
ritidi 197. secundinas  
pellit 200. ventris dolo-  
ri 199. vertigini 195. v-  
teri strangulatu 199  
Morsibus virulentis Be-  
zaar adhibetur 212. hi-  
storia 241

N

Napelli remedium Be-  
zaar 220. historiae  
duae 235  
Nirabri fructus contra ve-  
nena 12. 13.

O

Obstructionibus mederi  
Bezaar historiae 226  
Os de corde cerui 52  
Oues Peruniana pro oue  
ex equo seruiunt 258  
Ouum bouis 66

P

Pachi 96  
Pacos 254. 258. 260.  
à Pacos, prouerbium Im-  
paciatus 260  
Panni varij ex lana ouiu  
Perunian. 259  
Partum facilitatis 56. 69.

historia 226  
Pesti competit lacryma cer-  
ui 55. Bezaar, eius histo-  
riae 231  
in Peste vsurpandus ne Be-  
zaar 206  
Philtra 67  
Pila in capris ouibus 66.  
rupicapra 67. vituli  
ventriculo 64  
Podagram arcet tegetes ex  
lana Vicunnes 256  
Pregnanti phylacterium  
lapis 63  
Puluis contra lumbricos  
375

R

Radicis contra venena de-  
scriptio 115  
Rulandus Bezaar non ma-  
gnificat, autamen pluri-  
mum eo vitur 210.  
248  
Rupicapra pila describitur  
67. vires 68

S

Sal theriacale 282  
Scrophulis vitilis Bezaar  
212  
à Serpente morfi curatio-  
nis historia 242  
Serpentum Alcohol 282  
Serpentum caro vitam pro-  
longat 39  
Sordes oculorum cerui 32.  
41  
Sudor qualis à Bezaaro  
moueat 193  
Taragnas



# INDEX.

|                            |     |                            |                  |     |
|----------------------------|-----|----------------------------|------------------|-----|
| Paraguas 254. descriptio   | 257 | contra Venena Bezaar       | adpensum prodest | 217 |
| Taruca                     | 95  | Venenorum omnium The-      |                  |     |
| Tarughes                   | 96  | riaca                      |                  | 53  |
| Terra Lemnia, Bezaari      |     | Venenis omnibus Bezaar     |                  |     |
| præfertur                  | 250 | resistit 215. 274. quomo-  |                  |     |
| Terra montis Regalis       | 29  | do 214. nō resistere 274.  |                  |     |
| Theriaca Bezaard dicitur   |     | historiæ quibus resistit   |                  |     |
| 6. est cōmune Bezaar       | 9   | 232                        |                  |     |
| Theriaca nomen vnde        | 8.  | Vicugnes                   |                  | 95  |
| nomen compositis con-      |     | Vicunnas 254. descriptio   |                  |     |
| uenit                      | 8   | 255                        |                  |     |
| Thus Scorpionis imagine    |     | Vicunnas lana serico simi- |                  |     |
| quomodo & cur signe-       |     | lis 255. caro oculorum     |                  |     |
| tur                        | 86  | doloribus medetur          |                  | 257 |
| Tophus in iuuenis Pli-     |     | Vituli in ventriculo & in  |                  |     |
| nij                        | 65  | intestinis pila reperta    |                  |     |
|                            |     | describitur                |                  | 64  |
| V                          |     | Ulceribus antiquis Bezaar  |                  |     |
| Variolæ Indis epidemij     |     | utilis                     |                  | 212 |
| 211. illis Bezaar me-      |     | Vomitorijs Bezaar additur  |                  |     |
| detur                      | 211 | 217                        |                  |     |
| Veneno cuiuslibet suum est |     | Vulneribus venenatis Be-   |                  |     |
| specificum Bezaar          | 9   | zaar utilis                |                  | 212 |
| Venena fugans imago        | 87. |                            |                  |     |

# FINIS.



## ERRATA GRAVIORA.

Pag. 5. lin. Bahalzahar pag. 7. li. 23. cui vis p. 14.  
 lin. 6. Bezach r li. 23. lin. de pag. 18. li. 7. dicitur pag.  
 23. lin. 14 eodem modo pag. 25. lib. 2. ca. 46. pag. 32.  
 lin. 21. in oculorum pag. 45. lin. 11. subtrahit p. 48.  
 lin. 2. Salmuth pag. 50. lin. 16. læuitate pag. 55. li. 12.  
 Contestabili pag. 67. lin. vlt. excellentiore, ita vt in  
 conclaue aliquod si reponantur, totum odore  
 suauis repleant. pag. 78. lin. 29. *mm* (Medicus p. 91.  
 lin. 1. hamarach pag. 93 li. 19. Watzar pag. 95. lin. 5.  
 capriceruo pag. 102. lin. 20. Aluo pag. 105. lin. 25.  
 in qua pag. 111. li. 13. Boetius e pag. 112. li. 9. a lin. de  
 lapid. Bezaar & ex eo Fragosus lib. 12. b lin. 4. hist.  
 cap. 42. lin. 29. c lin. 4. hist. Indiæ cap. 42. pag. 94.  
 lin. 11. Wolffio l teste p. 116. lin. 13. in marg. lib. 27.  
 p. 118. lib. 26. captæ, pag. 131. lin. 19. subiiciantur se-  
 quentia. a Ryff. phar. b Salmuth c ex eo Wittich.  
 Ryff. reform. Cæsalp. de metall. d lib. 2. de lap. c. 191.  
 e 2. in Diosc. enarr. 39. f Cæsalp. de met. g lib. 5. di-  
 uers. lect. cap. 13. h Syluatic. pag. 87. i Acoſta, Sal-  
 muth, Ryff. pag. 146. lin. vlt. Acoſta, cc pag. 148. li. 1.  
 Baccii ff lin. 8. Garzias gg, pag. 153. l. 32. *mm* 17. p. 161.  
 lin. 19. eſſe & pag. 180. lin. 19. Vim. pag. 190. lin. 13.  
 Mercurialis h pag. 192. lin. 22. Scillerus pag. 206.  
 lin. 5 huius in peſtis & pag. 211. lin. 6. deberent. pag.  
 226 lin. 13. viſcerum pag. 245. lin. 28. detectus. pag.  
 267. lin. 25. Guanacis.